

R. STY. GENÈVE

2668

U

RICHARD ROUSSAT

AUTEUR

LES ÉLÉMENTS  
D'ASTRONOMIE

U

U

U

RESERVE


U

V


625


PARIS 1553











V. 625

Conserves  
à la gelée fleur

100 V

✓ 625  
DES  
ELEMENTS ET  
PRINCIPES D'ASTRONOMIE, AVEC LES  
*vniverselz iugements*  
*d'icelle.*

Item vn traité tres exquis & recreatif, des Elections  
de chose à faire, ou desirée à faire;

D'auantage, plusieurs Chapitres seruants à l'Astronomie, &  
principalement aux Natiuitex, & pour dresser celestes fi-  
gures, par diuerses manieres.

Le tout de nouveau mis en lumiere, par Richard  
Roussat, Chanoine & Medecin de Langres.

*Ste Genevieve 1734*

Auec priuilege du Roy.

A PARIS.

De l'imprimerie de Nicolas Chrestien Libraire & Imprim-  
eur demourant à Paris en la rue Neuue nostre Dame  
à l'enseigne de l'escu de France.

1552



EXTRAIT DV PRIVILEGE.



L est permis à Nicolas Chrestien, marchand Libraire, & Imprimeur à Paris, d'imprimer, ou faire imprimer, & vendre, le liure des Elements & principes Astronomiques avec les vniuerselz iugemens d'icelle Astronomie. Item vn traité des elections de choses à faire, ou desirées à faire, suyuant icelle avec plusieurs chapitres seruantz à icelle, entre autres aux natiuites & pour dresser celestes figures. Le tout composé par maistre Richard Roussat. Et deffendu à tous autres Imprimeurs & Libraires de ce Royaume, de non Imprimer ne vendre ledit liure sans le consentement dudit Chrestien, iusques à quatre ans, apres la premiere impressiõ d'iceluy. Et ce sur peine de confiscation des liures & d'amende arbitraire comme apert plus amplement par lettres du Roy, sur ce données à Paris, le dernier iour de Septembre. L'an de grace 1555 signées par le conseil, Turpin, & scelées sur simple queue de cire iaune.

Et a esté la premiere impressiõ acheuée le seiziesme d'Apuril.

1552

# Richard Rouf

SAT DE LANGRES AV

bien amy Lecteur.



Et te donne admiratiō, humain Lecteur, si te presente cestuy œuvre, le thresor, & par trop desiré secret de science Astronomique, par moy de nouveau, & n'a gueres traduit, en l'angue maternelle, & vulgaire François, car contraint ce i'ay fait, tant pour acquiescer aux clameurs, & requestes d'aucuns, voire pressé d'iceulx, ausquelz suis par trop obligé, & comme des tresamys. Aussi à ce m'ont incité, & stimulé les bons & vertueux espritz, dediez sans aucuns repos, à honeste, & recreatif labeur, & estude, à iceluy du tout insatiable, desirans de leur naturel, ou nature sçauoir, & en perfection s'exalter: Qui est & suyuant le dit du philosophe, au premier liure de sa Methaphisicque, & d'icelle mesme au douziésme, ou sont telz & semblables motz. *Opus naturæ, est opus intelligentiæ, & perfectionis*, Non pour fascheux espritz, gents mal edifiez, hommes non hommes: lesquelz de iour en iour sinistrement, & en peruers sens, interpretent, commentent, & exposent, (comme simples, & Idiotz) les ditz & escriptz d'autruy. Que (à la mienne volonté) tous telz fussent, sans comparaison plus que Taulpes aueugles, non moins sourds que rochers. D'auantage, me suis enhardy cognoissant que depuis peu de temps, a esté mis en lumiere (& pareille l'angue)  
le iu-

## EPISTRE.

le iugement des natiuitez , & generallyement des choses à celuy iugement requises. Au reste sera ton plaisir, le petit present que ie te fais , mettre souz ta main, comme d'iceluy tutrice : en virilement repoulsant de ton rude bouclier, les assaulx & iniures des par trop dangereuses l'angues Serpentine : te requerant tres affectueusement iceluy , d'un entier & gracieux visage, recevoir voire de telle affection, comme le te presente, sans toutesfois delaisser en derriere, vouloir (si bon te semble) les deffaulx qui s'offriront , benignement (d'une pareille & telle correction comme aux bons amys) excuser & amender. Priant, pour fin de tout, le Createur estre son bon plaisir te inscrire au liure des viuants, & donner fruition de l'eternelle beatitude, avec les bienheureux. Ainsi soit il.

*Fin de l'Epistre.*

# La table du pre-

## MIER LIVRE.

Et premierement.



vcuns preludes & principes necessaires à l'A-  
strologie. fucillet 1

Pour scauoir quelles Planettes par leurs natures  
sont bonnes & mauuaisés. fucil. 5

Pour scauoir quelles planettes sont Masculines ou Feminines,  
Iournales ou Nocturnales. fucil. 7

Pour cognoistre si une planette est en la partie septentriona-  
le, ou Meridionale, par comparaison du zodiac. fucil. 8

Pour scauoir quand Saturne, iupiter, ou Mars, sont Orien-  
taux, ou Occidentaux. fucil. 9

Pour scauoir de Venus & Mercure, quand ilz sont Orien-  
taux, & Occidentaux. fucillet. 9

Pourquoy est l'Alimité en une figure, ou autrement fu. 10

## LA TABLE DV TRAITE

d'Astrologie Iudiciaire.

Premierement.

Pour scauoir des choses en quoy aucun a fiance qu'il en  
sera. Chapitre 1 fucillet. 12

Pour Amours. chapitre. 2 fucil. idem.

Pour amy ié, & pour accordance. chap. 3. fu. 13.

Pour scauoir pour qui & en quel temps le bien, ou le mal  
chapitre. 4. fucil. idem.

Pour scauoir de deux, le bien ou mal qui leur peut aduenir.  
fucillet. idem.

# TABLE.

|  |                             |
|--|-----------------------------|
| Pour aucuns ennemys, estans assiegez deuant une Ville, ou Cité s'ilz auront ce qu'ilz demandent. | chapitre 6. feuil. 14.      |
| Pour Homme qui est hors du pais, scauoir, s'il est mort, ou uif.                                 | chapitre. 7. feuillet idem. |
| Pour uoyes.  | chap. 8. feuillet 15        |
| Pour scauoir que sera d'entrer en aucune Cité, par l'heure qu'on y entre.                        | chapitre. 9. feuil. 16.     |
| Pour scauoir lequel lieu est le meilleur, de celui ou il ua, ou le sien propre.                  | chap 10. feuil. idem.       |
| Pour scauoir de plusieurs qui sont en uoiage, s'ilz reuiendront ou non.                          | chap. 11. feuillet. 17.     |
| Pour un qui ueult estre de la parie d'un de deux, & pour scauoir lequel luy est le meilleur.     | chap. 12. feuil. id.        |
| Pour scauoir d'une Ville, ou Cité, estant assiegée, qu'il en sera & si elle sera prinse ou non.  | chap. 13. feuil. 18         |
| Election pour asscoir Camp deuant une Ville ou Cité.   | fu 22.                      |
| Pour office de roy assauoir si celui qui la demande l'aura ou non.                               | chapitre. 14. feuillet. 23. |
| Pour scauoir combien aucuns seront au seruice du Roy, & en l'office qu'ilz ont dudit Roy.        | chap. 15. fu. 24            |
| Pour scauoir combien le seigneur durera en sa seigneurie.  | chap. 16 feuil. 27.         |
| Pour scauoir si aucun aura seigneurie ou non.  | cha. 17. fu. 28             |
| Election pour mettre accord & amour entre freres, parents & amys.                                | chap. 18 feuil, 29,         |
| Election pour s'accompagner avec aucun & pour y proffiter.                                       | chap. 19. feuil. 30.        |
| Pour scauoir d'aucuns quel ouurage leur est le plus necessaire.                                  | chap. 20. feuil idem.       |
| Pour scauoir combien de temps un seigneur peult estre & demourer en sa seigneurie.               | chap. 21. f4. 32.           |
| Pour scauoir d'un homme estant hors du pais, s'il reuiendra ou non.                              | chap 22. feuil. 33.         |

# TABLE

|  |              |              |
|--|--------------|--------------|
| Pour scauoir de celuy qui est en chemin s'il reuiendra tost ou non.  | chap. 23.    | fuil. 35.    |
| Pour achepter cheualx de guerre par election.  | ch. 24.      | f. 37.       |
| Pour tencons & batallles, & pour scauoir leurs signifiances  | chap. 25.    | fuil. 38.    |
| Pour uendre, ou pour achepter.   | chap. 26.    | fn. 43.      |
| Pour uente & pour achapter.  | chap. 27.    | fu. 44.      |
| Pour scauoir d'aucun qui ueult aller uers un autre, s'il le trouuera, ou non.  | chap. 28.    | fuil. 45.    |
| Pour Cheualiers qui uont pensants se rencontrer pour se battre, ou pour cause de plaid, scauoir s'ilz se trouueront.   | chap. 29.    | fuil. idem.  |
| Pour requerrir chose de communion, qui doit estre faite par commun.  | chap. 30.    | fuil. idē.   |
| Pour scauoir de compaignie & de compaignons.   | chap. 31.    | fuill. idem. |
| Pour scauoir si deux se combateront ou non, en champ cloz, ou autre part.  | chap. 32.    | fuil. 46.    |
| Pour scauoir par question combien de gens ont fait aucun larcin.   | chap. 33.    | fuil. id.    |
| Question radicalle pour scauoir si ceulx de l'hostel ont fait le larcin, ou estrangers.                                | chapit. 34.  | fuil idē     |
| Pour scauoir si le larron est encores en la uille ou place qu'il a fait ledit larcin,                                  | chap. 35.    | fuil. 47.    |
| Pour scauoir l'estat du larron par question.   | ch. 36.      | fuil. idē.   |
| Pour scauoir si celuy qu'on suspeconne est coupable du fait ou larcin  | chap. 37.    | fuil. idem.  |
| Sensuyent les seigneurs d'une chascune triplicité d'un chascun signe & qu'ilz signifient.                              | fuillet. 48. |              |
| Pour scauoir d'un qui uient uers toy pour te donner conseil, si cest pour te deceuoir ou non, & s'il est uray & loyal. | chap. 40.    | fuillet. 49. |
| Pour scauoir si un malade mourra en sa maladie ou s'il guerira.  |              |              |

# TABLE.

|   |                   |                |
|---|-------------------|----------------|
| rira.   | chapitre. 41.     | fuillet. idem. |
| Pour scauoir d'un mariage s'il se fera ou non.                    | ch. 42. fu. 51    |                |
| Pour scauoir d'un qui ua à la guerre, s'il en reuiendra ou non    | chap. 43          | fuillet idem.  |
| Pour scauoir d'aucunes gents qui font batailles lesquelz se       |                   |                |
| ront les victorieux,  | chapitre. 44.     | fuil 52        |
| Pour scauoir d'un qui ua uers un autre s'il le trouuera ou nō.    |                   |                |
| chap. 45  |                   | fuil. 54.      |
| Pour scauoir d'un homme qui est hors du pais, scauoir s'il est    |                   |                |
| mort, ou uif.   | chap. 46.         | fuil. idem.    |
| Pour scauoir quand un Roy part d'une uille, qu'il sera de         |                   |                |
| ceulx qu'il laisse en icelle.                                     | chap. 47.         | fuil. 55.      |
| Pour scauoir d'aucunes lettres, si en icelles y a uerité, ou men  |                   |                |
| songes.   | chap. 48          | fuil. idem.    |
| Pour scauoir dun prisonnier, s'il sera deliuré, ou non.           |                   |                |
| chap. 49.   |                   | fuil. idem.    |
| Pour respondre si on te demande d'un grand nombre de gens         |                   |                |
| qui sont hors, lesquelz uiendront, ou demourerōt.                 | ch. 50. f. id.    |                |
| Pour scauoir si un messager reuient, ou non                       | chap. 51. fu. 56. |                |
| Pour scauoir si le messager uient à l'effect des choses, pour les |                   |                |
| quelles il est enuoyé.  | chap. 52.         | fuil. idem.    |
| Pour scauoir quelle chose est contenue es lettres, & tout par     |                   |                |
| question.   | chap. 53.         | fuil. idem.    |
| Pour scauoir à dire des gents qui uiendront à un festin, &        |                   |                |
| ceulx qui resteront.  | chap. 54.         | fuil. idē      |
| Après sont declarées les significations des maisons chacu         |                   |                |
| ne à par soy. De la premiere.                                     | chap. 55.         | fuil. 57.      |
| Les significations de la deuxiesme maison,                        | fuil.             | idem.          |
| Les significations de la troisieme maison.                        | fuill. idem.      |                |
| Les significations de la quatriesme maison.                       | fuil. 58.         |                |
| Les significations de la cinqiesme maison.                        | fuil. idem.       |                |
| Les significations de la sixiesme maison.                         | fu. idem.         |                |
| Les significations de la septiesme maison.                        | fuil. idem.       |                |

# TABLE.

|  |                       |
|--|-----------------------|
| Les significacions de la huitiesme maison.   | fuell. idem.          |
| Les significacions de la neufiesme maison, qui est maison de la<br>Loy & Voyages.              | fuell. 59.            |
| Les significacions de la maison dixiesme, qui est maison de<br>Royaulme.                       | fuell. idem.          |
| Les significacions de la unxiesme maison qui est maison de<br>Fiance.                          | fuell. idem.          |
| Les significacions de la maison douziesme, maison d'Ennemys<br>fuillet                         | idem.                 |
| De la nature & propriété de Saturne. chapitre. 56. fu. 60                                      |                       |
| De la complexion, nature & propriété de iupiter.   | fu. idem.             |
| De la nature & complexion de Mars.   | fu. idem.             |
| De la nature & propriété du Soleil.  | fuell. 61             |
| De la nature & propriété de Mercure.   | fu. idem.             |
| De la nature de la Lune.   | fuell. idem.          |
| Pour scauoir d'une chose qui est signifiée à l'aduenir sur quel<br>pays ou uille est signifiée | Chapitre. 57. f. 62.  |
| Pour scauoir la pensée du querant, & s'il a plusieurs pensées.<br>chap. 58.                    | fuell. idem.          |
| Pour iuger & scauoir de la santé du corps. cha. 59.  | fuell. id.            |
| Pour scauoir quelle uolūte a celuy qui mēt à toy. ch. 60. f. id.                               |                       |
| Pour trouuer thresors & choses muſſées & cachées.<br>chapitre. 61.                             | fuell. 61.            |
| Pour scauoir si l'on aura tost, ou tard, le don qu'on peult demā-<br>der.                      | chapitre. 62. fu. 67  |
| Pour scauoir si aucun aura filz en ligne ou non. ch. 63. fu. id.                               |                       |
| Pour scauoir si femme enceincte uiedra au terme, & à son<br>profit ou non.                     | chap. 64. fuell. idē. |
| Pour scauoir si une femme enfantera un enfant ou deux.<br>chap. 65.                            | fu. 69.               |
| Pour scauoir en quel temps la fēme enfantera. ch. 66. f. 70                                    |                       |
| Pour scauoir si elle enfantera de nuict, ou de iour. c. 67. f. id.                             |                       |
| Pour scauoir si une femme est enceincte, ou nō. ch. 68. f. idē.                                | idem.                 |

# TABLE.

|   |                |
|---|----------------|
| Pour scauoir si l'époussonné peult guarir ou non.   | Cha. 69.       |
| fueillet.   | 71             |
| Pour scauoir si le personnage qui a donné la poison est hom-<br>me ou femme. Chapitre. 70           | fueil. idem    |
| Pour scauoir d'une femme quand marys elle a eu. Chap. 71.   | idem.          |
| fueillet.   | idem.          |
| Pour scauoir si une femme a eu enfant ou non. Ch. 72 fu. 72   |                |
| Pour scauoir la uerité de la uision du songe. Cha. 73. fu. idē                                      |                |
| Pour scauoir la question du songeant qu'il a uen en son son-<br>ge. Chapitre. 74.                   | fueillet. 73   |
| Pour scauoir si aucune femme a amy qu'elle ayme, ou luy<br>elle. Chapitre. 75                       | fueillet. 74.  |
| Pour scauoir d'aucun la doute qu'il a d'aucune chose qui<br>qui luy auendra. Chapitre. 76           | fueillet. 75   |
| Le iugemēt de celuy qui est mis hors de son lieu. ch. 77. f. 76.                                    |                |
| Pour scauoir si l'on aura rien du Roy, ou si l'on impetrera au-<br>cune chose de luy. Chapitre 78   | fueil. 78      |
| Pour scauoir s'il fait bon acheter heritages ou non.<br>Chapitre. 79                                | fueillet. 30   |
| Pour scauoir qui sont les ennemys sans les nommer,<br>Chapitre. 80                                  | fueillet, idem |
| Pour uengence, & estre uengé de ses ennemys. ch. 81 fu, idē,  |                |
| Pour scauoir a qu'elle heure l'on doit prendre l'ascēdant pour<br>la question demandée, Chapitre 82 | fueillet. 81   |

FIN DE LA PREMIERE

Table.

# La Table du se-

## COND LIVRE.

|   |                        |                             |
|---|------------------------|-----------------------------|
| Des elections   | Chapitre. premier      | fuillet. 1                  |
| Election des commencements des œures, & de leurs significations.      | Chapitre. 2            | fuil. idem                  |
| Elections des signes, & de leurs significations.                      | Cha. 3                 | fu. 7                       |
| Des empeschemens de la Lune.  | Chapitre. 4            | fu. 8                       |
| En participation de toutes choses qui sont entre deux personnes.      | Chapitre. 5            | fuillet idem                |
| Pour faire manifester, & aparoir le larron.                           | chap. 6                | fu. 10                      |
| Des elections des heures.   | chapitre 7             | fuillet idem.               |
| De l'heure du soleil  | fuil idem.             | De l'heure de Venus. fu. 11 |
| De l'heure de Mercure.  | De l'heure de la Lune. | fu. idem                    |
| De l'heure de Saturne.  | De l'heure de Iupiter. | fu. 12                      |
| De l'heure de Mars.   |                        | fuillet idem.               |
| Election pour scauoir quand la chose sera, ou deuera estre.           |                        |                             |
| chapitre 8  |                        | fuillet idem.               |
| Election de gesir avec femme pour engendrer filz.                     | ch. 9                  | f. 15                       |
| Pour faire cheminer secretement & inuisiblement.                      | c. 10                  | f. 16                       |
| De l'entrée de uille pour celuy qui est dehors qui uient de cheminer, | chapitre 11.           | fuil. idem                  |
| Election pour monstrier sa raison au Roy,                             | chapitre 12            | f. 17                       |
| En soy deffendant avec le Roy, & en destruisant un autre,             | chapitre 13            | fuillet idem.               |
| Election pour faire & traiter mariage, ou faire nopces.               |                        |                             |
| chapitre 14.  |                        | fuillet idem.               |
| Election pour acheter armeures & autres semblables.                   |                        |                             |
| chapitre 15   |                        | fuillet 19                  |

# T A B L E.

|   |                        |
|---|------------------------|
| Electiō pour aller contre ses ennemys ou auersaires, ou pour combattre en camp clos.  | chap. 17. f. 19.       |
| Electiō pour acheter aucune chose que ce soit. c. 18. f. 20.  |                        |
| Electiō pour faire quelque chose secrette ou pour la mussier.   | chap. 19. f. 21.       |
| Electiō pour faire bref chemin qui ne dure qu'un iour ou deux.  | chap. 20. f. idem.     |
| Electiō pour metre siege deuant une uille, ou cite, ou Chasteau.  | chap. 21. f. idem.     |
| Electiō pour enuoyer lettres ou messages à aucune personne.   | chap. 22. f. 22.       |
| Electiō pour uestir neufues robes & habitx, aussi pour acheter draps  | chap. 23. f. idem.     |
| Electiō pour aller demourer de maison en autre. c. 24. f. 23  |                        |
| Electiō pour faire fondemens de citez uilles, ou chasteaux & maisons.   | chapitre. 25. f. idem. |
| Electiō pour acheter heritages.   | chapitre. 26. f. 25.   |
| Electiō pour enuoyer messagers.   | chap. 27. f. idem.     |
| Electiō pour escrire lettres.   | chapitre. 28. f. 26.   |
| Autre electiō pour mariages.  | chapitre. 29. f. idem. |
| Electiō pour faire course, ou bataille contre celuy qui s'est rebelle & est moindre de puissance que l'autre. ch. 30. f. 27 |                        |
| Electiō pour faire paix avec ses ennemys, ou trefues. c. 31. f. id  |                        |
| Electiō pour forcer citez, uilles & chasteaux d'ennemys.  | cha. 32. f. 28.        |
| Autre electiō pour poursuivre un fugitif.   | chap. 33. f. idem.     |
| Electiō pour faire uoyages tant loing que pres. c. 34. f. 29.   |                        |
| Electiō pour celuy qui voudra biē tost retourner de son uoyage.   | chapitre. 35. f. 30.   |
| Electiō pour aller sur eue, en Nauires, ou en Bateaulx.   | chapitre. 36. f. 31.   |
| Electiō pour entrer en aucunes offices & dignitez. c. 37. f. 34   |                        |
| Electiō pour recevoir dignité de chancelleries, secretaires, ou de  |                        |

# T A B L E.

|   |  |
|---|--|
| de ceulx qui tiennent liures de contes.   | chap. 38. fueillet. 35                 |
| Election pour aller avec le Roy ou avec autre seigneur sur sa terre ou seigneurie.                  | chap. 39. f. id.                       |
| Election pour celuy qui est avec l'ayde du Roy, s'il voudra destruyre un autre sien auersaire.      | chapitre. 40. fueillet 32.             |
| Election pour aprendre à tenir armes & pour en faire.   | chap. 41. f. id.                       |
| Election des choses qu'on fait pour aquerir bonne renommée  | chap. 42. f. id.                       |
| Election pour accomplir promesses, demandes, & dons.  | cha. 43. f. id.                        |
| Election pour demande amour & amytie.   | chap. 44. fu. 37                       |
| Autre pour eslire heures que le Roy ou autre puisse prendre son ennemy moindre que luy.             | chap. 45. f. i.                        |
| Les Electiōs fondées sur les heures inegales de chacune des planettes, ia deuant declarees & dites. | chap. 46. f. 38.                       |
| De l'heure du soleil,   | De l'heure de Venus, fueillet idem,    |
| De l'heure de Mercure,  | De l'heure de la Lune, fueillet idem   |
| De l'heure de Saturne,  | De l'heure de Iupiter, fueillet 39,    |
| De l'heure de Mars,   | fueillet idem,                         |
| De la partie de Fortune,  | chapit. 47. f. idē,                    |
| De la partie de Sustance,   | chapitre 48, fueillet 36,              |
| Les parties des sept planettes, & comment elles se doiuent proietter,                               | chapit. 49, fu, idē                    |
| Premierement de la partie de la Lune,   | fueillet idē                           |
| De la partie du soleil,   | De la partie de Saturne, f. cil, idē   |
| De la partie de Iupiter,  | De la partie de Mars, fueil, idem      |
| De la partie de Venus,  | De la partie de Mercure, fu, 41        |
| Les parties appartenātes à la premiere maison,  | ch. 50, fu, id.                        |
| De la partie de Duration,   | De la partie de Raison, fu, idē        |
| Les parties appartenātes à la seconde maison,   | fueillet idem,                         |
| De la partie de Sustance,   | De la partie se as cōtrarietē, f. idem |
| De la partie de Collection,   | fueil, idem,                           |
|   | Les                                    |

# T A B L E.

|   |               |
|---|---------------|
| Les parties appartenantes à la troysiesme maison, & premier     |               |
| de la partie des freres,  | fuillet 42    |
| De la partie du nombre des freres,                              | fuillet idē,  |
| De la partie de l'amour des freres,                             | fu idē        |
| Les parties appartenantes à la quatriesme maison, & premier     |               |
| De la partie du pere, De la partie de mort des peres, fu, id,   |               |
| De la partie des grands peres, De la partie de noblesse, f, id, |               |
| De la partie d'heritage, De la partie de labourage des terres   |               |
| De la partie des fins des choses.                               | fuil. idem,   |
| Les parties de la cinqiesme maison, & premier,                  |               |
| De la partie des filz,  | fuillet idē,  |
| De la partie a laquelle y aura un filz seulement, fuillet idē,  |               |
| De la partie des enfans masles,                                 | fuillet 43,   |
| Les parties de la cinqiesme maison, & premier,                  |               |
| De la partie de maladie, De la partie de varlet, fuillet idē,   |               |
| De la partie des prisonniers,                                   | fuillet idem, |
| Les parties de la septiesme maison, & premier,                  |               |
| De la partie de mariage, De la partie de mariage des fēmes      |               |
| De la partie de beauté des femmes,                              | fuillet idem, |
| De la partie de religion & honnesteté des femmes, fuil, idē,    |               |
| De la partie de mariage d'hommes,                               | fuillet idē,  |
| De la partie de l'ocuvre de mariage,                            | fuillet idē,  |
| De la partie de difficulté d'iceluy mariage,                    | fuil, idē,    |
| De la partie des cousins, De la partie de debat                 | fuill 44.     |
| Les parties de la huitiesme maison, De la partie d'occasion,    |               |
| De la partie de la playe qui rue,                               | fuillet idem, |
| De la partie de l'année qu'on doute la mort de l'enfant, fid,   |               |
| De la partie de maladie inseparable, De la partie d'ocupatiō.   |               |
| Les parties de la maison neuuesme, & premier,                   |               |
| De la partie de pelerinage. De la partie du uoyage par eau.     |               |
| De la partie de religiō, De la partie de profōdeur d'entende-   |               |
| ment,   | fuillet idē,  |
| De la partie des richmeurs des hystoires,                       | fuil, 45,     |
| De  |               |

# TABLE.

|   |                      |
|---|----------------------|
| De la partie des rithmeurs.   | fueillet idem,       |
| Les parties de la dixiesme maison, & premier.   |                      |
| De la partie de noblesse de l'enfant.   | fueil idē.           |
| De la partie du royaume. De la partie des disposeurs dudit.   |                      |
| De la partie d'ayde, & de victoire.   | f. idem,             |
| De la partie de ceulx qui sont exaucez de non pourueuz.   | f. id.               |
| De la partie des nobles, De la partie des cheualiers.   | fueil idē            |
| De la partie de royaume, & quel ouurage fera l'enfant.  |                      |
| De la partie de ceulx qui besongnent de la main.  | fu. idē.             |
| De la partie d'acheter & uendre.  | fu. idem             |
| De la partie des œuvres necessaires.  | fueillet 46          |
| De la partie des meres,   | fueil idē.           |
| Les parties de la unzie s <sup>m</sup> e maison & premier, de la partie d'excellence, & noblesse  | fueillet idē.        |
| La partie d'estre aymé entre hommes.  | fu. idē.             |
| La partie de l'honneur de l'enfant. La partie de prosperité.  |                      |
| De la partie de concupiscence. De la partie d'esperance.  |                      |
| De la partie des amys. De la partie d'acord, ou discord.  | f. id.               |
| De la partie de preudhōmie. e la partie de fertilité.   | fu. idē.             |
| De la partie de louange,  | fueillet idē.        |
| Les parties de la douziesme maison, & premier de la partie des ennemys.   | fueillet 47.         |
| De la partie de labour,   | fu. idē              |
| Pour scauoir lesquelz iours de l'an sont esgaulx.   | cha. 51 f. id.       |
| Pour scauoir quand une planette croist de lumineaire & de mouuement, & quand il monte uers son angis, aussi quand il est tardif de mouuement. | chap. 52 fueil. idē  |
| De la discordance, & disordāce des planettes.   | cha. 53 f. 48        |
| Pour scauoir le moyen mouuemēt de la Lune enuers son uray mouuement,  | chapitre 54 fu. id.  |
| De diuision & diuiseur,   | chapitre 55 fu. idē, |
| Pour scauoir l'ascendant d'aucunes citez, uilles, ou chasteaux,   | chapit. 56 f. 49     |

# TABLE.

|  |                                   |
|--|-----------------------------------|
| Pour trouuer le degre ascendant d'aucune natiuité,   | c. 57. f. 48                      |
| Pour scauoir l'heure, & le iour de la conception par le lieu de la Lune estant à la natiuité     | chapitre 58, f. 49.               |
| Pour faire l'Ataxir.   | chap. 59, fucillet, 50.           |
| Pour trouuer l'heure de midy.  | chap. 60. fucillet, 53.           |
| Quand une chose est signifiée à l'auenir peccr scauoir en quel pais on uille c'est,              | chapitre 61. fu. 54.              |
| Pour scauoir la reuolution des natiuitex,  | chap. 62. fu. id.                 |
| s'ensuyuent aucunes parties desquelles l'on use en plusieurs lieux des natiuitex,                | f. eillet 56.                     |
| De la partie des corps maigres, De la partie de Cheualerie,                                      |                                   |
| De la partie de Guerre,  | De la partie d'Engin, fucil. idē. |
| De la partie de perfection.  | De la partie des pensées, f. idē. |
| De la partie de retributiō, De la partie de Bōne œuvre,  | fu. 57.                           |
| Des parties de prosperité:   | fueil. idē.                       |
| S'ensuyuent aucuns bons notables & bien necessaires à scauoir.                                   | fucillet idem.                    |
| Pour bien ordonner les douze maisons du Ciel, & en icelles dresser les figures artificiellement, | chapitre 63. fu. 58               |
| Si tu neulx scauoir l'ascendant & les douze maisons du ciel par nuict.                           | fucillet idē.                     |
| Pour auoir lesdites maisons par autre maniere,   | f. 59.                            |
| Autre maniere pour trouuer & eriger les douze maisons artificielles du Ciel.                     | fueil. idem                       |

FIN DE LA TABLE.

AVCVNS PRELVDES ET  
PRINCIPES NECESSAIRES

à l'Astrologie.

**D**Remierement est à noter, & sçauoir, que  
au Cercle dit Zodiac, sont douze signes,  
ou images, lesquelz signes sont compris  
dedans la largeur & longueur d'iceluy  
Zodiac, dit autrement à cause desditz signes, signi-  
fer. Iceluy contient de largeur douze degrez, à sça-  
uoir six de l'un des costez, & de la ligne qui depart  
le Zodiac en deux parties. Et six degrez de l'autre  
costé d'icelle mesme ligne, dessus laquelle, & par la-  
quelle, le Soleil fait son mouuement sans eslongner  
de ceste aucunement. Icelle est nommée ligne E-  
clypticque. Les autres planettes font leurs circuitz  
& mouuement dessoubz, & à la largeur du cercle  
fusdit : à sçauoir Zodiac, & approchent aucunes-  
fois l'un des costez, & l'autre fois l'autre, sans tou-  
tesfois passer hors de la largeur dudit Zodiac.

Item chascun signe est diuisé en trête parties des-  
ditz degrez, & chascun degré a soixante parties di-  
tes minutes, & chascune minute a soixante parties  
dites secondes, & chascune seconde a soixante par-  
ties dites tierces, & chascune tierce a soixante par-  
ties dites quartes, & ainsi des autres fractions suy-  
uantes. Les douze signes cy dessoubz sont: Aries,  
Taurus, Gemini, Cancer, Leo, Virgo, Libra, Scor-  
pius, Sagittarius, Capricornus, Aquarius, Pisces.  
Et se doiuent tousiours iceulx cōpter, soit en com-  
mençant à Aries (qui est le premier) ou à vn des au-  
tres suyuant par ordre, ou comme succede en en-  
suyuant par ordre l'un l'autre.

B

Item

Item signes oposites font: Aries, & Libra, Taurus, & Scorpius, Gemini, & Sagittarius, Cancer, & Capricornus, Leo, & Aquarius, Virgo, & Pisces.

Item cōuient sçauoir les manieres des aspectz ou regards qui sont cinq : A sçauoir oposition conjunction, tiers regard, quart regard, & sextil regard. Oposition est dite, quand deux planettes sont en deux signes oposites, exemple. Si l'une des planettes est en Aries, & l'autre en Libra, adoncques telles d'eux planettes sont oposites l'une à l'autre, presupposé qu'elles soyent neātmoins en pareil degré, comme par exemple. Si c'estoit au cinquième degré d'Aries, & l'autre fust au sixième de Libra. Conjunction est dite quand deux planettes sont en vn signe & vn mesme degré d'iceluy signe, exemple. Si deux planettes estoient au sixième degré de Taurus, ou en vn autre degré d'iceluy Taurus. Tiers aspect, ou regard, est quand il y a d'une planette à l'autre, quatre signes accomplis, qui sont six vingtz degrez. Quart regard, est apelé, quand il y a d'une planette à l'autre trois signes acōplis, qui sont quatre vingtz & dix degrez. Sextil aspect, ou regard, est dit quand il y a d'une planette à l'autre deux signes accomplis, qui sont soixante degrez.

Item fault sçauoir que chascun degré que la Lune fait, vault deux heures de noz horologes.

Item en la partie des Images deuers, ou du costé de midy, sont escriptz (comme desia à esté dit) au Zodiac, les douze signes de dedans, auquel Zodiac, en tirant deuers le centre, sont compris plusieurs Images. Et quand les liures des iugemens font mention d'aucunes d'icelles, conuient regarder en icelle partie, & au signe auquel la planette  
sera

fera, dequoy le liure des Iugements parlera.

Item les douze signes, ont quatre natures distinctes, selon les quatre cōplexions, sçauoir nature de Feu, nature de Terre, nature d'Eau, & nature d'Air. Et audit Zodiac, sont trois signes de chascune nature, cōme par exemple. Tous les signes qui sont tiers regard, ou tiers aspect, ensemble sont de mesme nature d'une triplicité, comme Aries, Leo, & Sagittarius, sont une triplicité, qui est de nature de Feu, chaulde & seiche. Taurus, Virgo, & Capricornus, sont une autre triplicité de nature de Terre, froide & seiche. Gemini, Libra, & Aquarius, sont autre triplicité, laquelle est de nature d'Air, chaulde, & humide. Cancer, Scorpius, & Pisces, autre triplicité, laquelle est de nature d'Eau, froide & moyte.

Item est à sçauoir, que *Caput Draconis*, & *Cauda Draconis*, ne sont autre chose, sinon tant seulement la trenchée diuision & interfection des deux cercles: A sçauoir du cercle de dessus, par lequel le Soleil se meut, & chemine, & du cercle de la Lune. Et ou le cercle de la Lune trêche, & interfecque le cercle du Soleil, en allant du costé de Septentrion, ce est dit: *Caput Draconis*. Et la trenchure ou interfection oposite, ou la Lune passe en allant vers mydy, est apelée: *Cauda Draconis*.

Item est à sçauoir, que les douze signes montent en vingt quatre heures: Et par ainfi, chascun signe monte en deux heures ou enuiron, & l'un en plus de temps, & l'autre en moins, selon la diuersité des pays. Et ce fait pour l'obliquité du cercle des signes dudit Zodiac, comme clairement l'on voit en l'Astralabe, en dressant ou faisant les douze maisons.

PRELVDES NECESSAIRES

Item est à noter, quand les planettes reculent, & vont hors leur petit epicicle, à l'encôtre des signes, & degrez passez, elles sont retrogrades, iusques autant qu'elles yront avec les signes, laquelle chose se peult facilement veoir par l'Almanach, exemple. Saturne estoit pour quelque iour au dix huictiesme degré de Capricorne, & le lendemain seroit au dixseptiesme degré du mesme signe de Capricorne. Adonc Saturne seroit retrograde: car il va contre l'ordonnance des signes, & degrez passez.

Item vient à sçauoir, que les regards que la Lune fait depuis la coniunction, iusques à l'oposition du Soleil, sont apelez regards dextres, & tous autres regards faitz depuis la susdite oposition en arriere, iusques à la coniunction du Soleil à ladite Lune, sont ditz fenestres.

Item conuient sçauoir que tous regards que la Lune fait avec aucunes des autres planettes, ou plusieurs d'icelles deuant l'oposition d'elle à icelles planettes, ou icelles sont apellées dextres. Et depuis l'oposition d'iceluy, ou d'icelle mesme planette, iusques à la coniunction, avec la Lune. Tous regards, ou aspectz qui soyent, sont fenestres.

Item pour le mouuement des planettes, vient à entédre que Saturne fait vne fois en trente ans son mouuement & circuit par les douzes signes. Iupiter en douze ans. Mars en deux ans, ou enuiron. Sol le fait en vn an. La Lune, fait le sien par lesditz douze signes en vn moys.

Item est à noter que chascune des planettes à deux signes pour maison, excepté le Soleil, & la Lune, qui n'ont chascun qu'une maison. Les maisons de Saturne, sont Aquarius, & Capricornus. Les maisons de

sons de Iupiter sont, Sagittarius, & Pisces. Les maisons de Mars, sont Scorpius, & Aries. La maison du Soleil, est Leo. Les maisons de Venus, sont Libra, & Taurus. Les maisons de Mercure, sont Virgo, & Gemini. La maison de la Lune, est Cancer. Et quand vne des planettes est en vne de ses maisons appartenant à luy, est semblable à l'homme, qui est en sa pleine puissance, & à chascune planette, quand elle est en sa maison, cinq forces. Et quand vne planette est en signe oposite de sa maison, il est adonc foible, & est apelé estre en sa cheute. Comme par exemple. Aries est vne des maisons à Mars, & pour ce quand il est en Aries, il est fort, & à cinq forces. Et quand il est en Libra, qui est signe oposite d'Aries, il est foible: car il est en sa cheute, & n'a point de force.

Item est à cōsiderer apres, que chascune des planettes a vn signe, ou elle est exaulcée: c'est à sçauoir ou il y a grande puissance, & force, nompas si grande comme à vne de ses maisons: Car de par sa maison elle a cinq forces, comme par auāt est dit. Et de par le signe de son exaulcement ne ayt que quatre forces. Et Saturne est exaulcé en Libra, Iupiter, en Cancer. Mars, en Capricornus. Le Soleil, en Aries. Venus, en pisces. Mercure, en Virgo. La Lune, en Taurus. La teste du Dragon, au signe de Gemini. Et la queuë du Dragon, en Sagittarius. Et quand vne des planettes est en vn signe oposite de son exaucement, elle est en sa cheute bien foible, & sans puissance.

Item quand vne planette est en sa ioye, elle a aucunement force, toutesfois, nompas tant de force, cōme si elle estoit en sa maison, ou en son exaulce-

## PRELVDES NECESSAIRES

ment. Et quand vne planette est en vn signe ou elle n'a point de cognoissance ou puissance, est apelee Pelerin: car elle est en vn lieu estrange à elle.

Item est à considerer, que les planettes peuuent estre fortunées & bonnes, & pareillement infortunées, mauuaises, & foybles en maintes manieres. Premièrement la planette est infortunée, & mauuaise, quand elle est es regards des planettes mauuaises: C'est à sçauoir en leur coniunction, ou opposition, ou quart regard. Et les planettes mauuaises par nature, sont Saturne, & Mars. Pareillement est la queuë du Dragon mauuaise: Semblablement l'opposition, la coniunction, le quart regard du Soleil, sont mauuais, comme en sera cy apres déclaré.

Itē vne planette est mauuaise & infortunée, quād elle est es termes de Saturne, ou de Mars pareillement. Et la planette infortunée & mauuaise, quād elle est es degrez qu'on apelle fumeux, ou tenebreux, ou degrez qu'on apelle *Putei*, ou degré qu'on apelle *Azemena*. Et les termes de chascune des planettes, & les degrez fumeux ou tenebreux, ou *Azemena*, ou *Puteus*, ou huictiesme des degrez seront cy apres declarez.

Item infortunée & mauuaise, est vne planette, quand vne planette mauuaise est au dixiesme, ou douziesme signe au deuant de luy: cōme par exemple. Si Iupiter estoit au commencement de Sagittarius, & Saturne au commencement de Virgo. En ces cas Iupiter est infortuné par Saturne, pource qu'il est au dixiesme signe deuant luy.

Item la planette est infortunée & mauuaise, quād elle part d'une planette mauuaise, ou de plusieurs par coniunction, ou opposition au quart regard, &  
s'en va

s'en va deuers vne autre mauuaife & infortunée, ou deuers plusieurs à sa coniunction, ou opposition au quart regard.

Item les trois planettes qui sont au dessus du Soleil, qui sont Saturne, Iupiter, & Mars, sont foybles mauuais & infortunez, quand ilz sont Occidentaux, à comparaisson du Soleil: C'est à dire quand le Soleil va deuers eulx: car adonc le Soleil leurs oste la puissance, & les fait foybles: Mais Venus, & Mercure sont foybles infortunez & mauuais quand ilz sont Orientaux: car adonc ilz vont par deuers le Soleil, & se metent dessoubz les raiz.

Item la planette est mauuaife & infortunée, quād elle est assiegée par deux planettes mauuaises & infortunées: cōme par exemple. Si Iupiter estoit au seiziesme degré d'Aries, & Mars seroit à la fin d'Aries, & Saturne, au premier degré, ou en autre degré deuers le commencement d'Aries, adonc Iupiter est assiegé infortuné, mauuais & foyble en sa bonté: Mais quand Venus, ou le Soleil, regarde d'un trin, ou d'un sext regard la planette assiegée: adonques les mauuaises qui tiennent le siege, ne peuuent nuyre à celuy qui est assiegé. Et semblablement, quād la teste du Dragon est conioincte avec la planette assiegée en un mesme degré, il oste le mal de ceulx qui tiennent le siege.

Item la planette est infortunée & mauuaife, quād elle entre es regards du Soleil. Et Saturne, ou Iupiter sont ars des raiz du Soleil, quād il y en entre un d'eulx, & le Soleil par deuant, ou par derriere dix degrez. Et Mars, est ars au quinziesme degré pres du Soleil: C'est à sçauoir, quand le Soleil vient vers luy, au dixneufiesme degré, quand le Soleil part

B iiii de luy,

PRELVDES NECESSAIRES

de luy, & le laisse derriere luy. Et est arse la Lune, au douziesme degre deuant le Soleil, & douze degrez apres. Et pource dit on communément qu'un iour deuant la nouuelle Lune, & vn iour apres la mesme nouuelle Lune, on ne doit commécer choses quelqu'oncques, ne pareillement entreprinſes, pource que la Lune est arse, & en toutes choses & commencemés la Lune a sa part en la signification. Venus, & Mercure sont arses, quád entre elles & le Soleil y à sept degrez par deuant ou apres. Et generallemét toutes planettes arses, sont en la semblance d'un hōme qu'on meine prisonnier, c'est le pire estat qu'une planette puisse auoir que d'estre arse: car les planettes bonnes, perdent leurs bonté par cela, & les mauuaises accroissent leurs maulx.

Item planette est infortunée & mauuaise, quand elle est Retrograde, c'est à dire quád elle va de la fin d'un signe deuers le cōmencement du mesme signe. Et telle planette Retrogradāt, semblable est à l'hōme, qui se melle de trahison, & c'est le pire estat d'une planette apres arseure. Aussi chascune planette peult estre Retrograde, reserué le Soleil, & la Lune, qui iamais ne sont Retrogrades: mais la Lune, ou le lieu de Retrogradation, à vn autre accident qu'on apele Tarde du mouuement, & pource quád elle est tardiue du mouuement, elle est infortunée & mauuaise: C'est à sçauoir, quand elle ne va que vnze ou douze degrez pour le iour: mais quand elle va treize degrez pour iour, elle est apelée moyenne en son mouuemēt. Et quand elle va quatorze, ou seize degrez pour iour, adonc'elle est apelée hastiue en son mouuemēt, & est fortunée & bōne.

Item la planette est infortunée, quand elle est au  
signe

signe oposite de sa maison, ou signe oposite de son exaucemēt. Et semblablement est vne planette infortunée & mauuaise, quād elle est es maisons des mauuaises planettes, s'elles n'ont aucune dignité en ceste mesme maison : comme par exemple. Mars deueroit estre infortuné & mauuais en Capricorne qui est la maison de Saturne : mais pource que Mars, à la son exaucement qui luy oste la malice de la maison de Saturne.

Item vne planette est infortunée & mauuaise, quād elle est au signe contraire à sa nature: comme par exemple. Quand vne planette masculine est au ligne feminin, & quand vne planette feminine, est en vn signe masculin. Pareillement quand vne planette Iourmale, est au signe Nocturnal, ou planette Nocturnale, au signe Iournal.

Item la planette est infortunée & mauuaise, quād elle est stationnaire : C'est à sçauoir quand elle demeure plus longuement sur vn degré qu'elle n'a acoustumé, & par especial, quand elle est en la premiere station, deuant sa Retrogradation : mais quand elle part de sa Retrogradation, elle deuient pareillement stationnaire, & n'empesche ceste station, tant la planette, cōme fait la premiere station.

Item la planette est infortunée & mauuaise, quād elle est au chemin ars : c'est à sçauoir, quand elle est depuis le dixhuietieme degré de Libra, iusques au troisieme degré de Scorpis.

Item vne planette deuiēt infortunée & mauuaise quand elle est cōioincte avec aucune planette, par coniunction corporelle, laquelle est infortunée mauuaise & empeschée.

Item la planette est infortunée & mauuaise, quād elle est

## PRELVDES NECESSAIRES

elle est en aucune maison cheante, & les maisons cheâtes sont, la troisiëfme, la sixiëfme, la neufiëfme, la douziëfme, comme clairement on peult veoir en la figure des douze maisons, faites par l'Astralabe.

Item la planette est infortunée & mauuaise, quâd elle descend par deuers midy.

Item la Lune a, en particulier, outre les empeschements des autres planettes, aucuns empeschements & malices. Le premier, quand elle est empeschée par Eclypse, c'est à sçauoir quand elle souffre Eclypse, & est le plus grand empeschement que la Lune puisse auoir. L'autre particulier empeschement de la Lune, est quand elle est conioincte corporellement avec *Caput*, ou *Cauda Draconis*, dedans douze degrez deuant ou apres: car dedans ce terme de douze degrez pres de *Caput*, ou *Cauda*, la Lune peult estre Eclipsée.

Item la Lune est mauuaise & infortunée, quand elle est en l'ascendant: c'est à sçauoir, au signe qui monte en Orient. Pareillemēt elle est mauuaise & infortunée, quand elle est en la neufiëfme maison.



## POVR SCAVOIR QVELLES PLANETTES par leurs natures sont bonnes & mauuaises.


h a








Aturne, & Mars, par tous leurs regards infortunent, & font mauuais les autres, & plus font celà par leur coniuñction, opposition ou quarts regards, & semblablement l'un d'eulx: à sçauoir Saturne, ou Mars, empesche chascun son cōpaignon, reserué seulemēt, quâd ilz sont conioinctz par coniuñction punctuale, adonc l'un n'empesche l'autre: car chascun d'eulx attrempe son

pe son compaignon, pour cause que l'un est chault,  
& l'autre froid, mellé ensemble, causent vne chose  
attempée: mais par tous autres regards, l'un em-  
pesche l'autre.

Item la queue du Dragon, est apelée infortunée   
& mauuaise, & n'empesche n'y ne fait point de mal  
aux planettes, si ce n'est tant seulement par coniun-  
ction corporelle, & non pas par quelqu'oncques  
autres regards. Et la teste du Dragon, nonobstant   
qu'elle est fortunée & bone, toutesfois elle n'ayde  
point les planettes p regards quelqu'oncques: mais  
seulement, par sa coniunction corporelle, avec les  
planettes: car adonc elle les fortune & fait bonnes.

Item Iupiter, & Venus, de leurs natures sont pla-  ♀  
nettes fortunées & bonnes.

Item Mercure, de sa propre nature est variât: car  ♀  
s'il est avec Saturne, il deuïet de nature de Saturne,  
s'il est avec Iupiter, il deuient de la nature de Iupi-  ♀  
ter, & pareillement Mercure reçoit la nature des au-  
tres planettes, s'il est ioinct avec elles.

Item la Lune est semblablemēt variable, & chan-   
ge sa nature selon qu'elle approche deuers autres  
planettes, ou Estoilles, & le Soleil est infortuné &   
mauuais par coniunction corporelle par quart re-  
gard & par oposition: c'est à sçauoir quand le So-  
leil est conionct avec autres planettes, ou la regar-  
de d'un quart aspect, ou d'oposition, en ce cas le So-  
leil est infortuné, & fait mauuais l'autre planete:  
mais quand le Soleil la regarde d'un trin, ou d'un  \*  
sextil aspect, adonc le Soleil fait bonne l'autre pla-  
nette & ne l'empesche point.

Item presque en tant de manieres peult vne pla-  
nette estre fortunée & deuenir bonne, cōme au par  
auant

auāt est dit d'vne planette estre infortunée & mau-  
uaise: car si vne planette est infortunée & mauuaise  
par vne maniere, par contraire entendemēt elle est  
fortunée & bonne quand elle est en la disposition  
contraire à la mauuaise & infortunée. Premieremēt  
est vne planette fortunée & bonne, quand elle est  
es regards des bonnes planettes, par especial en  
trin, ou sextil regards d'iceulx.



Item sont fortunées & bonnes, quād le Soleil les  
regarde d'un trin ou sextil aspectz.

Item sont fortunées & bōnes, quand elles sont es  
termes des planettes bonnes, ou quād elles sont es  
degrez lucides, ou es degrez qu'on appelle degrez  
augmentants la fortune, lesquelz sont, declarez par  
la table.

Item les planettes sont fortunées & bōnes, quand  
elles partent d'aucunes bōnes planettes, par regard,  
ou par coniunction, & vont deuers vne autre bōne  
planette: C'est à sçauoir à sa coniunction, ou opo-  
sition, ou autre regard.

Item Saturne à Iupiter & Mars, sont forts & for-  
tunez & en bon estat quād ilz sont Orientaux: c'est  
à dire quand le Soleil est party d'iceulx par coniun-  
ction autant qu'ilz sont dehors les rayes du Soleil.  
Et Venus, & Mercure sont puissants & en bon estat  
quād ilz sont Occidentaux du Soleil: c'est à sçauoir  
quād ilz ont passé le Soleil: car ilz sont plus hastifz  
en leurs mouuements que n'est le Soleil, quand ilz  
passent l'un l'autre. Et pource sont ilz fors, quād ilz  
cōmencent à estre descouuers des rayes du Soleil.

Item les planettes sont fortunées & bonnes, quād  
sont assiegées entre deux planettes bōnes, tellemēt  
que l'une soit au deuant de luy, & l'autre apres luy.

Item

Item les planettes sont fortunées & bōnes, quand elles sont en leurs maisons, ou en leurs exaucemēs, ou en leurs triplicitez, ou en leurs termes, ou en leurs faces. Et pour cognoistre lesquelles sont termes, triplicitez, ou faces, de chascune planette, on doit regarder en la table qui sera mise cy apres.

Item les planettes sont fortunées & bōnes, quād elles sont en leurs maisons, ou en leurs exaucemēs, ou quand elles sont es maisons, ou termes des bonnes planettes: comme par exemple. Saturne à Pisces, qui est la maison de Iupiter.

Item sont les planettes fortunées, & bonnes quād elles sont au signe semblable a leur nature, comme par exēple. Quād vne planette masculine, est en vn signe masculin, & vn feminin, en vn signe masculin, & vn feminin, en vn signe & degré feminin. Et la planette Iournale, en vn signe Iournal, & la planette Nocturnale, en vn signe Nocturnal, de nuit, dessus la terre, & de iour, dessoubz terre.

Item les planettes sont fortunées, & en bon estre, quād elles sont droictes en leurs mouuemēts, c'est à sçauoir, quād elles ont leurs retrogradatiōs en leur station seconde, & cela auient quand elles sont en haulte moytié de leur Epicicle: mais la Lune est fortunée & en bon estat quād elle est hastiue en son mouuement, c'est à dire, quand elle va quatorze ou quinze degrez par iour: car la Lune, ne le Soleil, n'ont point de retrogradation, comme par auant a esté dit.

Item les planettes sont fortunées, fortes & puissantes, quād elles sont en vne maison angulaire, c'est à sçauoir, la premiere, ou en la dixiesme, ou en la septiesme maison, ou en la quatriesme maison, fors que

# PRELVDES NECESSAIRES

C

12<sup>a</sup>

☿ 7.  
 ♀ 3.  
 ♀ 3.  
 ♀ 6.  
 ☉ 9.  
 ♀ 11.  
 ♀ 12.

que la Lune qui est infortunée, & mauuaise en la premiere maison. Aussi sont les planettes fortes, fortunées quand elles sont en l'vnziesme, ou deuxiesme, ou sixiesme maison, & icelles maisons l'on peult veoir & cognoistre pfaitemēt en l'Altralabe.

Item les planettes sont fortes quand elles sont montants vers la Bize.

Item Mercure, est bon & fortuné en la premiere maison. La Lune en la troisieme. Venus en la cinquieme. Mars en la sixiesme. Le Soleil en la neuvieme. Iupiter en l'vnziesme, & Saturne en la douzieme maison, est fortuné & bon. Les fufdites planettes, sont fortunées & bonnes estants es maisons fufdites, cy dessus specifiées, pour raison que chascune d'elles se refiouyft en fa dite maison, comme à esté amplement déclaré.

## POVR SCAVOIR QVELLES PLA-

nettes font Masculines, ou Feminines,

Iournales, ou Nocturnales.

Saturne est masculin iournal,

Iupiter, est masculin iournal.

Mars, est feminin nocturnal.

Le Soleil est masculin iournal.

Venus, est feminin nocturnal.

Mercure, avec planette feminine deuient feminin, avec masculine masculin, avec nocturnale, planette deuient nocturnal, avec planette iourmale deuient iournal: c'est à dire, que Mercure est de sa propre nature indiferent. La lune est feminin nocturnal.

Item la Lune, iamais n'est apelée, ny Orientale, ny Occidentale.

Item

Item la Lune est Septentrionale, quand elle part de sa coniunction, de son *Caput Draconis*, iusques a ce qu'elle est en coniunction avec *Cauda Draconis*, & depuis *Cauda*, iusques à la coniunction de *Caput*, elle est Meridionale.

Item est à considerer, que vne planette Iourmale, est en signe nocturnal, ou vne planette masculine est en signe feminin, elle ne perd point sa puissance, pourueu qu'elle soit en l'une de ces maisons, ou exaltation, combien que sa puissance en soit aucunement diminuée.

### POVR COGNOISTRE SI VNE

*planette est en la partie Septentrionale, ou Meridionale, par comparaison du Zodiac.*

Est

# PRELVDES NECESSAIRES

|   |    | U      |    |   |  |  |  | Ω          |    |    |   |
|---|----|--------|----|---|--|--|--|------------|----|----|---|
|   | ḡ  | m̄     | 2  | 3 |  |  |  | ḡ          | m̄ | 2  | 3 |
|   |    | LEO    |    |   |  |  |  | AQVARI9    |    |    |   |
| ☾ | ○  | 29     | II | 6 |  |  |  | ○          | 29 | II | 6 |
|   |    | CANCER |    |   |  |  |  | CAPRICORN9 |    |    |   |
| ♄ | 22 | 43     | 29 | 6 |  |  |  | 22         | 43 | 29 | 6 |
|   |    | TAVRVS |    |   |  |  |  | SCORPI9    |    |    |   |
| ♂ | 26 | 18     | 42 | 6 |  |  |  | 26         | 18 | 42 | 6 |
|   |    | GEMINI |    |   |  |  |  | SAGITTARI9 |    |    |   |
| ♀ | 24 | 31     | 52 | 6 |  |  |  | 24         | 31 | 52 | 6 |
|   |    | TAVRVS |    |   |  |  |  | SCORPI9    |    |    |   |
| ♀ | 5  | 46     | 2  | 6 |  |  |  | 5          | 46 | 2  | 6 |



St à ſçauoir que quād la planette à paſſé le degré de ſon *Caput*, eſcript en ceſte table, iuſques à ce qu'elle vienne au degré, ou la queuē du Dragon eſt, elle eſt Septétrionale, & quād la planette à paſſé le degré, ou la queuē de ſon Dragon eſt iuſques à ce qu'elle viēne au degré en la teſte de ſon Dragon eſt touſiours apelée Meridionale, cōme par exemple. Saturne quand il eſt depuis le premier degré de Leo, iuſques à ce qu'il vienne au premier degré d'Aquarius, eſt apelé Septentrional, & quand Saturne à paſſé le premier degré d'Aquarius iuſques à ce qu'il vienne au premier degré de Leo, eſt apelé Meridional. Pareillement des autres planettes par comparaifon de leur *Caput* & *Cauda*, cōme ceſte petite table deſſus eſcrite le demōſtre.

Pour

POVR SCAVOIR QVAND SATVRNE,  
Iupiter, ou Mars, sont Orientaux, ou Occidentaux.

**T**em les trois plus haultes planettes, comme Saturne, Iupiter, & Mars, sont Orientaux, quand deuers le matin se leuent deuant le Soleil. Et cecy l'on peult cognoistre par l'Almanach, en ceste maniere: & prenons exemple de Iupiter. Iupiter estoit conioinct corporellement avec le Soleil, le quatriesme iour du moys de May dernier passé, & depuis ce iour la iusques au dix huitiesme iour dudit moys, Iupiter demoura tousiours dessoubz les raiz du Soleil, & n'en est apelé n'y Oriétal, n'y Occidental. Au dixhuitiesme iour dudit moys de May nommé, le Soleil à passé Iupiter de dixneuf degrez & dehors les raiz du Soleil, il est adoncques nommé Oriental, iusques à tant que le Soleil soit esloigné de Iupiter de six signes, c'est à sçauoir que le Soleil vienne a l'oposite de Iupiter à dixneuf degrez, Iupiter sera apelé Occidental. Et pendant le temps que le Soleil mettra à passer les neuf degrez pour aller à la conionction de Iupiter, Iupiter n'est apelé n'y Oriental, n'y Occidental: mais est apelé estre dessoubz les raiz du Soleil. Et par brefue conclusion Saturne, Iupiter, ou Mars, sont Orientaux depuis la conionction du Soleil, avec aucuns d'eulx, iusques à tant que le Soleil vienne à son oposite, c'est à sçauoir, iusques à tant que le Soleil soit esloigné six signes de luy, fors que tant seulement le neuuesme & premier degré apres la conionction du Soleil, avec aucun d'eulx: Car comme est dit cy deuant la planette entre cestuy terme, ou le temps pendant que le Soleil passera, les premiers neuf degrez,

C      depuis

## PRELYDES NECESSAIRES

depuis la conionction, n'est Oriental, n'y Occidental : mais est apelé dessoubz les rayes du soleil, & depuis que le soleil a esté à l'opposite d'aucuns d'eulx, iusques à tant que ledit soleil vienne pres de luy à neuf degrez pour faire conionction avec la planette, est apelé Occidental. Et Mars iusques à tant que le soleil soit pres de luy quinze degrez, & depuis ce terme iusques à la conionction du soleil avec aucuns d'eulx, la planette est apelée dessoubz les rayes du Soleil.

POVR SCAVOIR DE VENVS ET MERCURE, quand ilz sont Orientaux, & Occidentaux.



**V**enus, & Mercure, sont Orientaux, quand ilz ont esté conioinctz avec le soleil, eulx estants Retrogrades, iusques à tant qu'ilz viennent pres du soleil à sept degrez, pour estre vne autre fois ioinctz avec le soleil, & de cela fault oster les premiers sept degrez: car pource sont ditz estre dessoubz les rayes du Soleil, & Venus, & sont apelez Occidentaux, quand ilz ont esté conioinctz avec le soleil, eulx estants droictz en leurs mouuements iusques à la conionction apres d'eulx avec le soleil, & de cela fault excepter les premiers sept degrez apres la conionction avec le soleil, qui sont apelez dessoubz les rayes du soleil, & semblablement fault excepter les sept derniers degrez, qui aprochent arriere au soleil, pour estre ioinctz avec luy: car adonc ilz entrent dessoubz les rayes du soleil, & ne sont apelez ny Orientaux, ny Occidentaux, & pour mieulx declarer ce que dit est: Fault sçauoir que Venus, & Mercure, en deux manieres se con-

se conioignent avec le soleil, l'une est que Venus ou Mercure, quand aucun d'iceulx est conioinct avec le soleil, sont Retrogrades à la conionction sequente d'aucun d'eulx, & du Soleil est quand celui est droit, & par ainsi pour exemple. La conionction dernièrement passée de Venus, & du soleil, estoit le douziesme iour d'April, & Venus estoit droit en son mouuement. La premiere conionction apres de Venus, & du soleil, sera Venus, estant Retrograde. Et l'autre apres, sera quand Venus sera Retrograde. A propos doncques en la derniere conionction de Venus, avec le Soleil, laquelle estoit le douziesme iour d'April, comme vous pouez veoir par vostre Almanach: Venus estoit droite en son mouuement, & pource depuis ladite conionction, iusques à la conionction plus prochaine de Venus, & du Soleil, Venus sera apelée Occidentale, excepté les sept degrez apres la conionction passée, & excepté aussi les sept degrez deuant la conionction aduenir: car en ces treze degrez, elle est apelée Combuste, ou dessoubz les rayes du Soleil, & depuis la conionction plus prochaine aduenir du Soleil, & de Venus, en l'année qui viét, en laquelle Venus sera retrograde, iusques à l'autre conionction apres plus prochaine du Soleil, & de Venus, Venus sera apelée Orientale, excepté (cōme dit est) les premiers sept degrez qu'elle part du Soleil, & les derniers sept degrez qu'elle approchera arriere au Soleil, qui sont les sept degrez auant & les sept degrez d'apres, pour estre ioint avec luy car en celsditz quatorze degrez, elle est apelée dessoubz les rayes du Soleil, arse, ou Cōbuste. Et semblablement ce mesme fault entendre de Mercure.

Cij      Pourquoi

PRELVDES NECESSAIRES  
POVRQVOY EST L'ALIMITE EN  
*une figure, ou autrement.*



Limité est la planette Vincens, ou significatrice, & la plus forte, laquelle on cognoistra en ceste sorte, exemple. Soit pris le sixiesme degré d'Aries, duquel si veulx sçauoir qu'est Alimité, dois premierement regarder lequel est seigneur de la maison. Ce que verras, & aussi la reste qui sensuyt, par les tables des Ephemerides, & pour le tout abreger, par lequel apert que c'est Mars, & pource il a illec six forces. Apres doit on considerer, laquelle planette est exauccée audit Aries, qui est le Soleil, & pource le soleil, à quatre forces audit Aries, par son exaltation. Apres on doit regarder, qui est le seigneur de la Triplicité, ou trouues que le seigneur de la Triplicité de iour est le Soleil, & pource, si la natiuité, ou la reuolution, ou question, ou autre entreprinse est de iour, cest le Soleil qui est le principal seigneur de ceste Triplicité, & pource ledit seigneur a trois dignitez, ou forces de par ladite Triplicité. Apres regarde qui est le seigneur du terme, ou le sixiesme degré dudit Aries, eschet, & apert par ladite table, que c'est Iupiter, pource Iupiter y a deux forces, ou puissances.

Item le seigneur de la face, est Mars, parquoy Mars a de rechef vne force. Or maintenant pour reuenir à nostre propos, à sçauoir, pour trouuer l'Alimité audit sixiesme degré d'Aries, fault regarder laquelle des planettes a plus de forces, ou puissances susdites essentielles audit sixiesme degré: car celuy qui en a plus en nombre, c'est l'Alimité, qui vault

vault à dire, le plus fort, & plus puissant significateur. Et apert clairement que le Soleil a plus de force que nul autre : car ledit Soleil à quatre forces de par son exaultement, & trois de par la Triplicité, qui sont sept vertuz, ou forces en nombre. Mars qui est seigneur de la maison, à cinq forces à cause qu'il est seigneur. Et la face en laquelle le sixiesme degré d'Aries chet, dont à vne force, qui sont en nombre six forces que ledit Mars a audit sixiesme degré d'Aries. Après quant à Iupiter, il n'à que deux forces, de par le terme dudit Aries, & sixiesme degré d'iceluy. Dont fault conclurre le Soleil estre l'Alimité, audit sixiesme degré d'Aries : carc' est celuy qui a plus de forces, à sçauoir sept forces, Mars n'en n'a que six, & Iupiter deux.

Item est à noter, quand se trouuēt deux planettes ou trois, ou plusieurs, esgales en dignitez, ou forces essentielles, on doit aller aux dignitez accidentales : car celuy qui est adoncques en meilleur & plus fort estat, & dignitez accidentales, c'est l'Alimité : Toutesfois, la ou se trouue l'une des planettes plus forte que l'autre en dignitez essentielles, iamaïs ne fault, ny n'est de nécessité, chercher, & aller aux dignitez accidentales.



# Le traite d'Astro-

## LOGIE IVDICIAIRE.

Et Premierement.

POVR SCAVOIR DES CHOSE EN

*quoy aucun a fiance, qu'il en fera. Chapitre. 1*



Vand aucun te demande pour chose en quoy il a fiance, ou pour aucunes dignitez qu'il cuyde auoir du Roy, regarde si le sire de la  $\text{II}$  aplicque au seigneur de l'ascendant, ou le seigneur de l'ascendant, au seigneur de la  $\text{II}$ . Et dy qu'il aura la chose ou il a fiance, & s'il y auoit regard, de trois ou de six, il aura la chose tost & legerement, & en bonne maniere. Et si le regard estoit de quart, ou d'oposition, il l'aura par ennuy, & par labeur. Et si tu trouues le seigneur de la cinquieme en l'angle, & il estoit receu, dy qu'il aura la chose à sa volonté. Et si tu trouues la planette qui recoit la disposition de la Lune, en signe commun, dy qu'il aura vne petite partie de la chose que il cuydoit. Et si le receueur de la Lune, estoit en signe muable, dy qu'il n'en aura que le nom, ou bien peu, & s'il estoit en signe fixe, il aura toute la chose. Et si tu trouues le seigneur de la Lune, non fortuné, celle chose sera perdue depuis qu'il l'aura, & en fera saisy. Et si ce receueur estoit receu, il aura la chose, & plus qu'il ne cuydoit. Et si tu trouues le seigneur de l'ascendant receu, il aura à sa volonté ce qu'il demande. Et si aucun te demandoit, s'il sera ioinct à aucun son amy ou non, regarde le seigneur

C iij

descen-

## TRAITE D'ASTROLOGIE

descendant, & la Lune, & si tu les trouues applicquants au seigneur de la 5 ilz feront ioinctz ensemble, & si telle application estoit de trois, ou de six, ou conionction, ilz auront ioye, acord, & amour. Et si telle application estoit de quatre, ou d'oposition, ilz se discorderoūt, tanceront, & ennuyeroūt l'un l'autre, & sçaches que l'application d'oposition est pire, que quand elle est de quatre. Et si aucun te disoit ainsi: Regarde pour vne chose en quoy i'ay fiance, sans la nommer. Regardes si tu trouues le seigneur de l'ascendant, & la Lune applicquants aux fortunes, & en angles, ou en succendants, il aura la chose, autrement non. Et si le demandant nommoit la chose, regarde par le lieu que luy appartient.

### POVR AMOVS. CHAPITRE. 2

**Q** Vand on te demandera pour deux, s'ilz s'entr'ayment ou non, regarde le seigneur de la 11 ou 7, & l'ascendant de trois, ou de six, ilz s'ayment l'un l'autre: si c'est quatre, ou d'oposition: non mesmement si l'un estoit sire de douze, & si les deux autres se regardoient, l'amour seroit plus fort & plus ferme, & si tous deux y regardoient, l'amour est plus ferme & plus fort, mesmement si ce regard estoit de signes fixes.

### POVR AMYTIE, ET POVR ACOR- dance.

Chapitre.

3

Regar-



Egarde par l'ascendant, & par la septiesme, & par leurs seigneurs, & par leurs planettes, qui seront en ces deux lieux, & par leurs applications, & par leurs separations, & fais que la Lune ayt participation avec eulx en signifiante. Si application ou decurrance, ou separations, prends avec luy la planette, de laquelle se depart, avec le seigneur de l'ascendant en signifiante, & celuy auquel elle s'appliquera avec le seigneur de la septiesme en signifiante, & puis regarde comment, & par quel regard l'un applique à l'autre de la troisieme, ou de sixiesme, ou de conionction, ou autre regard. Et s'il y a entre eulx reception, & il auoit ses applications, l'amour est bonne entre eulx, & si ce regard estoit de quatrieme, d'opposition, & estoit reception, ce signifie moins d'aimer. Et regarde aussi la planette, de laquelle la Lune se depart, & en quelle maniere l'un s'applique à l'autre, ou l'un se part de l'autre, & iuge par eulx, come par le seigneur de la septiesme: Et ainsi iuge par les planettes que tu trouueras en l'ascendant, & en la septiesme maison, & par leurs applications, & par leurs separations. Et si ces significateurs, ou aucuns d'eulx n'auoient application, ou separation, ny planette qui portast la lumiere de l'un à l'autre, ne planette qui cueille leurs lumieres, ces hommes ou ayments ne s'entrecognoissent, ne l'un ne sçait rien de l'autre.

POVR SCAVOIR POVR QVI ET EN

quel temps le bien, ou le mal. Chapitre. 4

Tule

## TRAITE D'ASTROLOGIE



**V** le ſçauras par les compaignons de deux ſignificateurs, à ſçauoir du demandeur, qui eſt touſiours la premiere maiſon, & celuy qui demande: car quand ilz ſeront ioinctz en vn ſigne, & en vn degré en celle conionction ſera la choſe, & ſ'il t'auoit dit pour qui il demande: cōme pour ſon frere, ou pour ſon pere, pour ſon ſeruiteur, ou pour ſa femme, ou pour ſes enfans, regarde la maiſon à qui ce apartiēt, à ſçauoir ſa demande, regarde le ſeigneur de celle maiſon, à ſçauoir de ce qu'il demāde, & la planette ou tu la trouueras, & le prends pour la ſeptieſme maiſon, & pour ſon ſeigneur, & iuge par luy, comme tu iugeas par la ſeptieſme precedente, & par ſon ſeigneur.

POVR SCAVOIR DE DEUX LE BIEN,  
ou mal qui leur peult aduenir. *Chapitre. 5*

**R** egarde le ſeigneur de la dixieſme maiſon, & à qui il apliquera, & qui s'applique à luy, & laquelle des planettes peregrines y eſt, & à qui la planette s'applique, & qui applique à luy: car ſ'il eſt ſeigneur de l'ascendant, ou de la ſeptieſme, il ſera profitable à ſon ſeigneur, car ſi aucunes planettes qui ſont en dixieſme, appliquoit au ſeigneur de l'ascendant, à ceſte planette qui y eſt, ou icelle planette au ſeigneur de dix, à la planette qui eſt à l'ascendant, au ſeigneur de la dix. Et ſi ce regard eſtoit de trois, ou ſix, ou de cōionction, le demādanſt aura prouffit, & ainſi iuges du ſeigneur de la ſeptieſme. Si tu y trouues ce regard, ou ſes applicatiōs, & ſi icel le applcation eſtoit de 4, ou d'oposition, iuge dommage & grād mal à celuy de qui ſeront ces regards.

Pour

POVR AUCVNS ENNEMYS, ESTANS  
assiéger deuant une Ville, ou Cité, silz auront ce  
qu'ilz demandent. Chapitre. 6


|            |  |            |          |
|------------|--|------------|----------|
| Iupiter.   |  | Le Lyon.   | 29       |
| Saturne.   |  | Sagittaire | 21       |
| Mars.      |  | La Lune.   | 9        |
| La Lune.   |  | Le Cancr.  | 26 ou 16 |
| Le Soleil. |  | Le Lyon.   | 26       |
| Venus,     |  | La vierge. | 5        |
| Mercur.    |  | Le Lyon.   | 3        |



'Aquarius fut ascendant par cinq degrez, & les lieux ascendants des planettes furent ainsi qu'il apert en ceste figure. Je donnay le degre en l'ascendant, & son seigneur. Et la planette de qui la Lune se depart, à l'ennemy, c'est celuy qui alla assieger la Cité, car le commencement de la question fut faite par luy, & ie donnay à la septiesme, & son seigneur la planette à qui la Lune apliquoit à la Ville, ou Cité. Et le Soleil fut seigneur de la Cité, ou Ville, & fut en angle en sa maison, & apliquoit à sa nature, qui estoit seigneur de l'ascendant. Et aussi la Lune, estoit desleurée de nulle planette, & pource nous ne mouuons point en ce iugement. Et pource que le seigneur du septiesme, estoit en ses estatz, & va au seigneur de l'ascendant de trois, qui est regard d'amytié, c'est signe que paix se fera entre eulx, & le peuple de la Ville, ou Cité, commencera à requerir la paix: car le Soleil est en

est en l'angle de sept, & va à Saturne, & applique à luy. Et ie dy que l'empeschement de celuy qui est à assieger la Ville, ou Cité, aura par son mal conseil, quand le seigneur de l'ascendant fera non fortuné, Combuste, ou retrograde, ou le seigneur de la septiesme estoit en ses estatz, le demandant auroit bonne fortune, & vaincroit. Mais c'est mal pour le Roy, ou pour celuy, qui se mesle pour aller assieger ladite Ville, ou Cité, ou pourchas qu'on fait pour vn autre. Si le seigneur de l'ascendant estoit en la huitiesme, & en la partie en quoy les luminaires sont fortunez, vaincroit ceulx de la Ville, ou Cité. Et ie dy que Orient, est de Saturne. Et Occident, de Mars. Midy, de Venus. Septentrion, de Jupiter. Et si est mal, & horrible chose, si le Soleil estoit en l'ascendant, & s'il estoit ioinct au seigneur de la septiesme, si ce n'estoit que le Mouton fut ascendant.

POVR HOMME QVI EST HORS DV  
païs, scauoir s'il est mort, ou uif. Chapitre. 7

 Vand on te fera question pour hōme qui est hors du païs, s'il est vif, ou mort, regarde le seigneur de l'ascendant, & la Lune: Et si tu trouues en la quatriesme maison de l'ascendant, ou en la maison de la mort, ou qu'ilz fussent Combustz en leurs cas, ou iours, ou seigneurie de la maison de mort, dy qu'il est mort. Notez que Combust, uault autant à dire, comme ars, & bruslé deffoubz les raiz du Soleil. Et si tu trouuois le seigneur de l'ascendant en la douziesme, & il estoit ioinct à non fortunez, & regardast aucuns des luminaires, ou il les non

les non fortunast, dy qu'il est mort. Et si les fortunéz bancquoyent les luminaires, ou les tesmoings des fortunéz, c'est que les infortunéz soyent plus puissants, ce signifie aussi mort. Et ceste est signification de la Lune, en ceste raison: Sçaches que quand la Lune appliquera à aucune planette, qui sera au my ciel, ce signifie saulvement, & santé. Et quand elle applique à la planette qui soit à la maison sixiesme, septiesme, ou huitiesme, ce signifie mort. Et si la Lune estoit en la cinquesme, & elle appliquoit aux planettes qui sont au my ciel, ce signifie santé: Et aussi si elle estoit au my ciel, & elle appliquoit à planette qui fut en quatriesme, ce signifie mort. Quand la Lune est non fortunée, & elle applique au seigneur de la quatriesme, & si le seigneur est en son cas de sa maison, ou de l'exaltation, ou il est retrograde, ou soubz les rayes, ce signifie mort. Et mesmement si le seigneur de l'ascendant estoit dommagé, & le seigneur de la maison aussi, ce signifie mort en toutes manieres. Quand la Lune sera en la quatriesme, & elle applique à la planette, qui est en l'ascendant, ce signifie qu'il mourra de male mort. Et si la quatriesme maison estoit le Scorpion, il sera noyé. Et si Mars estoit au Lyon, il mourra par aucune achoison qui luy viendra de par bestes. Et si celle application estoit en Saturne, il mourra par venin, & par choses froides, & seiches, ou par choses couuertes, & celées.

POVR VOYES.

Chapitre. 8

Quand



Vand on te demãdera pour aucune voye, si elle sera acomplie, ou non: Regarde le Soleil, & la Lune, & le seigneur de l'ascendant, & le seigneur de la partie de fortune, & le seigneur du lieu de conionction, ou de l'oposition deuant passée, & s'ilz estoient cheants des angles, iuge que la voye sera parfaite, & acomplie: mesmement si le seigneur de l'ascendant appliquoit au seigneur de la septiesme, ou au seigneur de la troisieme, ou en Mars, & il fut cheant de l'angle, ou le seigneur de la troisieme, ou quatrieme, & que Mars soit cheant de l'angle de l'ascendant, ou aussi cheant comme en tirant en la douzieme, & le seigneur de l'ascendant en la neuuesme, ou en la troisieme, ce signifie que la voye sera acomplie, & si tu trouues le contraire, dy le cõtraire. Et si tu trouues la cinquiesme es angles, ou es succedantz, & le sire de l'ascendant appliquoit à chascun d'iceulx deuant ditz, qui sont significateurs de la voye, & si le seigneur de l'ascendant alloit à aucun des significateurs, ou la Lune, ce signifie que la chose, & la voye viendront à perfection sans doubte, comme l'on pensera, & puis elle sera sans parfaire. Et si tu trouues qu'elle doit estre parfaite, & tu veulx sçauoir quand ce sera le tẽps, ce sera selon le nombre des degrez de l'aplication, qui signifie la voye, & seront heures, ou iour, ou mois, & ce sera quand la Lune appliquera par son mouuement à la planette qui signifie la voye. *Notex qu'il fault prendre à la plus prochaine application.* C'est à la planette qui monstre que la voye sera parfaite. Et ce sera quand celle planette appliquera à degrez ascendant, ou à la Lune, ou à la partie de fortune, ou ce  
fera

sera quand la planette, estant soubz les rayes, en sortira, ou sera quand le seigneur de l'ascendant, & la Lune partiront du signe ou ilz sont, & rentreront en l'autre : ou ce sera quand le seigneur de l'ascendant, ou la Lune apliquerôt à la partie de voye. Toutes ces choses sont les termes, & les temps en quoy la voye peult estre, quand tu as signifiante qu'elle doit estre.

POVR SCAVOIR QVE SERA D'ENTRER en aucune Cité, par l'heure qu'on y entre.

Chapitre.

9

Vand aucun vient de cheminer, & il entre en aucune Cité, adresse l'ascendant à l'heure qu'il entre, & si tu trouue le seigneur de la seconde retrograde, ce signifie qu'il en partira tost, sans ce qu'il y ait guiere de bien, ne ny accomplira rien qu'il quiert. Et si le seigneur de la seconde estoit en sa premiere station, & il alloit à retrogradation il demourera beaucoup en icelle Cité, & s'en yra sans faire sa besongne. Et si le seigneur estoit en sa seconde station, & y voulut adresser, il n'y demourera pas long temps, ny n'en partira pas tost: mais il accomplira ses besongnes à labeur, & aspre esperance. Et si le seigneur de l'ascendant estoit en la seconde, ou my ciel, ou en la vnziesme, il sera sain, & en bon estat en celle terre, & s'il estoit en la septiesme, il luy viendra ennuy, & trauaulx, & s'il estoit en la neufiesme, ou en la troisieme, il y demourera peu, & s'en yra en autre lieu. Et s'il estoit en quatriesme non fortuné le regardoit, ou elle soit ioincte à l'un des corps, ce sera la derniere voye, & par

## TRAITE D'ASTROLOGIE

& par aduenture y mourra. Et si la Lune estoit ioincte au seigneur de la seconde, & elle le regardoit, ou elle fut ioincte de corps à Mercure, & elle estoit en regard de Mars, il sera batu, nauré, & mal mené. Et si avec ce Saturne estoit aux angles de terre, il mourra: mais si elle estoit en autre angle, il aura sang au corps de ses playes, & de ses batures. Et si la Lune regardoit Mars, sans regard de fortune, il sera batu & nauré du signe en quoy il sera. Et si fortune regardoit la Lune, ses empeschemens ne seront pas si griefz, & sera guery par medecines, & si fortune ne la regardoit, ce luy durera tant qu'il meure.

### POVR SCAVOIR LEQUEL LIEV

*est le meilleur, de celuy ou il na, ou le sien propre.*

*Chapitre.*

10



Vand l'on te demandera lequel lieu est le meilleur, ou la terre ou il est, ou soy partir pour aller en vn autre. Regarde si tu trouues la Lune desseurée de non fortuné, dy que mieulx luy vault partir que demourer. Et si tu la trouues desseurée de fortune, mieulx luy vault demourer que partir. Et si le demadant te disoit ainsi: J'ay besoing de faire vne chose, regarde si ie la feray, ou non. Regarde le seigneur de l'ascendant & la Lune, & si tu les trouues qu'ilz se partent de non fortuné, & qu'ilz apliquent à fortune, dy luy qu'il face ce qu'il pense. Et si tu les trouue desseuré de fortune, & non apliquant à non fortuné, dy qu'il ne le face pas.

Pour

## POVR SCAVOIR DE PLUSIEURS

*qui sont en uoyage, s'ilz reuiendront, ou non.*

Chapitre.

II



Ion te vient à demander pour plusieurs qui cheminent, lequelz reuiendront: Tu sçais que aucuns d'eulx sont fortunez, & aucuns non fortunez, & de ceulx qui retourneront, & des autres, & de ceulx qui gaignent, & de ceulx qui perdent, & tout ce qui ne peult venir d'un ascendant: Mais si le significateur de ce est la Lune, & les nommes tous par leurs noms l'un apres l'autre. Et puis regarde l'aplication premiere de la Lune, & la seconde, la troiesieme, & la quatriesime, & ainsi tant qu'il y a de gents, iusques à tant que le nombre soit complet, & donne la premiere aplication au premier, & la seconde, au second, & la troiesieme, au tiers. Et regarde les fortunez, & les non fortunez de ces planettes, & leurs Directions, & retrogradations. *Notez que Direction, uault autant à dire, comme quand la planette est droicte en son mouuement.* Et parce iuge à chascun de ceulx, selon que son significateur est. Et si les applications retournoient à ces planettes, si comme ilz furent au commencement, ne t'esmerueille, ou trouble de ce: car ce n'est pas merueille, que trois, ou plus de ces hommes sont d'un estat, & de plusieurs manieres font de regarder, & celui qui a bon entendement, en discerner, & d'asseurer les choses à la verité actuellement. Et en ceste maniere tu iugeras, si l'on te demande pour deux, ou pour trois, ou pour plusieurs Cheualiers, cheminants, ou cheuauchants, pour sçauoir lequel est plus puissant, & le plus hardy d'entre eulx.

D

Pour

# TRAITE D'ASTROLOGIE

POVR VN QVI VEULT ESTRE  
de la partie d'un de deux, & pour scauoir le-  
quel luy est le meilleur. Chapitre. 12

Ion te vient a demander lequel des deux  
S est le plus profitable, & meilleur: Donne  
l'ascendant au demandant, & puis re-  
garde de quelle maniere sont l'un & l'autre  
deux, & si sont Roys, regarde lequel est le plus  
grand, & luy donne le Soleil, & à l'autre la Lune, &  
iuge l'un d'eulx par le Lyon, & l'autre par Cancer.  
Et s'ilz sont Baillifz, ou iuges, ou gens qui s'entre-  
mettent de loix, ou de celle chose, donne à l'un Ge-  
mini, & à l'autre la Vierge. Et s'ilz sont maistres de  
Cheualerie, ou Baillifz du Roy, ou Preuostz, ou  
Postes, ou Recepueurs de rentes de Roy, donne à  
l'un le Mouton, & à l'autre le Scorpion. Et s'ilz  
sont Ingleurs, ou gardes de ses Feignes, ou hom-  
mes qui s'entremettent de pierres precieuses, donne  
à l'un d'eulx la Lyonne, & à l'autre le Taure. Et s'ilz  
sont vieilz hommes, ayants heritages de mortz, ou  
qu'ilz repriment leurs auoir, donne à l'un le Capri-  
corne, & à l'autre l'Aquaire. Et si l'un d'eulx estoit  
de Saturne, & l'autre de la partie de Mars, ou l'un de  
la partie de Iupiter, & l'autre de la partie de Venus,  
ou l'un de la partie du Soleil, & l'autre de la partie  
de Mercure, ou l'un de la partie de la Lune, & l'autre  
de la partie de Mercure: Selon ceste maniere tu  
iugeras. Toy regarde tousiours les maisons des sei-  
gneurs, & ceulx qui les regardent des fortunes, &  
des infortunes, & le seigneur de l'ascendant, & ceulx  
qui ont participation avec luy, ou amytié, ou ini-  
mitié avec chascun seigneur des maisons, & le re-  
gard

gard des seigneurs des maisons l'un à l'autre, & les regards qu'ilz ont à l'ascendant, d'amytié, ou d'ini-mitié: Et quand tu sçauras tout ce, adiousté entre eulx l'ascendant, & regarde celuy que tu trouueras plus prochain en amour, & en amytié en l'ascen-dant, & plus fortuné à luy, iuge à luy amende-ment, & à l'autre aussi, selon la voyfinance, & l'e-floignement de l'ascendant, & selon l'amour, & la haine qu'il a à luy. Et selon ce, donne l'amendement à l'un d'eulx, & tu seras acertené.

## POVR SCAVOIR D'VNE VILLE,

*ou Cité, estant assiegée, qu'il en sera, & si elle sera prinse, ou non. Chapitre. 13*



Vand on te demandera pour aucune Ville Cité, ou Chastel, si elles seront assiegées ou non, & estants assiegées, si elles seront prinse ou non, & si elle est prinse, si ce sera par force ou non, ou si ceulx de dedans seront seurs ou fermes en leurs seuretez, ou s'ilz ne seront point trahis. Si tu sçais l'ascendant de la Cité, & le lieu du Soleil, en son ascendant, & des autres planettes, en la racine de son edifiement, iuge selon cela, & selon la fermeté des fortunes, & des infortunes en celle figure, & en leurs applications, & leurs mouuements. Et si tu ne le sçais, & si tu sçauois les natiuitez de son Roy, on le commencement qu'il ait seigneurie sur celle Ville, ou Cité, ouure selon ce: Car si le significateur du Roy estoit perdu en-dommagé, l'estat d'icelle Cité, seroit dommagé, & luy feront guerre. Et si tu ne le sçais, adresse ton ascendant à l'heure de la demande, & donne l'ascen-

Dij dant,

dant, & la Lune à la Cité. Et puis si tu trouues infortune es degrez de l'ascendant, ce signifie qu'elle est assiegée. Et si celle infortune estoit ostée de l'ascendant, & elle estoit en la douzième, ce signifie qu'elle n'est encores assiegée. Et si celle infortune estoit ascendant, par les degrez, en la participation de la deuxième maison, ce signifie qu'elle ne sera pas assiegée. Et s'il auoit avec ce fortune, au myciel, ce signifie qu'elle sera saulée, & ne sera pas prinse. Et s'il auoit fortune en la dixième, ce signifie qu'on y entrera par force. Et s'il auoit fortune en la dixième, ou en sa participation infortunée estoit en tel angle mesme, la Cité, ou Ville, sera prinse par paix, & par seureté. Et si Mercure les regardoit, il y aura entre eulx conuenances, & si aucune estoit avec infortune, on leur fera trahison, & ne leur tiendra on aucune conuenance. Et si il estoit avec fortune, les conuenances seront finement trouuées. Et s'il auoit fortune en tel angle, mesme & fortune ioignant, ce signifie que la Cité sera prinse: mais les citoyens, & peuple de dedans, sera saulé de mort, toutesfois ilz seront desrobez, & emprisonnez, & feront grandes plainctes à ladite Cité. Et si Iupiter estoit seigneur de l'ascendant, & il estoit puissant en angle, & il auoit aucune dignité, ou en succédant en regardant l'ascendant, ce signifie que la Cité eschaperà de la guerre, & sera prinse par paix, & par saulvement du peuple. Et quand la signifiante monstre qu'elle doit estre prinse, & Saturne estoit en lieu de Iupiter, & les fortunes estoient cheants de luy, ainli qu'ilz ne les regardent. *Cheutte uault autant à dire, que une planete n'ayant point d'aplication à un autre, & ainsi des autres planettes.* Et

Mars

Mars le regarde, & la Lune soit dommagée par Mars, ce signifie que la Cité sera prinse par force, & sera le peuple occis, tellement qu'il en eschapera peu. Et quand on te fera demande, ou question pour quelque Ville, ou Cité, estant assiegée, regarde quel signe est en son ascendant, & qui est son seigneur, & comment il luy est des regards des fortunes, & des infortunes, & ou la Lune est: car si la Lune est apliquée à Mars, sans regard de fortune, ce signifie qu'elle sera bien fort assaillie. Et si les significateurs de la Ville, Chastel, ou Cité, estoient en fortune par Mars, ce signifie qu'elle sera prinse par force, & ce qui y sera trouué, sera tout desrobé, & beaucoup de peuple sera occiz. Et si Saturne estoit au lieu de Mars, en tout ce que nous auons dit, ce signifie que les playes seront longues, & les guerres entre ceulx de la Cité, ou Ville, & ceulx de dehors, & durera tant qu'il ennuyra aux deux parties. Et si Iupiter regardoit la Lune, & les signes de la Cité de fort lieu, elle ne sera ia prinse, & ne la pourra l'on auoir que par paix. Et si Venus aydoit en ce à Iupiter, & la Lune par son regard, ou qu'elle ayde la Lune, & les significateurs de la Cité, les gens de la Cité se rapaiseront aux autres de dehors, tellement qu'ilz se partiront sans auoir la Cité. Et si les luminaires estoient en la quatriesme des infortunes, tousiours quand la Lune appliquera à la quatriesme des infortunez, mesmement à Mars, la guerre commencera ce iour, & si fortune le regardoit, elle faudra à celle iournée. Si tu veulx sçauoir combien de temps elle durera, regarde le seigneur du signe de l'annee, s'il est fortuné, ou infortuné, & compte cōbien de degrez il y a de luy à la Lune, ou

Quand degrez de luy iusques à seigneur de l'ascendant. Et c'est infortune le nombre des degrez qui y sont de luy iusques au deuant dit, signifie Mars. Et si c'est non fortuné, & est puissant en la figure, signifie iours. Et quand tu trouues fortune ayant seigneurie sur les significateurs de la Cité, & sur la Lune, & sur l'ascendant de la question, iuge le sauement de la Cité, & qu'elle n'aura nul mal. Et quand tu trouues infortunes qui ont seigneurie sur les lieux deuant dit, iuge qu'elle sera domagée, & y aura beaucoup de peuple occis. Et quand le seigneur de la partie de fortune sera infortuné à l'heure que tu feras question, & il regarde la partie, & fortunes en sont eslongnées, le peuple de la Cité aura angoisse, & mal. Et si le seigneur de la partie de fortune estoit fortuné, & il estoit puissant & en bon lieu, & regardoit la partie, ce signifie biens aux gens de la cité, qu'ilz guerroyeront longuement aux autres. Et si elle est diminuée de lumineaire, ce signifie qu'elle sera tost prinse. Et si elle estoit avec aucuns des deux 2.9 C'est du chef, & de la queue, ce signifie que la Cité ne sera pas prinse que par grādissimes labeurs & peines. Et si la Lune se trouue soubz les rayes du Soleil, & apliquoit à Venus, & Venus estoit Occidentale, & elle estoit soubz les rayes, ce signifie sauement pour la Cité. & qu'elle ne sera pas prinse. Et si la Lune en la figure entre le my ciel, & l'angle d'Occident, & elle apliquoit à Venus, & Mercure, ce encores signifie sauement pour la Cité, & ne sera prinse, & aussi que le peuple n'aura aucun mal. Et si elle regardoit Iupiter, & Saturne de trois, ce signifie que la Cité sera prinse long temps apres, & à l'honneur du peuple.

ple. Et si la Lune estoit en la partie du ciel descendant, qui est entre le my ciel, & l'angle de l'Occident, ce signifie que la Cité sera tost prinse, & si c'estoit entre l'angle de l'Occident, & la neuuiesme maison qui est ainsi apelée descendant, & elle estoit dommagée par Mars, ce signifie qu'il y a grand siege deuant la Cité, & qu'elle sera prinse (ou Ville, ou Chastel) apres grande occision, & beaucoup de sang, & que la plus grande partie des gens de la Ville ou Cité, seront mis à l'espée, & occis. Et quand la Lune sera en deux quartes ascendants, & c'est de la quatriesme iusques à l'ascendant, iusques à la dixiesme, & Mars sera en son oposition, ou en son quart regard, ce signifie qu'elle sera tost prinse. Et si elle estoit en deux quartes descendant, & Iupiter la fortunait, ce signifie que la cheualerie qui est entour la Cité, s'en yra & s'en departira. Quand aucun ennemy est en vne Cité, l'ascendant est significateur de ses ennemys qui sont en la Cité. Et si Iupiter estoit seigneur de la deuxiesme, ou Venus, & ilz estoient en celle mesme maison, la cité ne sera pas prinse, sinon par paix, ne ny aura pas forte guerre. Et si Saturne estoit en la septiesme, & il y auoit aucune dignité, & les fortunes estoient cheants de leurs regards, la cité sera prinse, & le peuple desrobé. Et si Iupiter estoit lors en l'ascendant, & c'est l'oposition de Saturne, ou l'opposite, ce signifie que ilz l'auront prinse. Et si fortune estoit en l'ascendant, & Iupiter estoit cheant, celuy qui guerroyeroit la cité s'en retournera, & le peuple se deffendra. Si Iupiter les regardoit, & il n'estoit pas cheant de luy, ce signifie que guerre & occision, sera entre eulx, & apres ilz feront paix. Si Mars, ou Iupiter,

D iij estoient

estoyent en l'ascendant, ce signifie qu'il y aura entre les parties petite guerre, & puis ilz feront paix : & ce sera si lefditz estoient en la seconde. Et si Mars estoit en la seconde, & il dommageoit la Lune, & Iupiter estoit cheant de la septiesme, ce signifie forte guerre, & grand dommage que la cité aura, & le peuple qui y est. Et si Mars estoit seul en l'ascendant, & il dommageoit la Lune, ce signifie que celui qui guerroye la Cité, fera vaincu par le peuple de ladite cité, & que iceulx citoyens auront victoire, & Hardely dit pour son maistre. Quand on te fera question pour aucune cité, & tu luy feras ascendant, si tu le trouues infortuné par adustion, qu'il y soit, ou qu'il regarde de quatriesme, ou d'opposition. Et si la Lune, ou le seigneur de l'ascendant aussi soient infortunez, ou dommages, ou cheuz des angles, ce signifie mal à la Cité, & que l'ennemy la prendra. Et si l'ascendant, & son seigneur estoient entre deux infortunez, ce signifie, que les gens de la cité, sont fort bien assiegez, & sont en grand angoisse. Et si le seigneur de l'ascendant estoit en la seconde, ou en la huitiesme, ou en la fixiesme, ou en la douziesme, ce signifie que les gens de la cité seront en angoisse & tristesse, & nommément s'il estoit soubz les raiz, ou si la Lune estoit en autre de deux neux. Et si le seigneur de la huitiesme, ou de la seconde estoit en l'ascendant, & ambdeux, ou l'un d'eulx estoit infortuné, ou le Soleil estoit entour l'ascendant, tant comme si la lumiere y est, c'est à sçauoir sept degrez, dy qu'elle est prinse. Et le temps quand elle fut prinse, quand le degré à esté infortuné, ou quand il seroit Combust, ou quand ilz entreront en leurs cas de maison, ou de exaltation, ou quand

quand ilz commenceront à estre Retrogrades. Et si fortunez & non fortunez, ensemble ragardoient l'ascendant, & le seigneur, & la Lune, cè signifie que ilz guerroyeront, & puis ferôt paix. Et si aucun infortuné, qui ne soit pas en l'angle, ne qui encores y pourra estre en aucun angle, ce signifie, que paisiblement sera prinse la cité. Et s'il auoit fortune en l'ascendant, ou elle estoit ioincte en l'ascendant, ou au seigneur de l'ascendant. Et si le seigneur de l'ascendant, & la Lune estoient partis d'infortunez, ce signifie que la cité ne sera pas prinse. Et si fortune estoit en la seconde, il y viendra secours à la Cité, qui la deffendra, & tu sçauras de quelle maniere sera le secours par la nature de fortune, & du signe en quoy il sera: car si c'est le Soleil, & il est mouton, ce sera vn Roy qui la secourera. Et si c'est Iupiter, ce sera vn hault homme, ou puissant seigneur de terre. Et si c'est Venus, ce sera vn mesme homme, beau & bien ordonné. Et si c'est Mercure, ce sera Escrivain, & le secours que la Cité aura, ce sera par engin, & industrie, ou par aucune maistrise. Et si c'est la Lune, ce sera vn iuste homme. Et si c'est Mars, & il est en bon lieu, au dextre de l'ascendant, ou de son seigneur, ou à fenestre, & Iupiter soit avec luy, & il regarde la Lune de bon lieu, & l'ascendant par bon regard, ce signifie, que le secours de la Cité, sera par le maistre de la Cheualerie, & par homme puissant, & magnanime. Et si c'est Saturne, & il regarde l'ascendant de son exaltation, ce signifie que le secours de la Cité sera par fraudes, deceptions, & choses couuertes. Et s'il auoit en l'ascendant infortunes, qui fut directe en son cours, ce signifie la puissance de la Cité, & de ses gens. Et si celle non fortuné, estoit

estoit Saturne, & il estoit seigneur de l'ascendant, ou  
 de l'exaltation de l'ascendant ce signifie que ces  
 gens auront angoisse, & tristesse. Si infortune e-  
 stoit Rettograde, ce signifie que les gens de la Cité,  
 seront en discord, & l'enemy la prendra: & ce sera  
 ce mesme, si le seigneur de l'ascendant estoit Retro-  
 grade. Et si le seigneur de l'ascendant estoit infortu-  
 né en aucuns des angles, ce signifie que ladite Ville,  
 ou Cité, sera prinse & saccagée, & beaucoup de  
 peuple occis. Et si fortunes estoient en l'ascendant,  
 ou Peregrines en leurs angles, & il n'y cheut aucu-  
 ne dignité, ne en l'ascendant, ce signifie que la Ville  
 sera prinse paisiblement. Et si la fortune, qui est en  
 l'ascendant, estoit dame de la douziésme, de la  
 huittiésme, & de la sixiésme, ce signifie qu'elle sera  
 prinse à force: mais le peuple n'aura aucun mal, ou  
 dommage. Et s'il auoit infortune, en l'ascendant ou  
 en leurs angles, ou en leurs dignitez, & ilz cheus-  
 sent en seigneuries, en l'ascendant en leurs angles, ou  
 en leurs dignitez, ce signifie que la cité sera prinse  
 par plaidz, & par discordz qui seront entre les gens  
 de la cité, & te conuient regarder, la ville, cité, ou  
 chastel, par l'ascendant, & par la Lune & le seigneur  
 dudit chastel, ou cité, par le seigneur de l'ascendant  
 & le peuple de la deuxiésme, & iuge de chascun  
 d'eulx selon son pouuoir, & selon son estat de ses  
 significateurs. Et si les auersaires de la cité faisoient  
 question especialement s'il auroient la cité ou non  
 & s'il vaincra le peuple, qui y est ou non, dōne l'as-  
 cendant & son seigneur au demandant, & à sa com-  
 pagnie, & la septiésme & son seigneur à la cité & a  
 son seigneur, & celuy d'eulx que tu trouueras en  
 infortune & dommage, signifie la destruction de  
 celuy

celuy a qui il est significateur. Et si l'un des deux estant significateur pres de l'ascendant de l'autre, & il y auoit entre luy & le degré de l'angle tant comme est la rōdeur d'un placite, celuy de qui le significateur est entrant en l'ascendant de l'autre guerroyera la terre de l'autre, & y entrera, & t'ayde en ce par la Lune si elle est dōmagée, ou en bon estat. Et si elle estoit entre l'ascendant & le my ciel, ou entre l'ascendant & le quatreiesme prends la pour significatrice du demandant. Et si elle estoit entre le my ciel de la septiesme, ou entre la septiesme ou la quatreiesme, prends la pour la signification de la chose demandée.

## ELECTION POVR ASSEOIR

*Camp deuant une ville ou Cité.*



I tu veulx sçauoir election pour assieger ville, ou cité, & pour auoir fiance en la meilleure election que puisse estre en ce, c'est que la lune soit amoindrie de lumiere & qu'elle soit descendante en la partie de midy par latitude, & que fortunes la regardent de quel regard que tu voudras, & si elles estoient ioinctes a luy ce seroit mieulx, & que Mars soit en signe féminin en la troisieme de la Lune & que le signe de l'ascendant soit de longue & de droicte assention, & que fortunes les regardent: Car quand tu auras fait ceste election, & tu commenceras à assieger vne cité ou chastel, ou ville, tu pourras auoir esperance que la prendras hastiuement. Et si la Lune estoit allée à la seconde de Mars, ce seroit mieulx, & te garde en ceste chose du regard de Saturne, & estude tant que

que tu pourras, qu'il soit cheant de l'angle: car Saturne signifie traduite & aloingnement, & l'on dit telle election fut aprouuée par deux foys en la cité que l'on nomme Naycit, & elle fut prinse par le vouloir de Dieu. Alphadal le filz de Habeuzabel, dit que quant tu veux enuoyer Cheualier pour assieger aucune ville, ou cité, le mieulx que puisse estre en ce est, que tu les enuoye au iour du iedy, ou au iour & heure du Soleil, ou du iour de vendredy, à l'heure de Venus & metz ascendant la maison d'aucune fortune qui soit Orientale, ou en l'ascendant, ou au milieu du ciel qui est la dixiesme maison & que le seigneur de l'heure soit avec autre fortune, & quand il aura fortune en l'ascendant, ce signifie en celle voye & sauement de corps quand la Lune sera ioincte à fortune de coniunction, ce signifie ioye & lyesse. Quant la Lune sera acroissante à lumiere & elle aplicque à fortune, signifie legereté en la voye & apprestée en fait, & mesmement si le seigneur ascendant & celuy ou la Lune est, estoient de droicte ascension, & cest le plus certain & le plus vray en ce que nous auons dit. D'orothe, & plusieurs autres sages de Babilone, dient en ceste raison, que les signes des torfes ascensions signifient durté es choses & mesmemēt ceulx qui sont mouuables, car s'ilz certifiēt durté es choses & dommages de tout ce que l'on demande. Et quand le Soleil sera en l'ascendant en ladite election ce signifie qu'il vont pour tencer l'un à l'autre pour parfaire ce qu'ilz guerroyent: Mais ceste election est pour gaing vain, car celuy qui se meust à celle heure à l'adventure s'en reuiēdra vuyde, & ceste chose sera plus ferme, si le Soleil estoit en signe  
feminin,

feminin, ou en son cas, ou en aucune fortune si le regardoit, & quand la Lune sera en l'ascendant ou au my ciel au commencement de la voye, & elle applique à fortune, ou qu'elle soit sauue d'infortune, ou que le seigneur de l'exaltation du lieu soit sauué de la combustion, ou qu'elle soit en exaltation, ce signifie force, & amendement en celle chose, & aussi si le seigneur du lieu estoit sauué de la retrogradation.

POVR OFFICE DE ROY ASSA-

*voir si celuy qui la demande l'aura ou non.*

Chapitre.

14



Vand aucun te demandera pour office qu'il veult requerre au Roy s'il l'aura ou non: Regarde le seigneur de l'ascendât & le seigneur de la dixiesme maison, & si tu treuves entre eulx aucune application de trois ou de six ou qu'ilz soient tous deux en angles, & nul infortune ne les entrecourent, dy qu'il aura ce qu'il requiert. Et si le seigneur de l'ascendant estoit cheant du seigneur de la dixiesme & ne la regardast pas, ne que nulle fortune qui portast de la lumiere au seigneur de l'ascendant ny le regard, dy qu'il ne l'aura point. Et si le seigneur de l'ascendant estoit infortuné, & le seigneur du my ciel infortuné, & ilz se regardoient en lieux ou ilz ayent dignité & pouoir chascune en son lieu, regarde laquelle est plus forte, & laquelle est au my ciel: & si la plus forte est celle qui a plus grand pouoir au my ciel estoit fortuné, & elle fut plus forte en son lieu, & elle appliquoit à infortune, dy qu'il aura tost ledit office,

&

## TRAITE D'ASTROLOGIE

& en sera seigneur, & puis apres en aura vn autre qui luy coustera, & luy en auindra mal & grief, & en sera laydement mis hors. Et si l'infortune auoit plus grand seigneurie au my ciel & elle estoit plus fort en son lieu, ce signifie que l'on à parlé dudit office, & cuydera l'on qu'il le doiuue auoir, mais non aura. Quand la Lune sera en nature fortunée, & sauues des infortunes, & le signe de la maison ou la Lune sera le regard, ce signifie que la chose sera accomplie bien & puissamment. Si le seigneur de la deuxiesme estoit infortuné, & la Lune infortunée par luy, ce signifie que la chose dequoy l'on pense est destruite. Et si le seigneur de la seconde estoit fortuné, & la Lune estoit encores infortunée, & cheant de la seconde & de fortune, ce signifie que vne partie de la chose sera accomplie, & puis destruite. Et si le dommage de la Lune estoit fait par Mars, & il estoit fort en son lieu dommageant la Lune, & le seigneur de l'ascendant, & le seigneur de la maison de France, & le seigneur du my ciel, ce signifie qu'il sera occis en son office. Et si aucune fortune les regardoit qu'il amendaist, il ne seroit pas occis: mais il en sera osté & chassé hors du païs. Et si le seigneur de la dixiesme & de la vnziesme ambdeux estoient au lieu ou ilz deuoient auoir ou ont dignité, si la Lune estoit dommagée par Saturne, ce signifie qu'il aura celle dignité, & la tiendra feurement, mais il sera de mauuaise maniere & tricheur & affoiblira fort ses suiectz, & se plaindront fort de luy. Quand le seigneur de l'ascendant & fortune & la Lune applique à luy, & il ny à aucune fortune entre-eulx, ce signifie que celle chose sera accomplie en bien, & que le seigneur de la question sera aymé

&

& si l'un deulx n'apliquoit à l'autre, mais aucun de la entre coupe, regarde lors le seigneur de la maison de la Lune, & s'il applique au seigneur de l'ascendant ce signifie que celle chose est faicte. Si la Lune estoit dommagée, & le seigneur de la maison ou elle sera & le seigneur de l'ascendant, & il n'auoit entre-eulx application, dy que celle chose n'est point faite. Si Mars dommageoit le seigneur de l'ascendant & la Lune, ce signifie que le Roy se desdira, en celle chose. Et si le dommageur estoit Saturne, ce signifie que le Roy le chassera, & qu'il n'aura pas ce qu'il demande. Si Iupiter & Venus regardoient le seigneur de l'ascendant & la Lune, & ilz estoient seigneurs de l'ascendant & de la maison de la Lune ce signifie atendement en celle chose & accomplissement, & durera tant en celle dignité, comme il aura de degrez entre la fortune & le seigneur de l'ascendant, & entre l'infortune qui le dommagea & la Lune, en donnant à chacun degré vn moys, & tu scauras le proffit qu'il luy viendra de la chose par la partie de fortune & par la Lune, & par leurs formes & par leurs applications de chacun d'eulx aura à son compaignon. S'ilz estoient en ceste maniere, & ilz appliquoient au seigneur de l'ascendant, ce signifie, grand noblesse & grand proffit selon les vertuz & bontez de leurs lieux, & avec ce, ces fortunes deuant dites Mars les infortunoit, ce signifie qu'il prendra office en ce, de l'auoir du Roy & s'en fuyra avec ce. Si l'infortuné estoit Saturne, ce signifie qu'il emblera priuément & couuertement, & sera en grand labour, pource qu'il en donnera vne partie de ce qu'il aura emblé & eschappera. Si tu veulx scauoir son estat en l'office, par les moys ou  
par les

## TRAITE D'ASTROLOGIE

par les iours l'un apres l'autre regarde en quel terme de planette est le Soleil: & c'est à sçauoir si celuy receut l'office de iour, ou s'il la receut de nuict, Regarde la Lune & le seigneur du terme ou elle est, & iuge par celuy d'eulx qui se mue par les termes, & regarde les seigneurs de ces termes, quand ilz sont fortunez ou infortunez, & quel lieu du Ciel ilz sont, bons ou mauuais, & iuge selon le bien, ou le mal: regarde aussi le seigneur du my ciel car il est plus fort que toutes les autres planettes en la cause du Roy, & le dresse par le degre de l'ascendant, & donne à chacun degre vn iour, iusques à tant qu'il soit allé par tous les signes du ciel, & sçachez que quand le degre de la dixiesme en son seigneur seront domagez, & quand le domage fera au degre ascendant, ledit domage aduiendra à son corps, & en sa vie.

POVR SCAVOIR COMBIEN A V-  
cuns seront au seruiue du Roy, & en l'office  
qu'ilz ont dudit Roy. Chapitre. 15



**A**dresse l'ascendant à l'heure qu'il reçoit la dignité. 10. de l'office, ou à l'heure que le Roy luy octroya, & par l'ascendant, & par son seigneur tu sçauras sa besongne & son estat de son corps, & tu sçauras l'estat de sa dignité, par la dixiesme & par son seigneur, & par ces deux prendras ayde de la Lune. Si le seigneur de l'ascendant estoit en sa maison & exaltation, ce signifie haultesse, & noblesse en ceste office, & qu'il y sera honoré. Et si les luminaires appliquoient au seigneur de l'ascendant, ce mesme signifie. Et si le seigneur

gneur de l'ascendant estoit en la triplicité, ce signifie que c'est office sera moyen. Et s'il estoit peregrin, ce mōstre que c'est petit office & vil. S'il estoit en la seconde maison de l'ascendant, ou en second signe de maison, ce signifie qu'il ouurera tousiours à son office, & procurera tousiours le proffit de l'office. S'il estoit en la troisieme, ou en la neuuesme, ce signifie qu'il sera muable & ne sera point resident en vn lieu, & toutesfois il va pour l'office. Et s'il estoit en la quatrieme, ce signifie qu'il fait vn autre œuure pour luy & il se repose. Si en la cinquieme, se montre qu'il cognoistra ses gents & ne leur demandera plus qu'ilz ne doibuent, & parauanture il aura vn filz. Si c'est en la sixieme, ce signifie qu'il aura angoisses & maladies en son corps. Et si c'est en la septieme, ce signifie qu'il fera mal sur ses gents & fort en ses faitz, & olera à ses gents plus qu'il ne doit, & tous le hayront. Si c'est en la huitieme, il sera foible & vil en ses faitz & despité de ses gens. Et s'il appliquoit d'oposition à infortune, ce signifie qu'il sera occis par occasion de son auoir. S'il estoit combuſt en son lieu, ce signifie que il mourra en ceste office. S'il est en la dixieme, il sera puissant en son office, & si infortune le regardoit il durera longuement, & le peuple enrichira en son temps. S'il est en la vnieme, il sera beaucoup loué de ses faitz & tous ses ditz, & faitz serōt bōs & bien adressez, il aura aussi proffit & gain de ceulx qui le seruent, & de ses amys. Si Iupiter estoit receu, ce signifie qu'il gaignera beaucoup, & si ne sera de luy aucune plainte, & sera fort loué de ses compaignōs & de ses gents. S'il n'estoit receu il sera fort hay de tous & despité, & si apētisserōt ses rentes & amoindriront

## TRAITE D'ASTROLOGIE

driront. Si c'estoit en la seconde son auoir sera destruit & ses rentes. Si le seigneur de l'ascendant estoit en son cas, toutes ses rentes seront fort domagées, & en sera mal en soymesme. Et si avec ce il estoit en l'angle il ne demetrera pas en celuy office. S'il estoit esloigné de l'angle il en sortira en sa honte & grandissime vergongne. Quand le seigneur de la seconde va de quatre ou d'oposition ou de conionction, au seigneur de l'ascendant, & il ne reçoit, ce signifie qu'il sera mis en prison, mesmement, si le seigneur de l'ascendant estoit en l'angle, ou s'il estoit au my ciel, ce sera pour chose aperte ou decouverte, s'il est en l'angle de terre, ce sera pour chose reposée ou celée. S'il est en la septiesme il sera mis es mains de ses compaignons, & aura par eulx angoisses & griefuetes. S'il est en l'ascendant, sa prison sera en bon lieu, & par auenture sa prison mesme. Et si le seigneur de l'ascendant, puis qu'il se part du seigneur de la douziesme, & il applique au seigneur du my ciel, ce signifie que puis apres sortira de prison & sera remis en grand honneur & pouuoir. Et quand le seigneur de l'ascendant applique en luy, ou Mars à luy de quatriesme ou d'oposition, ou de conionction: Et Mars estoit seigneur de la seconde, ou de la huitiesme ou de la quatriesme, ou de la sixiesme, ou de la douziesme, ce signifie prison ou detraction: mais quand le seigneur de l'ascendant, applique au seigneur de la sixiesme, si le seigneur de la sixiesme est avec autre planette que Mars & il est receu, ce signifie que celuy qui a l'office sera receu & loué par le menu peuple, & sera malade. Si celle application ou reception estoit par le seigneur de la deuxiesme, il aura  
ses

ses rentes legerement & en bonne maniere, & s'il n'y a point de reception il les aura par ennuy & labeur, ne il ne s'entremettra de rien. *Reception est, quand une planette regarde d'aucun regard un autre qui est en sa maison, exaucemēt, triplicité, ou terme: combien que les plus fortes receptions sont de maison & exaucement.* Si ceste application & reception estoient avec le seigneur de la troisieme ou de la neuuesme il peuplera les lieux de son office, & amēdera les rentes & adressera tous ses droitz, tellement qu'en fin ny perdra rien, & s'il est receu il perdra de ses rentes, & luy emblera l'on de son auoir. Si celle application estoit avec le seigneur du my ciel, ses rentes croistrōt, & s'il estoit receu il sera bien renommé, sinon il sera diffamé. Et si celle application estoit au seigneur de la vnzieme ou de la cinquiesme, il aura honneur & viendra a ce qu'il veult, il aura plusieurs amys & beaucoup d'aydes. Quand le seigneur de l'ascendant applique au seigneur du cas de la maison de exaltation ou il est, il sera peu en son office, & luy mesme fera le fait, parquoy il sera mal fortuné. Si le seigneur du cas appliquoit au seigneur de l'ascendant, l'on dira mensonge & luy mettra on charge de ce qu'il n'a pas fait & par ce sera mis hors & expulsé de son office. Regarde aussi la Lune & son application, & iuge par iceulx, cōme par huictiesme application du seigneur de l'ascendant quand le seigneur du my ciel sera en son cas il sera osté de son office. Et si le seigneur de son cas appliquoit à luy, ce signifie destruction & dommage de l'office, & qu'il en sera tost hors, & que son ennemy l'aura apres luy. Si la Lune estoit en la cinquiesme à l'heure que l'office luy fut donnée ou à l'heure qu'il y entra, ce

## TRAITE D'ASTROLOGIE

signifie que les gents le craindront & doubteront fort. Et si elle y estoit receue, ilz seront en la fin asseurez à luy & l'aymeront, & sinon ilz le hayront, & le despriseront tant qu'il sera entre eulx. Si avec ce elle estoit infortunée, ce sera pis, car il greuera le peuple, & luy fera mal ledit peuple. Quand le seigneur de la maison de la Lune, ou le seigneur de la maison du seigneur ascendant estoit retrograde, le peuple le hayra, & doutera, & si avec ce il est retrograde, & il estoit cheant de l'ascendant & il ne regardoit ny la maison ny le seigneur de son lieu, si s'en fuyra de deuant les gents & encores seroit ce pis s'il estoit en la douzième. Et aussi quand le seigneur de la maison du seigneur de la septiesme sera retrograde a l'heure que lon fait aucuns Iuges, ou à l'heure que lon met aucuns gardeurs de cité, & que on alloüe cheualiers, ce signifie mesmes que le seigneur de l'ascendant signifie en ce que nous auons dit. Alsaldal filz de Habizehel dit, quand le degré du my ciel sera sauf des infortunes & il appliquera à fortune, & fortunes foyent es anglez, & qu'ilz ayent aucunes dignitez ou degrez, son estat yra en amendement, mesmement si le Soleil estoit en son significateur, & il appliquoit à Iupiter, & que la Lune soit en sa signification, & elle soit tardive de cours appliquant à Saturne de trois: & puis à Iupiter & à Venus de quatre, & qu'elle soit en aucuns des angles de l'ascendant, & qu'elle soit en ce degré du my ciel, qui est le meilleur & le plus puissant en ceste chose, si la Lune estoit lors en ce degré, du my ciel, ce vault mieulx & en est plus fort.

Pour

POVR SCAVOIR COMBIEN LE  
seigneur durera en sa seigneurie. Chapitre. 16

Lheten filz de Schel, qui aproua ce iugement, & le trouua vray, dit que tu prengnes du degré du my ciel iusques à l'infortune qui est plus pres que les autres, comme Ptolomée monstra pour sçauoir les heures des eslongnements des planettes du myciel & donne à aucune de ses heures vn an : & tant durera le seigneur en sa seigneurie. Vn autre sage dit, prends du degré du my ciel iusques au degré du my ciel du seigneur, & tant qu'il aura de nombre entre-eulx, tant durera il en sa seigneurie. Alhesen dit, regarde les seigneurs de triplicité du Soleil de iour, & de la Lune de nuit, & regarde celuy que tu trouueras plus fort en plus fort lieu, & près du degré ascendât iusques au degré de ce seigneur, & selon le nombre des degrez qu'ilz seront entre-eulx, selon ce il durera en sa dignité. Quand aucun seigneur sera osté de sa seigneurie, & l'on te vient à demander s'il la pourra r'auoir ou non, regarde que le seigneur de l'ascendant applique au seigneur du my ciel : & si le seigneur du my ciel regarde en son mesme lieu, il ne r'aura point sa seigneurie & dignité, mais il en aura vn autre en autre lieu. Et si le seigneur de l'ascendant estoit retrograde il aura sa dignité, si la Lune estoit en signe mouuable, & elle regardoit le seigneur du my ciel, en aucune planete qui fut au my ciel, & la Lune estoit receue de celle planete, il reuiendra en sa seigneurie. Si le seigneur du my ciel estoit en signe mouuable, & il appliquoit aux planettes qui fut au my ciel, & il ne

## TRAITE D'ASTROLOGIE

fut pas esloigné de luy, l'un receueroit l'autre il reuiendroit en sa seigneurie. Le plus fort & le plus ferme qui puisse estre en ceste chose est: Quand la Lune applique au seigneur du my ciel & il la reçoit, s'il est aussi receu en son lieu, lors sera ceste planete receue en trois manieres par la Lune, par le seigneur du my ciel, & par le seigneur de sa maison, & si se monte plus se sera estat de Roy, si ses receptiōs estoient plus multipliées, il signifieroit grand royaume & hault. Et si le seigneur du my ciel estoit desseuré du seigneur de la quatriesme, il reuiendra à sa seigneurie. Et si le seigneur de la quatriesme appliquoit au seigneur de la dixiesme, il aura sa seigneurie sans requerir. Si le seigneur de la dixiesme appliquoit au seigneur de la neuuesme, la dignité est perdue. Et si le seigneur de la dixiesme appliquoit au seigneur de la maison du seigneur de la quatriesme, il aura vne dignité & vne seigneurie, qu'il ne pensoit pas, ne qu'il ne requeroit pas. Et sçachez que quand le seigneur de la quatriesme donne sa force au seigneur de la dixiesme, c'est mieulx que quand le seigneur de la dixiesme donne sa force au seigneur de la quatriesme, car la Lune donne & l'autre oste. Et si le seigneur de la dixiesme estoit en angle, ou en succedant il ne sera pas osté de sa dignité. Quand le seigneur de l'ascendant ou la Lune applique au seigneur de la sixiesme, ou de la douziemesme, ou de la huietiemesme, il luy viendra en voyes, angoisses & maulx. Et si ces planettes estoient infortunées, ce signifie plus grand mal & plus fort. Si le seigneur de l'ascendant estoit en la neuuesme ou en la troisiemesme, & le seigneur de la neuuesme en l'ascendant, il sera pris & osté de sa dignité. Si tu

trouues

trouues le seigneur du my ciel, & le seigneur de son terme, tous deux fortunez, & la Lune ioincte à eulx, ou qu'elle ayt dignité & pouuoir en ses lieux, & le signe du my ciel soit commun, il reuiendra à sa dignité, & luy fera acreeue, & aura ce qu'il voudra, & ce sera selon la puissance de fortune qui fera dame du terme & de la planette qui sera seigneur de ladite quatriesme maison.

POVR SCAVOIR SI AUCVN AVRA

*seigneurie ou non.*

*Chapitre.*

17



I on te vient a demander pour aucun qui veult requerrir dignité du Roy, ou d'aucun seigneur s'il l'aura ou non: Regarde si tu trouues aplication de trois ou de six, entre le seigneur de l'ascédant & le seigneur du my ciel, ou qu'ilz soient en angles, & que nul infortuné ne trenche entre eulx, dy qu'il aura ce qu'il demande. Et si le seigneur de l'ascendant estoit cheât du seigneur de la dixiesme & ne le regardoit point, ou le seigneur de la dixiesme soit cheant ainli qu'il ne les regardast, ou aucune fortune puissant le regarder & qu'il r'ameine sa lumiere à luy, celle chose sera acomplie mais il n'y entrera ny ne l'aura. Si le seigneur de l'ascendant estoit infortuné, & il regardoit l'un l'autre de lieux ou ilz ont puissance & dignité chacun en son lieu, regarde lors lequel d'eulx est le plus fort, & lequel est en l'angle du my ciel, ou lequel à grād pouuoir ou plus grand' dignité en l'angle du my ciel, & si la fortune estoit plus forte en son lieu & elle apliquoit aux infortunes, dy qu'il aura tost la dignité: Mais quand il la tiendra

E iiii

lon

lon luy mettra avec luy cōpaignons & contraires  
& luy viendront griefz trauaulx, & puis il en fera  
osté en quelque male maniere & laide, ce sera quād  
le pouuoir reuiendra de l'infortune qui auoit pou-  
uoir d'infortune au my ciel, & si elle estoit forte en  
son lieu, il aura esperance d'auoir ce qu'il demande,  
mais il ne l'aura pas. Et quand la Lune sera en la di-  
xiesme fortune & sauue de l'infortune, & le sei-  
gneur de sa maison le regarde, la chose sera acom-  
plie en bonne maniere. Et si le seigneur de la vnze-  
iesme estoit infortuné, & la Lune estoit infortunée  
par luy, la chose ne sera pas accomplie ne faite, mais  
elle sera dommagée. Si le seigneur de la vnzieisme  
estoit fortuné & en bon lieu & fort, & il regardoit  
sa maison, ou le seigneur du my ciel, & la Lune e-  
stait avec ce infortunée & cheant de la vnzieisme  
infortunée aussi il aura vne partie de ce qu'il de-  
mande, & puis la perdra. Et si c'estoit Mars qui  
dommageait la Lune, & il estoit en son lieu & en  
dommageant la Lune il dommageoit aussi le sei-  
gneur de l'ascendant & le seigneur de fiance, & le  
seigneur du my ciel, il fera occis en sa dignité. *sei-  
gneur de fiance c'est le seigneur de la unzieisme maison.* Et  
si avec ce aucune fortune, qu'il ayme concordant à  
luy le regardoit il ne sera pas occis : mais il sera mis  
hors de sa dignité. Et si le seigneur de la dixiesme &  
de la vnzieisme estoient tous deux fortunez & en  
bon lieu & fort, & ou ilz ont dignité, & la Lune e-  
stait dommagée par Saturne, il aura la dignité, mais  
il sera mal, & fera mauuais faitz & sera cruel, &  
ses gents le hayront & luy seront rebelles. Quand  
la Lune applique au seigneur de l'ascendant, & il  
est fortuné sans auoir infortune entre-eulx qui  
trenche

trenche, cē signifie que la chose fera acomplie, & que ce qu'il demande sera aymé du seigneur de qui il demande. S'ilz n'auoient point d'aplication entre-eulx, & il y auoit autre qui les entrecopast, regarde le seigneur de la maison de la Lune, & si tu les trouues aplicquants, au seigneur de l'ascendant la chose sera acomplie. Et si la chose estoit dommée, & le seigneur de la maison ou le seigneur de l'ascendant aussi n'y auoit aplication entre-eulx la chose ne sera point acomplie. Et si c'estoit Mars qui dommageoit le seigneur de l'ascendant & la Lune, ce sera par le message du Roy, ou de ce seigneur. Et si c'estoit Saturne, ce sera par trauaulx & par la dureté du Roy, & n'aura ce qu'il demande. Et si Iupiter & Venus regardoient le seigneur de l'ascendant, & le seigneur de la maison ou la Lune fera, ce signifie amendement en celle chose, & la durableté du tēps sera selon le nombre des degrez qui sont des la fortune ou des le seigneur de l'ascendant, iusques à l'infortune qui dommage, ou iusques à la Lune en donnant à chacun degré vn moys, & tu sçauras combien de profit il aura en celle chose par la partie de fortune, & par la Lune: car s'ilz sont tous deux fortunéz & la Lune applique à l'autre, & icelles deux appliquent au seigneur de l'ascendant, il aura grand profit & honneur, & ce sera selon le pouuoir de leurs significateurs ou ilz estoient infortunéz par Mars, aucun de sa mesgnie prendra vne grande partie de son auoir & avec ce s'en fuyra. Et si c'estoit Saturne il emblera à son seigneur en couuert, & puis luy viendront angouisses, & il se respondra avec vne partie de ce qu'il emportera, & puis il eschappera. Si tu veulx sçauoir l'estat du seigneur, en cha-

cun

cun moys & en chacun iour, regarde le Soleil, si c'est de iour il fera receu, & si c'est de nuict regarde la Lune, & qui est le sire de son terme, & iuges selon ce & selon les seigneurs de chacū terme, a quoy les luminaires vont. Et quand le seigneur de l'ascendant sera fortuné, & en bon lieu du ciel & fortuné, iuge bien & grand ioye, & s'il est fortuné, ou infortuné en mauuais lieux de sa figure, iuge mal & angoisses, & aussi iuge par le seigneur du degré du my ciel qui est le plus fort planette de tous les autres sept, en cause de seigneurie & de Roy, & le nombre que tu sçauras de ce, fais par les degrez des ascentions, en donnant à chacun degré vn iour, tant que tous les degrez des signes soient acomplis, & sçaches que quand le dommage du degré fera de la dixiesme, & en son seigneur, la seigneurie & le pouoir du seigneur est dommagé. Et quand le dommage sera au degré ascendant & en son seigneur, ce sera en son corps & en sa vie.

ELECTION POVR METTRE A-  
cord & amour entre freres, parents, & amys.  
Chapitre. 18.

Ites Freres, ou Sœurs, Cousins, ou tes  
S prochains parentz sont mal d'acord, & aucun y voudra mettre paix & concorde entre iceulx, fortune l'ascendant, & son seigneur & la Lune, & le signe ou la Lune sera, & pareillement fortuneras la troisieme maison & son seigneur, qui signifie les freres & les parentz, & fais si tu peux que ledit seigneur de la troisieme maison se confronte au seigneur de l'ascendant, ou qu'il le regarde,

regarde, de trois ou de six regardz, & que le seigneur de la premiere maison le receuoit de maison ou d'exaltation, ou triplicité, & que le seigneur de la troisiésme maison regarde l'ascendant de bon regard, & le seigneur de la premiere maison pareillement regarde le seigneur de la troisiésme maison, & que le seigneur de l'ascendant soit en la dixiésme ou vnziésme maison, & la Lune regarde tous les deux seigneurs, c'est à sçauoir le seigneur de la premiere maison, & le seigneur de la troisiésme maison ou l'un d'eulx, & tu dois considerer si la paix est a faire entre les freres plus grands, ou entres les moyens: Car si c'est avec les plus grands, tu fortuneras Saturne, & si c'est avec les moyens, tu fortuneras Venus comme il est dit de Saturne.

**ELECTION POUR S'ACOMPAGNER avec aucun & pour y proffiter. Chap. 19**

I aucun se voulant acompaigner avec vn  
**S** autre pour marchander & gagner par ensemble te vient a demander comment il en ira: Regarde fortune à l'ascendant & son seigneur & la Lune, & le seigneur de la maison ou elle sera, si peult faire, ou le signe ascendant soit signe cōmun excepté Gemini. Le Seigneur du signe auquel la Lune seroit, ou soit au Sagittaire ou Lyon pour la bonté du Soleil, & metz la Lune forte & fortune sans estre empechée de mauuais regardz, & si la Lune est en Virgo, ou en Sagittarius, ou en Pisces, tant mieulx vault: mais qu'elle soit receue, car si elle n'est point receue il ne sont pas bons, car la reception signifie gaing, & si tu les peulx mettre es  
 signes

## TRAITE D'ASTROLOGIE

signes deuantditz, metz la au Taureau . Libra , & Aquarius font mauuais , la Lune soit croissant de lumiere, & soit receue de trine , ou de sextil , car ce signifie que separation sera bonne . Le quart regard est oposition, signifie mal & noyse: Et si tu ne peux tout fortunier, fortune ce que tu peux, & l'ascendât & la seconde maison, & la quatriesme , & la vnzeiesme maison & leurs significateurs & la partie de fortune: car elle est en ce cas fort vtile & necessaire.

POVR SCAVOIR D'AVCVNS QUEL  
ouurage leur est le plus necessaire. Chapitre. 20



Vand aucun te demâde quel ouurage luy est le meilleur, regarde l'ascendant & son seigneur, & la dixiesme & son seigneur, & les lieux de Venus & de Mars, car ce sont les significateurs des ouurages , & celuy d'eulx que tu trouueras le plus fort & quel signe c'est . Si c'est le Mouton , regarde le quatriesme angle, & si tu y treuue en chacune planette, iuge qu'il est bon qu'il soit Bouchier, & qu'il s'entremette de bestes & de Bœufz & Vaches & d'autres bestes à quatre piedz, & s'il va en tout autres planettes, mais s'ilz sont en aucun il sera bon lanier. Si Mars auoit aucune dignité au lieu du seigneur, ou du my ciel, au lieu du Soleil, il sera bon qu'il face ouurage appartenant au feu, & le significateur estoit en sa exaltation, ou en my ciel, il sera pour seruir Roy, ou pour noblesse. Selon ceste maniere regarde en tous les signes des bestes, comme nous auons dit par les quatres angles: comme du Mouton du Lyon, du Sagittaire, du Taureau, du Capricorne, car ces cinq signes sont signifi-

significateurs de toutes, & les Gemini & la Lune & Aquaire, signifient les hommes : mais specialement Gemini, signifie oyseaulx volants. Le Cancre le Scorpion & les poissons sont en l'angle ascendant, signifient poissons & oyseaulx d'eau & telles choses. Quand les planettes sont en signes ilz signifient toutes choses qui sont de nature d'eau, comme molles & poissons. Et si le significateur estoit au Taureau, bon luy sera labourer en terre, comme semer & planter arbres, acheter & vendre foings, & s'entremettre de choses qui apartiennent aux femmes, comme tindre drap & bocqueran. Et si le seigneur estoit en Gemini il est bon & d'uyfable pour estre escriuain pour faire liures, compter & cueillir rentes de Seigneur, pour mesurer terres & autres choses semblables : comme pour paindrefigurer, & sçauoir enchantements d'Astronomie. Et si le significateur estoit en Câcre, toutes choses luy est bonne qui est en estangs ou en mer, comme en ambre & aloes & telles choses. Et si le significateur est au Lyon il sera bon pour seruir Roys & haultz Seigneurs, pour leur donner & faire ouurage de feu : comme nous auons dit ce sera bon qu'il s'entremette à vendre bestes. Si c'estoit signe de beste il sera bon pour chasser, pour nourrir chiens de chasse, & telles ou semblables bestes à quatre piedz pour ladite chasse. Et si le significateur estoit en Virgo, est bon qu'il soit escriuain du Roy, ou vendeur, ou gardeur de liures, & qu'il les porte de lieu en autre, & qu'il soit diuineur en toutes manieres de diuinailles. S'il estoit en Libra, il sera bon dicteur de chartres, il sera bon verifieur, il sçaura lire Rommants, fables à quoy l'on s'esbast de nuict, & sera bon

## TRAITE D'ASTROLOGIE

bon qu'il s'entremette de chose qui appartient aux femmes, ou qu'il soit chanteur ou ioueur d'instruments, & ce sera quand il aura pouuoir par le vouloir de Venus & quand elle y aura regard, & s'il auoit planette es angles il fera bon à acheter prisonniers esclaués, aussi pour enseigner enfantz. Et s'il estoit en l'escorpion, il seroit bon Chirurgien pour ouurir apostumes & guarir playes, vendre arain & telles choses semblables. Et s'il estoit au Sagittaire, pour aprendre & duyre bestes, & pour les garder, & pour chasser, & pour marchander bestes à quatre piedz, & sera bon pennetier, ou bon veneur. Et s'il estoit au Capricorne, il fera bon à vendre toutes viandes que l'homme mëge, & pour engresser toutes bestes & pour soy entremettre de pierres precieuses. S'il est en Aquaire, il fera bon à faire nefz & ce qu'il leur appartient. Et si aucune planette de eaue y auoit regard, ou s'il y auoit planette d'eaue en l'ascendant, il sera Marinier. Et s'il auoit planettes aux angles, comme nous auons dit, il fera bon, & sera bon encores qu'il achete Chastel, ou qu'il soit courretier à vendre chaliz, & sera bon pour aprendre serfz & disciples. Si le significateur estoit es poissons il fera bon pour Roys. Et si celle planette estoit en sa exaltation ou en my ciel, ou autrement il sera iangleur, châteur, ioueur, & tricheur & si tu veulx sçauoir son ouurage pour soy: Regarde ce qui est dit en ce liure de ceste chose, quand nous parlerons des natiuitez en la fixiesme partie de ce liure: car tu les trouueras: & aussi le trouueras au liure des sangnans quand tu voudras sçauoir a qui il viendra de son ouurage, regarde par la vnzième maison & par son seigneur, & si tu  
veulx

veulx ſçauoir que ce ſera de luy deuant ce, regarde  
le par la neuſieſme & par ſon ſeigneur.

POVR SCAVOIR COMBIEN DE  
temps un ſeigneur peult eſtre & demourer en ſa  
ſeigneurie. Chapitre 21

Tolomée dit en c'eſt endroit, qu'il con-  
P uient regarder au commencement de la  
ſeigneurie, par le planette qui ſera ſire de  
la dignité, ſignifiant celuy pour qui tu regarderas  
ainſi que celle planette ſoit en bon lieu, car par a-  
uenture nous pouuons trouuer bon aſcendant &  
la Lune regardants les fortunez & le ſeigneur de  
la dignité ſera cheant ou ſouz les Roys, ou il ne re-  
gardera pas l'aſcendant, ou il ſera en la ſeconde ou  
en la huiſtieſme, lors nous deuons iuger que le ſei-  
gneur ne ſera pas bien en icelle dignité, mais il y  
aura touſiours trauaulx. Et auſſi quand le ſeigneur  
de la dignité & planette qu'il demonſtra, ſera en  
ſon cas ou non fortuné, ce ſignifie ce meſmes, & de  
ceſte exemple. Quand Alhaſez filz de Sechel ſe par-  
tit de Araſon, l'aſcédant eſtoit le Lyon & le Soleil,  
qui en eſt ſeigneur, eſtoit au Lyon, & la Lune &  
Iupiter eſtoient au my ciel: & Venus qui eſtoit  
dame du my ciel eſtoit en la ſeconde maiſon, & ſon  
cas ne regardoit point l'aſcendant ne ſon ſeigneur,  
& il ne fut oncques en celle dignité ſans angoiſſes  
& ſans trauail iuſques a tant qu'il en fut oſté, & ne  
luy profſita de rien ce que Iupiter & la Lune eſtoi-  
ent au my ciel ou thaurel ſans que le Soleil ſoit  
en l'aſcendant, ne que l'aſcendant eſtoit le Lyon,  
c'eſt ſigne qu'il apartient à la ſeigneurie, doncques  
par

## TRAITE D'ASTROLOGIE

par ce regarderas tousiours en ceste chose diligement, & sçaches que la racine & fondement sont les elections au commencement: mais quand tu voudras sçauoir qu'il aduiendra au seigneur en sa seigneurie, & s'il sera riche, ou pauvre, ou s'il assemblera auoir, ou s'il le gastera, regarde la partie de son Seigneur & de fortune, la Lune, & le degré de la maison de substance. Si la Lune aplicquoit au degré de la partie de fortune, & elle estoit fortunée & le degré de la maison de substance aussi, ce signifie qu'il aura grandes richesses, & qu'il sera puissant d'aquerir. Et quand non fortunez seront cheants de la Lune, du Seigneur de la partie de fortune avec ce que nous auons dit, ce signifie sauement, accroissement de richesses. Et quād il a infortune en la deuxiesme, & la partie de fortune est infortunée, la Lune aplicque à infortune, & elle porte la lumiere de l'une, & infortunée à l'autre, ce signifie qu'il aura peu de richesses & qu'il ne sera pas stable ny ferme en celle seigneurie, & gastera son auoir en choses peu proffitables. Et quand la Lune & fortune seront cheants de la partie de fortune, ce signifie, qu'il perdra grand' partie de son auoir, & sera gasté. Et si Mars avec ce l'infortunoit, son auoir luy sera osté par force, & en aura beaucoup de peines: Si Saturne ne l'infortunoit, il le despendra pour deffendre son tort, & pour oster son mal, & en payer taillés, & par mauuaises paroles, & par telles choses, si aucune de ces infortunes estoient ioinctes à la partie de fortune, ou à son seigneur, ou il la regardoit de quatre, ou d'opposition: Mesmement si ce regard estoit d'aucuns des angles de l'ascendant, & la Lune estoit infortunée, & elle regardoit la partie de fortune

tune il aura coniecture es gents qui demanderont ce qu'il à assemblée, & luy osteront la plus grand' partie, & si celle infortune estoit Mars il aura ennemis qui seront rebours & larrons & malfaiçteurs. Et si la partie de fortune apliquoit à fortune & la Lune aussi à celle fortune, & le seigneur d'icelle partie n'estoit pas fortuné, signifie sauueté de son auoir & de son honneur, & qu'il ne perdra rien de ce qu'il a assemblée fors que ce qu'il en despendra de sa bonne volonté & de son proffit. Et si fortune ou infortune regardoient la partie de fortune & son seigneur, par esgal & pareil regard, par ioyeux regard ainsi que la Lune ne soit point amendée par le regard de l'autre: Regarde lors le regard de la Lune, ou l'estat, & à qu'elle partie de fortune ou d'infortune elle s'adhère plus & laquelle elle regarde, & comme elle est puissante en son lieu, & si elle à tesmoings, ou pouoir ou dignité, en la partie qu'elle regarde, & donne le iugemēt & la puissance de bien ou de mal, à la partie que la Lune regarde.

## POVR SCAVOIR D'VN HOMME

*estant hors du païs, s'il reuiendra ou non.*

*Chapitre.*

22



Regarde les Alimitez del'ascendant, & si tu les trouues en la'scédant, ou au my ciel ou qui donne sa force à aucune planette qui soit en aucun de ses deux lieux, ce signifie qu'il vient. Si les alimitez estoient en la septiesme, ou en l'angle de terre, ce signifie qu'il demourera en cores, & qu'il ne viendra pas si tost, & si l'alimité estoit en la neufiesme, ou en la troisieme & il apliquoit a planette qui fut en l'ascendant, ce

F

signi-

signifie qu'il est en voye pour venir, & ce mesme signifie le seigneur de l'ascendant. S'il est en la huitiesme ou en la seconde, & il applique à aucune planette au my ciel, & si le seigneur de l'ascendant estoit cheant & il n'apliquoit à aucune planette en angle, ne il ne regardast l'ascendant, ce signifie tardiueté. Et quand le seigneur de l'ascendant, ou la Lune applique à planette retrograde, ou si le seigneur mesmes soit retrograde, & il regarde l'ascendant, ce signifie qu'il vient. Et si le seigneur de l'ascendant estoit infortuné, ce signifie tardiueté & empeschement en sa venue. Et si tu trouues rien de ce ou que le seigneur regarde la Lune, & qu'elle donne sa lumiere au seigneur de l'ascendant, & il soit en l'ascendant ou pres, ce signifie qu'il viendra tost. Et si la Lune estoit en la septiesme, ou en la troisiemesme appliquant au seigneur de l'ascendant, ce signifie qu'il vient. Si la Lune estoit deffeurée de planette qui soit en la fenestre de l'ascendant c'est souz terre, & elle applique à autre planette qui soit à dextre de l'ascendant, c'est sur terre, ce signifie encores qu'il vient. Si la Lune estoit cheant à la dextre de l'ascendant, & elle appliquoit à planette, qui fut au my ciel, ce signifie qu'il vient, mais il demeurera encores. Et si c'est par la Lune que fut en la dextre de l'ascendant, & s'elle fut en la fenestre la venue fut plustost. Et quand le seigneur de la maison est infortuné, ce signifie tardiueté, & empeschement en sa venue, & ie dy que le seigneur de l'ascendant est significateur de celuy qui est hors, & c'est quand la question est faite couuertement: mais s'il faisoit la question ainsi que dit est, regarde pour homme qui est allé hors du país, lors est significateur la planette

nette qui est en la maison de voye. S'il demandoit pour son filz, regarde par la cinquieme, & pour son frere par la troisieme, si pour son pere par la quatrieme, & regarde les fortunes & infortunes en ces lieux, & pource iuge son estat en la voye, & son sauvement & son empeschement & par les lieux ou il fut fortuné ou infortuné, en la figure tu scauras les bonnes manieres & mauuaises de son estat, & de sa substance, & des filz & de ses heritages, & de ses mariages & autre choses par les significances des lieux. Et quand le seigneur de l'ascendant sera en l'ascendant, ou en la douzieme entrant en l'ascendant, ou il sera retrograde, ou que la planette qui est significateur de la voye sera retrograde, ou le seigneur de l'ascendant applique au seigneur de la dixieme, ou le seigneur du my ciel soit en l'ascendant, ou la Lune estoit receue, ou le seigneur de l'ascendant, tout ce signifie qu'il vient, & qu'il viendra tost scachez qu'une planette donne sa lumiere à un autre planette, quand elle a avec luy aucuns regardz, & la planette qui donne sa lumiere, est empeschée tellement qu'on ne s'en peut ayder, & si les deux planettes estoient empeschées, un autre planette qui regardera l'une des deux, emportera les lumieres desditz deux planettes. Et la planette de qui le seigneur de l'ascendant se part, signifie l'estat ou il fut & est passé, & la planette à qui celuy seigneur applique, signifie l'estat ou il est, & la planette à qui il appliquera apres, signifie l'estat à quoy il viendra, ne tu ne dois point estre seur de la sauueté de celuy qui est hors, ne de sa ioye ne de son proffit qu'il a ou il est, si la Lune ne donnoit tesmoing au seigneur de l'ascendant. Et quand le seigneur de l'ascendant sera fort, & puissant & fortune est receue, il à lors don-

né signifiante, & quand il sera en lieu qui l'infortune, & en lieux qui sont deuers de fortune & de nature, il a lors mauuaife signification. Et tu peulx ſçauoir la fortune & infortune de luy & en auoir, en maladies & en autres choſes par ce que nous auons dit: Ce auient par la conionction des ſignificateurs & par leurs eſtats, & par leurs dommages & auerſitez de leurs fortunes, & infortunes, & par leurs lieux, car les lieux en quoy il aura fortune, & planettes fortunées. Et les planettes infortunées, ſignifient mauix, empeschemens & grandes angoiſſes & fortes, & pource regarde ces choſes & les deſſeurez, & iuge ſelon ce. Et ſi on te faiſoit queſtion pour homme qui eſt enuoyé, & tu trouue ſon ſignificateur partant du ſigne, & entrant en l'autre, dy qu'il eſt party de la on il fut, & va aillieurs: & en quel de ces deux ſignes tu trouueras le ſignificateur plus puiſſant & plus fortuné, & mieulx receu, iuge qu'il aura bonne fortune, & que ce lieu luy eſt meilleur: mais combuſtion en queſtion de cheminement eſt mal, car elle ſignifie captiuité en priſon, ou grand empeschement. Et ſi la combuſtion eſtoit proprement en la maiſon de mort, ce ſignifie ſa mort. Si tu trouuois en queſtion de cheminants en l'ascendant, ou en my ciel, Mercure en la Lune, dy que de luy viennent lettres ou nouuelles, car Mercure ſignifie lettres & nouuelles. Et pour ſçauoir ſi ces lettres ou nouuelles ſont bônes ou mauuaiſes, regarde de qui Mercure ſe part ou la Lune, & ſi celle deſſeurance eſtoit de fortune, ſignifie que ſe ſont bonnes nouuelles & fort ioyeuſes, & ſi c'eſt des infortunes, ce ſignifie qu'elles ſont mauuaiſes & angoiſſeuſes. Si on te demande des lettres, s'il y a

verité

verité ou mensonge, regarde Mercure, & si tu le trouues en signe mouuable & regardant Saturne, dy que c'est mensonge, & si c'est en signe fixe, dy que c'est verité.

POVR SCAVOIR DE CELVY QVI  
est en chemin s'il reuiendra tost ou non. Chap. 23

I tu veulx sçauoir s'il demeurera longuement en la voye, ou s'il reuiendra tost, regarde le significateur en la voye, & si c'est celle qui à seigneurie es causes d'iceluy qui fait les choses, & est les alimitez en la cinquesme illec. Et si ceste planette estoit de leger mouuement, & Occidental, ce signifie que la voye sera bresue, & ysnelle, mais il aura labeur & angoisse: Mais s'il estoit de leger mouuement, & Oriental, la voye sera hastiue, & bresue & sans labeur. Et ie dy que quand le seigneur de l'ascendant applique au seigneur de la maison de voye, ou le seigneur de la maison de voye applique au seigneur de l'ascendant, ou à aucune planette, portant la lumiere de l'un à l'autre, ou que aucun d'eulx cueille la lumiere, ou que le seigneur de la voye soit en l'ascendant, ou le seigneur de l'ascendant en la maison de voye, ou que le seigneur de ses lieux, & les seigneurs de leurs dignitez soient eslongnez des angles, ou quand le seigneur de l'ascendant sera en l'angle septiesme: Toutes ces choses signifient que la voye sera bresue. Et si tu trouuois rien de tout ce que nous auôs dit, ou que la plus grand partie de ses significateurs est oient en l'angle, mesmement es signes fixes, ce signifie destruction de la chose, & de la voye tra-

## TRAITE D'ASTROLOGIE

duicté & lōgue demourée, & si aucune planette entrecoupoit entre le seigneur de l'ascendant, & le seigneur de la maison de voye, ce signifie empeschement, tardiueté, & longue demourée, & la choison de ce, sera de la nature de la maison en quoy celle planette est des maisons de la figure, pour auoir, ou pour parents, ou pour filz, ou pour aucunes des signifiâces des autres maisons, & le mieulx qu'il puisse estre au seigneur de la maison de voye & qu'il soit fort, & fortune soit en la maison de voye qui est la maison de la fin, ce sont signifiâces que la voye sera brefue fortunée & en bien, & que celuy aura bien & bōne fortune en la voye. Et si le seigneur de la maison de voye estoit retrograde, ou le seigneur de l'ascendant, & il s'en reurnoit du seigneur de la maison de voye ou de l'entrée, du seigneur de la maison de voye, ce signifie empeschement de la voye & longue demourée & tardiueté. Combustion est mal en voye, & ny a aucun bien. Et si le seigneur de l'ascendant & la Lune estoient combust, & ilz estoient tous receuz en bon lieu, ce signifie mal en la voye, car combustion, & queſtion de voye signifient grands empeschemens & fors. Si le seigneur de la maison de la voye estoit combust ou retrograde, & tesmoing soit que la voye doit estre faite, ce signifie qu'elle sera faite secrettement & en repos, & si les tesmoins de voye estoient foibles, la combustion & acreue en sa foiblesse & la voye sera malle, & par ce il auindra a celuy qui va, angoisses & malles fortunes ennuy & empeschements. Et s'il auoit fortune en la maison de voye, ce signifie fanté de corps à celuy qui y va, & s'il auoit fortune au my ciel, ce signifie qu'il sera ioyeux en la voye,

voye, & qu'il accomplira ses besongnes & ses requestes. Notez que l'almité de 5. yllez est le plus significateur & fort es lieux des 5. yllez. Et si fortune estoit en la septiesme maison, ce signifie bien à la terre ou il va. Et s'il auoit fortune en la quatriesme, celui signifie bien à la fin de la voye. Et si le seigneur de la maison de voye en signe fixe, ce signifie alongnement en sa voye tardiuete, & longue demource: & s'il est mouuable, signifie hastiuete, & peu demourer, & qu'il reuiendra tost, & s'il est en commun, signifie qu'il yra de celle voye en autre. Quand tu feras question pour voye, & la Lune sera en la sixiesme, ou en son opolite, qui est la douziesme, le cheinant ou allant sera malade en voye, & aura empeschement par ses faitz qu'il fera, & ses besongnes seront foibles la plus grand' partie, & seront paresseuses & tardiues, & aura empeschement en ses requestes. Et quand le seigneur de l'ascendant sera fortuné, & en la maison de fiance, ou son opolite qui est la cinquesme, ce signifie amendement & bien en la voye; & ses besongnes & requestes seront legerement accomplies & parfaites, & s'il estoit avec ce receu, il aura plus de bien en la voye qu'il ne cuidoit. Et s'il regardoit la planette à qui le significateur de la voye applique, ce signifie que le bien luy viendra quand il reuiendra au lieu, & au commencement de la voye. Et s'il appliquoit aux planettes de qui le significateur de la voye est dresseur, ce signifie aussi que bien luy auindra a son retour. *Beaucoup d'ascensions uault autant à dire comme un signe qui monte avec plus de trente degrez.* Et puis regarde le septiesme signe s'il estoit fixe, & de beaucoup d'ascensions, ce signifie qu'il demeurera beau-

coup en ceste voye, & terre ou il va, & s'il est commun signifie qu'il muera sa voye de lieu en autre. Et s'il est mouuable, ce signifie qu'il demeurera peu & qu'il reuiendra tantost, & regarde si tu trouuois le significateur de la voye retrograde, ou apliquant au seigneur de la septiesme, estoit retrograde, ou que la Lune apliquoit a planette retrograde, ce signifie que iceluy est empesché en son aller, & qu'il retournera auant qu'il vienne iusques ou qu'il alloit. Et si la planette qui signifie l'empeschement de la voye estoit fortuné, ce signifie que tel empeschement fera pour son bien, & s'il est infortuné, c'est pour mal, & ce bien ou ce mal fera selon la fortune de la planette qu'il signifia l'empeschement, & selon la nature du signe en quoy il est en la figure. Et si le seigneur de la septiesme estoit fortuné, & il receuoit par amyable regard le seigneur de l'ascendant, ce signifie qu'il aura bien, pour les gents de la terre ou il va, & aura ioye avec eulx & l'aymeront. Et s'il auoit entre le seigneur de l'ascendât, & le seigneur de la septiesme maison aucune conionction, & il ny eust point de reception, & si le seigneur de l'ascendant est fortuné & puissant, ce signifie qu'il aura du bien par les gents du païs, & leur greuera & desplaira. Et si le seigneur de l'ascendant receuoit le seigneur de la septiesme, il le receuront & auront pour luy & par son bon plaisir, & pour l'amour qu'il à en eulx. *Conionction uault autant à dire comme aucun regard quand les planettes ont regard l'un à l'autre.* Et si le seigneur de la septiesme estoit infortuné, & il auoit conionction corporelle, ou mauuais regard au seigneur de l'ascendant, ce signifie qu'il aura mal par les gents d'icelle terre, & ce mal  
fera

fera par son lieu, & le pouoir de son estat. Et si le seigneur de l'ascendant estoit infortuné & il infortunoit le seigneur de la septiesme, ce signifie que les gents d'icelle terre auront mal par luy, & ce mal sera selon le lieu de celle infortune, & selon son estat & son pouoir. Et si le seigneur du terme de la septiesme estoit fortuné, ce signifie qu'il aura son pouoir & bien par nobles hommes, & de grand renommée, & son pouoir sera selon le pouoir du seigneur & du terme. Si les seigneurs de la triplicité, de la septiesme estoient angles ou ilz entroient en succendant, ce signifie qu'on luy aydera, & deffendra en la terre ou il va, & celuy ou ceulx seront bons hommes & loyaulx, & le garderont en celle terre de tous empeschements, mesmement si le seigneur de l'ascendant estoit sauf des infortunes, & le seigneur de la septiesme ausi. Et si les seigneurs de la triplicité de la septiesme estoient cheants des angles, ce signifie qu'il trouuera peu d'amis en celle terre, & peu d'ayde, & y aura peu de proffit & ceulx de qui il s'acointera, ne luy seront pas loyaulx. Et apres regarde si l'vnziesme signe est commun, & si son seigneur regarde aucune planette qui soit en signe commun, & que son seigneur regarde fondit signe, ce signifie qu'il aura en celle voye, autre voye ausi grād, ou que apres celle voye il en fera vne autre en celle, mesmemēt si le seigneur de la vnziesme estoit en succendant, & s'il estoit en maison cheant d'angle, ce signifie qu'il a esté autre fois celle voye, ou autre semblablement, & qu'il y eust plus de bien qu'il ne cuydoit. Et si le seigneur de l'ascendant estoit infortuné en l'ascendant, ce signifie qu'il aura mal & empeschement en son corps, &  
s'il

s'il est en la seconde se fera de son auoir, & s'il est en la troisieme de ses freres, & s'il est en la cinquieme de ses enfans, & s'il est en le sixieme, il sera malade & viendra mal à ses gents & à ses bestes, & s'il estoit infortuné en la septieme, il luy viendra courroux & empeschement de par mariage ou de ses compaignons ou par ses contraires. Et s'il est par la huitieme il luy viendra angoisses & tristesses par mort & par cause d'heritages, & par auenture en mourra, en la douzieme par ses ennemys & par bestes. Et s'il est en la dixieme, ce sera par le Roy: & ainsi iuge par ceste maniere de la fortune, comme nous auons dit. Et sçachez que le seigneur de l'ascendant est le seigneur de la neuuiesme, & le lieu de la Lune est le lieu du seigneur de la part de fortune montrent, & signifient la chose pourquoy cela va. Et si ces significateurs se discordoient, iuge selon la plus grand partie, & te ayde en ce des signes Orientaulx Occidentaulx, & Meridionaux & Septentrionaulx, & tu trouueras chose certaine, car selon les signes tu aperceueras quel chemin il ira & aura prins, ou Oriental, ou Occidental, Septentrional, ou Meridional, & ainsi des autres semblables.

POVR ACHEPTER CHEVAULX DE  
guerre par election. Chapitre. 24



**V**dois mettre la ligne ascendant au signe commun & la Lune en l'Escruiſſe, ou au Lyon, & la planette à qui la Lune se ioin-  
dra soit directe ou non retrograde. Et si le seigneur de l'ascendant estoit retrograde, ce signifie que le cheual ne fera ia grand de corsage ne de pas: & s'il est

est directe, il sera de petit pris, mais il sera de grand corfage.

POVR TENCONS ET BATAILLES,  
 & pour scauoir leurs significances. Chapitre. 25



Es tencons descendent des Roys, pour leurs Royaulmes, & par ce que le peuple est rebelle. Et quand tu voudras scauoir l'estat du discord, regarde l'ascendant d'icelles gents, quel il fut quand il se rebella, puis regarde l'ascendant de ce Roy qui se deffend, quel il fut en ce temps, & quand tu scauras ce, regarde l'ascendant de la reuolution de l'an du monde, & si tu trouues que ce ascendant applique aucuns des deuantditz ascendant qui sont du Roy & des gents, ou que Iupiter regarde Saturne de quatre ou de trois ou d'opposition, celuy en sera de discord. Et si tu trouuois avec ce Mars qu'il regardast Iupiter, & il fut fort en la figure, dy qu'en c'est an seront discordz. Et si tu veulx scauoir en quel temps de l'an ce sera: regarde les trois plus haultes planettes, & s'ilz sont au commencement de l'an retrograde, le discord viendra quand ilz seront directz: & s'ilz estoient directz apres l'an, le discord viendra quand ilz seront combust: Et aussi quand aucune guerre commence, & ses planettes sont en tel estat en la question quand ilz muent leurs estat, lors cesse la guerre. Et pour scauoir le temps quand la guerre commencera en c'est an, ce sera quand Mars regardera aucun des deux haultz planettes de quatriesme ou d'opposition. Et si Mars les regarde au commencement de la reuolution de l'an

# TRAITE D'ASTROLOGIE

lan ou il s'est ioinct à aucun d'eulx. Et pour sçauoir quand paix sera en l'an que Iupiter fut en celle reuolution en troisieme, ou en quatrieme, ou en oposition de Saturne, ce sera quand iupiter sera domagé par retrogradation, ou par combustion, ou s'ilz se regardoient, & Mars estoit entre-eulx & il estoit retrograde, lors mouuera il le plaid entre-eulx ou la guerre. Et si les deux infortunez les regardoient au commencement de l'an ilz meurent plaid (& signifient muance de seigneur). Et quand Mars est en la reuolution de l'an ou au signe ou il fut en sa plus grande conionction, ou il en soit en quatrieme ou en oposition, ce signifie en c'est an guerres & plaidz. Et aussi s'il auient en la reuolution de Mars qu'il soit en l'Escorpion, qui est signe d'Arabe, ou soit en son oposite, ce signifie guerres & plaidz & dommage qui viendront aux gents de Arabe. Si Mars estoit receu par ses deux planettes, ou par l'un le plaid & la guerre seront moins: & la planette de qui Mars se depart est cause de la guerre ou du plaid, & des citez, ce sera celle que la maison monstre en quoy il sera & en icelle partie du ciel sera la guerre. Si ses deux planettes se regardoient, & Mars n'estoit entre-eulz il viendra aucun qui demandera guerre, mais elle ne sera point. Et puis regarde si Mars est avec Saturne, & s'il est esleué sur luy en dixieme maison, ou s'il est plus hault en l'ascendant de la figure. Lors est la guerre enforcée & le plaid, & sera beaucoup d'occisions, s'il auenoit en ce que Saturne fut seigneur de c'est an. *Notex que si une planette estoit en la reuolution de l'an au degré du signe ou elle auroit ia esté en sa grand conionction precedente, la signification en seroit plus forte & plus ferme.* Et Mars fut

fut sur luy, comme nous auôs dit, ce signifie qu'il viendra gents qui voudront destruire ce royaulme & le peuple, & feront les terres destruiçtes, & seront icelles gents sans loix & sans pitié. Et si Iupiter estoit en ce esleué sur Saturne en la seigneurie ou figure, ce signifie qu'il viendra vne gent, qui monstrera bien & droicteure, & redarguera ce Roy de ses faitz. Si Iupiter estoit en ce direct & sauf d'infortunes, celle gent sera vraye & cordiale en ce que elle enseigne, & s'il estoit retrograde ou infortuné celle gent sera ypocrite, & monstrera ce qu'elle ne croit pas. Si Iupiter estoit seigneur de l'an du monde, & Saturne estoit esleué sur luy, ce signifie que le Roy sera bon & iuste, & ceulx qui sont venuz contre luy mauuais & de mauuaises voluntez sont, & tiennent leurs ires: Et si Mars estoit esleué sur luy ilz seront forts & cruelz, & quand tu veulx sçauoir lequel vaincra, regarde les deux significateurs, c'est le Roy & de ceulx qui sont venuz contre luy, & le Roy de la terre est celuy a qui plusieurs planettes auront regard, vaincra, car les planettes qui regardent vn des significateurs, aydent & deffendent celle partie qu'ilz regardent. Aussi le luminaire du temps signifie que celle partie vaincra, & sera deffendue, & que le significateur du Roy regarde, au significateur des gents. Quand le luminaire du temps sera au meillieu du ciel, ce signifie que le Roy vaincra, mesmement s'il regardoit & donnoit sa force au seigneur du Roy, & en la partie ou tu verras fortune, iuge victoire & bonnes fortunes: Et en celle partie ou tu verras infortune, iuge mal & dommage, & regarde la partie d'occision qui vient de Mars en la Lune, & est iectée du Soleil,

## TRAITE D'ASTROLOGIE

Soleil, & la ou chet de deux parties deuant dites, & regarde le seigneur de la partie, & lequel des deux significateurs il regarde, iuge que la guerre & plaid fera en ceste terre & partie. Regarde aussi la partie de la prosperité, & de la victoire, & elle est prinse du Soleil à Mars, & iectée de l'ascendant. Regarde aussi ou chet ceste partie, & lesquels des significateurs est son seigneur regarde & iuge victoire, & bonne auenture en celle partie. Si Mars se deslieuroit de Saturne, iuge que ce Roy commencera & mouuera la guerre, & fera mauuais statutz & peruers iugemens. Si Mars se partoit de Iupiter, iuge que la guerre viendra d'autre part, & n'empas du Roy, car il en sera tout sauué, & sçache que le temps quand ses gens se rebellerent qui sont ennemys, & du Roy aussi, & si tu trouues que le Roy soit fort en la figure, dy que ses ennemys affoibliront. Et si Mars estoit fort au commencement que celles gens se mouueront & le Roy, ce signifie guerre & muance de lieu a autre, mesmement en la partie ou Mars fera, & puis elle sera ostée par la puissance du Roy, & fera le Roy en la cheualerie vainqueur. Quand aucun Roy vient au royaume, & Saturne ne regarde pas Iupiter, au commencement à la reuolution de l'an, ce signifie que nul ne viendra contre luy: & si avec ce Mars ne regardoit pas Saturne, ce signifie que tant qu'il regnera il n'aura nulle guerre. Et si Mars estoit receu en la reuolution de c'est an que le Roy vint au royaume, il aura peu de guerre tant qu'il regnera, & si celle reception estoit par Saturne, lors sera moins de guerre. Quand infortuné est oposite au Soleil ou en quatriesme en la reuolution de c'est an que le Roy vint  
au

au royaume, ce signifie que le peuple se rebellera contre luy. Et quand Mars se part de Iupiter en celle reuolution & il applique à Saturne sans reception, ce signifie qu'en ce royaume viendra aucun qui monstrera la verité & plus grand' droicteure que le Roy. Si Mars appliquoit à Saturne sans reception, & il ne partoît point de Iupiter, il sortira viles gents qui ne sont dignes d'auoir royaume. Si Mars se partoît de Saturne & il appliquoit à Iupiter, ce signifie qu'il viendra au Roy & a ses gents angoisses & tristesses griesues & comme intollerables. Et quand Mars fera cheant de l'ascendant en la reuolution de l'an, & il ne regarde point l'ascendant, ou qu'il soit pègrein au lieu ou il fera, ce signifie peu de guerres. S'il estoit receu de Saturne, il n'en fera aucune, & si Mars estoit en oposité de Saturne, ou en la quatriesme en la reuolution & il fut receu d'autres planettes, ce signifie embrasement & force de guerre. Quand Mars n'est point receu, & tu n'as signifiante que guerre doit venir, & Saturne estoit receu, celui qui fait la guerre, & la meut, sera surmonté, & les gents ayderont au Roy. Si tu veulx sçauoir de laquelle cité sera celui qui meut le discord, ou en quelle partie le mal sera ou quel bien, regarde en quel lieu est le seigneur du signe de chacune cité, s'il est en sa maison, ou en son exaltation, ou en aucune de ses dignitez, ou en sa ioye, & fortune le regarde, ce signifie sauement de celle cité en c'est an. Si infortune le regardoit d'aucune partie, dy que celle partie la ou infortune est viendra le mal, la guerre les occisions: & si deux infortunes les regardoient, il viendra contre luy deux ennemys. Si chacune de ses infortunes estoient en la troisieme de l'autre

ou

## TRAITE D'ASTROLOGIE

ou en aucun lieu qui luy fut conuenable, ce signifie que ces deux ennemys se sont acordez, & que l'un aydera à l'autre & qu'ilz sont prochains. Si l'une des deux fortunes estoit stationnaire ou entour retrogradation ou amenusée de mouuement, ce signifie que l'un de ses deux ennemys fera trahison à son compaignon : & si l'un d'eulx n'est retrograde, ce signifie qu'une partie des hommes enuers ses deux s'en iront. Et si l'infortune qui signifie l'ennemy estoit en sa maison, celuy auerfaire est de bonne ligne, & s'il estoit en son exaltation, il est noble & digne de royaume, & s'il estoit en son terme ou en aucune de ses dignitez il fera moins de ce. Et s'il n'est en aucune dignité, celuy ennemy n'est point cogneu, ne lon ne sçet qui il est, & s'il est Oriental du Soleil, c'est vn ieune homme, & s'il est Occidental, il est vieulx, & s'il n'est Oriental, ou Occidental, il est de moyen aage, & ses ans seront selon la complexion de ce planette, selon le Soleil, ou selon ses applications. Quand tu sçauras quantes citez chascune cité à, & tu trouues ce signe en l'Oriēt infortuné, iuge que le mal sera en la partie Orientale de celle terre, & aussi en quelque partie il sera infortuné: S'il est infortuné au my ciel, le mal sera commun en toute la terre de ce signe, & sçachez que le signe est significateur de la cité, & le seigneur de la maison du signe, signifie les gens qui y demeurent, & le seigneur de son exaltation, signifie le Roy. Et si ce signe n'estoit pas en exaltation d'aucune planette la terre est dame de soy, car par nature elle n'a point de Roy, mais le peuple est prince de soy: & le seigneur d'icelle maison significateur, ou signifiera le prince, & quelz de ses lieux tu trouueras infortunez,

tenez, iuge mal de ce que l'infortune signifiera. Et quand Mars sera au mouton, en la reuolution de c'est an du monde, ce signifie que les gents de Babilone & de Rome auront guerres. Quand il sera en signe commun & la signifiante monstre que guerre doit estre en c'est an, elle sera par plusieurs fois, & s'il est en aucune de ses maisons, il haste la guerre. Et quand il applique à la partie d'occision, comme nous auons dit à la quatriesme, ou à oposition il meut occision, & quand il applique à la partie de prosperité que nous auons dit, ou à la quatriesme ou l'oposition, ce signifie force & prosperité en la guerre, en ce ou celle partie vient, ou la ou elle eust regard de son seigneur, comme nous auons dit. Et quand la partie de fortune sera avec Mars, ou au my ciel en la reuolution de c'est an, ou au royaulme d'autre Roy, ce signifie beaucoup d'occisions en son temps & grandsismes effusions de sang, & si ce auient au cōmencement de la guerre, ce signifie ce mesme en celle guerre. Et quand la partie d'occision chet en la sixiesme ou en la douziesme au cōmencement d'aucune guerre, ou au mouuement d'aucune cheualerie qui va pour assaillir, ce signifie qu'en celle cheualerie, ou en ceulx qui commencēt la guerre, sera trahison entre-eulx, & ceulx qui sont anciens en celle cheualerie sont mauuais, car ilz se laisseront vaincre à escient. Quand Mars sera en la dixiesme ou en l'ascendant ou en la septiesme au my ciel, ou Saturne soit au my ciel, en signe fixe, ou la Lune soit en oposite du Soleil, ou la Lune & le seigneur de l'ascendant soient en oposites d'infortunes, ce signifie guerre en c'est an: & en ceste maniere iugeras tu, quand on te demandera pour aucune



## TRAITE D'ASTROLOGIE

cune guerre ou plaid s'il y seront ou non : Car si tu trouue ces significations es lieux que nous auons dit le plaid fera . Et quand Mars sera en la reuolution de l'an en la quatriesme, le plaid sera en la fin de c'est an, & s'il est en la septiesme, ce signifie le meilleur de l'an, & s'il est en la dixiesme, ce sera au premier quart de l'an, & s'il estoit en l'ascendant, ce sera au premier moys de l'an, & s'il est en la premiere face du signe ou il est, le plaid fera en la premiere partie d'iceluy an, & s'il est en la seconde, ce sera au meillieu de l'an, & s'il est en la troisieme, ce sera en la fin dudit an . Si Mars estoit en l'ascendant ou en la dixiesme, le iour de la bataille sera quand il sera ioinct à la Lune, ou quand il sera en son oposite, ou quand il sera à l'oposite du lieu ou Mars estoit, c'est es secondes autres angles. Et quand Mars se desseure de Saturne, ou de Mercure au commencement à aucune guerre ou d'aucun plaid, & il sera Occidental il monstre dommage grand à ceulx qui commencent & vont à la bataille, & par auenture seront vaincuz. Si Saturne estoit Occidental & Mars apliquoit, ou Mercure fut Occidental & il apliquoit à Mars, il monstre dommage à ceulx qui vont contre luy. Si Mars estoit souz les rayes du Soleil, ou il estoit entre les rayes & Saturne nul des deux parties aura proffit, mais chacune aura dommage . Si Mars se desseuroit de fortune & il apliquoit à fortune, la guerre sera bonne aux deux parties, & sera pacifiée, & si la dignité de sa douzieme estoit au terme de Iupiter, & Iupiter avec aucuns tesmoins en l'ascendant ou en la dixiesme, ou en la deuxiesme, ou il regardoit aucun de ses lieux, il monstre victoire à ceulx qui commencent la guerre. Si le tes-

moing

moing Iupiter estoit en la septiesme ou en la dixiesme, ou en la quatriesme, ce signifie victoire à ceulx qui sont assaillis. Et si la douziesme de Mars cheoit en terme de Saturne, & Saturne auoit tesmoings es lieux deuantditz, ce signifie paour & doute à la partie ou ledit tesmoing est. Et si la douziesme de Mars cheoit au terme de Venus, & Venus auoit tesmoings es lieux deuantditz, iuge come as fait de Iupiter. Si la douziesme de Mars cheoit au terme de Mercure, & ledit Mercure auoit tesmoings es lieux deuantditz, la guerre sera forte & puissante en la partie ou le tesmoignage sera, & sera par deceuances, baratz & fraudes, & de ce iugement dit Meselath qu'il l'esprouua, & Alphal le filz Zabel le mist en son liure, & sur ce iugement au commencement des batailles & emouuements des cheualiers qu'ilz vôt pour batailler, & en l'heure de la question pour deux plaidoyants quand on veult sçauoir que ce sera d'eulx. Si Mars auenoit au commencement du plaid, ou au commencement de la cheualerie, ou à l'entrée d'une cité par force, & il estoit en mauuais lieu, & Iupiter ou Venus les regardoient. Si le seigneur de la maison ou Mars estoient au my ciel, ce signifie discord de la Cheualerie entre eulx & se discorderont de leur seigneur, & si les fortunez estoient en mauuais lieu & ilz regardoient Mars, ce signifie trahison & malice de la cheualerie. Si Mars estoit en mauuais lieu, & les fortunes les regardoient de bon lieu, ce signifie qu'ilz plaidoyeront beaucoup de foys, & si avec ce il auenoit que Mars fut en l'angle souz terre, ce signifie grandes occasions, & s'il estoit entre signes mouuables, au Cacre, ou en Libra, les cheualiers auront

## TRAITE D'ASTROLOGIE

grand paour & doutance & serōt foybles de cueur: Et s'il estoit ioinct à Saturne, ou en aucune de ses maisons, & il regardoit Saturne il viendra à celle cheualerie paour & tristesse sans aucun profit. Et si Saturne à l'heure de la question ou du commencement de la guerre ou au commencement de la reuolution du temps de l'an que les planettes signifient occisions estoit en angle ou il y a aucun tesmoing, ce signifie durableté de guerre. *Notex que la premiere face d'un signe, est les dix premiers degrez, & la deuxiesme face est des dix premiers degrez, iusques es 20. & li. 3. des 20 degrez iusques a 30.* Et s'il dure beaucoup en ce signe, la guerre durera iusques à l'autre reuolution. Et s'il estoit retrograde au my lieu du signe ainsi qu'il ne fut au commencement ne en la fin, il signifie que avec celle durableté ilz plaidoyront par maintesfois l'un apres l'autre, & s'il estoit en la fin du signe le plaid durera peu. Si Mars estoit au mouton qui est sa maison, & il estoit en l'angle Orientale qui est l'ascendant ou au my ciel, ce signifie grād force de plaid & grand renommée & qu'il se finera tost, & si Mars estoit en l'angle, en signe fixe ou commun le plaid durera beaucoup, & recommencera par maintes foys & s'entre-vainqueront l'un l'autre par maintes foys. Et s'il apliquoit à aucun des planettes ou aucun des planettes à luy, & si celle planette est de tardif mouuement ou retrograde, ce signifie durableté. Et si planette directe & de hastif mouuement apliquoit à luy, ce signifie bref temps, & que tost cessera. Et quand Mars cessera ou de troisieme du Soleil & tous regardent l'ascendant ce plaid cessera & fauldra tost, & s'il est en sa quatriesme il durera beaucoup & mouuera de lieu.

lieu en autre. S'il est en oposition d'iceluy, ce signifie ce mesme plus fermement. Si la Lune estoit en sa mesme maison, avec aucun des planettes qui signifieront le plaid, & le Soleil les regardoit, ce signifie grand' mortalité & occisions & dommageuses choses. Si la douziesme de la Lune estoit en l'ascendant ou au my ciel, ou avec le Soleil, ou avec le seigneur de la maison du Soleil, ou avec la planette qui est oriental du Soleil, ce signifie grandes occisions & que ce sera hastiuemēt. Et quand le Soleil regarde la partie d'occision ou qu'ilz soient à luy, ce signifie grand' mortalité en general. Et quand Saturne & la Lune auront tesmoings en l'ascendāt & ilz le regarderont, ce signifie que la cheualerie est trahitresse enuers son seigneur. Si Mercure regardoit l'ascendant ou la Lune, ce signifie, trahisons, fraudes & deceptions. Et quand la Lune sera cheant du regard de Mars, ce signifie foybleté & paour de la cheualerie & discord avec son seigneur: & quand Iupiter ou Venus donnent tesmoing à la Lune, ou à l'ascendant, ce signifie loyauté de cheualiers & acordances d'eulx & du seigneur. Quand Mars donne tesmoing à la Lune & il y a discord & tençons entres les cheualiers & leur seigneur, & quand Mars regarde le soleil d'aucune de ses dignitez, ce signifie puissance & force de la cheualerie, & qu'ilz despiteront leurs ennemys & auront grand' hardiesse, & les autres auront grand' paour. Et quād Mars sera en signe masse, & la partie d'occision sera en mauuais lieu, ou le seigneur de la maison de mort ne regardera point Mars ny le my ciel ou Mars ou le seigneur de la maison sera en la fin du signe ou en l'angle de terre, & il n'y ait aucune di-

G iij      gnité,

## TRAITE D'ASTROLOGIE

gnité, & Mars sera en mauuais lieu, & Saturne le regardera, & sera Iupiter cheât de luy, ou que Mars soit soubz les rayes, & que la Lune soit en la sixiesme, ou en la septiesme regard du Soleil, ou elle soit en destruction: Et c'est quand elle apert, & le Soleil soit en Libra, ou en Aquarius, ou en Gemini, ou il soit ascendant de la question, ou du commencement du mouuement, ou du plaid, ou les deux luminaires estoient cheant de la partie de l'occision, & nul deux le regardoit, tout ce ne signifie occision ny de plaid. Et si Mars estoit cheant de sa maison, ou de angle: l'occision amoindrist, mesmement si Iupiter ou Venus les regardoient de trois, ou de six.

### POVR VENDRE, OV POVR achepter.      Chapitre.      26



Regarde en ce, si tu trouues application entre le seigneur de l'ascendant, & celuy du septiesme, dy que l'achapt sera legeremēt fait, & la legereté meut du planette leger qui va à l'autre, & si tu trouues application entre eulx, & tu trouue autre planette qui porte la lumiere de l'un à l'autre, dy que la vente sera faite par vn moyen. Et si tu trouues le seigneur de l'ascendant en la septiesme, dy que l'acheteur requiert l'autre. Et si tu trouues le seigneur de la septiesme en l'ascendant, dy que le vendeur requiert l'autre. Si tu trouues fortune en l'ascendant, ce signifie bonté & verité: & s'il ya infortune, dy le contraire. Et si la Lune alipquoit à aucune planette, & elle ne se desfeuroit de nul, dy que le vendeur n'a pas acheté la chose qu'il vend: mais il l'a des rentes de son heritage.

ge, & s'il a acheté il ne l'a pas payé. Si la Lune se départoit de planette, & apliquoit à aucun autre, dy que la chose fut achetée à temps. Et si la planette de qui elle se part, entroit en Combustion, dy que le vendeur mourra auant qu'il reçoie le prix de la chose: Et ie dis que l'on doit regarder en ce chapitre en ceste maniere. Prends la signifiante du vendeur de l'ascendant, & de l'acheteur pour la septiesme, & de la marchandise pour la quatriesme, & ce qu'il auindra entre eulx de ynelité & de paresse par la dixiesme, & iuge selon ce.

## POVR VENTE ET POVR ACHAT.

Chapitre.

27



Edy aussi pour vendre & pour acheter, que tu regardes le vendeur par l'ascendant & l'acheteur par la septiesme, & la chose par la quatriesme, & ce que sera entre eulx de legereté, & de durté par la dixiesme. Et si le seigneur de l'ascendant receuoit le seigneur de la septiesme, la vente sera legerement acomplie, & aura le vendeur bonne volonté, mesmement si le seigneur de l'ascendant alloit par retrogradation au seigneur de la septiesme, & s'il n'y a entre-eulx application, ou Reception, ou Translation, ou Coluction, il aura estrif, & destort en celle vente. *Notex que Translation de lumiere, est quand une planette part d'une planette, avec laquelle a eu regard, & va par regard se ioindre à un autre, & adonc icelle planette translate la lumiere à icelle planette de la premiere planette.* Et si l'un des significateurs se desseuroit de l'autre par retrogradation, il aura trahyson en icelle vente, & sera des-

G iij

fait

# TRAITE D'ASTROLOGIE

fait le marché puis qu'il aura esté octroyé. Et s'il à entre-eulx planette qui porte le luminaire de l'un à l'autre, la vente se fera par moyen, & si void on souvent que la vente est faite par courroux de l'acheteur & du vendeur. Et s'il auient que le seigneur de la septiesme apliquoit au seigneur de la quatriesme, & le seigneur de l'ascendant receuoit le seigneur de la septiesme, & que le seigneur de la quatriesme fut Retrograde, ou Combust, ou infortuné, dy qu'il y a aucun mal en la chose, & luy auindra dommage, ou larrons l'emblent. Et ce mesme auindra quand il aura infortune en la quatriesme, mesmement si la chose estoit en terre, ou en heritages : car ce signifie qu'il aura destourbier, & par-auanture il viendra aucun qui demandera cest heritage. *Collision de lumiere, est quand deux planettes sont sans regard, & une autre planette regarde lesdites deux planettes, lors icelle planetterecoit desdites deux planettes la lumiere.* Et quand le seigneur de l'ascendant sera en la septiesme, le vendeur aura bonne volonté d'acheter, & aussi quand la planette fortuné, ou infortuné, sont en l'ascendant, ou en la septiesme, signifie legereté, ou griefueté en la chose, selon la puissance, ou foiblesse de la planette. Et quand fortunez sont en la dixiesme maison, ce signifie grand prix de la chose, & qu'elle sera bien vendue. Si il ya infortunez, ce signifie vileté, & amoindrissement de ladite, & que elle sera mal vedue, & y aura dommage & destourbié pour le prix & pour la vente, & tout ce que nous auons dit, & si c'est chose qui ne soit pas nommée, ou diuisée. Si c'est cerf, prends la signifiante par la maison des cerfs, & si c'est beste, par la douzieme. Et si c'est chose de qui tu ne trouue ny la sem-

semblance, ny la forme, ne tu ne la peulx prendre par les maisons, prends la par les significateurs des planettes, comme par Iupiter, qui signifie bestes, & Venus, choses odorantes, & draps & liures, & Mars, fer & minieres, & Saturne, qui signifie espices de medecines, & le Soleil, pierres precieuses, & la Lune, draps de couleur, & y a beaucoup de longues paroles en ce diuifer : mais nous l'auons dit en somme, tellement que le sage le pourra entendre, & par ce pourra sçauoir la voye de iuger.

## POVR SCAVOIR D'AVCVN QVI

*ueult aller uers un autre, s'il le trouuera, ou non.*

Chapitre.

28



Egarde en ce le seigneur de la septiesme, & si tu le trouues en l'angle, celuy a qui il yra sera en son lieu que l'alant le pense trouuer, s'il est succedant, il en est bien pres, & s'il est en cheant, il est hors de son lieu. Et en tout ce regarde s'il y a aplicacion entre les significateurs, ou translation, ou collection, & si la planette qui est qu'eust, ou porte la lumiere, regardoit la septiesme, il le trouuera. Et si tu trouues le contraire, dy quil ne le trouuera pas.

## POVR CHEVALIERS QVI VONT

*pensants se rencontrer pour se battre, ou pour cause de plaid, sçauoir s'ilz se trouueront.*

Chapitre.

29

Pour

## TRAITE D'ASTROLOGIE

**D**Our sçauoir s'ilz se trouueront, ou s'ilz auront bataille, ou non, donne l'ascendant au querant, & la septiesme au Cheualier pour qui l'on demâde, & si tu trouues les alimitez de ces deux lieux, ou les apliquants ou seigneurs l'un à l'autre, & s'il y a planette qui porte la lumiere de l'un à l'autre ilz se rencontreront. Et si Mars n'estoit en l'angle de l'ascendant, ny es angles des significateurs, dy qu'ilz viendront l'un à l'autre: mais ilz ne batailleront pas, & s'ilz ne se regardent, ne il n'a entre-eulx translation, ilz ne se toucheront point l'un à l'autre.

POVR REQVERIR CHOSE DE  
*commun, qui doit estre faite par commun.*

*Chapitre. 30*

Onne l'alimité de l'ascendant au demandant, & l'adresse par l'atazin, & regarde les applications, c'est le premier, le second, le troisieme, & celuy par qui il sera receu, par celuy sera la chose accomplie. Et si ses alimitez de l'ascendant ne apliquent à aucunes maisons, prends la Lune en lieu de luy, & par elle tu yras en celle mesme maniere, en regardant les applications, puis iuge selon ce.

POVR SCAVOIR DE COMPAIGNIE

*de compaignons, Chapitre. 31*

Egarde en ce la signification du querant par l'ascendant, & de son compaignon par la septiesme, & de ce qui'il sera entre-eulx par le my ciel, & la fin de la chose par 4. Si tu trouues ce seigneur de l'ascendant, & la Lune en signe mouuable,

uable, celle compaignie ne durera pas, & si en signes fixes elle durera, & si en commun, dy qu'ilz gagneront en celle compaignie, & seront loyal l'un à l'autre. Si tu trouue infortune en l'ascendant, le demandeur sera faulx à son compaignon & mentable, & se departiront par la mauuaitié dudit demandeur, & ainsi diras tu du compaignon par la septiesme s'il y à infortunes. Et si la Lune apliquoit au seigneur de sa maison, ilz se departiront amyablement & à paix, & a gaing. Si la Lune ny auoit regard, ilz se departiront par suspicion que l'un aura de l'autre, & s'il y à infortunes souz terre, semblablement se departiront par mal suspicion que l'un aura de l'autre. Et si fortunes sont au my ciel ilz gagneront beaucoup, & s'il y à infortunes ilz gagneront peu, & si la Lune estoit ioincte de corps au seigneur de sa maison, & il apliquoient tous deux à fortune ilz ne se departiront point iusques à la mort.

## POVR SCAVOIR SI DEUX SE

*combateront ou non, en champ cloz ou autre part.*

*Chapitre.*

32

**R** Egarde à l'heure preste qu'ilz combateront. Si le seigneur de la septiesme maison applique d'un trin regard ou d'un sexte regard enuers le seigneur de l'ascendant, ou si le seigneur de l'ascendant applique enuers le seigneur de la septiesme maison du trin ou sexte regard, signifie qu'ilz s'acorderont & n'auront pas bataille. Et si le seigneur de l'ascendant s'applique vers le seigneur de la septiesme maison, signifie traicté, & viendra par la requeste de celuy qui est assaillant. Si  
le sei-

## TRAITE D'ASTROLOGIE

le seigneur de la septiesme maison s'aplique vers le seigneur de l'ascendant, ce signifie que ce sera à la requeste du deffendant. Item si l'un de ces significateurs applique deuers l'autre du quart, ou opposition ou conionction, ou qu'ilz n'ayent point de regard ensemble, signifie qu'ilz se combateront: Si ce n'estoit que lesditz deux significateurs ne regardoient l'un l'autre, mais qu'il y eust aucune planete legere en mouuement qui se depart de l'un, & applique deuers l'autre, signifie qu'ilz auront acord par personne moyenne.

### POVR SCAVOIR PAR QUE

*stion combien de gents ont fait aucun larcin.*

*Chapitre.*

33

**I**L fault regarder à la septiesme maison & son seigneur, & tant de planete que tu y trouueras en ladite septiesme maison, tât de larrons ont fait le Larcin. Et si en la septiesme, tu ny trouue aucune planete, regarde en la deuxiesme maison, car tant de planettes tu y trouueras, tant de larrons auront emblé la chose.

### QUESTION RADICALLE

*pourscauoir si ceulx de l'hostel ont fait le larcin,*

*ou estrangers.*

*Chapitre.*

34

**P**Rends le seigneur de l'ascendant pour le demandeur, & si le seigneur de l'ascendant est en la seconde ou en la sixiesme maison ou que le seigneur de la seconde ou sixiesme soit en l'ascendant, signifie que ceulx de l'hostel ont fait le larcin

le larcin. Item si tu trouue le soleil ou la Lune qu'ilz soient en la secōde, troisiēme, quatriēme, cinquiēme, neufiēme dixiēme, ou vnziesme maison, signifie encores que ceulx de la famille l'ont fait, ou qu'ilz ont esté du costé du fait, & si on les trouue en la deuxiēme ou en la troisiēme, ou neufiēme comme dit est, signifie que sont esté freres, ou disciples, ou compaignons à luy. Et pour la quatriēme maison sont signifiez les parents. Item pour la sixiēme maison, sont signifiez les vieilles, & par la cinquiēme sont signifiez les enfans. Item par la dixiēme est signifié la femme, & par la vnziesme maison sont signifiez les amys. Item si le Soleil & la Lune, sont en la septiēme ou en la huitiēme, ou douziēme maison, signifie que les estrangers ont fait le larcin.

## POVR SCAVOIR SI LE LARRON

*est encores en la uille ou place qu'il a fait ledit larcin.*

Chapitre.

35

Egarde au seigneur du larron, qui est le  
**R** seigneur de la septiēme maison. Si tu trouue que cestuy planette part d'un signe & entre en vn autre signe, signifie par ce qu'il s'en est allé. Item si ce mesmes dit planette ce part des rayes du Soleil, signifie pareillement qu'il s'en est allé, & adonc selon l'endroit que cedit planette est, tu iugeras la partie deuers laquelle il s'en est allé, car s'il est en la partie Orientale il est allé deuers Orient, & par oposition au lieu auquel il est apres les choses, & s'il est en la partie Occidentale, tu iugeras qu'il est allé deuers Occident, & ainsi feras  
 des

des autres endroitz du ciel. Item si le seigneur de la septiesme maison est en la huitiesme maison signifie que le larron n'est pas pres de celuy a qui les choses sont emblées, mais il est bien pres de sa demeure. Item si le seigneur de la septiesme maison est en l'ascendât, ou conioinct avec le seigneur de l'ascendant, ou que le seigneur de la septiesme maison, soit en la quatriesme ou dixiesme maison, signifie que le larron est encores avec & à costé de celuy qui a perdu les choses.

POVR SCAVOIR L'ESTAT DV

*larron par question. Chapitre. 36*



L fault regarder le seigneur du terme de la septiesme maison. Et si ledit seigneur est planette mauuais, & infortuné, & que il soit en aucuns des termes de Iupiter ou Venus, signifie que le larron est de bon estat, mais de petit & vil lignaige. Si le significateur est dit planette fortuné, & bon, & qu'il soit au terme d'aucun des infortunez, signifie que le larron est de petit estat mais de bon lignaige. *Notex que les termes de fortunes sont Iupiter & Venus, & les termes d'infortune sont Iupiter & Mars.*

POVR SCAVOIR SI CELVY

*qu'on suspeconne est coupable du fait ou larcin.*

*Chapitre. 37*

L'Ascendant & son seigneur, sont signifi-  
L teurs du demandeur, & la septiesme maison  
& son seigneur signifient celuy qui est su-  
speçonné, & la huitiesme maison & son seigneur, signi-

signifient le dommage fait du larcin. Et si tu trouue que le seigneur de la huitiesme maison soit en la septiesme, ou que le seigneur de la septiesme maison soit en la huitiesme, signifient que iceluy en est coupable. Item si le seigneur de la huitiesme maison est en la quatriesme, ou septiesme, ou dixiesme maison, signifie que celuy qui est en suspicion à encores les choses emblées de costé luy. Et si le seigneur de la huitiesme maison est en la sixiesme maison, signifie que celuy qui est en suspicion a desia changé les choses emblées deux foys de place en place. Item si le seigneur de la huitiesme maison est en la sixiesme ou douziesme maison, signifie que le larron n'a porté les choses emblées au lieu auquel il est cogneu, ou la ou il demeure. Item si le seigneur de la huitiesme, ou septiesme maison, est en la cinqiesme ou vnziesme maison, signifie qu'il est coupable, & si tu trouue, constellations contraires à ces constellations dessusdites, tu iugeras selon ce qu'il n'en est coupable.

### SENS VIVENT LES SEIGNEURS

*d'une chascune triplicité d'un chascun signe & qu'ilz signifient.*

Le premier seigneur de la triplicité de la premiere maison, signifie la voye naturelle du nez, & de l'interrogant, & son desir, & tout le bon & le mal qui luy doit auenir au commencement de sa vie.

Le second seigneur signifie le corps & la force d'iceluy qui est né, & le moyen de sa vie.

Le troisieme signifie la fin de la vie avec quelle compaignie il s'accompagnera.

Le

## TRAITE D'ASTROLOGIE

Le premier seigneur de la triplicité de la seconde maison, signifie la richesse, & la substance de la premiere partie de la vie, le second de la seconde & le troisieme de la troisieme partie.

Le premier seigneur de la triplicité de la troisieme maison, signifie les grands freres, & le second les moyens, & le troisieme les petitz.

Le premier seigneur de la triplicité de la quatrieme maison signifie le pere, & le second les terres, le troisieme la fin de toutes choses.

Le premier seigneur de la cinquieme maison, signifie les enfans, le second les delectations, le troisieme les escritures & nouuelles.

Le premier de la sixieme, signifie les malades, le second les seruants, le troisieme le profit ou dommaige.

Le premier de la septieme signifie noyse & debat le.2. bataille, le troisieme participation qu'il auroit avec les hommes.

Le premier de la huitieme signifie la mort, le second toutes choses vieilles & anciennes, le troisieme les heritages par mort.

Le premier de la neuvieme signifie chemin, le second mutations & changements d'estats, le troisieme, signifie la foid.

Le premier seigneur de la triplicité de la dixieme, signifie l'oeuvre de celuy qui est né, son exaltation, son estat & sublimation, le second signifie la voix & sa seigneurie & sa hardiesse, le troisieme son establissement es durées.

Le premier seigneur de la vnziesme maison signifie la fortune de celuy qui est né, ou du querât, le second ses faitz, & ses adiuteurs & aydants, le troi-

troisiesme si iceulx sont profitables ou dommageables à luy.

Le premier seigneur de la douziesme maison signifie lamentations, le second prisons & chartres, le troisiesme les ennemys.

### POVR SCAVOIR D'VN QVI

*vient vers toy pour te donner conseil si c'est pour te decevoir ou non, & s'il est vray & loyal.*

Chapitre

40

Egarde la figure faite à l'heure qu'iceluy  
 R vient devers toy, & si en my ciel qui est la dixiesme maison, il ya fortune ou infortune: car si tu trouue en my ciel fortune, son conseil est loyal & vray, & te conseille pour ton profit. Et si tu trouues infortune au my ciel, il est deceueur & mensonger, & ie te dys encores que si l'ascendant est en l'un des signes commun il est deceueur & baratteur.

### POVR SCAVOIR SI VN MA-

*lade mourra en sa maladie ou s'il guerira.*

Chapitre.

41

Egarde à la figure faite sur l'heure de la question presente. Et si tu trouues que la Lune & le Soleil, & l'alimite de l'ascendant tous trois soient francs des infortunez & aucunement empeschées & qu'elles n'ayent point de regard avec le seigneur de la mort qui est le seigneur de la huytiesme maison, il guerira de la maladie, & si les deux n'ont regard avec le seigneur de la mort, il guerira

H de la

## TRAITE D'ASTROLOGIE

de la maladie . Et si les deux de ces trois nommez sont infortunez par planette puissante , & par con-  
 iunction corporelle , & que ceste planette soit sei-  
 gneur de la maison quatriesme ou huitiesme , ou  
 douziesme , car en tel cas sera reputé miracle . Item  
 si l'alimité de l'ascendant en la Lune , & par especial  
 si elle est maistresse du temps , c'est à dire de nuit ,  
 ou le Soleil s'il est de iour . Si ses significateurs ou  
 par especial le plus fort d'eulx ait regard avec le  
 seigneur de la mort , il ne peut euader la mort , & à  
 chacune foys que aucuns des significateurs apro-  
 chent à quelques infortunez , c'est l'heure que la  
 maladie se fortiffie plus . Item si la Lune & le sei-  
 gneur de la maison de la Lune soient es mai-  
 sons cheantes , comme en la quatriesme , ou six-  
 iesme , ou neufiesme , ou douziesme , signifie mau-  
 uaise fin de la maladie & perilleuse , & adonques  
 regarde les angles . Et si tu trouues aucunes des in-  
 fortunes forte & puissante ou plusieurs en icelle , &  
 que celle infortune regarde la Lune , ou le seigneur  
 du lieu ou elle est , tu peux par ce certainement en  
 iuger la mort . Si tu trouues aux maisons águlaires  
 planettes fortunées , tu iugeras guarison . Item si  
 l'ascendant est signe du membre auquel est la mala-  
 die & la Lune & aucunes des infortunes , en ce mes-  
 me signe signifie forte maladie , & la mort , si ce n'est  
 que aucune fortune puissante regarde ce signe , car  
 en tel ca signifie le salut de la maladie & le temps  
 de salut sera quand la Lune aprochera à la fortune  
 dicte qui à fortuné le signe du membre ou la ma-  
 ladie est , & si les infortunes estoient par la manie-  
 re dessusdicte sans regard d'aucunes fortunes , a-  
 donques la force de la maladie sera quand la Lune  
 applique-

apliquera à cest e mesme infortuné, & si en ceste application, la Lune est en terme de infortune comme de Saturne, ou de Mars signifie la mort. Item quand l'alimité de l'ascendant est en sa cheutte ou infortunée, ou ars, ou dessoubz les rayes du Soleil signifie la mort, & si ces trois fortunes conuiennent à vn, & si deux de ces espesses d'infortunes se ioingnent, c'est à sçauoir, s'il est infortunée, ou ars, ou en autre maniere qu'il soit infortuné, & en sa cheutte & en autre maniere qu'il soit en sa cheutte & ars, encores signifie la mort, mais vn de ses trois tout seul ne peult signifier la mort, si ce n'estoit que les infortunez y aioustaissent leurs tesmoignages, & adoncques signifie la mort. Item es maladies ou la natiuité & commencement de la maladie sont cogneues, regarde si tu trouues la Lune au commencement de la maladie, ou lieu auquel Saturne à sa natiuité, & Saturne avec elle au mesme lieu, ou qu'il la regarde d'un fort regard, c'est à sçauoir d'un quart regard à conionction ou opposition signifie force de la maladie, & qu'il sera en tresgrand peril. Semblablement si la Lune au commencement de la maladie estoit au lieu auquel Mars fut à la natiuité, & Mars au mesme lieu, ou regardât ce lieu pareillement peril signifie de la maladie: Et si la Lune estoit au lieu auquel aucune infortune fut à l'heure de la natiuité, & aucune infortune estoit au mesme lieu avec la Lune à l'heure du commencement de la maladie, signifie grand peril en la maladie, & si la Lune au commencement de la maladie estoit au lieu auquel infortune fut à la natiuité & avec elle au mesme lieu de la maladie fortune, ou que fortune la regarde d'un regard, telle mala-

die sera forte, toutesfois il guarira d'icelle. Item si au commencement de la maladie aucune infortune regarde ou soit ioincte avec elle, signifie la mort en la mesme maladie. Et si le regard au commencement de la maladie soit de fortune à la Lune, signifie euasion d'icelle maladie. Si la Lune au commencement estoit au mesme signe ou elle estoit à la natiuité, & avec elle & au commencement de la maladie fut la planette qui tue, qui est le premier seigneur de la triplicité, de la quatriesme maison, ou qu'il la regarde d'un fort regard, & par especial si la planette qui tue en la racine de la natiuité, fut avec la Lune ou la regarde d'un fort regard, signifie force de maladie & peril. Et plus grand peril est si la planette qui tue est en nature contraire au signe auquel en l'heure de la natiuité conuient comme par exemple. Si la planette estoit en la natiuité, au signe masculin & de iour sur terre, & ce mesme planette, est au commencement de la maladie au signe contraire, c'est à sçauoir en signe feminin & de iour desouz terre. Item si tu trouues la Lune au commencement de la maladie au signe du Soleil de la natiuité, & que la Lune en la maladie puisse entrer, le seigneur auquel la Lune estoit en la natiuité deuant qu'elle vienne à quart regard du Soleil, signifie legere guarison de maladie. Item si le seigneur de l'ascendant & le seigneur de la huictiesme maison sont ioinctz par ensemble par conionction corporelle, signifie que le malade ne peult euitier la mort, par especial s'ilz sont ioinctz ensemble en l'ascendant ou en la huictiesme maison, sinon que reception vienne entre-eulx, & reception est apelé quand vn d'eulx heberge l'autre ou reçoit en sa maison, ou en son

son exaulcement ou en son terme. Item quand le seigneur de la sixiesme maison est planette tardif, la maladie sera longue, & quand il est planette hastif, en son commencement la maladie sera bresue. Item quand le seigneur de l'ascendât, & le seigneur de la huytiesme maison se regardent d'aucun regard quelconques, signifie la mort, mais la conionction corporelle est pure, s'il ny entreuient reception.

## POVR SCAVOIR D'VN MARIAGE

s'il se fera ou non.

Chapitre. 42



Ion te vient a demander d'un mariage s'il se fera ou non. Regarde l'ascendant & son seigneur, & la Lune & la planette duquel la Lune se part, & ses significateurs, donne à celuy qui demande la septiesme maison, & son seigneur, & la planette à qui la Lune applique, donne à celuy pour qui l'on demande. Si le demandeur est masle, aiouste à ses significateurs le Soleil, & si le demandât est femelle, aiouste à ses significateurs Venus. Et le seigneur de l'ascendant & la planette duquel la Lune se part, & donne à l'homme le Soleil avec la septiesme maison & son seigneur & la planette auquel la Lune s'applique, & puis regarde quelle application à la planette duquel la Lune applique, ou qu'elle application à la Lune enuers le Soleil, car si le seigneur de l'ascendant ou la Lune appliquent au seigneur de la septiesme maison, ou que la planette duquel la Lune se part, ou planette enuers qui la Lune applique, ou que le seigneur de l'ascendant ou la Lune soient en la septiesme mai-

H iij son,

## TRAITE D'ASTROLOGIE

son, signifie que le querant ou demandant aura la chose qu'il demande, toutesfois non pas sans prieres & grandissimes requestes, & si ladite est d'un quart regard, ou d'opposition, ou conionction signifie que la chose sera tardiue avec labeur & peine. Si le seigneur de la septiesme maison, ou planette auquel la Lune s'applique deuers la planette duquel la Lune part s'applique auquel le seigneur de la septiesme maison soit en l'ascendant, celle chose legerement se fera de la grand volonté de la femme & de sa partie & amys. Par especial si ceste application se fait d'un trin regard, ou de sexte regard, & avec cela si l'un des planettes reçoit l'autre, la chose bonnement & conuenablement se fera & au profit de chacune partie. Et si reception n'entreuiuent & que les applications soient d'un quart ou d'opposition, la chose se fera à peine & viendront labeur & empeschement entre deux, auant que la chose se puisse faire.

### POUR SCAVOIR D'VN

*qui va à la guerre s'il en reuiendra ou non.*

Chapitre.

43



Vand aucune personne va en guerre, & il te demande s'il en retournera en santé ou non: Regarde l'ascendant à l'heure de la question. Si en l'ascendant est le Soleil, ou Venus, ou Iupiter, ou Caput draconis, il retournera en santé, & si tu trouues Saturne en l'ascendant il fera paoureux, & toutesfois il ne sera point blessé. Et si Mars est en l'ascendant il demeurera, ou pour le moins sera blessé iusques à la mort, & si Mars & Saturne

Saturne ensemble sont en l'ascendant il mourra.  
 Item si Mars est en l'ascendant, & le seigneur de  
 l'ascendant en sa cheutte, il ne retournera point. Si  
 tu ne trouues aucune de ces choses dessusdites, re-  
 garde en la huitiesme ou dixiesme maison, si in-  
 fortune est en la huitiesme maison il mourra &  
 s'il est en la dixiesme maison il sera prisonnier.

POVR SCAVOIR D'AVCVNES GENS  
*qui font batailles lesquelz seront uictorieux d'eulx.*  
 Chapitre. 44

Vand à ceste demande & question de ba-  
 taille, Regarde à l'ascendant de la que-  
 stion, & si tu trouues que Iupiter ou Ve-  
 nus, ou Caput draconis est en l'ascendant, & que  
 Mars ou Saturne, ou Cauda draconis soit en la se-  
 ptiesme maison, le demandant & ses gents gaigne-  
 ront la bataille. *Notex que cedit iugement se peult aussi*  
*bien donner à deux combatants en champ clos comme icy,*  
*scavoir lequel gaignera des deux.* Et si tu trouue le con-  
 traire, c'est à scavoir que les fortunes soient en la  
 septiesme maison, & les infortunes en l'ascendant  
 on doit iuger le contraire, que les auersaires du de-  
 mandant gaigneront. Et si Mars est en l'ascendant,  
 & Iupiter en la septiesme maison, les gents du de-  
 mandant seront prins par maniere d'aucune com-  
 position. Item si le seigneur du signe ascendant est  
 en sa cheute, le demandant & ses gents perdront.  
 Item si plus de fortunes sont en l'ascendant que ne  
 sont en la septiesme maison, le demandant & ses  
 gents gaigneront, si contraire. Item si en l'ascendât  
 ne en la septiesme maison n'a point de planette, re-  
 garde

## TRAITE D'ASTROLOGIE

garde en la dixiesme maison , & si tu trouues en la dixiesme maison aucunes des infortunes , le demandant gaignera, & si tu trouues aucunes des fortunes en la quatriesme maison la partie auersé du demandant gaignera . Item si en la dixiesme est aucune des infortunes, le demandant perdra . Si en la quatriesme maison est aucune des infortunes l'auersaire perdra . Item la sentence de Haly Abarragel en ceste maniere est quand on demande pour plaidoyement, ou debatz qui est entre deux lequel le gaignera. Donne l'ascendant en son seigneur à la Lune à demandant , & donne la septiesme maison & son seigneur à celuy qui est auersaire du demandant , & puis regarde si aucuns des significateurs d'une partie s'applique deuers vn des significateurs de l'autre partie d'un tiers ou septiesme regard, signifie qu'ilz auront acord deuant que la cause vienne à plaidoyer . Si l'aplication se fait d'un quart regard, ou d'opposition ilz n'acorderont si ce n'est apres plaidoyer . Et si ces deux significateurs sont iointz en vn mesme, signifie qu'ilz auront acord, sans personne moyenne. Si le seigneur de la dixiesme maison s'applique deuers eulx deuant que l'un applique à l'autre ilz n'auront pas acord iusques à tant que leur cause soit venue deuers le Roy . Si la Lune part de l'un & applique deuers l'autre, leur acord sera par vn messager de l'un à l'autre. Scachez que quand le seigneur de l'ascendant est en la septiesme maison signifie que l'auersaire gaignera, & le seigneur de la septiesme maison est en l'ascendât, signifie que l'auersaire perdra . Item quand l'un de ses significateurs est retrograde, signifie foyblese, & perdra son maistre, comme par exemple. Si le

seigneur de l'ascendant est retrograde, signifie que le demandeur perdra, si le seigneur de la septiesme maison est retrograde, signifie perte de l'auerfaire. Si le seigneur de la dixiesme maison regarde celuy retrograde, signifie que cestuy debat & plaid se prolongera beaucoup. Item si le seigneur de l'ascendant & le seigneur de la septiesme maison se partent l'un de l'autre, signifie que le plaid & debat durera beaucoup. Item si l'un des luminaires cesse, c'est à sçauoir, si le Soleil ou la Lune s'applique deuers vn des significateurs, ou que l'un des significateurs soit en la maison de l'un des luminaires, signifie que le seigneur de celuy à qui le significateur est gaignera. Item quand le seigneur de l'ascendant applique deuers le seigneur du my ciel, signifie que le deuantdit demandera ayde au Roy & se maintiendra avec luy. Si par contraire le seigneur du my ciel, applique deuers le seigneur de l'ascendant le Roy luy aydera sans ce qu'il en soit prié. Si le seigneur de la septiesme maison s'applique deuers le seigneur du my ciel, signifie que l'auerfaire en demandera ayde au Roy. Et si le seigneur du my ciel applique au seigneur de la septiesme maison le Roy aydera à l'auerfaire sans demander. Item quand tu trouue par la maniere dessusdite que ces deux n'auront traicté sans plaidoyé, & tu veux sçauoir avec lequel le iuge qui sera constitué entre-eulx si tiendra: Regarde le seigneur de la dixiesme maison & s'il a regard avec le seigneur de l'ascendant signifie que le iuge sera fauorable au demandant ou faisant la question. Et si le seigneur de la dixiesme maison regarde le seigneur de la septiesme, signifie qu'il sera fauorable à l'auerfaire. Item si tu trouue en la dixies-

dixiesme maison aucun planette qui n'aye point de dignité en celuy signe, c'est à dire qu'il soit en son pelerinage, & que celle planette regarde les significateurs, c'est à sçauoir le seigneur de l'ascendant & le seigneur de la septiesme maison, & que le seigneur de l'ascendant ne regardast point les significateurs dessusditz signifiez, que ces deux eslront & constitueront vn iuge qui iugera entr'eux. Si Saturne estoit au my ciel, le iuge ne iugera ne droit ne raison, & si en ce cas Saturne estoit cōstitué de Mars le iuge au ra diffamation pour la faulte & fauce sentence donnée en ce iugement. Et si Mars en lieu de Saturne estoit au my ciel, le iuge sera aguz leger & courrouceux. Si Iupiter est au lieu dessusdit, il sera vray & loyal. Et si c'estoit Mercure qui fut audit lieu de Mars, le iuge sera aprenty, fraudulant en secret, & si Venus y estoit il sera debonnaire & de bonnes meurs. Item si le signe du my ciel est signe commun, signifie que le premier iuge ne depeſchera pas la cause qui est entr'eux, mais iront apres vn autre iuge. Item il fault regarder lequel des significateurs, c'est à sçauoir le seigneur de l'ascendant, ou le seigneur de la septiesme maison est mieulx receu du seigneur du my ciel, car celuy gaignera. Pour declarer la reception, c'est à sçauoir que reception est quand vne planette regarde vne autre planette, reçoit en sa maison ou exaltation, ou terme, ou face & que l'un regarde l'autre. Item si l'ascendant est signe fixe & que le seigneur de l'ascendant, & le seigneur de la septiesme maison soient es signes fixes, signifie que chacun d'eux fera fort en sa cause, & s'ilz estoient es signes mouuables leurs causes seront retrauerſées, & s'ilz sont es signes communs

muns ilz laisseront à l'une des foys leur cause & la recommenceront à l'autre foys.

## POUR SCAVOIR D'VN QVI

*ua uers un autre s'il le trouuera ou non. Cha. 45*



N ce cas regarde le seigneur de la septiesme maison, car s'il est en vne maison angulaire, signifie qu'un tel est en son lieu. Et si le seigneur de la septiesme est en vne maison succedente, signifie qu'il n'est pas en son lieu. Et si le seigneur de la septiesme est en vne des maisons cheantes, il est hors de son lieu, & bien loing de la. Item apres regarde s'il y a point d'aplication, ou translation, ou collection, entre le seigneur de l'ascendant, & le seigneur de la septiesme maison: car la planette qui translate la lumiere entre-eulx, ou qui recueille la lumiere entre-eulx regarde le seigneur de la septiesme maison, signifie qu'il le trouuera, & s'il ne le regarde, il ne le trouuera point.

## POUR SCAVOIR D'VN HOM-

*me qui est hors du pais, scauoir s'il est mort, ou uif.*

*Chapitre. 46*



L faut regarder le seigneur de l'ascendant & la Lune, & si tu les trouue en la quatriesme maison de l'ascendant, ou en la maison de la mort, ou qu'elles soient ars, ou cheutes, ou conioinctes avec le seigneur de l'ascendant, signifie qu'il est mort, & si tu trouues le seigneur de l'ascendant de la douziesme maison conioincte avec aucunes des infortunes, ce signifie qu'il

qu'il est mort. Sçaches que quand la Lune applique par aucun regard deuers aucun planette estant au my ciel, signifie saluation de son corps. Et quand la Lune s'applique deuers vn autre planette estant en la septiesme ou huictiesme maison, ce signifie qu'il est mort. Si la Lune estoit en la quatriesme maison & appliquoit deuers vne planette estant au my ciel signifie santé de corps, pareillement, si elle estoit au my ciel & appliquoit deuers vne planette estant en la quatriesme maison, signifie qu'il est sain, mais si la Lune estoit en l'ascendant, & appliquoit à planette estât en la quatriesme maison, ce signifie qu'il est mort. Item quand la Lune est infortunée & s'applique enuers le seigneur de la quatriesme maison & que ledit seigneur de la quatriesme maison soit en sa cheute, c'est à sçauoir en l'opposite de sa maison ou de son exaulcement, ou qu'il soit dessoubz les rayes du Soleil, signifie qu'il est mort. Si la Lune & le seigneur de la maison ou est la Lune & le seigneur de l'ascendant estoient domagez ou infortunez, signifie qu'il est mort. Par especial si le seigneur de l'ascendant est domagé ou infortuné, signifie en toutes manieres la mort. Item quand la Lune est en la quatriesme maison, & s'applique enuers vne planette estant en l'ascendant, signifie qu'il mourra d'une tresmauuaise mort, & si avec ce la maison est Scorpio, il sera noyé en eue, & si elle applique à Mars, il sera tué & apres noyé. Si Mars est en Lyon, les bestes sauuaiges le mengeront ou il mourra d'aucune occision qui luy viendra de par bestes, & si ceste application est enuers Saturne il mourra de venin froid & sec, ou par choses occultes & sçelées,

POVR SCAVOIR QVAND VN ROY

*part d'une uille qu'il sera de ceulx, qu'il laisse en  
icelle.*

Chapitre. 47



Our fouldre au vray ceste & semblable question, il te fault regarder si tu trouue infortune en la douziesme maison, ce signifiera que ceux que le Roy laissera en son lieu auront empeschement, & si l'infortune est Mars signifie que sera par discord & debat ou par tuerie & homicide, ou par bruslement de feu. Si la fortune & Saturne le dommaige, le dommaige sera de larcin, ou d'estre noyé en eaue, ou de maladie, & cecy s'entent si l'infortune n'est point receue, car si elle estoit receue elle ne fait point de dommaige, & si celle infortune est en sa cheute, signifie que ce mal se fortifira, par especial si avec cela l'infortune est retrograde. Si tu trouue en la seconde maison aucunes des fortunes, signifie en toutes manieres le cōtraire de ce que dit est. Scachez aussi que quād le seigneur de l'ascendant en la Lune est infortuné, signifie tristesse à celuy qui est party en son chemin. Et si l'infortune qui infortune le seigneur de l'ascendant ou la Lune est sur terre entre l'ascendāt & my ciel, signifie que c'est empeschement qui luy viendra en allant. Si l'infortune est dicte dessouz terre la tristesse luy auindra en sa compagnie, & si l'infortune est entre la quatriesme & septiesme maison, signifie empeschement en son chemin en reuenant.

POVR SCAVOIR D'AVCVNES LET-


*tres, si en icelles ya uerité, ou mensonges* Cha. 48

Regarde

## TRAITE D'ASTROLOGIE

R. Egarde à Mercure, & si tu le trouues en vn  
 R. signe mouuable regardant Saturne, signifie  
 que les lettres contiennent mensonges. Et si  
 Mercure est en signe fixe, signifie qu'icelles con-  
 tiennent verité.

### POVR SCAVOIR D'VN PRI- sonnier, s'il sera deliuré, ou non. Cha. 49

 L fault regarder la Lune & Mercure, & si  
 tu les trouues es signes mouuables, & for-  
 tunez des infortunez, signifie qu'il sera  
 deliuré. Et si tu trouues au lieu de la prinse Iupiter  
 en l'ascendant, ou qu'il soit ioinct corporellement  
 avec la Lune, ou qu'il regarde d'un regard trin, ou  
 sextil, signifie que legerement, & tost il sera deli-  
 uré. Et si Venus estoit avec la Lune en l'ascendant,  
 ou Mercure avec Iupiter regardant la Lune, ou que  
 tous deux soyent ioinctz avec elle, signifie qu'il  
 sera deliuré des prisons, & aura aucuns biens apres,  
 Et quand la Lune applique à aucunes des fortunes,  
 pareillement signifie legere & bresue deliurance.  
 Et si les fortunez regardent le seigneur de la mai-  
 son, en laquelle la Lune est, signifie deliurance. Si  
 le seigneur de la maison, en laquelle la Lune est, re-  
 garde la Lune, signifie deliurance, & que celuy qui  
 la prins le deliurera, & se repent de l'auoir prins, &  
 apres le reduyra en sa grace.

### POVR RESPONDRE SI ON TE

*demande d'un grand nombre de gents qui sont hors,  
 lesquels uiendront, ou demonreront. Cha. 50*

Il te

Le te les fault nommer les vns apres les autres, selon qu'ilz te viendront en l'imagination, apres regarde les applications de la Lune enuers les autres planettes, & donne l'application premiere au premier nommé, & par ainli aux autres par ordre: Et puis regarde si la premiere application que la Lune fait, est deuers fortune, ou infortune, ou deuers planette empeschée: car selon cela tu iugeras au premier nommé, pareillement fais des autres, ou second, par la seconde application de la Lune, & autres par la tierce application de la Lune.

## POVR SCAVOIR SI VN MES-

*sager reuient, ou non.*

Chapitre. 51

**R**egarde la Lune, & si tu la trouues en l'ascendant, ou en my ciel, signifie qu'il vient, & si la Lune est en la quatriesme maison, ou en la septiesme, appliquant deuers le degré ascendant, ou enuers aucune planette estant en l'ascendant, signifie qu'il vient, & si la Lune est en la quatriesme maison, ou en la septiesme appliquant deuers le degré ascendant, ou enuers aucune planette estant en l'ascendant, signifie qu'il vient, & si la Lune est en la fin de la neufiesme maison, signifie qu'il vient. Item si la Lune est en la fin de la douziemes maison, & qu'elle vueille entrer en l'ascendant, signifie que le messager viendra bien tost.

## POVR SCHVOIR SI LE MESSAGE

*vient à l'effet des choses, pour lesquelles il est enuoyé.*

Chapitre.

52

Regarder

## TRAITE D'ASTROLOGIE

R Egarder te fault la Lune, & le seigneur de la cinquesme maison: Si tu les trouues tout deux en vn deulx en departant d'aucune planette, & que la nature d'iceluy duquel il part soit semblable à la nature de la chose pour laquelle il est enuoyé, & que ce mesme significateur soit receu de planette duquel il part, & que apres le significateur s'aplique enuers le degré ascendant, ou enuers le seigneur de l'ascendant, signifie que le messager apporte la chose pour laquelle il y estoit enuoyé.

### POVR SCAVOIR QUELLE CHOSE

*est contenue es lettres, & tout par question.*

Chapitre.

53



Egarder te fault (pour souldre ceste question) de laquelle planette Mercure se part, ou la Lune: car les lettres & mandemens apartiennent à la Lune, & à Mercure, & si le seigneur de la troisieme, ou neuuesme maison ont peu de force en lettres & mandemens. Apres regarde, comme dit est à Mercure, & la Lune, quel regard l'un des deux à, ou de fortune, ou d'infortune: car s'il est regardé d'une infortune, signifie que mauuaise chose est contenue es lettres, & s'il est regardé d'une fortune, signifie que bonne chose & tout bien est contenu es lettres.

### POVR SCAVOIR A DIRE

*des gents qui uiendront à un festin, & ceulx qui vesteront.*

Chapitre. 54

Regarde

Regarde auquel signe est le seigneur de l'ascendant, & quel planette applique deuers luy. Et si le seigneur de la septiesme maison s'applique deuers luy, regarde quant degrez sont au terme auquel le seigneur de la septiesme maison est, car tant de gents viendront, comme autant de degrez ledit seigneur de la septiesme maison au passé du terme auquel il est. Item si le seigneur ne s'applique point vers le seigneur de l'ascendant, regarde quant planettes tu trouueras entre le seigneur de l'ascendant & le degré ascendant en comptant selon l'ordonnance des signes, car tant de gents de ceux qui sont semondz viendront. Item si le seigneur de la septiesme maison est en la septiesme maison ou qu'il regarde vne autre planette estant en la septiesme maison, & que le seigneur de la septiesme s'applique deuers le degré ascendant, ce signifie que tous ceux qui sont inuitez & semondz ou nombrez viendront.

## CY APRES SONT DECLAI-

*rées les significacions des maisons chacune à par soy, de la premiere.*

Chapitre 55



A premiere maison qui est angulaire est la porte du ciel, & signifie la questio du demandeur laquelle il fait pour luy mesme, & signifie les accidents de son corps, & toutes choses qu'il demande de soy mesme, & signifie les nerfz & sa gresse. Et sa maigreté signifie nigromance & enchantemens, & de combien de temps l'enfant est au ventre de sa mere, signifie la voye, la noblesse, & en quelle terre

I il est

## TRAITE D'ASTROLOGIE

il est né, signifie empeschemens, signifie auquel degré il montera en dignité. Item il signifie lentement & mutation d'estat, signifie raison composer ou demander chose. Item signifie choses plaisantes, & desplaisantes, signifie la lumiere, pluye guerre, & ceste maison est la ioye de Mercure.

### LES SIGNIFICATIONS

*de la deuxiesme maison au mesme chapitre.*

Este maison signifie choses leuées gouvernées & apriées, substâces, causes avec fortunes heritages, biës de femmes quâd elles meurent, dōner receuoir participatiōs, sergents, escrire testamēts de mort, & choses qui auient es choses auenir, prerogatiues stabilitē, trahisons enuie des ennemys, & arches & armeures & cléez & rentes de heritages & gain, & lettres du Roy de mādements, à l'entrée d'une ville.

### LES SIGNIFICATIONS DE LA

*troisiesme maison.*

Este maison, signifie les freres, chemin bres, & oster aucunes choses, signifie ioye & perilz des freres, & leurs estats bons, ou mauuais, signifie les amys, sœurs, ou cousins, songes, sçauoir de loix, mettre estat de sœurs, & des amys, signifie motion d'une place à autre, cōsideration, entendemēt, noble obeissance & seruice enuers Dieu, les sinagogues des Iuifz, destruction des Chrestiens & eglises. En ceste maniere est la ioye de la Lune.

LES SIGNIFICATIONS DE LA  
*quatriesme maison.*



Este quatriesme maison, signifie les peres, & c'est l'angle de la terre. Item aussi signifie la fin des choses d'heritaiges, inundations d'eues, des choses celées & ocultes, & signifie la fortune de la chose en laquelle l'enfant est né, & signifie prisons & amys de par le pere & la mere, signifie grand pere & mere, signifie membre dedans le corps, signifie aussi l'œuvre des edifices, signifie l'heritier du pere & la mere, chasteau maisons grands ans, signifie pierres precieuses, le lieu auquel la chose est emblée, & se signifie thresors.

LES SIGNIFICATIONS  
*de la cinqiesme maison.*

Este maison signifie enfans masses & felles gain de rentes & d'heritages, les biens de bonnes femmes, signifie Legatz & messagers, aussi le disposer la substance ou finance des trespassez, & signifie auoir le thresor des peres, aussi les choses qui auiennent à l'homme apres sa mort, ou en bien ou en mal. Item signifie le pain & son marcher en villes, & aussi les estats des gés en la reuolution de l'an du monde. Item signifie encores les rentes d'heritages. Item conception des femmes. Item signifie auoir l'amytié des dames, & netteté & choses bien odorantes, & aussi l'amour des amys.

LES SIGNIFICATIONS  
*de la sixiesme maison.*

Iij

Ceste

## TRAITE D'ASTROLOGIE

**C**este maison sixiesme signifie maladie, & de quelle cause procedent empeschements des membres prisonniers, seruaunts & seruantes, trahyson malice, changement d'une place en autre, bestes, ennemys, deliurement de prisonniers, amendement de corps, descouurir secret, aussi signifie laboureurs & bestes qui sen sont fuytes tout par elles, & choses perdues viles & de petit prix suspection de femmes, gents chatrez, mutation de la volonte des amys, signifie menfongers, faulx tesmoignages, enuye fornication en dictz, & en faitz, & adorer ydoles & dyables & entache de Nygromance, signifie corps subtil foible: Quand le significateur d'une natiuite est trouue en ceste maison, signifie qu'il sera phisicien.

### LES SIGNIFICATIONS DE LA *septiesme maison.*

**C**este dite maison, septiesme signifie femmes, mariages, causes de mariages, coucher avec femmes auersaires, oyseaulx, auocations de causes, l'estat de vieillesse, le lieu deuers lequel le cheminant s'en va, chose demandee pour laquelle le demandeur demande choses perdues, larcin, l'homme qui n'est pas present & en quel lieu il est, signifie choses celces & nyees, gents estranges, abaissement d'estat, mort d'ennemys, les amys des freres, & signifie les filz & enfants des amys, & tueries, ou occisions, & aussi acheter, vendre, & chasser.

### LES SIGNIFICATIONS DE *la huitiesme maison.*

Ceste

Este dite huitiesme, est la maison de mort  
**C** & d'occision, boutement de feu, emprison-  
 nement de gents, empeschement de corps,  
 signifie grand paour, toutes miseres de maladies,  
 comme aueugleté, boyteuzeté, bosseuzeté & mala-  
 dies longues, horribleté des lieux despeuplez, & si-  
 gnifie ce qu'auendra à l'homme deuant sa mort, de  
 bien ou defaulte.

LES SIGNIFICATIONS DE LA

*neufiesme maison qui est maison de la loy*

*et uoyages.*

Este maison neufiesme, signifie chemins,  
**C** cheminer de terre en autre, choses diuines,  
 signifie aussi prophetes & propheties, freres  
 de religion, & Hermites, maison d'oraisons, prono-  
 stiquer sur choses auenir, astrologie, diuination li-  
 ures, rencontrer choses passées, interpretations des  
 choses songées, & aucune science comme Arisme-  
 tique, prisonniers, chanteurs, batailleurs, enchante-  
 ment, ioueur de passe passe, & signifie retenir se-  
 cret & sceler, seruir Roy, & aussi les freres de la fem-  
 me & la partie moyenne de la vie d'une personne.

LES SIGNIFICATIONS

*de la maison dixiesme qui est maison de royaume par voye*

Este maison, signifie les Roys, seigneurie  
**C** haultesse de Roy, & seigneurie de noblesse,  
 & signifie bonne renommée de loing pais,  
 mestiers, ouuraiges, chambelliers, grand honneur,  
 & grand entendement, bone consideration, & bon-  
 ne memoire, signifie les gentils femmes, & les fem-

## TRAITE D'ASTROLOGIE

mes de Roys. Item les femmes des peres & le temps moyen de la vie d'une personne. Item signifie si le Roy tient iustice, & est droit en son peuple, & s'il est iuste, c'est accomplissement des questions.

### LES SIGNIFICATIONS

*de la unzieme maison qui est maison de fiance.*

Este maison vnzieme est maison de fiance  
C & d'esperance, signifie les aydants, & les remunerations & amytié des gents de grand estat, & auoir choses secretes, & traicter avec eulx, signifie estre aymé, & bien renommé entre eulx, signifie marchandises, donner aux aduocatz pour plaidoyer. Item ceste maison est la maison de substance, ou fiance, ou Roy, & signifie quantité d'amys, gents qui ne sont pas presents, signifie populations & haultes & grandissime lignie, & signifie la fin de la moyenne partie de la vie d'une personne de ce que luy auient en ce tēps, en bien ou mal.

### LES SIGNIFICATIONS DE LA

*maison douzieme, maison d'ennemys.*

Este maison douzieme signifie ennemys, de  
C douleurs de tristesses, de prisons, ennuyz, brouillemēts deceptions. Item signifie mauuaise mœurs, angoisses & peines. Item signifie bestes & pauures de membres, & aussi la substance & finance des larrons & des mauuaises gents & de finance des aduocatz & de vieilles, & de ceulx qui ne rendent obeissances à leurs seigneurs. Item signifie les bannys, & gents qui ne sont pas en leurs lieux,  
aussi

aussi ceulx qui viendront estre officiers des autres, & aussi loing courroux, & gents meschans qui renoncent leurs loix. Item signifie les accidents qui auient a l'enfant au ventre de sa mere. Item legeté, ou difficulté d'enfantement, & aussi toutes bestes terrestres à quatre piedz.

DE LA NATURE ET PROPRIÉTÉ DE SATURNE. Chapitre. 56

Atur ne est planette vieil & grand, las, vilipendé, & cause de sa nature tristesses & melencolies & longues maladies, & est de sa nature froid & sec, & ressemble l'humeur de melencolic qui est gouverné de tous les autres humeurs, mais les autres ne sont pas gouvernez par luy, & sont quatre humeurs, comme sont flegmes, coleres, melencolies. Item est sale de sa nature & ord, & tient long courroux, parle peu, au cloistre solitaire sans estre en compaignie. Item il a profondes cogitations & pensées, & est de bonne memoire pour cause de sa seicheur, car seicheur est cause propre de bonne memoire. Item Saturne par son effect fait ceulx qui s'occupent voluntiers en choses vieilles, vieilles. Item il donne vn entédement trefrude & gros, mais bonne memoire comme il est dit. Item il est paoureux & craintif, il fait Nigromanciens, il est vil & deshonoré, & signifie laboureurs & peuple, & aussi il ayme semer & planter fruietz & arbres & autres choses. Item il ayme peupler terres, & edifier maisons, & Chasteaulx, fortresses & villes. Item il n'a point de ioye avec autres, ne autres gents avec luy, & il est aussi de pesante nature.

## TRAITE D'ASTROLOGIE

re d'aller & à peu de compagnies avec dame, car il est sterile pour cause de sa complexion, il est tout contraire à ce fait, car il est sec & froid, il est naturel ennemy au Soleil. Item il abhordine Jupiter, pour & a cause de sa complexion qui est totalement contraire à la complexion du Soleil, il est aussi contraire & ennemy à Mars.

### DE LA COMPLEXION NATURE ET

*propriété de Jupiter.*

Iupiter est planète debonnaire, complexion  
I chaulde, moiste, & est fortuné par regard & conuention, signifie amendement d'entendement, signifie aussi loix & simpleesse, substance, ou finance, & enfants, signifie chasteté. Item Jupiter adresse les choses, & ne destruiet pas le peuple, & ne desert pas, il abhordine Saturne & ses natures, fait gents obeissants & debonnaires, loyaux piteux, il abhordine le mal, ayde les pauvres, il ayme iugement de legistes & decretistes. Item il signifie les iuges, les nobles iusticiers, gents d'eglise & vniuersité pour estudier. Et quand en vne natiuité Iupiter est infortuné fort, & empesche, peu de bien & de vie en aura l'enfant, par luy l'air se clarifie, & vents doulx & pluyes doulces courêt, & aussi sont bien profitables à la terre.

### DE LA NATURE ET COM-

*plexion de Mars.*

Ars est planète chauld & sec, de nature de  
M feu destruisant, yreux victorieux, il ayme tuer & procurer batailles, & effusions de sang, debat, guerres, boutefeux. Item il fait gents  
impa-

impatiens, qui tost se courroucent d'un fort courroux & de gros cœur, & tout leur cœur mettent en leurs choses qu'ilz ont affaires guerres, batailles, occision de peuple. Item il est ennemy de Saturne, & ayme le Soleil, ses gents sont ignares & obliuieux, de petit entendement & sens diminué, & ne considerent pas la fin de leur besongne. Item il hayt sur tous autres planettes la Lune, & quand il est seigneur d'aucune natiuité, sans ce que Iupiter ou Venus le regarde, il occit & destruiet l'enfant, & luy donne trespetite vie. Item il signifie larcin, roberie, gents d'armes, souldres, tonnerres, scintillations de feu. Item il se debilité & affoiblit es signes Aqueux, & de nature d'eau, & sa nature se multiplie en sa nature de feu.

## DE LA NATURE ET propriété du Soleil.

**L**E Soleil est lumiere, chadelle, gouvernement, & gouverneur du monde, facteur du temps en leurs mutations, comme en l'esté, en l'hyuer, & par le Soleil, ou par la comparaison de luy, les autres planettes en deviennent Orientales, & Occidentales. Par luy aussi les autres planettes en sont parêtes & occultées, & semblablement par iceluy ilz sont ars. Item si le Soleil signifie les Roys, les Empereurs, & les autres grâs princes, ou seigneurs, & signifie grandes dignitez, & royaumes: Et quand il est en aucune natiuité, en l'angle du my ciel sans empeschement, & qu'il soit fortuné, signifie grandissime dignité à iceluy enfant, & selon la capacité du lignage dont l'enfant est  
venu

venu, & né: car s'il est né de grand lignage, signifie à iceluy royaume, ou domination semblable, ou pareil royaume. Et s'il est né de laboureurs, ou semblables, il luy signifie grande bourgeoisie. Et s'il est né de grand bourgeois, luy signifie grandes offices, ou richesses de par marchandises, & est chaud & sec, de sa nature.

DE LA NATURE ET PROPRIÉTÉ DE Mercure.

Mercurc est planette de mauuaistié de violence, de documents ou doctrines de lettres, d'escritures de comptes & de sciences, chaud & sec, & est de nature conuertible, car s'il est avec planette masculin il deuiet masculin, s'il est féminin il deuiet féminin, & s'il est avec fortune il deuiet fortune, & s'il est avec infortune, il deuiet infortune, il fait ses gents de bonne raison & entendement bons & hardis parleurs. Item Mercure aime liures de comptes & sciences & mestier. Item aime liure de Romans, faire vers ou vesifier. Item Mercure est planette qui principalement signifie vens. Quand il change son signe signifie mutation d'air en vents, si constellation cōtraire ou plus forte ne contredit.

DE LA NATURE DE

la Lune.

La Lune est vne des planettes la plus basse de toutes les autres & de sa nature est froide & moyste plus que n'est la nature de Venus, & sçachez que Saturne & Mars. empeschent la Lune, mais

mais l'un plus, l'autre moins, selon le diuers estre de la Lune, ou aspect, car Mars l'empesche plus en son croissement, & Saturne l'empesche plus en son accroissement, & la cause est, car la Lune en son croissement est chaude, & Mars est chaud, & pource adonc Mars l'empesche plus en son croissement, la cause pourquoy Saturne l'empesche plus en son accroissement est, car il est froid, & la Lune en son décroissement est froide pareillement, & quand l'on a iousté froid avec froid, il se cause un plus grand froid. Item la Lune est significatrice des messagers & du peuple des moelles & ceruelles des bestes, & brefuement de toutes humiditez, car selon le croissement & décroissement d'icelle Lune, les humiditez ou humeurs des viuants croissent & décroissent. Item quand la Lune est infortunée en la reuolution de l'année du monde qui est de l'entrée de l'an, c'est à sçauoir quand le Soleil entre au premier point au degré d'Aries, nonobstant qu'elle n'aye pas grande puissance en la figure, signifie en ceste dite année, empeschement, fâcheries & turbatiōs sur le peuple.

## POUR SCAVOIR D'UNE

chose qui est signifiée à l'auenir, sur quel pays ou ville est signifiée.

Chapitre.

57



L fault prendre la figure des douzes maisons en laquelle est signifiée aucune chose auenir soit bonne ou mauuaise, apres on doit considerer en quel lieu & degré est celle planete ou significateur qui a signifié celle chose, & puis on doit compter contre la succession des signes, c'est à sçauoir en allant des ascendans deuers

deuers le my ciel, & en ce nombre les degrez qui sont entre les degrez ascendants & les degrez du significateur: Et en ce nombre des degrez on doit par tir en deux parties esgales, l'vne des parties on doit oster, & l'autre moytie l'on doit retenir, ou toutes villes ou tout païs qui est eslongné du vray Orient selon le nombre des degrez de la moytié susdite sera participant en la chose signifiée, c'est à sçauoir que l'accident soit bon ou mauuais auindra es villes qui sont eslongnées du vray Occident selon la moytié dudit nombre, & par la table qui sensuyt l'on peult sçauoir l'eslongnement des villes par le vray degré dudit vray Orient, exemple. Supposons que l'ascendant d'aucunes figures soit Aries, le quatriesme degré en laquelle figure aucune chose est signifiée par Saturne qui est au dixiesme degré de Capricorne. Depuis le quatriesme degré d'Aries qui est l'ascendant, iusques au dixiesme degré de Capricorne, auquel Saturne est le significateur dudit accident, sont de octâte quatre degrez, desquelz on en doit prendre la moytié seulement qui sont quarante deux degrez, & toutes villes & regions qui seront eslongnées par quarante deux degrez du vray Orient sont participant en celle chose signifiée.

POVR SCAVOIR LA PENSEE DV  
querant, & s'il à plusieurs pensées. Chap. 58

It AKinde, quand tu voudras sçauoir la  
pensée du querant, nombre les degrez  
qui sont du seigneur de l'heure iusques  
au degré du Soleil, & le nombre que tu trouue-  
ras

ras iecte depuis le commencement du Mouton,  
& au lieu ou le nombre se finera sera la pensée la-  
quelle iugeras selon la nature du signe & de son sei-  
gneur. Et dient les autres que les significateurs de  
la pensée sont en l'ascendant neuf significateurs, &  
hors de l'ascendant trois, ceulx qui sont de l'ascendant  
sont ceulx cy, le seigneur de la maison, le seigneur  
de l'exaltation, le seigneur de la triplicité, le sei-  
gneur de son terme, le seigneur de face, le seigneur  
de la neuuesme & son alimité, & la planette à qui  
va le degré ascendant, & la planette qui est en l'as-  
cendant, & les planettes qui sont hors de l'ascendant  
sont les parties de fortune & son seigneur, le sei-  
gneur de l'heure, le seigneur de la maison du Soleil  
par iour, & le seigneur de la maison de la Lune par  
nuict, & considere de tous eulx qui à plus grand  
dignité, seigneurie & plus ferme en la figure, car  
iceluy sera le seigneur de la pensée. Et dit Vnelius  
multiplie les degrez de l'ascendant par le nombre  
des heures passées de iour ou de nuict, & le nombre  
qui viendra de la multiplication iecte du lieu du  
luminaire du tēps, c'est à sçauoir du lieu du Soleil si  
c'est de iour, ou du lieu de la Lune, si c'est de nuict,  
& ou le nombre se finera sera cogitation laquelle  
iuge selō la nature d'iceluy signe & de son seigneur  
& sçachez que les premieres aplicacions iugent les  
pensées, & les secondes iugent la question. Et dit  
Hermes, sçaches le degré en l'ascendant en l'heure  
de la question, apres enquier les significateurs par  
les seigneurs des dignitez du signe ascendant, & par  
les luminaires, & par la partie de fortune, & en-  
quiers de toutes leurs vertuz : car la plus forte & plus  
droicte qui puisse estre, c'est la signification du sei-  
gneur

gneur quand il aura seigneurie en la nature de la chose, & ne soyez pas deceu en planettes en qui tu auras veu beaucoup de tesmoins qui aura plus grand seigneurie en son mouuement premier, ou qui aura seigneurie en l'ascendant de la reuolution de la plusgrád' conionction, ou celuy qui aura seigneurie en la reuolution du monde, & les autres significations haultes comme il est dit au liure des conionctions, car celuy qui aura eu aucunes des seigneuries veult estre deuant mis es significations cōbien que celuy qui aura beaucoup de tesmoins Dit Doroche, quand tu auras beaucoup de questions prends la premiere de l'ascendant, la seconde du my lieu du ciel, la troisieme de la vnzieme maison, la quatrieme de la cinquieme, la sixieme de la septieme de l'angle de la terre, & la huytiesme de la neuuiesme maison. Et dient les autres tu prendras la premiere question de l'ascendant, la seconde, de la secōde maison, la tierce de la tierce, & ainsi tousiours iusques à la douzieme maison: Regarde la premiere question par la premiere aplicacion que aura la Lune, & la seconde par la seconde aplicacion, & ainsi par ordre iusques à la fin des questions & dient les autres prends la premiere question par le seigneur de la premiere heure, la seconde par le seigneur de la seconde heure, la tierce, par le seigneur de la tierce, & ainsi des autres par ordre iusques à la fin des questions, soient peu ou plusieurs, & si tu quiers & estudye (Dieu aydant) tu les trouueras.

POVR IVGER ET SCAVOIR DE  
la santé du corps. Chapitre 59

Quand

**Q**uand aucun te demandera lequel de ses membres luy sera plus fort & plus profitable, & lequel deses membres luy sera plus foyble & pire. Sçachez ce qui est depuis l'ascendant par dessus terre iusques à la septiesme est de la partie du corps plus haulte. Et si tu trouue en ceste partie fortune, iuge que la partie souveraine de son corps luy sera fort saine & parfaite, & si infortunes y ont esté, iuge le contraire. Si de la septiesme maison iusques à l'ascension est de la partie du corps de la moyenne en bas: Et si tu as trouué fortune en icelle partie de la septiesme maison iusques à la douziesme, iuge que la moytté de dessus le corps luy sera fort saine & parfaite, & si infortunes y sont iuge le cōtraire, en quelconques lieux ou tu auras trouué infortunes, iuge tousiours ce qui est le plus foyble & pire. Sçaches que le chef est du signe que l'on apelle Ari es, le col du signe que l'on apelle Taurus, & ainsi suyuant c'est ordre, dy que les piedz sont du signe qui est apellé Pisces, ainsi qu'il est diuisé es liures des anciens. Et dient les autres que le chef est de l'ascension, & le col d'iceluy de la seconde maison, & ainsi selon l'ordre, dy que les piedz sont de la douziesme maison, & selon ce, regarde en quel signe les fortunez seront estez: car illec sera le salut & le bien, & auquel signe auront esté infortunez, illec sera le detrimēt & mal, & d'iceux on se doit garder & craindre, & ie dy que nous deuons regarder ceste chose en ce chapitre. Quand Quesidor demanda pour luy de son corps & que ce seroit de luy en celuy qui auient. Nous deuons regarder à la Lune, & alimité, & regarder lequel aura esté le plus fort, & les applicatiōs d'eulx,

d'eulx. La premiere, la seconde, la tierce, combien elles seront & aurôt esté en ce signe auquel il est, & qu'il se mue de ce signe, adoncques soit mué ce iugement, & icelle signification perie, & sçaches que la separation de la Lune, signifie ce qu'il à esté du demandant deuant la question, & l'aplication d'icelle signifie ce qu'il sera de luy apres la question. Et quand la Lune s'aplique à autre planette du triplement de l'angle cheant de l'angle, icelle signification sera fort mauuaise: car la fortune quand elle se infortune se debilité & diminue son bien, & son profit, & quand elle aura esté forte, elle verifie ce qu'elle signifie de bien, de profit & force, & par ceste maniere iuge des infortunez, & ne regarde aucunement à ce que les liures dient, que infortunes sont pires quand elles sont cheâtes des angles, mais quand infortunes sont en angles fermes & fortes, adoncques sont elles pires, car quand elles sont cheantes, elle sont à la semblance du foible malade qui ne se peult mouuoir ou ayder.

POVR SÇAVOIR QUELLE VOLONTÉ à celly qui uent à toy. Chapitre. 60



I aucun vient à toy, & pour sçauoir sa volonté, laisse le seoir comme il voudra, & apres regarde s'il fera assis en la partie de la planette que l'on dit Iupiter, ou de celle que l'on dit Venus: sçaches s'il t'ayme & s'il se loue de toy & qu'il est vray disant, & qu'il te porte bonne renommée. Et s'il est assis en la partie de Saturne sçaches qu'il vient à toy par mauuaise volonté & par ire & qu'il te veult mal faire par ses ditz, & te garde

garde de luy, & s'il s'assiet en la partie de la planette que l'on dit Sol, sçaches qu'il a mauuaise volonté à toy, & dit de toy mauuaise renommée, & s'il s'assiet en la partie de Mercure, sçaches qu'il a à toy ire couuerte, & te monstrera qu'il t'ayme, & qu'il te face bien, & s'il s'assiet en la partie de Mars, il n'a en luy point de bien, & te dois de luy bien fort garder au bon plaisir de Dieu.

POVR TROVVER THRESORS ET  
*choses mussées & cachées. Chapitre 61*

Comme l'on t'aura demandé de substance  
 C ou de la chose dessoubz terre de ce que font les hommes, comme sont fremaulx & autres choses, reçois l'ascendant, & le dresse le plus subtillement que tu pourras, & apres ce commence la question du demandant de qu'elle maniere elle est, & sçache si l'on demande pour substance, laquelle il aura mis souz terre, & il ne sçache le lieu d'elle, ou s'il demãde pour substance, laquelle le pere d'elle aura mis souz terre, ou son frere ou autre qu'il cognoist, ou le demandeur scait qu'il a mis celle souz terre, ou s'il demande pour chose enterree laquelle il a cogneu estre ainsi, mais il ne scait qui la enterree ne le lieu, ou s'il demãde pour chose mise souz terre, apres ce que l'on aura déterminé, donne l'ascendant au demandeur, & si la chose est oubliée qu'il auoit mis souz terre ou le lieu, regarde le seigneur de la seconde maison de l'ascendant, & si le frere d'elle l'auoit mis souz terre, regarde le seigneur de la quatriesme maison, pource que la maison de substance est de son frere. Si le pe-

## TRAITE D'ASTROLOGIE

re d'elle l'auoit mis deffoubz terre, regarde le seigneur de la sustance de la maison du pere, & selon ceste voye & ordre en quelcōques maniere, le souz terre aura esté regardé le seigneur de la sustance qui est la seconde de la maison ou est la signification & qu'elle soit regardée en quelz lieux, & si tu l'auras trouuée en aucuns des angles de l'ascendant ou en aucuns des angletz du seigneur ascendant, dy que la chose qui est mise souz terre est en la maison. Si elle a esté en l'ascendant ou en signe du seigneur ascendant, dy que la chose est mise souz terre au palais ou il demeure, & si elle a esté au mylieu du ciel de l'ascendant, ou en la dixiesme du seigneur ascendant, dy qu'elle est en la maison en laquelle est son ouurouer, & si elle a esté en la septiesme maison de l'ascendant, ou en la septiesme du seigneur ascendant, dy qu'elle est au palais de sa femme. Si elle a esté en la quatriesme de l'ascendant, ou en la quatriesme du seigneur ascendant, dy qu'elle est au palais ou demeure le pere de luy ou d'aucun, ou de son prochain qui sont de meilleur iour que les autres, & si eulx n'auoient esté prochains, dy qu'elle est au mylieu de sa maison, & apres vn peu regarde l'aplication de la Lune & du seigneur ascendant auec le significateur deuant dit, & si aucune receptiō auroit esté entr'eux d'amytié ou d'inimytié: car du regard & de la reception tu sçauras ces choses, s'il aura ce qu'il demande ou non. Et si ceste reception aura esté d'amour, dy luy qu'il l'aura de leger, & s'il est d'inimytié, dy qu'il aura celle chose à grand' inimytié, labeur & peine: & si la reception ne sera entretenue ou la translation de lumiere n'aura esté, ou la collation, il en iouyra semblablement, & si le regard

gard ne la translation, ou la collation ne feront entretenuz, dy qu'il n'aura pas ce qu'il demande. Si la question auroit esté pour chose mise souz terre non pas sçeuue ou si elle est ou non. Si elle n'est sçeuue ne le terme qui a esté mis n'aucune chose d'elle, & si tu as voulu sçauoir si elle est illec ou non ou en terre, tu le sçauras en telle maniere: Regarde le seigneur de l'ascendant si elle aura esté en l'angle & fortune y est, dy qu'elle y est. Les anciẽs dient & Mesalach. Regarde le seigneur de la septiesme maison, & si fortune ayt esté illec, la chose est illec entrée. Et si fortune a illec esté, & la question ayt esté pour chantz mis souz terre, c'est pareillement vray, & sinon il n'est pas vray. Et si la question aura esté pour auoir mis souz terre & infortune aura esté en la septiesme, la chose qui a esté mise souz terre est tirée d'illec & est ailleurs transportée. Et dit Archenidus regarde deuant le degré ascendant quel degré, s'il y à en celuy aucune planette, & si elle aura esté fortunée, & elle aura esté en iceluy neufiesme degré, s'il y à en celuy aucune planette, & si elle aura esté fortunée, & elle aura esté en iceluy neufiesme degré, il dit qu'elle à esté soustraite & de nouuel extraicte, mais toutesfois elle ne sera pas trouuée. Si celle fortune aura esté encheue au neufiesme degré vers la partie d'extre de petite auenture, sera tost trouuée, & si elle aura escheu pres du degré d'Occident, par quart, quintes d'une heure, icelle chose enterrée est emblée, & s'enfuiront les larrons avec elle. Et si fortune n'aura esté en l'angle d'Occidẽt ne infortune, & la question y aura esté pour la chose mise souz terre, sçeuue qu'elle est illec, dy que ceulx qui ne l'ont pas tirée de son lieu ne qui ne l'ont pas emblée

## TRAITE D'ASTROLOGIE

à ſçauoir de qu'elle nature la choſe miſe en terre eſt quand on a ſçeu en quel lieu elle a eſté enterrée, & ſi tu veulx ſçauoir de qu'elle nature elle eſt, regarde la planette qui eſt ſignificateur, car illec eſt la choſe muſſée. ſçaches ſi elle eſt alimitez de la ſeptieſme maiſon, & de quelle nature eſt celle planette ſi elle aura eſté eſmeute d'icelle maiſon, & ſi iceluy n'aura eſté eſmeute d'icelle ſeptieſme maiſon, & regarde ſi aucune participatiō aura eſté entr'eux & reçois la nature conioincte d'eulx deux enſemble, & ſi aucune d'eulx n'aura entretenu iceluy meſme ſeigneur de la ſeptieſme maiſon eſt ſignificateur, & ſi le ſeigneur aura eſté ſignificateur de ce il aura eſté en ſa maiſon, ou en ſon exaltation, dy que c'eſt or, ou pieces rouges luyſantes, & precieufes. Et ſ'il n'aura eſté en ſa maiſon, ou en ſon exaltation, dy que c'eſt des choſes, comme verres & telles choſes. Et ſi la Lune aura eſté ſignificatriſſe qu'il leur ſemble en ſa maiſon, ou en ſon exaltation, dy que c'eſt argent ou Criſtal ou choſe blanche priſée. Et ſi Mars eſtoit ſignificateur en aucune de ſes maiſons, dy que c'eſt cramy ou verre ou ſemblable choſe. Si Saturne auoit eſté ſignificateur, en aucunes de ſes maiſons, dy que ce ſera choſe noire, ou fer, ou pouldre qui eſt colirium, ou choſe qui luy reſſemble. Et ſi Iupiter auroit eſté ſeigneur en aucunes de ſes maiſons, dy que c'eſt argent, ou blanc drap, ou iargonne blanche, ou choſe ſemblable. Si Venus eſt en aucune de ſes maiſons, ſignifiereſſe, dy que c'eſt aloy, ſel, coural, ou choſes qui ſont traites de la mer, ou a eulx ſemblables. Et ſi Mercure a eſté ſignificateur eſtant en aucune des ſes maiſons, dy que c'eſt argent viſ, ou liures, ou cuyrs, ou choſes ſem-

semblables. Et si ces planettes n'auoiēt esté en leurs maisons, metz icelle d'eulx qui aura esté significateur avec la planette à qui il aplique, ou qu'il applique icelle, & dy selon ce. Et si en ceste signification n'aura esté conionction de Saturne avec Mercure, ou que vn soit en la maison de l'autre, & l'autre en la maison d'iceluy, & vn d'eulx aura esté significateur de la chose enterrée, dy que la façon est de nigromance, ou de choses semblables: & aussi mesme si conionction de Mercure avec la queue du dragon aura esté.

POVR SCAVOIR SI L'ON AVRA

*toft, ou tard, le don qu'on peult demander.*

*Chapitre.*

62

**S**I aucun te demãde d'aucun don qu'il veult demander, s'il l'aura toft ou tard, regarde l'ascendant, & le seigneur de luy, la partie de fortune, & le seigneur d'elle, & si le seigneur ascendant aura esté infortuné, ou fortune infortuné, & fortune aura esté seigneur de la partie de fortune, ces deux regardent la Lune, regarde duquel estat la Lune est avec l'un, & l'autre, & celuy qu'elle regarde mieulx luy est conuenable, puis iugeras selon iceluy, pource qu'il peult estre que fortune ne se amoindrissē pas ne empesche selon son pouuoir, son lieu & sa vertu, & iuge selon ce que ie t'ay dit, & le trouueras, (Dieu aydant.)

POVR SCAVOIR SI A V-

*cun aura filz en ligne, ou non.*

*Chapitre. 63*

K iij Vne

## TRAITE D'ASTROLOGIE

Ne partie des sages anciens dient, que quand  
**V** l'on te demande pour homme ou femme s'il  
 aura filz ou non : Regarde l'ascendant, & si  
 fortune l'aura regardé, & le seigneur ascendant au-  
 ra esté en l'ascendant, ou en dixiesme, ou en vnzies-  
 me, ou en douziesme, & tu auras trouué Iupiter en  
 bon lieu, avec le seigneur de sa triplicité, & n'aura  
 pas esté souz les rayes, iuge qu'il aura filz, & si c'est  
 femme elle conceura. Et si le seigneur de l'ascendât  
 auoit esté en la huictiesme, ou en la quatriesme, &  
 Iupiter en bon lieu, iuge qu'il aura filz, mais ce sera  
 à long temps de sa question, & si tu as trouué l'as-  
 cendant dommagé d'infortunes, & le seigneur de  
 luy en mauuais lieux, & Iupiter cheant des angles  
 au dessouz des rayes en la maison de la mort, ce si-  
 gnifie peu de filz, & qu'ilz ne viuront pas long tēps  
 s'il en a. Semblablement si la Lune auroit esté in-  
 fortunée, il signifie qu'elle ne conceura pas, & si tu  
 as trouué fortune en la maison du filz, regardant  
 icelle, ce signifie qu'il aura tost filz. Si infortune a-  
 uoit esté en la maison des filz, & ceux l'auront re-  
 gardée, ce signifie qu'il n'aura pas filz, & si tu as  
 trouué autres tesmoins signifiants auoir filz, iu-  
 ge qu'il l'aura, mais il le verra mourir. Si tu as trou-  
 ué Iupiter en l'angle d'Orient, il signifie qu'il aura  
 tost enfant masle, & si ledit seigneur de l'ascendant  
 à esté en l'angle d'Occident en bon lieu, ce signifie  
 qu'il aura vn filz, mais ce sera tard apres sa question

POVR SCAVOIR SI FEMME EN-  
 ceinte uendra au terme, & a son profit ou non.

Chapitre.

64

Quand



Vand tu auras sçeu qu'elle est grosse, & tu voudras sçauoir si la grosseté iera parfaite ou non: Regarde le seigneur de la cinquieme maison, si elle n'à esté retrograde, ne dommagée ne cheante de sa maison, ne de l'exaltation, ne infortunée par aucunes des infortunes par regard, ce signifie qu'il soit receu ou non, & que la grossesse sera complete. Si elle n'à esté receu ou il aura esté infortuné, ou brulé retrograde, ou cheant de la maison, ou de l'exaltation, ce signifie que celle grosseur sera perdue, & participera en luy à celle signification la Lune & le seigneur de l'heure, & si deux auroient esté sauf de ces trois & vn perdu, iuge que celle grossesse eschapera & sera accomplie. Si deux auront esté dommagés & vn sauf, ce signifie que la grosseur sera dommagée. Si la Lune à esté receue, ou le seigneur de l'ascendant en bon lieu, & fortuné de grande fortune, ce signifie que la grosseur sera accomplie. Dit Naïfel, si la Lune à esté pleine & ioincte à Mars par corps ou par application, ce signifie qu'elle mourra de mort soudaine. Et semblablement quand Mars se regarde avec Venus icel le estant en aucunes de ses maisons & mesmement en Scorpion, ce signifie qu'elle se mourra. Si tu as trouué infortunes en la maison dixiesme du lieu de Venus esleué sur elle, & mesmement si elles ont regardé de l'angle, ce signifie que la grosseur sera perdue pour le peché de la femme. Si la partie de fortune est le seigneur d'elle ont esté infortunez de la quatriesme ou de l'oposite & eulx n'ont pas eu regard des fortunes, ce signifie que la creature sera perdue au ventre de sa mere. Et les autres sages disent sur ce que tu regarde la maison douzieme de

## TRAITE D'ASTROLOGIE

l'ascendant, & qui est en icelle, & si en icelle à esté infortune, ce signifie enfantement perilleux. Si celle infortune à esté Saturne & fortune l'aura regardée elle en endurera, mais elle enfantera en lieu laid ou enuiron lieu laid. Et si infortune a esté Mars, & fortune l'aura regardée, elle euadera, mais enfantera en la cuyfine ou pres d'icelle, ou enuiron le foyer, ou en lieu ou l'on embrase. Et si Mars n'a esté illec, ne fortune ne la regardée, elle enfantera bonne chose, & apres ce il mourra, ou sera demy mort, & la mere apres ce mourra. Et si Saturne y auoit esté non fortuné, & ne l'aura regardé, la creature mourra au ventre de sa mere, & mourra sa dite mere peu apres auant que la creature ysse de son ventre. Et dit Hyrechindus: si infortune aura esté en aucun cinq des angles & enfant en nehuhaar de l'angle ou en aucune de sa dignité, il signifie qu'elle sera meue. Et si Mars auoit regardé le seigneur ascendant de la neuuesme maison de l'angle de la terre ou de l'exaltation d'elle, ce signifie que la femme enfantera tost & soudainement & de repos, mais la creature sera laissée. Si Iupiter à regardé par le regard lequel nous auons dit de Mars, ce signifie saluation d'une, & qu'elle legerement & quitement, & que celui ne sera entendant & sage, & si la Lune a esté en lieu de Iupiter, ou de Mars semblablement elle euadera, & seront ses parents fortunez par luy & auront grand bien, & si Venus a esté semblable, elle euadera, & si elle a esté fille elle sera bellissime & de bonnes mœurs, & si c'est filz il sera comme effeminé & aura mœurs de femme, & si Saturne a esté en iceluy deuant dit, regarde la mere & la creature seront en peril. Si fortune les a regardez elle euadera,

mais

mais iceluy sera fornicateur & tousiours foible, en similitude, en mœursviles & faitz. Et dit Corochius surce que quand tu auras veu l'heure de la generation de la creature au ventre de la femme: Regarde si Mars a celle heure aura esté conioincte à la Lune corporellement icelle creature cherra avec beaucoup de sang & puis mourra. Et si en icelle heure aura esté Saturne ioincte corporellement à la Lune icelle creature mourra au ventre de sa mere, & si en icelle heure infortunes ont regardé Mercure, la mere & la creature mourront ou seront en grande maladie, & si fortunes ont regardé infortunes, regardant la Lune & soient conioinctes avec elle, la creature euadera, mais il sera malade au vêtre de sa mere, & si la Lune en icelle heure a esté conioincte à Iupiter, ou à venus elle enfâtera vn filz sain & sauf.

## POUR SCAVOIR SI VNE

*femme enfantera un enfant ou deux. Chap. 65*

**P**Our respondre à ceste demande, te fault regarder le signé ascendant, si c'est signe commun, & si en luy a planette fortuné, & tu trouues en la maison des enfans planette fortuné, dy qu'elle enfantera deux enfans, & si en l'ascendant, ou en la maison des filz n'à point de signe commun ne de planette fortuné en eulx ny les grands luminaires ne soient en signes communs, dy qu'elle enfantera vn enfant. Vne partie des sages disent sur ce que tu regarde le seigneur de la maison des filz & le signe de sa maison, & si tous deux sont en signe communs, elle enfantera deux enfans, & s'ilz ny sont elle n'en enfantera qu'un.

Et dit

Et dit Vechindus regarde le neufiesme signe de l'ascendant & son signe, & si tous deux ou l'un d'eulx sont en signe commun elle enfantera deux enfans, & si iceluy neufiesme signe est avec signe feminin & son seruiteur soit masculin, & qu'il le regarde de signe commun & masculin, elle enfantera deux filz & vne fille, & si Mercure, avec ce regarde iceluy lieu, ou qu'il soit en luy sans le regard de fortune, celuy qui naistra sera chastré & feminin. Si Venus ou la Lune est en l'ascendant, ou qu'il regarde le neufiesme signe de l'ascendant ou son seigneur, elle enfantera deux enfans. Et si le seigneur ou signe de la neufiesme maison de l'ascendât ou le seigneur de la douziesme regarde la neufiesme de l'ascendât ou son seigneur d'autre signe mouuable elle enfantera deux enfans, & considere la planette qui est en son significateur & son signe, & si tous deux sont masculins les deux enfans seront massés, & s'ilz sont feminins les deux enfans seront femelles. S'ilz sont discordant que l'un soit masculin & l'autre feminin, tous deux seront filz & filles, & si avec ceste constellation & signe commun se feront deux filz, & s'il est fixe se feront deux filles. Si infortune dame du signe commun a regardé l'ascendant elle enfantera deux enfans qui seront chastiez feminins. Doro chius sur ce dit que tu regarde si en l'heure de la conception la Lune est avec le Soleil, ou avec Mercure au signe cōmun, ce signifie qu'ilz sont deux, & parauenture sont il de fornication, & si la Lune & le seigneur de sa maison sont es signes communs, ce signifie semblablement qu'ilz sont deux enfans.

Pour

## POVR SCAVOIR EN QUEL

temps la femme enfantera. Chapitre. 66

**Q**uand tu voudras regarder le temps d'enfanter : Regarde quand Mars & le Soleil seront ioinctz avec le seigneur de la maison des filz, & quand la Lune sera avec le seigneur de l'heure, ou avec plusieurs d'iceulx, & celle heure sera d'enfanter, & te ayde en ce avec la fortune qui fut en la question, regardant la partie des filz par attazir au degré de la maison des filz ou au degré de Iupiter, ou ses rayes, & mesmement, si Iupiter est entre la partie & la maison des filz : car adoncques quand ceste partie est apliquée avec Iupiter par les degrez des ascensions : Et quand elle aura esté entre ceux d'iceulx degrez & en ce temps elle enfantera en donnant à chacun degré vn iour, & regarde l'aplication d'iceluy a qui il regarde, & elle s'applique deuant la conionction du seigneur de la maison des filz, car iceluy semblablement est le temps d'enfanter, & semblablement regarde quand le significateur de la question ouurera sa forme, car c'est le temps d'enfanter : Et regarde lequel de tous ceulx cy a le plus grand tesmoing, & iugeras selon luy, & semblablement préds du seigneur de la maison des filz & sçachez que quand elle est & donne a chacun signe moys, & t'ayde avec les autres tesmoings, & iugeras selon ce qu'ilz sont conioinctz si Dieu veult.

## POVR SCAVOIR SI ELLE ENFANTE

ra de nuit, ou de iour. Chapitre. 67

Pour

## TRAITE D'ASTROLOGIE

Pour ſçauoir ſi l'enfantement ſe fera de iour  
 ou de nuit. Regarde le ſigne de l'afcendant  
 & ſon ſeigneur & la Lune & la planete qui  
 ſera en l'afcention, & le ſeigneur de la maiſon des  
 enfans, & ſi tous ceulx icy ou la meilleure partie  
 d'eulx ſont es ſignes du iour, ainſi enfantera elle de  
 iour, & ſ'ilz ſont es ſignes de la nuit, elle enfantera  
 de nuit. Et ſ'ilz ſont en diſcord, prends le plus  
 fort & iuge ſelon, & prends du degre des filz iuf-  
 ques au degre de ſon ſeigneur, & autant de degrez  
 comme il y aura, autant en oſte du degre de l'afcend-  
 ant, & regarde ou le nombre ſ'applique. Si le ſigne  
 à qui il ſ'applique, eſt ſigne de iour, & ſon ſeigneur  
 ſoit en ſigne de iour, elle enfantera de iour, & ſ'il  
 eſt au contraire elle enfantera de nuit, & pour ce-  
 ſte partie deuant dite, iuge ſemblablement pour le  
 maſle & pour la femelle. Et regarde le ſeigneur de  
 la maiſon des filz, la Lune & le ſeigneur de l'heure  
 & ceſte partie deuant dite & ſon ſeigneur, &regar-  
 de ſes teſmoins & ſes ſignificateurs, & ſi la meil-  
 leure partie d'eulx eſt en ſigne maſculin, elle enfan-  
 tera vn maſle & ſi elle eſt en ſigne feminin, elle en-  
 fantera vne femelle, & enfantera de nuit. Et ſ'ilz  
 ſont eſgaulx qu'il y ait autant de maſculins comme  
 de feminins, elle enfantera enfant qui aura nature  
 d'homme & de femme entre iour & nuit.

## POUR SCAVOIR SI VNE *femme eſt enceinte, ou non.* Chapitre 68

Si Ion te vient à demander pour vne femme  
 ſi elle eſt enceinte ou non. Pour reſpondre à  
 ceſte demande il te fault regarder le ſeigneur  
 de

de l'ascendant, & le seigneur de la quinte maison & la Lune si elle aura esté entre le seigneur de la quinte & le seigneur de l'ascendant, & l'ascendant & la Lune auront esté en signes communs, & les significations es angles, & mesmement s'ilz ont esté en l'ascendant ou en la seconde maison planette fortunée, dy qu'elle est grosse, & si n'auras trouué applications & ses significations, dy qu'elle est grosse, & parauanture avec la Lune aura esté planette droite appliquant au seigneur de l'ascendant, ce signifie qu'elle est grosse.

POUR SCAVOIR SI L'EMPOISON-  
né peult guarir ou non. Chapitre. 69

Our respondre à ceste demande, il te fault  
P considerer si tu trouues en la partie de fortune ioinct avec fortunez, ou si tu trouue fortune appliquante, ou qu'ilz ayent aucuns tefmoignages avec elle, dy qu'il guarira, & si avec elle y à tefmoignages d'infortunes, c'est mauuais signe car il ne peult guarir. Et si la Lune tefmoignage en luy mesme ainsi qu'elle soit en maison, ou exaltation, ou triplicité, ou en bon lieu pour elle qui est ascendant, ou le mylieu du ciel, ou seigneur de fiance, ou elle s'applique aux fortunez & les regarde, il signifie qu'il guerira, & si tu trouue le contraire, iuge le contraire, & se tu trouue l'ascendant en signe mortel, & fortune le regarde, dy qu'il guerira, & s'il est au contraire il ne peult guarir.

Pour

## TRAITE D'ASTROLOGIE

POVR SCAVOIR SI LE PERSON-  
nage qui a donné la poison est homme ou fem-  
me. Chapitre. 70

Our sçauoir si l'empoisonneur est hōme, ou  
P femme: Regarde la quatriesme maison, & de  
quelle maniere le signe est, & qui est sei-  
gneur d'icelle maison, & qui a exaltation en icelle,  
& le seigneur de sa triplicité & le seigneur du ter-  
me du degré de la quatriesme, ou si tous ceulx cy,  
ou la meilleure partie d'eulx puissants en figure  
sont en lieux masles, dy qu'il est masle, & s'ilz sont  
en lieux feminins, il est femelle. Si tu veux sçauoir  
la forme de luy, regarde le mylieu du ciel, & si tu y  
trouue aucune planette, dy qu'il est des signatz &  
de la forme & nature d'icelle planette: Si tu ne trou-  
ue aucune planette au mylieu du ciel, regarde la  
douziesme maison, & si tu trouue aucune planette  
en icelle, iuge selon celle, & si tu ne trouue rien en  
la douziesme, regarde s'il en y a en la tierce, & iuge  
par iceluy tu le prendras pour significateur en ce,  
& si tu n'y trouue aucune planette en aucuns de ces  
lieux, regarde la partie de fortune, & si elle s'apli-  
que à aucune planette, prédras icelle planette pour  
significateur en ce, & iuge selon elle & y metz ta  
pensée, & considere bien, & iuge par les signatz na-  
tures & formes de ta planette que tu as pour signi-  
ficateur, & par le signe en quoy il sera, & aussi tu  
verras & le certifieras au plaisir de Dieu.

POVR SCAVOIR D'VNE  
femme quand marys elle à eu. Chap. 71

Si

Il'on te vient à demander pour aucune femme quand marys elle aura heu en son temps. il te fault regarder du degré de la dixiesme iusques au degré de Mars, & tant de planette que tu trouueras entre-eux tant aura elle eude marys, & si Mars est en la dixiesme, regarde de Mars iusques à Iupiter. En celle maniere iuge selon ce, & tu en feras certain à l'ayde de Dieu.

## POVR SCAVOIR SI VNE

femme à eu enfant ou non.

Chapitre. 72



Onsidere en ce à Venus si tu las trouué en Aquarius, ou en Lyon ioincte avec Mercure, dy seurement qu'elle n'eust oncques enfant. Si tu la trouue ioincte avec Mercure, ou en Scorpio, ou en Taurus, elle à filz. Et si Mars ou Venus & la Lune sont en signes communs, mais que ce ne soit en Sagittaire, elle n'à point d'enfant, & n'en aura point, & si elle enfante l'enfant mourra, & si infortunes sont en signes mouuables, l'enfant est de fornication, & à amy qui fait trahison & fauseté à son mary. Si fortunes sont en signes mouuables, elle à enfant legitime, & si les infortunez se messent avec les deux fortunez en signes mouuables, elle a mauuais enfans qui luy font molestes.

## POVR SCAVOIR LA VE-

rité de la vision du songe.

Chapitre. 73

Caches que les visions sont diuisées en trois parties. La premiere vision vient du souuerain dieu. La secõde par la puissance & vertu des planettes. Et la tierce par humeurs de corps

de corps dominé. La premiere qui vient du souuerain Dieu qui est faite par oraison & d'une obedi-  
 cence est de la maniere de prophetie & de gloire  
 de Dieu qui vient sur les hōmes lesquelz il a esleuz.  
 La seconde vision qui vient par nature des plan-  
 ettes ou vertu sont plusieurs & tous hommes les  
 voyent, & de ces visions les significations sont en  
 natiuitez, ou en l'ascendāt de la conception, & c'est  
 à l'heure que la femme conçoit, quand les significa-  
 teurs en aucuns temps viendront aux lieux a eulx  
 conuenables, ou avec eulx ayants participation en  
 la figure, ou l'un des significateurs ait regardé l'au-  
 tre, adonques auient telles visions. La tierce  
 maniere venant de force d'humeurs du corps, n'a  
 pas demonstratiō, ne signification aucune, car c'est  
 ainsi comme l'homme habonde à la fie en cole, ou  
 en quantité, ou en qualité, & adonques l'homme  
 cuyde veoir fenges, & si flegme y est luy est auis  
 qu'il voit lieux obscurs, ou qu'il soit en tenebres,  
 ou qu'il soit suffocqué, ou qu'il tienne sur luy cho-  
 se pesante, ou celuy que l'on dit la folletot. Et quād  
 en sang la vision est selon l'humeur qui est meslée  
 avec luy, des autres trois en quantité, ou qualité, &  
 quand il n'aura pas esté au corps avec sang, aucunes  
 humeurs superflues ne dommagent, adonc seront  
 les visions par vertu venantes des planettes, & sça-  
 ches que les visions venants des planettes sont en  
 deux manieres, ou se font songes de vanité ou de  
 verité, car ce qui est à auenir, signifient & demon-  
 strent, & iceulx sont de vanitez qui viennent par  
 vertus foibles, des vertus & des planettes, & sont  
 ceulx qui n'apliquent pas aux vrayes vertus des pla-  
 nettes de maniere, mais ce sont visions des imagi-  
 nations

nations en la maniere de memoire qu'ilz s'apliquent tant qu'il peult monstrier verité, ne chose qui s'accomplisse, & ceulx qui sont par droicte verité & vertu des planettes & complectes significacions d'icelle sont choses trouuées en trois lieux, ie veux dire en vision & estimation en discernant en estimation les choses qui peuuent estre, & icelles choses sont complectes, & quand les visions sont en ceste maniere, adonc sont songes & visions, ayants significacions & chastiment des choses & les accidens auenir au bon plaisir de Dieu.

## POUR SCAVOIR LA QUE-

*stion du songeant qu'il a ueu en son songe.*

*Chapitre.*

74



Si aucun te vient à demander de ce qu'il aura ueu en son songe, regarde l'ascendant d'icelle heure que la question t'aura esté faite, & si en l'ascendant trouues Saturne, dy qu'il a ueu religieux comme freres hermites & semblables & oratoires & tous nobles de bon droit. Et si tu trouues en l'ascendant Mars, dy qu'il a ueu Capitaines de cheualerie & cheualiers, sang, Larrons, armeures & batailles. Si c'est le Soleil, dy qu'il a ueu Iardrins arbres, & tous fructz, or, ou le Roy. Et si c'est Venus il a ueu pucelles, en mengeant ou beuuant, ou avec femmes couchant, ou solacier, ou iouer, ou espacier, & blancs & rouges vestemens. Si c'est Mercure, il a ueu homme bien composé, bien parlant, faisant palais, ou courtines perces, de nobles draps, viandes, liures, chartres & salutations, & decoupations. Si c'est la Lune, a ueu ruyseaulx, ou

L

caues

## TRAITE D'ASTROLOGIE

eaues & autres pierres, ou menger ou boire, ou sa  
 mere, ou amye, sœur de sa mere. Et dit Mesalahac,  
 regarde en ce au signe de la neufiesme maison de  
 l'ascendant, si tu trouues en icelle maison aucune  
 des sept planettes, iuge la vision de chacun d'eulx,  
 selon ce que nous auons dit de la signification quāt  
 ilz sont en l'ascendant, & aiouste à la signification  
 du Soleil qu'il a veu, volant entre le ciel & la terre,  
 ou qu'il a veu grands lumieres, & si tu n'as trouué  
 planettes en la neufiesme, regarde icelle en l'ascen-  
 dant, & si tu ne trouues aucune en l'ascendant, re-  
 garde icelle en la tierce, si ne luy trouues regarde en  
 la quarte, & si tu ne la trouues en ladite quarte, re-  
 garder te fault à la septiesme, ou autrement regar-  
 de en la dixiesme, & iugeras selon la signification  
 de chacune planette, & sera certifié avec Dieu. Et  
 l'on dit que le Soleil est aparence vision en veillant,  
 & la Lune est couuerte vision en dormant. Et quād  
 l'on te demande pour aucune vision sçaches l'heure  
 de la question, & si le significateur de la vision est  
 fortuné, il a veu songe ioyeux, bons, & de suspi-  
 cion de bien auoir. Si le significateur est infortuné,  
 icelle vision ne sera pas certiffiée, mais est domma-  
 gée, & si le significateur est reçu, apliquant à for-  
 tune, la vision sera vraye & souefue au suspicion-  
 nant auoir bien d'icelle, & si est bon songe, & le  
 temps en quoy sera certiffié, ceste signification se-  
 ra tant comme il y a du lieu du significateur, ius-  
 ques à receuant sa force, car tant sera le temps, les  
 iours les moys, ou les ans. Et quand la vision sera  
 mauuaise, & les significations mauuaises aussi, &  
 tu auras trouué le significateur reçu & apliquant  
 à fortune, dy que la vision ne sera pas, ny ne sera ve-  
 rifiée

risée ne iceluy songe mauuais . Si le significateur d'icelle vision a esté mal fortuné, elle croistra & sera verifiée en ceste maniere . Regarde la constellation de celle heure en laquelle le songe à esté, & la vision, & ie dy que tu regardes le seigneur de l'ascendant, ou alimité de l'ascendant & la Lune, & regarde iceluy que tu trouueras, en la neufiesme, ou troisiésme, & si tu n'en trouues aucun, regarde lequel tu trouueras en l'ascendant, ou en aucuns de ses angletz. Et regarde aussi celuy qui est en aucun des lieux siens deuant ditz, & s'il est separé des fortunéz apliquant à fortune, la vision est bonne & de bonne signification, & de maniere de fortune à qui il applique en la figure, & de la maniere de la maison qu'elle regarde de bon regard, & s'il est separé d'infortune apliquant à infortune, la vision est paoureuse malle & de mauuaise signification . Si mal & dommage sera de la planette à laquelle il applique, & de la nature de la maison, ou il est en la figure, & de la maniere d'icelle infortune, & s'il est separé de fortuné, & soit appliqué à fortune, dy que la vision est laide & sera mauuaise, mais elle a bonne signification & le proffit est fortuné, & sera selon la nature de la planette, à qui elle applique, & la nature de la maison ou elle est en la figure, comme nous auõs dit dessus, & selon ceste voye & reigle, considere & estime de l'un & de l'autre, & tu seras certiffié avec l'ayde de Dieu.

## POVR SCAVOIR SI A V-

cune femme a amy qu'elle ayme, ou luy elle.

Chapitre.

75

Lij

Regar-



Regarde l'alimité descédant & la Lune, & si tu trouues l'un d'iceulx ioinct avec Mars en vn degré, iuge qu'elle a amy en son hostel, avec elle & gist avec luy : & s'ilz ne sont en vn degré, iuge qu'elle a amy en son dit hostel avec elle & gist avec luy, & s'ilz ne sont en vn degré, mais ilz sont en vn signe, dy qu'il est son voy sin & pres d'elle. Si celuy significateur se depart de Mars, dy qu'elle a heu amy, & la laissée, & si celuy significateur applique à Mars, & Mars soit en aucunes de ses maisons, dy qu'elle a homme qui la requerra de gesir avec elle s'il luy plaist, & elle ait volonté de luy, toutesfois n'ont ilz point encores eu affaire ensemble. Si ledit significateur applique à Jupiter, dy que l'homme ayme plus haulte femme qu'elle, & si l'aplication est au Soleil, dy semblablement qu'elle ayme homme plus noble que luy. S'il est à Mercure, dy qu'un ieune marchand ou homme subtil par œuvre de mains, & si c'est à Venus il ayme femme pour icelle œuvre mesme. Si Jupiter regarde les significateurs d'iceluy, il signifie qu'elle se repent de ce qu'elle a fait, & c'est ostée de luy, & si celuy regardant est le Soleil, il signifie que grand homme & hault a eu à faire a elle, parquoy celuy c'est departy d'icelle pour paour d'iceluy. Si le regardant est Venus, il signifie que la femme a eu à faire a celuy pour qui l'autre la laissée. Et en ceste maniere tu diras en toutes les planettes selon la nature d'eulx, quand les significateurs se departiront de ce que nous auons dit, & sçaches que si Saturne, & Mercure sont tous deux en vn signe & regardant la Lune, ou le seigneur de l'ascendant, ce signifie qu'un homme vieux, qui tient grand cheueux à fin qu'il

qu'il semble estre ieune a eu à faire à elle, & si les significateurs apliquent à eulx, ce signifie qu'elle ay me ainsi comme nous auons dit, à fin qu'il semble estre ieune,

## POVR SCAVOIR D'AVCVN LA

*doute qu'il a d'aucune chose qui luy auendra.*

Chapitre

76

I quelque personne te vient à demâder pour  
**S** aucune doute qu'il a d'aucune chose, que ce  
 sera de luy en ceste crainte & paour, & que  
 luy en viendra, ou bien, ou mal, regarde l'ascendant  
 & le seigneur d'iceluy, & la Lune, si tu trouues la  
 Lune infortunée, ou le seigneur de son lieu, ainsi  
 infortuné & cheant de l'angle, mesmement en la  
 douziesme, & a la Lune avec luy, signifie que la  
 crainte & paour sera moult affiché & aura à grand  
 labeur & peine, & sera demandé d'iceluy bien fort  
 & affichement icelle ne pource, il n'atendra pas ne  
 passera à iceluy. Si le seigneur de l'ascendant estoit  
 esleué de la douziesme, ce mesme est en la vnzième,  
 ou dixiesme, & ioinct a fortune, signifie que  
 icelle chose ne peult passer à celuy qui a paour, ne  
 luy faire mal, & sera de celle paour assure, quand le  
 seigneur de l'ascendant en vn degré aura esté avec  
 les fortunes par conionction corporelle, ou regard.  
 Si les fortunes lesquelles s'apliquent à luy, si elles  
 sont au mylieu du ciel, & la Lune aux fortunez s'ap-  
 plique estant en angle, & la Lune semblablement  
 Orientale es angles esleuée sur iceluy, signifie que  
 celuy qui a paour vaincra, obtiendra, & sera assuré  
 en sa paour en demandant se partira d'iceluy, & ces-

L. iij

se en

## TRAITE D'ASTROLOGIE

se en ses petitions, & si ce a esté en lieu de fortune infortune en la neufiesme, de l'ascendant soy esleuant sur la Lune, signifie que le doubteur sera fort requis & acertioré, & parauanture sera prins pour telle. Et si aucune fortune a esté regardant icelle infortune, signifie qu'il euadera, & sera sauué puis qu'il sera prins, & apres qu'il sera d'ilec departy molestation aura & grief mal, mais si telle infortune qui regarde la Lune est puissât en son lieu, & ait dignité en icelle maison, & la Lune soit en son terme si celle fortune est Mars, signifie qu'il sera tué & mort par fer, & batures, & si c'est Saturne, il aura longue chartre & luy donnera lon peines griefues, & anxietez selon le pouuoir que Saturne a eu en ce lieu, toutesfois si icelle infortune n'a esté puissant ny n'a eu dignité en lieu ou il a esté, & la Lune estoit entre les infortunes, signifie que le doutant sera prins, & apres ce, de tout mal & griefueté deliuré sera, & la chartre d'iceluy sera par le nombre Attazir de infortune à la Lune, & iceulx serôt mois ou ans. Si icelle infortune est foyble, & la Lune au lieu ou elle est puissante & receue, & aucune fortune en lieu ou fut la Lune, ayant aucunes dignitez ait regard des icelle, signifie que la cause de celuy qui doute est adressée, & est assurée d'icelle, & est ostée de luy apres vn peu de gref, & de mal qui luy auiennent de ce. Si le seigneur de l'ascendant est fortuné & la Lune se separe du regard d'infortune & s'apliquent a luy, signifie que celuy qui doute est tost assuré & se depart d'icelle crainte sans aucune peine & labeur, toutesfois si aucunes infortunes les regardent du neufiesme ou oposition, regarder adonques le seigneur de la maison de la Lune,

& si

& si tu le trouues Oriental & fort en sa triplicité, regardant la Lune du troisiésme, iceluy estant fortuné icelle fortune n'empesche ne aussi donne aucun mal ou dommage à aucun aux negoces de celuy qui doute, mais est asseuré, & d'iceluy mouuement au bon plaisir de Dieu est osté. Et quand tu auras trouué la Lune ioincte avec infortune en la septiesme, dy que celuy qui doute sera prins en autre terre que en la siennie. Si la conionction a esté en la neufiesme en allant en chemin il sera prins, & si en la troisiésme il sera prins en la maison des freres, ou d'amys, ou d'aucuns de son sang, & s'il est en la vnziésme, il sera prins quand il se tiendra asseuré pensant qu'il n'ait pas à douter de celle chose, & si c'est en la septiesme ou huitiesme maison, il sera prins en quelque lieu qu'il soit muscé ou caché, iacoit ce qu'on luy dist qu'il ne fut pas seur. Si c'est en la dixiesme, il sera prins en manifeste & aparent lieu de sa maison, ou en allant par lieux ou il souloit aller, & si les fortunes ont esté fortes en ces lieux, & les infortunes foybles, il n'aura mal de celle chose sans auoir doute, iacoit ce qu'il soit prins. Toutesfois si infortunes sont fortes, & les fortunes & la Lune en termes d'infortunes apliquants aux infortunes, signifie qu'il sera en Chartres & n'en sortira iusques à tant qu'il soit mort, si fortune n'est fort en son lieu, en regardant la Lune, car apres peines & anxietez il en euadera. Si les fortunes ont regardé l'ascendant, ou soient es angles, signifie saluatiõ à la fin. Apres ce regarde le seigneur de la maison du significateur, sçachant qu'il est significateur de la fin, & si la tu trouues fortunez ou fortune, iuge bonne fin & sauf, & si infortunes ou in-

fortune, iuge mal & dommage à la fin.

LE IUGEMENT DE CELUY QVI

*est mis hors de son lieu.*

Chapitre. 77

Egarde en la cause & negoce d'iceluy qui est  
**R**expulsé du Roy vne heure en laquelle ceste  
 affaire auint, & fut en considerant à la Lune,  
 si tu las trouuée separée de fortune, & auras trou-  
 ué en l'ascendant de celle heure fortune regardant  
 la Lune, iuge que la cause d'iceluy s'adresse amoind-  
 drit & vient à bonne fin, & si retournera en sa terre  
 & en son lieu. Si tu trouues la Lune separée d'infor-  
 tune, & en l'ascendant ait esté infortune regardant  
 la Lune, iuge que sa cause sera dommagée & ira à  
 mal, & en telle maniere qu'il n'aura paour de re-  
 tourner en sa terre & en son lieu. Et ie dis en celuy  
 qui doute, regarde le seigneur de l'ascendant, & si  
 tu le trouues regardât l'ascendant & apliquant aux  
 fortunes, iuge que celle paour ou crainte ne le tou-  
 chera, ne de ce n'aura aucun grief, ne aucune anxie-  
 té. Si le seigneur de l'ascendant est en la douzième,  
 ou sixième, ou huitième, ou deuxième, iuge que  
 d'icelle cause il aura paour & doute, & sera de la na-  
 ture du signe auquel a esté le seigneur de l'ascendant  
 & si avec ce il applique à infortune, il euadera de ce,  
 & si ne durera pas en paour. Si le seigneur de l'as-  
 cendant estoit en angles, & les infortunez del'an-  
 gle sont retrogrades & plus mal & plus fort qu'il  
 peust estre, l'infortune en ce est si elle fut dame de  
 huitième maison, car adonques elle signifie la  
 cause de la chose dequoy celuy doute mort & de-  
 struction du doutant, & ie dy en celuy qui est ex-  
 pulsé.

pulsé. Quand la Lune sera apliquant à fortune & proprement à Venus, & Venus estant en sa maison, c'est signification en cause de celuy qui est expulsé de retourner tost. Si le Soleil a illec regardé du troisieme, signifie que son seigneur & le Roy luy pardonnera & entrera en amour & grace de luy. Si Venus est retrograde, c'est grande signification & affiche, & que tost retournera. Et si la Lune est de Mercure separée, & Mercure soit en aucune des maisons de Venus, signifie hastif retour d'iceluy, & que les femmes luy ayderont en ce qu'il voudra. Si ce regard est en Iupiter, & Iupiter soit en la maison de Mercure, signifie qu'il sera aydé des bons & bien endoctriné. Et s'il est en la maison du Soleil, signifie qu'il sera fort aydé, car petit & grands parleront pour luy. Et si la Lune est separée du Soleil, & le Soleil est en maison ou termes de fortunes, il signifie qu'il aura biens de plusieurs, toutesfois si la Lune en aucunes de ses constellations n'est estée, signifie au retour tardiveté. Et si en l'heure en laquelle il est expulsé, la Lune est en signe de Mouton, ou au signe de Gemini, ou en Libra, ou en Scorpio, signifie hastif retour d'iceluy. Si la Lune est au septiesme du Soleil, & ait regardé avec Iupiter, signifie qu'il retourne. Si le seigneur de l'ascendant est au mylieu du ciel en maison ou en exaltation, ou en aucunes de ses dignitez, semblablement signifie qu'il retourne en son lieu. Si le seigneur de l'ascendant est fortuné & la Lune avec luy ioincte en vn lieu, signifie qu'il retourne, & s'il est en signe muable ce sera plustost. Et quand le seigneur de l'ascendant sera Oriental, le plus qu'il puisse estre ou environ en allant à ce, il signifie la destruction de l'expulsé,

## TRAITE D'ASTROLOGIE

pulsé: Quand la Lune sera séparée d'oposition & aura application à fortune, signifie que la cause de l'expulsé aura bien melioration, si le seigneur de l'ascendât sera sur terre direct, ou en sa station deuxiesme voulant entrer en sa maison ou exaltation, signifie qu'il retourne en son lieu, toutesfoys quand la Lune sera Septentrionale ascendant soy separant de la teste du Dragon, que l'expulsion est distraicte & retournée à bien, toutesfois si elle n'est séparée d'infortune en l'ascendant ou en la septiesme maison signifie fort grand ire à celuy qui est expulsé, labeur & grand anxieté pour ceste cause. Et quand la Lune sera ioincte avec infortunes, & l'ascendant signe fixe, ou la Lune sera diminuée & infortunée par Saturne, ou soit en termes de Saturne en l'ascendant signe fiché, ou le seigneur de l'ascendant & la Lune en la neufliesme de l'ascendant, ou en l'angle de la terre au regard de Venus: Toutes ces significations sont que long temps durera en icelle expulsion & ire, & s'il est au regard de Iupiter, en ce il est adressé & meliore la negoce d'iceluy. Quand le seigneur de l'ascendant sera en la septiesme, ou la Lune signifie long voyage & labeur en iceluy expulsé, quand la Lune aura appliqué à la queue du Dragon, ou à Mercure à huitiesme de l'ascendant, signifie le semblable, & si le Soleil par soy regarde l'ascendant, signifie qu'il aura son seigneur en abomination desdaing & le hayra. Et s'il a esté expulsé en lieu de Mars, y estant en conionction du Soleil, ou de la Lune, signifie grand ire & courroux de son seigneur sur luy. Si Mars est en l'ascendant & le Soleil la regarde, il signifie dommage, & que le seigneur dira mal d'iceluy, & aura ire & courroux  
contre

contre luy, & tousiours croistra son ire sur ire, & ce mesme sera en ce lieu du Soleil. Si la Lune ar<sup>e</sup>gardé Mars, ou si la Lune est en l'ascendant, & Mars au mylieu du ciel, ce mesme sera. Si Mercure est seigneur de l'heure, ou seigneur de l'ascendant, & il soit ioinct avec Mars en l'angle, & si la queue du Dragon ait esté en l'ascendant, signifie que l'expulsé aura destroitiz grandes anxietez, & recevra griefz maulx de serfz & vilains. Apres ce regarderás la part de fortune, car si elle est en l'ascendant, & les fortunes la regardent, ou aucune fortune soit avec le seigneur de la part de la maison, ou la sienne maison, c'est la meilleure signification, & la plus forte qui puisse estre pour le retour de l'expulsé à son lieu. Et quand la part de fortune aura esté en la sixiesme, ou troisiésme, ou huiétiésme, & le seigneur d'icelle maison ne l'aura regardée d'opositio<sup>n</sup>, signifie angouisses & miseres qui viendront à l'expulsé en son retour, mesmement s'il estoit souz les rayes du Soleil apliquant à infortune & la meilleure & plus forte qui puisse estre de fortune, est en ceste raison qu'elle soit conioincte avec la Lune & Iupiter en l'ascendant, ou en la dixiesme, en la maison de la Lune, ou de Iupiter, ou de Venus.

POUR SCAVOIR SI L'ON

aura rien du Roy, ou si lon impetrera aucune chose de luy.

Chapitre.

78

Quand



Vand l'on te demandera pour office que l'on veult demâder au Roy, si on l'aura ou non: Regarde le seigneur de l'ascendant, & le seigneur de la dixiesme, & si entre-eulx tu trouues aucune aplication, du troisiésme, ou sixiesme regard, & tous deux sont es angles non tranchant entre eulx aucune infortune, iuge qu'il aura la chose qu'il demande. Et si le seigneur de l'ascendant estoit cheant en la dixiesme non regardât icelle, ne fortune qui porte lumiere au seigneur de l'ascendant ait regardé iceluy, iuge qu'il n'aura pas celle chose ou office. Si le seigneur de l'ascendant estoit infortuné, & le seigneur du mylieu du ciel infortuné, & eulx deux soient regardez es lieux esquelz ilz ont dignité & pouuoir, chacun en son lieu regarde laquelle est plus forte, & qui est en l'angle du mylieu du ciel, & s'il est plus fort d'eulx, & qu'il ait le plus grand pouuoir au mylieu du ciel, soit fortune & plus fort en son lieu, & appliquant à infortune, iuge qu'il aura tost l'office & entrera iceluy audit office, & apres ce sera mis avec luy qui luy resistera ou soit compaignon, & celuy viendra griefueté, & en male & layde maniere, sera osté iceluy, & ce sera quand icelle seigneurie & puissance retournera à l'infortune apres la fortune, mais si l'infortune auoit eu plus grande seigneurie au mylieu du ciel, & auroit esté plus forte en son lieu, signifie qu'il a esté parlé de la chose qu'on pense qu'elle se face, mais elle ne sera accomplie. Quand la Lune sera en la vnziésme maison fortunée & franche des infortunes, & aura regardé le seigneur de la maison signifie que celle chose sera accomplie bien & puissamment. Et si le seigneur de la vnziésme est infortuné,

uné, & la Lune d'iceluy infortunée, signifie que  
 icelle chose ne sera accomplie, mais sera destruiete.  
 Et si le seigneur de la vnzième est fortuné, & la  
 Lune infortunée cheant de la vnzième & des for-  
 tunez, signifie que la chose demandée vne partie  
 sera complete, & apres destruiete. Et si la destru-  
 ction de la Lune est de Mars, & Mars est fort en son  
 lieu destruisant la Lune & le seigneur de l'ascen-  
 dant, & le seigneur de la maison de feauté, ou le sei-  
 gneur du my ciel, il signifie qu'en celuy office il se-  
 ra tué & occis, & si aucune fortune iceluy amendat  
 le regarde, il ne sera pas tué, mais sera osté de son  
 office & expulsé de la terre. Si le seigneur de la dix-  
 ième & vnzième, tous deux ayent esté es lieux  
 ou ilz ayent dignité, & la Lune destruiete par Sa-  
 turne, signifie qu'il aura ceste dignité, & fera en icel  
 le grands maulx & frauduleux, & ceux à qui il au-  
 ra commandé seront foybles par luy par ses faictz,  
 & se plaindront de luy & le hayront. Quand la Lu-  
 ne applique au seigneur de l'ascendant, iceluy estant  
 fortuné, & entr'eux n'aura esté aucune infortune,  
 signifie que celle chose s'accomplira en bien, & que  
 le seigneur de la demande sera aymé, & se l'un d'i-  
 ceux n'applique à l'autre, ou aucuns est entr'eux, re-  
 garde adonc le seigneur de la maison de la Lune, &  
 si il s'applique au seigneur de l'ascendant, signifie que  
 la chose s'accomplit. Et si la Lune est destruiete, &  
 semblablement le seigneur de sa maison, & le sei-  
 gneur de l'ascendant n'ait entr'eux application, iuge  
 que la chose ne sera pas complete. Si le destruisant  
 du seigneur de l'ascendant & de la Lune est Mars,  
 signifie que le Roy muera sa parolle en celle chose,  
 & sera mensonger. Et si le destruisant est Saturne,

signi

signifie qu'il y faudra, & que le querant ne viendra pas à ce qu'il veult ne qu'il demande. Si Iupiter & Venus ont regardé le seigneur de l'ascendant & la Lune, & iceux soient estez seigneurs de l'ascendant & de la maison de la Lune, signifie melioration en la cause d'iceluy & accomplissement de la chose, le temps qu'il durera en dignité, & tant qu'il aura degré entre la fortune, & le seigneur de l'ascendant, & entre l'infortune qui a destruit iceluy & la Lune en donnant à chacun degre vn mois, & la quantité de l'vtilité qui luy viendra d'icelle chose, tu feras de la part de fortune & de la Lune & de ses fortunes & applications que chacun d'eulx a euz avec son compaignon, & s'il fut en ceste maniere, & il ait appliqué au seigneur de l'ascendant, signifie grand nobilité & vtilité selon la vertu d'iceux & bôté de leurs lieux, & si avec ses fortunes Mars les ait infortuné, signifie qu'en l'office en vn temps, il osterá de la suistance du Roy & s'enfuyra avec icelle, & si iceluy infortuné est Saturne, il signifie qu'iceluy officier emblera priuément, & couuertement, & fera en labeur pource, & despendra vne partie qu'il a emblé, & euadera. Si tu veux sçauoir l'estat d'iceluy officier par mois & iours, regarde auquel terme & de quelle planette est le Soleil, & s'il a reçu celle dignité, & y soit esté de iour, & s'il l'a receu de nuit regarde la Lune & le seigneur dudit terme, ou il fut iugeant par l'un d'iceux qui aura esté en foy muant par les termes, & regarde les seigneurs de ces termes, quand ilz sont fortunez ou infortunez, & en quel lieu du ciel bons ou mauuais, & iuge selon ce bon & mal, regarde semblablement le seigneur du degré du mylieu du ciel, car s'il est plus fort de tous  
les

les autres planettes, en la cause du Roy, & la dresse par Attazir, es degrez des ascensions, en donnant à chacun de greyn iour, iusques à tant qu'il ait circuit tous les signes du ciel, & sçaches que quand le degré de la dixiesme, & son seigneur sera destruiet, le royaume d'iceluy Roy sera destruiet, quand iceluy detrimet sera au degré de l'ascendât icelle destruction sera en son corps & en sa vie.

## POVR SCAVOIR S'IL FAIT BON

*acheter heritages ou non. Chapitre. 79*

**P**our sçauoir le temps d'acheter heritages, regarde l'aplication du seigneur ascendant avec le seigneur de la septiesme, de quatriesme, ou d'opposition, ou de conionction corporelle, & que la reception vienne entr'eux l'heure que iceux se r'entregarderont de degré par degré, l'achapt sera fait à grand labeur, & si tu as voulu sçauoir, quand il entrera en possession de l'heritage, regarde en ce l'aplication du seigneur de l'ascendant, avec le seigneur de la quatriesme maison, & enquiers le temps d'iceluy regard, comme nous t'auons dit, & tu le trouueras à l'ayde du seigneur Dieu. Vlnis se discorde à ces choses d'heritages qu'auons dit, disant qu'il fault prendre l'ascendant & le seigneur de luy pour les significateurs de la terre, & de ce qui est en elle & Iupiter. Et la planette dequoy est separée la Lune pour les significatiōs de l'acheteur, & la cinqiesme & le seigneur d'icelle pour les significateurs des peuples de la terre, & des laboureurs d'icelle, & la pla-

## TRAITE D'ASTROLOGIE

la planette à qui la Lune applique pour significateur de fin, & qui sera d'icelle terre, regarde lequel des significateurs aura esté plus puissant & sauué d'infortune, car par iceluy la signification d'elle sera meilleure, & signifie dilection & bonté en iceluy, pource que tu las prins pour significateur, & celuy qui aura esté d'iceulx dommagé & infortuné, dampné ou deprisé sa signification, est dampné celle chose pour laquelle tu l'auras prins pour significateur.

### POVR SCAVOIR QVI SONT LES *ennemys sans les nommer. Chapitre 80*

Si on te fait question d'ennemys sans aucun nommer, regarde pour ce à la douzième & a son significateur: & si l'on te nomme au cun, regarde à la septiesme, & a son significateur, & considere leurs applications, & ce qu'il sera entr'eux ainsi qu'auons deuant dit, & distingué les questions du douzième signe, & iuge selon que tu seras certifié, ou certioré & demonstré.

### POVR VENGEANCE, ET *estre uengé de ses ennemys. Chapitre. 81*



Quand l'on te fera question de vengeance: Regarde le seigneur de l'ascendant, & le seigneur de la maison de fin, qui est la quatriesme, & si tous deux sont receuz, & la Lune soit en signe mobile il ne pourra eschaper, & de tant pis sera, si le seigneur de la maison de la Lune ne regarde la Lune ne le seigneur de l'ascendant, car adoncqes l'homme sera prins & occis, si la

la Lune n'aplique à fortune, car si elle applique à fortune il eschaperà pour argent ou rançon. Et si apres fortune il applique à infortune ilz se vengeront du malfaiçteur, sans redemption, ou rachapt aucun.

P O V R   S C A V O I R   A   Q U E L L E  
*heure l'on doit prendre l'ascendant pour la ques-*  
*tion demandée.*      Chapitre. 82



Es anciens en ce, ont esté discordants en sorte que Hermes dit que l'heure de prendre l'ascendant sur la question est la conuenance qui est entre le querant le maistre, & adonc doit le maistre prendre l'ascendant. Et disent ceulx d'Inde, ceulx de Ferrir, & ceulx de Babilonne, que les questions sont mises sur la volonté du querant. Et dient ainsi que les seigneurs des questions discordent selon la permutation de la volonté du querant es heures. Et dit Vellius, que l'ascendant de la question doit estre prins en l'heure que le demandeur applique au maistre, & voyez bien que l'heure de prendre l'ascendant de la question doit estre quand le querant dit au maistre qu'il le prenne, & nompas quand il s'applique à luy, car s'il y applique il ne dit qu'il prenne l'ascendant, & n'est pas ascendant fors quand il aura dit qu'il le prenne.

Fin du premier liure.

M

Petit



# Petit traité des

## ELECTIONS.

### Chapitre Premier.



VELIUS dit que quand tu ne pourras excuser l'élection de la Lune sera infortunée, metz l'infortune seigneur de l'ascendant quand tu ne pourras habiliter toutes les significations de l'élection, habilité tousiours & adresse le seigneur de l'ascendant quand fortune sera en l'angle, & par especial au my ciel, ne te chaille d'autre chose, le profit qui peult venir de bonne election est petit, quand la reuolution de l'année est mauuaise, & ainsi est du cōtraire, Mars ne fait point de dommage à ceulx qui cheminent par eue, comme Saturne ne dommage ceulx qui cheminent par terre es chemins. Les signes fichez, sont abhominables, comme les muables sont aymez, nul fors que Dieu ne pourra retraire le dommage, d'une infortune quand elle sera eslongnée d'angle, & pelerine en signe diuers & mauuais à sa nature. Venus & la Lune sont fort puyssants en la quatriesme Meridionale, & grandement foibles en l'Orientale, quand infortune reçoit fortune peu la dommage. Et par especial, si elle est deliurée du regard d'ini-mitié, le infortune des planettes croist beaucoup quand il sera en lieu estrange, il ne conuient combattre villes ne assaillir, quand le significateur d'icelle sera seigneur de l'ascendant de la reuolution de l'an

Mij du

## PETIT TRAITE

du monde, & tous commencemens il conuient mettre le ciel conuenant aux natures des significateurs, & les significateurs conuenants à ceulx qui se meslent avec eulx la meilleure election & la plus fortunée, & que les planettes iournalx soient Orientaulx du Soleil & en signes masculins, & les planettes nocturnes soient Occidentaux de la Lune & en signes feminins, l'on doit redouter les aplicatiōs de la Lune à Mars des maisons de Venus, & les aplicatiōs d'icelle à Iupiter des maisons de Mercure & les aplicatiōs d'icelles au Soleil des maisons de Saturne, celuy pourra bien estre fortuné auquel le seigneur de la vnzième maison de l'ascendant, ou le seigneur de la vnzième de la Lune, ou le seigneur de la vnzième de sa partie de fortune sera en aiz ou seront fortunes puissants, quād il escherra que le seigneur du terme de la conionction ou de la preuention laquelle sera deuant le commencement de la chose sera en bons lieux & en bon estat, en ses maisons, & ses natures seront conuenantes à la nature de la chose, icelle chose sera durable & fixe, & de bien longue durée.

## ELECTION DES COMMENCE- ments des œuvres, & de leurs significations.

### Chapitre.

2



L conuient es commencemens des choses, & des œuvres que l'on fait habilité l'ascendant & son seigneur. Et la forme & maniere de l'habilité est que l'ascendant soit de nature semblable & conuenante en la chose & qualité & en raison, la qualité c'est comme es chemins que nous voulons que tost se facent & accomplissent

plissent, & qu'ilz ayent legers mouuements. Nous prenons les signes muables ou les signes de la nature de feu. Quand nous demandons raison ou honneur auoir de Roy, la raison est, comme es guerres, nous prenons les signes de Mars, il est necessaire que tu habilite le lieu du seigneur de la chose, à sçauoir de sa maison, & le seigneur du seigneur de la chose, car le lieu de la chose signifie ce qu'il sera au commencement de la chose, & le seigneur de la chose signifie le moyen, & le seigneur du seigneur de l'ascendant, signifie la fin d'iceluy, à qui la chose semblablement regarde à la partie de fortune & à son seigneur, & au seigneur de son seigneur, car si tu les peux tous amender, & fortune est accomplissement, & les dois fortunier en mettant en eulx fortune par regard ou par application, & par conuenance de nature, & iette hors de ces lieux les infortunez. Garde toy que le seigneur de l'ascendant ne soit retrograde, car retrogradation signifie empeschement deffense & tardiuete es choses, & iacoit ce que tous les significateurs soient bons, & qu'ilz signifient l'effect de la chose. Quand le seigneur de l'ascendant soit retrograde en la chose auras premierement difference & tardiuete, & ne s'accomplira pas fort à peine & labeur. Garde aussi que la queue du Dragon ne soit avec aucuns des luminaires, quand il sont en conionction, ou oposition, & garde que icelle queue ne soit en l'ascendant ou au lieu de la chose, ny avec la partie de la chose, car elle domage & empesche la chose & les choses & leurs meslées, ou mixtions, & faitz tant que tu mettes fortune en l'ascendant, ou dedans les lieux des choses ou angles. Sçaches que la fortune premiere est

puissante en toutes choses, & en tout ce que nous voulons amender, & la fortune moindre & puissant en toutes causes de ieux, de ioye esbatements de vices, de iolyetez affaircements, amours amytie & de semblables. Garde toy en toutes choses que tu ne mettes la Lune en l'ascendant, car elle est ennemye de l'ascendant: Le Soleil aussi est contraire à l'ascendant, toutesfoys, il destourne les choses & les estand & deslie, ce qui est lyé. Garde toy bien tant que tu pourras que infortune ne soit en l'ascendant ny en aucun des angles, & mesmement quand elles seront dames es mauuais lieux, car quand infortune sera dame de la maison huietiesme, elle signifie dommage par mort, & par eulx qui seront aux ennemys aydants & par grãd prison & incarceration. Et quand elle sera dame de la sixiesme maison elle signifie dommage & par les ennemys, & par chartres & prisons, moyens. Et quand elle sera dame de la seconde maison, elle signifie ocasion pour cause de son auoir, ou de ses aydes, ou pour menger & boire, & pource garde ten, & tant que tu pourras procure que au iour de l'ascendant soit des signes Iournaulx, & de nuit nocturnaux, & qu'il soit des signes droitz montants. Si tu peux que les luminaires soient en semblables signes, & que les seigneurs des dessusditz lieux, comme nous auons deuant dit soient puissantz, & la puissance est diuisee en deux parties, vne est naturelle, & l'autre accidentelle: La naturelle puissance est que la planette soit aparent hors des rayes du Soleil, & Oriental en sa maison, ou en son exaltation, ou en son terme, ou en sa triplicité, ou en sa face, & qu'elle soit Septentrional en la partie de sa latitude, & qu'elle soit droicte, ou en

en foy adressant en la puissance Occidentale, qu'elle soit fortunée de fortune & aponée par cōiunction, ou par quart regard, ou par opposition, ou par sixte regard, & qu'elle soit sauue & pure des infortunes de tous regardz. Et dit vne partie des sages que à fortune la fin de la chose, l'on doit cinq choses regarder. La premiere est le seigneur de la quatriesme maison, la seconde est le seigneur de la maison de la Lune, la tierce est la derniere planette, auquel la Lune va au signe ou elle est, la quarte est le seigneur de la maison de fortune, la quinte est le signe quatriesme, & le signe ou la Lune est, & les autres dient que semblablement ilz regardent au seigneur du quart signe du lieu ou est la partie de fortune. Mesalahac & ses compaignons dient que la Lune en l'ascendant est mauuaise, & à redouter, combien qu'elle soit fortunée, car l'ascendant est chauld, & aussi luy, & la Lune ont ensembles disconuenance, mais Albimazar ne redoute la Lune en l'ascendant mais se ioinct audit de Ptholomée qui dit, que la Lune est chaulde & moiste, & par ce il ne la tient pas contraire en l'ascendant, toutesfois certaine mēt ie dy qu'elle y est mauuaise & à redouter. Aussi ie ne m'acorde au dit de Albimazar, car il discord de à ses propos & ditz, car quand il dit en Attaziri *Ytez absiscor*. C'est à sçauoir en la direction du lieu du significateur de la vie, & de ceulx qui le trenchent, il dit que la Lune trenché l'ascendant & ostela vie, & icy ne redoutez pas la Lune en l'ascendant, & ainsi c'est discordance, dommage, & foyblese en raison, & avec tout ce elle est mauuaise es chemins, iacoit ce que les significations soient es autres commencements, & pource il la te conuient

M iiii      mettre

mettre en lieu en l'inconuenient, car elle fortune l'ascendant par regard, ceux qui redoutent le Soleil, en l'ascendât ou en la maison de la chose, dyent que le Soleil en conionction ou en oposition est infortuné, & en ce ne sont pas acordants. Et sçaches que la chose que moult croist l'infortune, & que la fortune des commencements l'amende de grands amendements est grand fortune, & semblablement es natiuitez & en toutes elections, ou que le lieu de la conionction en l'heure de la conionction, & si le commencement est conionctional, ou le lieu de l'oposition en l'heure de l'oposition. Si le commencement est opositional soit fortune & sauf des infortunes & dôimages, & semblablement le seigneur du signe de l'oposition: & sçaches que le signe de l'oposition est le signe du luminaire estant sur terre. Et quand vn luminaire sera en l'angle d'Orient, & l'autre en l'angle d'Occident, le lieu sera du luminaire qui sera en Orient. Quand la Lune se depart de la conionction du Soleil, ou de l'oposition, & elle va à infortune, garde toy de tous cômencements: car tous commencements qui seront faitz en ceste maniere seront mauuais, & à redouter, car quand le lieu de la conionction ou oposition sera infortuné, signifie que le commencement de la chose sera mauuais. Quand la Lune se depart de la conionction ou de l'oposition & elle va à infortune, elle signifie que la fin du commencement sera mauuaïse & à redouter. Apres quand le lieu de la conionction, ou de l'oposition sera bon & fortuné, & la Lune en soy departant de luy applique à infortune, signifie que le commencement de la chose sera bon, & à la fin mauuaïse. Et quand le lieu de la conionction ou de l'oposi-

L'oposition sera infortuné, & la Lune en soy separant ou departant de luy apliquant à fortune, ce signifie que le commencement de la chose sera mauuais & la fin bonne. Et quand le lieu de la conionction ou de la preuention sera fortuné, & la Lune en soy separant appliquera à fortune, signifie que le commencement & la fin seront fortunez. Et quand au lieu de la conionction ou de la preuention sera infortune, & la Lune en soy separant & departant d'ilec appliquera à infortune, ce signifie que le commencement & la fin seront mauuais, & à redouter. Et quand la conionction, ou la preuention, ou son seigneur sera en succedant à angle, ce signifie que le bien & amendement qui apareront en celle chose seront en la fin & en accomplissement d'icelle. Et quand la conionction ou l'oposition sera cheant de l'angle del'ascendant, c'est à dire de l'ascendant du commencement de la chose, ou de l'election, ou de la natiuité, ce signifie que la chose sera empeschée, & n'aura nul bien: Et c'est le dit de AlKindus, lequel ie conferme & procure en tous commencements amèder le lieu de la cōionction, ou de la preuention qui est deuant le commencement, & le seigneur de la maison d'icelle conionction ou preuention. Et sçachez que le seigneur de la maison de conionction, ou preuention, est plus pres que le seigneur des quarts de l'an, & le seigneur de la quart de l'an, est plus pres que le seigneur de l'an. Et si tu peux toutes ces choses amender tant mieulx, & plus fermement la chose en sera. Albumazar dit quand le seigneur de l'election sera seigneur du signe des luminaires en la reuolution de l'an du monde, ou seigneur d'iceluy an, ou le seigneur de l'ascendant d'iceluy

celuy, & il fera fortuné en la reuolution & en l'ele-  
ction, ce signifie noblesse & hautesse en la chose  
commencée, & en tous ces faitz. Et dit quand le sei-  
gneur de l'ascendant de l'an du monde aura aucuns  
tesmoings, es commencements ou es lieux des lu-  
minaires, ou en my lieu du ciel, la chose sera peu  
prisée & vile tenue. Atalary dit que quand le lieu  
de la conionction, ou de la preuention, & leurs sei-  
gneurs seront en bons termes & en bon lieux, la  
chose sera ferme & durable, & semblablement est de  
celuy qui naistra, & de celuy qui est en aucune di-  
gnité, lors y entrera en l'heure du commencement,  
ou que ce soit selon l'ascendat de la natiuité d'iceluy  
hōme. Al Kindus dit quand le seigneur de la maison  
de la cōionction, ou de la preuētion qui fut deuant,  
le cōmencement sera Oriental en l'heure du com-  
mencement, & il sera en sa propre maison, en le re-  
gardāt du tiers, ou sixiesme regard, il signifie amen-  
dement & bonne fortune en la chose, & s'il ne re-  
garde ledit lieu, il ne signifie nul bien. Et estudie à  
amender les commencements par les seigneurs de  
la triplicité de la Lune en l'heure de la conionction  
ou de la preuention, car es natiuitez & es commen-  
cements ilz ont puissance, car quand ilz seront re-  
ceuz & fortunez en l'heure du commencement en  
diuers estatz, ce signifie mal, & ce qui ayde en bien.  
& en bonne fortune est que l'ascendat de l'election  
soit signe ou ilz ont fortune en la reuolution de  
l'an, & que fortune soit es angles, & mesmement en  
l'ascendant & en my ciel, & en succedents ou en  
lieu de la chose. Alaziran dit que quand les lumi-  
naires se regarderont de bon regard, il signifie bien  
& amendement en toutes choses commencées, &  
mesme-

mesmement quand la Lune sera au commencement de sa ioye, c'est à sçauoir, qu'elle soit au signe auquel sera le chef du Dragon. Mesalac dit les planetes s'apparent quant ilz sont Occidentaux de la Lune comme ilz s'apparent quand ilz sont Orientaux du Soleil, & la seigneurie de la Lune est ainsi de nuit, comme la seigneurie du Soleil est du iour. Atalary sur ce mesme propos dit, que quand es inceptions & es elections, tu ne pourras amender l'ascendant, & la Lune ensemble. Si l'election est de iour, amende premierement l'ascendant, & si la Lune est souz terre ne te chaille d'icelle. Et quand l'election sera de nuit, amende premierement la Lune, & mesmement si elle est sur terre, & ne te soucy d'autre chose. Si tu as espace en election estude de amender les deux ensemble, c'est à sçauoir l'ascendant & la Lune en toutes manieres, quād la Lune sera de iour souz terre, & de nuit sur la terre, la puissance & le bien de l'ascendant croist. Et quand tu auras election hastiue, ne tu n'auras espace d'amender la Lune, metz Iupiter, ou Venus en l'ascendant, ou en my ciel, car ilz font grand amendement en la chose. Et dient les sages anciens, que ce peult estre es choses que peu durent, & que ne veulent longuement demeurer, n'y ne peuuent, toutesfois es choses qui veulent durer, & lōg temps demeurer, comme sont mariages & edifices & leurs semblables, il est necessaire d'amender la Lune, & quand elle sera empeschée, procure de la mettre en lieu cheant d'angle & en succendant, & si tu ne le peux faire, au moins metz la en lieu cheant, & par especial que la Lune ne regarde point l'ascendant ne son seigneur, ne le seigneur de la maison de la chose ne de luy, ne de la planette

planette, signifiant icelle chose par nature & propriété, & si tu ne las peu retraire de tous ces lieux, retrais la de tous ceux que tu pourras. Alazimin dit mieux vault amender les significateurs que damender la Lune en son chef. Altalary dit, mieux vault amender le seigneur de la maison que la Lune ou l'ascendant, ou autre lieu, & ce ie n'octroye pas. Alambrin fut sans aucune doutance, plus vault regarder l'esprit & le corps que la chose parfaite, car la chose ensuyt la vie. Quand la Lune sera en mouuement tardif, semblablement au mouuement de Saturne, c'est à sçauoir quand au iour & à la nuict, elle vault moins de douze degrez, elle signifie tardiueté & reuolution & empeschement des choses. Alazary dit, sur ce que quand tu auras election hastiue & la Lune ira à planette infortuné, metz icelle infortune seigneur de l'ascendant, & si elle est pure & en bon estat, ce sera mieux, & si elle est infortune & reçoit la Lune de l'ascendant, tant mieux sera. Garde toy que les significateurs ne soient appliquez à infortune, & d'oposition de quart regard, ce n'est pas mal, mesmement, quād elle sera avec reception. Messalahac dit, que les regardz des infortunes de tiers, ou sixiesme regard, sont bons & fortunez, a quoy ne m'acorde pas, mais ie dy que telz regardz ne fortunent ne infortunent, mais empeschent le dommage & le mal, & conuient que tu te gardes de la conionction du Soleil, car elle est mauuaise, & dommageable. *Tazin est une planette ioincte punctuellement avec le soleil.* Et ie n'acorde pas à ceulx qui disent que Tazin est bon, mais ie dy qu'il est pire, & de plus grand dommage. Et te garde semblablement de Saquart & son oposition, il sera de moindre mal & de

& de moindre dommage, & te garde que l'ascendant ne soit signe en quoy fut infortune, ne qu'il soit infortuné en la reuolution de l'an. Semblablement il redoute que les angles ne soient cheants, comme le seigneur dixiesme de l'ascendât vienne par computation en la maison vnziesme par location des maisons, & ceux cy y nomme retrogradent, toutesfoys quand ilz seront eslongnées en allant en auât c'est bien & perfection, comme quand la dixiesme maison par computation vient en la neufiesme par locations des maisons, & ce il appelle anticipation. Et regarde que le seigneur de l'ascendant ou la planette à qui la Lune est conioincte ne soit Occidental apres le Soleil, car quād la planette fera telle, elle ressemble aux vieulx hommes, trauailler armes, ou liures de longueurs, dy que l'ascendant, & le signe du my ciel, & ceux qui y sont, sont semblables aux ieunes hommes, & le septiesme est semblable à celuy qui va deuant le vieulx hommes, & le quart est semblable à vieil homme. Et dit en ce liure, que ce que la planette donne & qu'il croit en ce dont il maintient le Soleil en l'ascendant, c'est à redouter, s'il n'est au signe du Lyon ou du Mouton. Le Soleil en l'ascendant avec Saturne, empesche les choses & ne les souffre acomplir fors à grand peine & à grād labeur, & sont à redouter en l'ascendant es chemins de mer & de terre. Saturne avec la Lune en l'ascendant signifie pensées & longues maladies mal & mort, dommage venant de par le Roy, & perdition de sustance & destruction de coustins, d'amys, d'amie & de compagnie, & aussi il signifie chemin qui pas ne sera loing. Quand Iupiter sera en l'ascendant avec le Soleil, il signifie pensées tristes & peu de bien,

bien, & permutation de lieu en autre. Et si Venus est en l'ascendant avec la Lune il signifie beaucoup d'eues, & ieunes gents, concubines, mariages & honneurs. Si Mars est avec le Soleil, il signifie tristesses, angouisses, & douleurs par les ennemys, petite perfection de par les amys, & perdition, & mort soudaine, par fer, ou par feu, & s'il est en l'ascendant avec la Lune, il signifie victoire & puissance par fraude & perdition. Quand Venus sera en l'ascendant avec le Soleil, il signifie paresse, travail, requerrir alliances venues, acufations d'amys & de Cousins, & signifie aussi choses ordés & en choses de femmes, & à cause d'icelles. Si Venus est en l'ascendant avec la Lune, elle signifie santé de corps, & amendement & profit de par femmes, tellement toutesfois qu'il y aura delay fait & suspect. Et quand Mercure sera en l'ascendant avec le Soleil, il signifie tristesse & douleur. Et quand il sera en l'ascendant avec la Lune, il signifie beaucoup d'œuvres en bien sauf ce toutesfois qu'il signifie mellee avec Cousins & entre ses amys. Si la Lune est en l'ascendant avec le Soleil, elle signifie griefueté, & diffidences des pendre & destruire, & auoir douleurs aux yeulx, & te gardes aussi des signes mouuables en toutes choses que tu voudras faire fermes & durables. Semblablement te garderas des signes fixes es choses que tu voudras estre legeres, & tantost passées, & semblablement garde toy des signes qui sont de droit môtément es choses que tu ne veux pas estre durable, mais que tu veux que tantost elles se passent, semblablement te garderas des signes tors, es choses que tu voudras droit & également venir, car ces signes sont diuers en tous faitz, & en toutes questions.

Ele-

## ELECTIONS DES SI-

gnes &amp; de leurs significations Chap. 3

**S**aches que les signes muables legerement signifient mutation des choses, & ne s'afferment n'aussi ne durent leurs significations par aucune maniere, il sont bons pour semer, pour acheter, pour vendre, faire fiançailles, pour mariages, & si aucun y chet en maladie il guerira ou il mourra tãtost, les causes & plaidoyeries y seront prolonguées, & qui en icelles s'enfuyt, tantost sera de retour, il y fait bon cheminer, & la promesse qui sera faite, ia ne sera acomplie les songes & les nouuelles qui y viendront, seront incogneues, & te garde que tu n'y plâtes ou edifies en aucune œuure, car ce seroit mal, toutes choses que tu y commenceras, que tu y voudras durer ne fera pas durable: Toutesfoys toutes choses que tu y voudras faire chacun iour fais le, car c'est bien. Les signes muables legerement, sont le Mouton & l'Ecreuisse, & iceux signes sont les plus torts, & qui plus tost se prouuent, mais les signes de la Libre, & de Capricorne sont signes qui sont plus aprouuez. Les signes fixes sont conuenants & bons à toutes choses que voulons qui durent, & long temps demourer, il y fait bon edifier, & mariages fermer apres ce que l'on à fait les fiançailles en signes muables, & si aucune femme y est laissée de son mary, iamais à elle ne retournera, & les commencements des chemins & de voyages & de plaidoyeries ne peuuent estre bons s'ilz n'ont plusieurs tesmoings de fortunes, & si aucun est prins sa prison sera prolongée, & qui entrera en l'ire & indignation d'au-

cun


cun, plus ne retournera en son amour. Les conuenances qui seront faites seront bonnes, & les cyments & edifices que l'on y fera seront bons. L'Escorpion est le plus leger signe des signes fixes, & le Lyon est le plus fixe, & Aquaire est le pire, & le Taureau, plus atrempé: Les signes communs sont bons à participation & amytié & fruité, & les choses qui y viendront souuent retourneront: Les achaptz & les mariages qui y seront faitz, ne dureront gueres, & y aura deception, & qui sera aculé d'aucune chose à luy imposée, il en sera deliuré, & qui sera prins & emprisonné, il ne sera gueres en prison, s'il n'est prins proprement au signes des poissons, car il est de petite aparition qui sera traict de prison, arriere il y sera mis, & si aucune chose fugitive y est prinse elle s'enfuyra arriere. Et qui se presentera deuant auocat, ou deuant iuge, ia raison ne ferme iugement n'en aura. Gardes que quand tu entres en vne nef, car si tu le fais d'icelle r'entreras en vne autre, & à celuy à qui l'on promettra aucune chose, sa promesse ne sera acomplie, reçois dons & presents, & aussi les y donnes, & si aucun chet en maladie, il guerira, & apres il r'encherra, & tout ce qui escherra à homme de bien ou de mal, il luy viendra de rechef: Et si meurent en aucuns lieux, vn autre de ce mesme lieu tost apres mourra, il se fait bon promener de lieu en autre, il y fait bon lauer & se purifier, or & argent, & metre enfans à faire apprendre à lire, escrire, & autres enseignements, aussi il fait bon prendre à cense. Et pource quand tu voudras commencer aucune chose des choses deuant dites, metz la Lune en l'ascendant, en lieu & signes conuenants à la chose que tu demâdes, & fais la Lu-

ne appliquer à fortune avec receptions en ses signes & sont les signes iournalx es faitz meilleurs, & œures de iour, & les signes nocturnes sont meilleurs en faitz de nuitz. Apres metz en iceulx la Lune & l'ascendant, les signes volaiges sont les meilleurs pour ceulx qui sont veneurs par terre & par Mer. Les signes royaulx sont bons pour les Roys, les signes vocaulx sont bons pour les Crieux, Trôpeteurs, Corneur, s Chantres & Sonneurs d'instrumentz. Les signes de feu sont bons au commencement à verité de droict, & à iustices, les signes diuers sont esquelz la nuit commence à edifier du iour, & sont bons es choses que l'on permue d'une maison en autre. Apres regarderás de quelle nature est la chose que tu veux commencer, & quel signe du ciel est conuenant à icelle naturelle, & fait appliquer la Lune & le seigneur de l'ascendant à celle nature, & la fortifie le plus que tu pourras en l'heure de l'ineption. Et si tu veux sçauoir aucune chose du Roy ou d'homme puissant & magnanime lequel est en reuerence des gents, aioinct toy à Iupiter. Si tu la veulx de laboureurs ou iceulx de la ville ou voudras, aioinct toy à Saturne. Et si tu la veux auoir de iuges, ou de cheualiers, ou de gents d'armes, aioinct toy à Mars. Si tu la veux de femmes ou pour vendre & acheter ou pour causes, aioinct toy à Venus. Et si tu la veux de femmes qui ont seigneurie, aioinct toy à la Lune. Et si tu la veux d'escriuains ou de marchants aioinct toy à Mercure.

DES EMPESCHEMENS DE LA  
Lune.

## Chapitre. 4

N Apres



Pres quand tu voudras aucune ceuvre commencer, amende l'ascendant & son seigneur, & la Lune & le seigneur de sa maison en toy regardant : comme dit Dorochius & autre sages, des mauuais estatz de la Lune & en tous commencements & en tous faitz, & sçaches que la Lune à dix mauuais estatz. Le premier est quand elle est brullée deuant le Soleil par douze degrez & autant apres : Toutesfois quand elle est apres ledit Soleil elle est de moindre mal. Le second est, quand elle est au degre de son chéement. Le tiers est quand elle est en l'oposition du Soleil. Le quart est quand elle est conioincte corporellement aux infortunez ou de quart, ou d'oposition. Le quint est quand elle est avec le chef du Dragon ou avec la queue dedans douze degrez qui est le terme de l'eclipse. Le sixiesme est quand elle est des derniers degrez des signes qui sont termes des infortunes. Le septiesme est quand elle est cheantes des angles, ou quand elle est en voye brullée, laquelle est la fin de la libre, & le commencement de l'Escorpion, & c'est le pire des infortunes de la Lune, & par especial en mariages, & en toutes causes de femmes, en achetant en vendant, & en chemins. Le huictiesme est quand la vnzeiesme de la Lune est avec les infortunez, ou quand elle est contraire à sa maison, ou quand elle ne regarde sa maison d'aucuns regardz. Le neufiesme, est quand elle est de mouuement tardif, lesquels mouuements les sages appellent les mouuements de Saturne, & est quand la Lune se mue en vn iour & en vne nuit de douze degrez ou moins. Le dixiesme est selon ce que dit Mesalahac, & les autres qui furent apres luy, quand elle

elle est vuyde du cours, & apres labeure tant que tu pourras en amendant la Lune, & ne la metz aucunes foys en l'ascendant, car elle y est mauuaise & signifie douleurs & occision en corps. Si ainsi est que la Lune soit moult fortunée, & de fortune aprouuée, & des infortunes eslongnées, car adonc elle n'est pas mauuaise en l'ascendant pour acheter, & vendre, & metz la Lune & le seigneur de l'ascendant, regardant l'ascendant, car quand la planette ne regarde sa maison, il est tout ainsi comme vn homme qui est en vn lieu la ou il ne peult faire son profit ne oster son dommage. Et quand la planette regarde sa maison il est comme l'homme qui est en sa maison & qui la garde tellement que ceux qui sont dedās celle maison le doutent, & qu'ilz soient dehors semblablement redoutent à y entrer. Et quand le seigneur de l'ascendant sera infortuné, metz le tellement qu'il regarde l'ascendant de tiers, ou sixte regardz, & garde que tu ne mettes le seigneur de l'ascendant, ne le seigneur de la maison de la Lune. Et quand ilz seront infortunez en regardant la Lune d'angle, & aussi ne le metz pas en aucuns des angles combien qu'ilz ne regardent pas la Lune, & si tu ne metz la partie de fortune cheant en aucuns cōmencements, ou en aucuns faitz n'y eslongnée des regardz de la con-iunction de la Lune, & ne te chaille du seigneur de la partie ne de ses regardz à la Lune & estudie à mettre le seigneur de l'ascendant avec la partie, car c'est grand amendement es choses, & multiplie leurs profitz, & ne metz la Lune aucunement en la maison deuxiesme, sixiesme, huictiesme, ou douziesme de la partie, car ceste constellation est à redouter, & tousiours en tous commencements metz l'ascen-

dant en signes de droite ascension, car les signes de droite ascension, signifient la santé & le salut des choses en l'ascendant, & la quarte maison de l'ascendant, & le seigneur d'icelle signifiét la fin de la chose commencée. Apres considerez les fortunes & cōment, & qu'elles elles sont en puissance & en foyblesse. Dorochius dit, quand tu verras la Lune empeschée & dommagée, & tu auras aucune chose hastiue que tu ne pourras regarder, ne dōne adonc à la Lune aucune partie à l'ascendant, mais le fais cheoir, & de luy & de ses angles, & metz aucune fortune en l'ascendant & le fortifie & son seigneur ausi tant que tu pourras, & garde que tu n'oublie pas le seigneur de l'heure en aucune election, car il à es elections manifeste puissance, & signification.

# EN PARTICIPATION

*de toutes choses qui sont entre deux personnes.*

*Chapitre.*

5



Le general dit en toutes choses qui est entre, est que l'ascendant est significateur du commencement de la chose, & la septiesme maison est significateur de l'autre, & la dixiesme de celuy qui traite entre les deux, & si c'est controuersie, elle sera signifiante victoire. Et ausi la quatriesme maison de la fin de la chose, & la Lune est signifieresse, de celuy qui traite entr'eux, & la planette de qui la Lune se depart, est significateur d'iceluy qui commence, & la planette à qui la Lune applique est significateur de l'autre, & le seigneur de la septiesme maison est significateur de la fin, & regarde laquelle maison: C'est à sçauoir l'ascendant

cendant, ou la septiesme maison y regarde de meilleur regard, & en celle de ses deux maisons ou il aura grand' dignité, iuge qu'il sera mieulx, & plus appuyé, ou conforté en la chose, toutesfois en participation, ou compaignie, est bon que l'ascendant soit signe commun: & la Lune & le signe commun, & le Lyon y est bon: car le Soleil & sa maison sont bons en compaignie, car le Soleil donne partie de sa lumiere à la Lune & aux autres planettes, & n'est pas bon que la Lune soit en ascendant en signes muables, fors seulement en Capricorne qui est bon en ce, ne en signe fixe, fors au Lyon seulement qui y est bon, & l'on y craint l'aplication de la Lune au seigneur de l'ascendant mesmement si c'est Mars.

## POUR FAIRE MANIFESTE,

*ster, & aparoir le Larron.*

Chapitre. 6

Ibimazar dit que la Lune, & la planette à qui  
 A la Lune applique, soient en signes raisonnables des formes humaines, & ce dit il bien & eust bonne opinion, & de ma part i'en dy aussi qu'il est bon en ce qu'iceux & ascendant soient en signes de directes, & adressants aux ascensions, à fin qu'ilz confessent verité, & non autre chose.

## DES ELECTIONS DES HEURES

Chapitre.

7

*voir le chapitre 6  
 fol 33 cy apres*



E sont les significations des heures prinse au liure d'AlKabe le filz Zaed, & le filz Albumazar qui est apellé, le liure des natures, & les ay icy mises, à fin que ce liure ne semble estre veu defectueux, ou defectif en aucun

N iij cuns

## PETIT TRAITE

euns des dictz que les sages ont distrait, & apres les heures i'ay dit aussi les elections de la Lune selon les mansions, car grand partie des Arabes vsent & font ceuures par icelle, & les racines en sont prinſes des Indiens, & sont prinſes d'iceux en vn des liures d'Orochie: Toutesfois ces elections des heures & des mansions n'ont pas tant de vertu, comme les elections que nous auons dites qui sont prinſes des lieux des planettes & de leurs accidents, toutesfois nous nous en pouuons ayder.

### *De l'heure du Soleil.*



L'Heure du Soleil est infortunée en toutes choses, fors pour entrer aux Roys: Toutesfois n'y entre pas quand le Soleil rescourcira, ne n'y vest vestement neuf, ne te minue, ou saigne, ne baille aucune sustance pour cause de marchander, ne pour faire aucune chose. Et n'y commence à faire aucuns edifices, & n'y achete bestes: Toutesfois demande en icelle sagesse, seigneurie, & enſeignements, & ne couche avec dames, mais achete armes & cheuauche cheuaux, part de la terre pour venter. Mais si tu es hors n'entre pas en ta maison, & est bonne ceste heure pour receuoir dignité, & pour auoir à faire au Roy ou au prince, ou grand seigneur, & pour prendre seureté pour raison d'auoir, & qu'il ne te soit iamais demandé, & pour gagner, & si tu donnes la principale somme elle sera perdue, car en icelle heure celuy qui la prendra mourra, & celuy qui en icelle heure sera malade il souffrira forte fiebure, & sera par plusieurs foys comme mort,

en

en telle maniere qu'il en aura grand dommage, c'est bonissime chose cheuaucher cheuaulx en icelle heure, mais garde toy d'entrer en aucune nef.

*De l'heure de Venus.*

**C** Herche seigneurie en icelle heure, n'entre en Nef, cheuauche, entremetz toy de ioux, ianglerie, & de foulas en icelle, & peux iouer aux eschetz, & partir de la terre, & si tu es hors n'entre en ta maison, faitz mariages avec femmes, bois medicines & espices, ne te saigne de veines ne de ventouse, ne plante arbres, ne sème semence, ne frappe seruaunts ou seruautes, tailles y vestemens pour toy, & n'y dord tant que tu t'en pourras tenir. Qui commencera en icelle heure bien & profit il en aura par femmes. Il est bon en icelle faire tout ce qui appartient aux femmes, & tous draps painctz, & aussi fait bon gefir avec dames, estre hardy, & aussi debatements, & aussi qui receuera la principale somme, il la gastera avec plusieurs femmes, par mauuais vices & delectations: Et aussi si aucun y est malade, & il à celle maladie par causes d'aucunes angoisses ou d'aucunes erreurs ou fascheries, qui luy sont auenue, ou d'aucuns malefices que femmes luy a fait, ou plusieurs autres choses semblables.

*De l'heure de Mercure.*

# PETIT TRAITE

Heuauche, cheuaulx en icelle heure bestes  
**C** Mulaiges, ou Asnes, escriptz chartres & en-  
 uoye messages, donne ta substance pour mar-  
 chander, preste ce que tu voudras, & emprunte &  
 reçois ce que l'on te deuera & medicines, & plante  
 arbres, & entre au Roy, mais ne faitz pas mariages  
 avec femmes & n'achètes heritages ne terres, &  
 n'entre à ta maison, quand tu seras dehors, & n'y  
 loue cerfz, & ne te permue d'une maison en l'autre,  
 ne tire aucun de prison, mais commence tous edifi-  
 ces, fuis puyz & fossez, ne demande rien à personne,  
 celuy qui commencera voyage en aura bien &  
 profit, metz tes enfants à l'escole pour apprendre à  
 lire, escrire & semblables choses comme aussi mar-  
 chander r'enuoyer messages, plaidoyer dōner & re-  
 ceuoir, tout ce est bon, & qui y prēdra femme prin-  
 cipale la payera bien, & en bonne maniere ce est  
 bon, & celuy qui le donnera sera apaisē de l'autre,  
 & l'autre d'iceluy.

## De l'heure de la Lune.

E commence en celle heure aucuns edifices,  
**N** & n'achete aucunes medicine en icelle, pour  
 medeciner, n'y taille draps, & n'achetes bestes  
 porcz & telz semblables, taille arbres, achete fruietz  
 fais puyz & fossez, cheuauche cheuaux, honore les  
 femmes, metz ton enfant pour apprendre lettres, &  
 escrire, poursuis en icelle ton ennemy, part de ta  
 terre, & n'y r'entre, & dit on que qui fait voyage en  
 l'heure de la Lune il aura bien par ocasion de mort  
 d'aucuns de sa compagnie, & toutesfois si la Lune  
 estoit en signe de terre, ce iugement est dommagea-  
 ble.

ble. Qui donnera somme principale il aura grand labeur à la recouurer tât qu'il soit pourfuyuy, pour la recourance, & puis en fin le recouvrera, mais non tout.

*Dé l'heure de Saturne.*

E bois medecines en icelle, n'y taille ou veste  
**N** habillement nouuel & neuf, n'y fais raire ta teste, ne pigner tes cheueulx, n'entre au Roy, & n'entre ausi en Nefz, fors hors de ta maison si tu y veux retourner ceiour, & enquiers ton ennemy, & fuis à acheter armes, & n'achete n'y loue seruiteurs, ou seruantes, acouple toy auec ta compagnie, & elcry chartres, cheuauche auec toutes gens de mulles, ou d'asnes, ne iette ou frape aucuns de pierre ou de sayettes, ne demandes homicides, & n'ayes plaiet auec aucuns, & ne te minue de veine, ou de ventouse, achete tous louage & toutes viandes, reçois estreines, celuy qui partira pour faire voyages aura plusieurs perilz, de prisons ou de grandes angoisses semblables & retardement grand en sondit voyage. Et si son voyage estoit sur mer, il aura grande infortune en vents & vndes diuerfes & fort perilleuses, & le ieteront & conduyront en lieux à luy incogneuz. En icelle mesme heure est bon à rendre terres, cauer fossez, arer, celuy qui prendra somme principale perdra substance, & parauenture en mourra, celuy qui le prend ou le seigneur de la substance le tuera, & celuy qui y sera malade, sa maladie sera eslongnée, & puis mourra.

*De l'heure de Iupiter.*

Hono-



Onore en celle heure les Roys, fais maria-  
ges avec femmes, ne frappe en icelle heure  
ton seruiteur ou ta seruante, taille y draps  
cheuauche montures, n'vse de mauuaites  
espices, part de ta terre, n'achete armes, garde toy  
de feu, & de flambes, n'aye paour des fossez, semes  
en icelle toutes semences, & y plante tous arbres,  
commence tous edifices, assiez toy avec Roys,  
n'achete bestes, mais achete Oyseaulx, n'entre en  
icelle en nef, & ne frappe aucuns de pierres ou d'au-  
tres choses, parle au Roy, ne te seigne de veines ou  
te ventouse. Qui en icelle partira pour voyage fai-  
re, il aura bien & gaing en fustance, & en sa beson-  
gne profit, de la part dont il ne se prend pas garde &  
royes, c'est bon en icelle heure entrer en offices roy-  
aulx, & aller aux iuges, qui en icelle donne somme  
principale, il en aura bien, gaing & amour, avec le  
compaignon participant, qui sera malade en ladite  
heure sera tost guarý.

*De l'heure de Mars.*

L'Heure de Mars est à craindre en toutes cho-  
ses, & dommageable grandissimemēt en tou-  
tes œuures, & en tous commencemēts faitz.

ELECTION POVR SCA-

*uoir quand la chose sera, ou deuera estre.*

*Chapitre.*

8



I l'on te vient à demander pour aucune  
chose qui doit estre quand elle sera, ou ap-  
perra, prends du seigneur de l'heure ius-  
ques au degré d'emmy ciel, ou iusques au  
degré

degré de l'ascendant, & regarde quantz degrez sont entre eulx, & donne à chacun degré iours, ou mois, ou an, en ceste maniere: Si le seigneur de l'heure, & le seigneur du my ciel, sont en signes muables ce sont iours, & si en communs mois, & si en fixes ans: Et quand il aura esté demandé pour aucunes choses, & tu auras iugé que celle chose fera, & tu voudras sçauoir quand, regarde la planette signifiant que la chose fera, & quand la Lune appliquera à luy. S'il est en signes fixes, & en angles, ou en succendant, tu donneras à chacun degré qui sera en iceulx vn an, & s'il est en commun succendant donne à chacun dix degrez qui seront entr'eulx vn an. Et s'il est en signe commun, & cheant d'angle, donne à chacun deux degrez, & trente minutes vn an, & s'il est en signe muable & cheant d'angle donne à chacun d'eulx deux degrez & demy vn iour. Et quand, comme ie prends le cas qu'il te soit demandé pour Roy ou pour aucun qui ait dignité quand il perdra celuy royaume ou dignité, ou seigneurie: Regarde le significateur, & si tu le trouues emmy le ciel, ou en son exaltation, iuge qu'il durera selon la quantité des moindres ans du significateur d'iceluy, & n'aiouste au Roy aucune chose sur les moindres ans, mais diminue d'iceulx ce que tu auras veu du lieu du significateur, & de son pouoir & de sa foiblesse en son lieu, & en soy mesmes, & parauanture tu deueras mettre iceulx ans selon ce que tu auras trouué en l'estat du significateur deuant dit. Toutesfois si tu veulx sçauoir de celuy qui a dignité, quand elle luy sera ostée face Attazir, c'est à dire direction au degré d'emmy le ciel, par les degrez des ascensions, & quand tu le trouueras appliqués

quants au corps d'infortune ou à ses rayz, & quand il n'aura conionction de fortune, & il escherra que le seigneur d'emmy le ciel soit infortuné, il fait trenchement en iceluy temps. Et quand la Lune par son cōmncement à iceluy degré, ou a lieu d'infortune, ou au lieu des rayz apliquant par Attazir, c'est à dire par la direction du degré d'emmy le ciel, iuge qu'iceluy ostement & occasion escherra en iceluy iour. Et si Iupiter, ou Venus regardent d'aucuns regards iceluy lieu, il oste iceluy accident, & le different iusques à tant qu'ilz soyent separez d'iceluy mesme regard. Si sçeu est en autre maniere laquelle est que tu cōtes du degré d'emmy le ciel iusques à aucune infortune par degrez esgaulx, & donne à chacun degré sept ans, sept mois, ou sept iours selon la legereté ou pesanteur des signes. Et i'ay expérimenté plusieurs fois, que quand le seigneur del'exaltation, ou de l'ascendant, ou le seigneur de la maison de partie de fortune, regarde l'ascendant ou sa seigneurie en la figure, il signifiera la quantité du temps, & combien il demeurera en dignité selon les lieux & dignité d'iceluy, & ce mesme fait le seigneur du terme du degré d'emmy le ciel, & oncques ne fut royaume perdu. Si en la reuolution d'iceluy an le Soleil ne fut en l'angle, & la Lune en la sixiesme, ou en la douziesme maison. Semblablement quand le seigneur de la dixiesme appliquera au seigneur de la septiesme, le royaulme est perdu, & si le seigneur de la dixiesme applique au seigneur de l'ascendant, le Roy durera en son royaulme. Et quand le seigneur de la dixiesme, ou le seigneur de l'ascendant appliquera au seigneur de son chéement, ce signifie diuision du royaulme. Regarde

de semblablement en quel signe est la planette qui signifie la chose en quel regard, & luy donne selon les ascensions d'iceluy signe iours, mois, ou ans selon ce qu'il conuient à l'estat de planette, & à son lieu & à son signe selon les terminations que nous auons dites, & par auenture selon le nombre de ses moindres ans, ou des moyens, ou des plus grands, ce seront iours, ou mois. Semblablement sont terminez la chose & le temps de la forme du planette significateur, s'il est Oriental quand il est fait Occidental, & s'il est Occidental quād il est fait Oriental, & se regarde quand il est fait direct, & s'il est direct quand il est fait retrograde, & s'il est brisé quād il aparera ou fera fait Oriental, toutes ces choses sont les temps esquelz les significateurs doiuent estre acomplis. Aomar filz d'Acabary dit que quand le significateur sera bruslé en iceluy temps apare-ra sa signification. Et semblable est le temps quand la Lune entrera en l'ascendant si elle a en la maison aucune seigneurie, semblable sera le temps de l'aparition, d'icelle chose. Et quand deux infortunez seront conioinctz en aucuns des angles de l'ascendāt le temps est pareil & semblable. Quand le Soleil aura aucune dignité ou aucune participation en la chose, & entrera en l'ascendant, la chose se mourra en iceluy temps & est vn des temps. Si fortunes estoient ioinctes en la maison de la chose semblablement le temps, & tout ce temps que tu auras prins par ces applications tu prendras par les degrez des ascendants, & non par les degrez esgaulx, en commenceant premierement à celuy d'iceulx qui sera le moins, & si le passes tu prendras l'autre. Semblablement quand la Lune ou le seigneur de l'ascendant  
apliquer

# PETIT TRAITE

apliquera à planette fortunée, ayant similitude en la nature de la chose, celle application fera le temps de l'aparition de la chose, & le nombre des degrez qui fera entr'eulx, & celle mesme application semblable est le temps. Et quand la Lune aura dignité & seigneurie en la chose, le plus grand temps qu'elle luy doive donner est vn mois seulement, car en tant de temps passé elle pert toutes les natures, & par le seigneur de la chose, & par le seigneur de sa maison, & par l'ascendant & son seigneur, & par les fortunes & infortunes. Et quand le seigneur de la maison de la chose appliquera à fortune, c'est semblablement le temps. Et quand la Lune appliquera à fortune c'est aussi le temps, & ce signifie que la chose sera brefuement & tost, est que le seigneur de la chose soit en vn des quarts leger, Oriētal du Soleil, & de ioyeux mouuement en soy mesme & receu, & celuy qui le reçoit soit semblable d'isnel, ou ioyeux mouuement & sauué d'infortunes: car quand tous ses estatiz seront ioincts ensemble, il signifie que la chose sera tost accomplie. Et quand de ceulx cy sera diminuée, il sera diminué & amoindrist la brefueté de la chose, & plus tardera iusques à tant que le temps vienne aux ans, & parauanture le temps sera à tant de iours comme il y a de degrez, depuis le significateur iusques au degré ascendant, en faisant de chacun degré vn iour, ou parauanture sera le temps quand le Soleil par son mouuement parviendra à l'ascendant ou en la maison de la chose: Et ce est certifié & verifié au planette pesant ou leger quand il sera seigneur de la maison du seigneur, & le Soleil estant en succedant, ce est verifié & royé, & en choses qui sont à durer long temps, toutes-  
fois

fois si la planette est pesant, & il soit seigneur de sa maison, tu ne peux certifier les choses qui ne sont conuenables pour beaucoup durer, comme ensermeté & l'arcin ou choses pareilles & semblables. Et dit Vnellius, que quand il te sera demandé pour le temps d'aucune chose quand elle sera regardée du Soleil en l'heure de la question, & si tu le trouues en l'angle, dy que quand il peruiendra emmy le ciel, dont sera le temps pour auoir fiance ou celle chose soit, & s'il est en succendant regarde le seigneur de la maison ou il sera, & quand il peruiendra emmy le ciel, adonc sera ladite chose que tu demande.

## ELECTION DE GESIR

*auec femme pour engendrer filz. Chap. 9*



Lection qui est à ce conuenable, c'est qu'il fault mettre l'ascendant, signe masculin & de droicte ascension & les angles signes fixes, & le seigneur de l'ascendant en l'ascendant ou en my ciel, ou en la maison vnzième, & que la premiere planette qui passera par le degré de l'ascendant en Orient soit fortuné, & habilite les luminaires tant que tu pourras en ceste election, & specialement le luminaire du temps, & ne soit aucunes infortunes en aucuns des angles, mais y soit fortuné sauf & forte, & conuient en ce, regarder au seigneur de l'ascendant, & le garder qu'il ne soit infortuné au neufiesme mois du temps de la conception & engendrement, car ce sera le temps de la natiuité: Et aussi s'il est possible garde bien qu'il n'y ayt infortune au septiesme n'y au dixies-

dixiesme de la conception tant mieulx seroit, car la natiuité peult estre es temps dessusditz, & pource il est necessaire que ledit seigneur soit es temps dessusditz fortuné & puissant. Et semblablement ainsi est des luminaires, & te garde du seigneur de la septiesme maison, & du seigneur de la huictiesme quand ilz serot infortunez, qu'ilz n'ayent aucunes commixtion avec les significateurs dessusditz, & aussi pareillement te garderas bien des infortunes & de la queue du Dragon. Et dit Haraniat que le mieulx qui en ce puisse estre, est que la Lune soit en l'ascendant en tiers du Soleil, & si dit aussi que tu te gardes de la voye bruslée, & que tu habilite Venus, car si Venus estoit dommagée, & empeschée ce seroit dommage pour la mere. Et aussi si la Lune estoit dommagée ce seroit dommage au corps de la creature, & habilite aussi la septiesme maison & son seigneur, & fault que ce soit es heures non pres du iour, & de la nuit, comme sont la premiere, la tierce, la quinte & semblables, & s'il auient que l'ascendant soit en la Libre, luy & son seigneur, estants faulx & deliberez ce sera bien, pource que la Libre est signe raisonnable, & pource que lors emmy le ciel seroit l'Escreuice, qui est signe de beaucoup de filz, & soient les significateurs es signes masculins, car ce signifie que la conception sera de masse, & te dois en ceste chose ayder de faitz qui sont naturelz lesquelz sont faitz par Phisique & le bien concueillir cōme il est necessaire en ceste chose que les faitz celestieulx s'accomplissent & aparent selon ce que noz matieres les recoiuent, & scachent que quand les planestes sont Orientales ilz doiuent estre reputez masculins, & quand ilz sont Occidentaulx doiuent

doiuent estre au ſi reputez feminins. Et quand ilz ſont es deux quartes masculines ilz doiuent estre reputez masculins, & feminins quand iceux ſont es deux quartes feminines.

POVR FAIRE CHEMINER SECRE-  
tement & inuiſiblement. Chapitre. 10



Tholomée dit, que tu mettes la Lune en telle choſe, comme ſi elle eſtoit ſouz les rayes du Soleil ſeparée du Soleil & appliquant à fortune & franche d'infortune, & meſmement qu'ilz ne ſoient en leurs angles, car il la dommage de beaucoup. Et dit Minageſt quand tu voudras faire premierement aucune beſongne, & qu'elle ne ſoit ia deſcouuerte n'y aparue, commence la quand la Lune ſera en l'Eſcorpion, & ſouz terre. Et ont dit les autres que c'eſt bon en ce que la Lune ſoit ſouz les rayes du Soleil, toutesſois qu'elle ſoit touſiours ainſi que dit Ptholomée, appliquant à fortune, & franche d'infortune. Et dit ſur ce Albaren le filz Iael quand tu voudras priuéement faire vne choſe ſcelée metz la Lune ou le ſeigneur de l'ascendant ſouz les rayes du Soleil non bruſlé, mais eſlongnez du corps du Soleil, & fortunes & ſauf des infortunes, & ne regarde l'ascendant, la Lune, ne le Soleil, ne l'un ne regarde l'autre d'aucuns regardz. Si tu veulx ſauuement en celle choſe fortune le ſeigneur de l'ascendant & la Lune, & iceulx eſtât ſouz les rayes, & que l'un d'eulx ſoit regardé de fortune: & ſi tu veulx ce pour faire dommage infortune les. Et touſiours quād la Lune & le ſeigneur de la choſe, ou le ſignificateur ſeront en l'angle de la terre &

O

ſouz

souz terre il signifie choses ocultes & mussées.

DE L'ENTREE DE VIL-

le pour celuy qui est dehors qui uient de chemi-  
ner.

Chapitre. II

Caches que la voye & maniere d'ensuyure  
S ceste chose est en faisant aperte la deuxiesme  
maison, & son seigneur, en ceste maniere  
metz y fortune & son seigneur sur terre, & la Lune  
en troisieme ou septiesme, ou vnzieme en apli-  
quant à planette, le recevant soit fortune ou infor-  
tune, & est moult horrible chose que la Lune soit  
en angle de la terre, ou huietieime ou sixiesme, ou  
douzieme: Et si en ce tu metz la Lune en la secon-  
de, receue & fortunée, ce n'est pas mal, & si celuy  
qui entre vouloit moult demeurer en iceluy lieu,  
metz le seigneur de la secōde, & la Lune en l'angle,  
& si la Lune auoit en angle reception avec Saturne  
de bon regard, c'est bon en ce. Et si l'entrant vouloit  
tost yssir de la ville ou cité, metz la Lune en la troi-  
sieme, ou neufiesme receue, car ce signifie qu'il en  
yssera tost avec tout ce qu'il voudra (i'entends en  
partie principale). Si tu metz le seigneur de la deu-  
xieme en ascendant c'est bon, & le seigneur de l'as-  
cendant en la deuxiesme est aussi fort bon. Si l'en-  
trant vouloit aucune chose impetrer du Roy, il  
conuient que tu faces apter le mylieu du ciel. Si tu  
veulx impetrer ou procurer, pour marchandise li-  
cite fais conuenable le seigneur de la deuxiesme, &  
de la vnzieme. Generalement ie dy de tous entrans  
de quelques manieres qu'ilz soient sauf d'infortu-  
nes des rayes & aussi des chéements. Et si le sei-  
gneur

gneur de la seconde estoit combust, ou brulé, ce signifie que l'entrant en celle cité, mourra en celle entrée. Et aussi est ce mauuaise chose, si le seigneur de la deuxiesme estoit aussi en la septiesme, & plus fort si c'estoit infortune, car il signifie dommaige audit entrant, à son coprs, & à son auoir, & y aura plusieurs qui luy esmouueront causes riottes & querelles & mauuais escriptz de son auoir & de sa compagnie. Si la Lune estoit en l'angle de la terre, il signifie aussi que l'entrant mourra en celle ville, ou cité, auant qu'il s'en parte, & la meilleure election que l'on puisse trouuer est, qu'il fault que Iupiter soit seigneur de la vnzième, & qu'il soit en la deuxiesme ou vnzième, & ayant application à la Lune, car c'est la plus seure, & aussi la meilleure election que l'on puyssé faire pour vne entrée: Et aussi n'oublie pas la partie de fortune, si tu la metz en angles, ou en la vnzième, ou en la septiesme maison, car c'est la meilleure signification pour salut de corps, ou pour cause de sultance, & pour entrée qu'il ait ses demandes legeres, & aussi est ce bon que ceste partie applique au seigneur de la maison de la Lune, & est bonne aussi pour la signification, & aussi est bonne pour la fin.

## ELECTION POUR MON-

*strer sa raison au Roy.**Chapitre. 12*

T pour ceste dicte election, il te fault mettre le Lyon pour ascendant, & aussi le Soleil au mylieu du Ciel, & aussi de la Lune qu'elle soit en l'ascendant, & aussi

O ij apli-

## PETIT TRAITE

apliquant à fortune, & au seigneur du mylieu du ciel, & non autre.

### EN SOY DEFENDANT

*avec le Roy, & en destruisant un autre.*

*Chapitre.*

13



I tu es celuy à qui le Roy veult destour-  
bier, metz la Lune à creue la lumiere &  
soit elle & l'ascendant sauf d'infortune, &  
le seigneur de l'ascendant en bon lieu & en  
bon estat de l'ascendant, & en aucunes de ses digni-  
tez & direct ou dressant & sauf des infortunes, &  
soit fortune ou infortune. Et metz le seigneur de la  
septiesme en mauuais lieux de l'ascendant, & ne le  
regarde fortune ne aucuns des luminaires. Si vn au-  
tre te veult avec le Roy destourbier, & tu veulx  
conter deuât ledit Roy & monstrier ta raison, metz  
la Lune dominée de lumiere & l'ascendant & son  
seigneur, & la Lune infortunez, & metz le seigneur  
de la quatriesme fortune en bon lieu de l'ascendant  
& apuye, car lors sera ta maison meilleure, & beau-  
coup plus forte.

### ELECTION POVR FAI-

*re & traiter mariages, ou faire nopces.*

*Chapitre.*

14

I aucun veult pour faire aucun mariage ou  
S faire nopces fortune l'heure pour ce faire. Et  
dyent sur ce les sages fortune l'ascendant &  
son seigneur, la Lune & le seigneur du signe ou el-  
le sera, & le signe ascendant soit signe fixe, comme  
Taurus.

Taurus, & Leo. Il est vray que Zabel n'à point loué le Lyon en l'ascendant, & dit que le mariage sera bon & ferme & payfible combien qu'ilz ne feront contes de guieres espargner, mais gasteront leurs cheuances & fustances. Et la Lune quand elle est au Lyon, ne regarde le Soleil de trin ou de sexte regard car adoncques il rompt la mauuaistié, le quart regard accroist tresfort le mal. Tu dois euitier le Scorpion, & l'Aquaire, car ilz sont mauuais & fort malicieux es maisons de mauuaises planettes, mais il ne sera pas si mauuais pour la femme. Si l'homme fait la question, l'ascendant est bon seigneur, & le Soleil, & la planette de qui la Lune est separée signifie l'estre & l'estat de l'homme. Et la septiesme & son seigneur, & Venus, & la planette à qui la Lune va conioindre, signifie l'estre & l'estat de la femme. La dixiesme maison & son seigneur, signifie ce qui est à auenir, entre l'homme & la femme. La quatriesme maison & son seigneur, signifient la fin de l'un & de l'autre. Et dit Zahel qu'il a veu aucuns qui disoient que la quatriesme maison signifie le douaire de la femme. Et si conferme Haly, lequel dit que si les significateurs de l'homme, ou de la femme sont en signes masculins le mariage en sera meilleur pour l'homme que pour la femme : & s'ilz sont en signes feminins le mariage aussi en sera meilleur pour la femme que pour l'homme. Si le significateur de l'homme est en signe masculin, & le significateur de la femme est aussi en signe feminin, ce signifie que le mariage sera autant bon pour l'un que pour l'autre. Et è *conuerso*. Si le significateur de l'homme estoit feminin, & celuy de la femme masculin, il seroit tout a l'opposite, à sçauoir mariage mauuais plein de

noyfes & de difcensions grandes l'un contre l'autre. Et sur ce dit Haty que aucuns ont prins la fignification d'iceluy qui commence à la planette de qui la Lune eft feparée, & la fignification de l'autre à la planette à qui la Lune applique & donnent Mercure pour les enfans, & diét qu'on ne doit point mettre la Lune en figne royal, car il fignifie noyfes & tencions: & dit fur ce mefme Zaphel, que le Scorpion & Aquaire font profitable pour les femmes & moins malicieux, & que la premiere moytié de Gemini eft pire que la derniere. Et dient aufsi que Aries & Cancer font mauuais, & dient que Virgo n'eft pas profitable à femme defia corrompue, la Libre eft mauuaife, & la fin du Scorpion, car ce fignifie qu'il feront peu ensembles, mais le commencement dudit Scorpion eft tesmoing mauuais, le Sagittaire eft mauuais, & la premiere moytié de Capricorne, de la derniere moytié elle eft moins mauuaife, & dient que Aquarius & Pifces font mauuais, & aufsi fi Venus regardoit Mars ou Saturne. Si tu veux auoir boniffime election pour mariage, fais que Saturne foit en vne maifon d'aucune bonne planette & fais aufsi qu'elle foit receue. Si elle eft en la maifon d'aucune planette mauuaife fais qu'elle en foit feparée, & fais que Iupiter foit efleué deffus elle, ou qu'il voyfe conioindre à elle de trin ou fixe regard, mais le trin eft le meilleur de triplicité d'eaue, & la Lune foit franche des empeschemens des mauuais croiffans de lumiere. Venus foit aufsi en aucune de fes dignitez ou en lieu, ou elle fe ioinct, ou elle foit ioincte à Iupiter, ou à Mercure, & foit Mercure fort & fortuné. Si la femme eft corrompue, metz la Lune en figne commun, & foit l'afcendant aucun des  
signes

signes deuant ditz, & garde toy de mettre Mars ou Saturne en l'ascendant, ne qu'ilz ne regardent point l'ascendant de quart regard, ne d'oposition, & si tu ne peux regarder toutes ces choses, regarde ce que tu pourras, & au moins garde toy de fortuner la Lune, & que infortune ne soit ioincte à luy. Si tu ne pouuois faire que la Lune se ioingne à infortune fais qu'il recoiue la Lune de trin ou sexte regard de maison ou exaltation, ou de triplicité de termes, ou de face, & si tu ne le puis ainsi fortuner, fais seulement que'elle soit en Taurus non empeschée, ou au Lyon recente du Soleil, comme nous en auons desia parlé, & par especial, si le mouuement vient de l'homme. Si le mouuement vient de la femme, metz la esditz signes ou en la premiere moytié de l'Escorpion, & si tu peux faire tât que tu la mette au degré de la dixiesme maison fortunée, ce signifieroit que la femme conceura tost & bien legerement.

ELECTION POVR ACHETER AR-  
meures & autres semblables. Chap. 16

I tu veulx estre pour eslire certaine heure à  
S aucune personne pour acheter armeures & bastons de guerre, il fault premierement fortuner l'ascendant & son seigneur, & la Lune, & le seigneur de la maison ou la Lune sera, & fais que Mars soit franc en aucune de ses dignitez, & que la Lune se ioingne à luy de bon regard, & que la Lune ne soit point croissant en lumiere, ne qu'elle ne soit point dessouz les rayes du Soleil, ne qu'elle ne voyse entrer en combustion. Aussi si tu peux faire que icelle Lune ne soit en croissant en lumiere, ne qu'elle

ne soit deffouz les rayes du Soleil ne qu'elle ne voy-  
se entrer en combustion. Si tu ne peux faire que la  
Lune ne soit croissant en lumiere, fais qu'elle se  
ioingne corporellement à Mars, & qu'elle soit fran-  
che de tous empeschemens, & si tu ne peux faire  
toutes ces choses, fortune Mars si tu peux, comme  
i'ay dit, & fais qu'il soit fort & fortuné.

ELECTION POUR AL-

ler contre ses ennemys ou auersaires, ou pour com-  
batre en champ clos. Chapitre. 17



Si aucun veult aller en bataille contre  
ses ennemys, & te demande s'il est bon ou  
non, il te fault fortunier l'ascendant & son  
seigneur, aussi la seconde maison & son  
seigneur, & infortune la septiesme maison & son  
seigneur, & fais que l'ascendant soit en aucune des  
maisons de Mars, ou de Iupiter, ou de Saturne, mais  
les plus forts sont les maisons de Mars, & est le Scor-  
pion plus fort que n'est Aries. Et si tu peux mettre  
le Scorpion en l'ascendant tu luy mettras, & feras  
que Mars soit fortuné, & fais si tu peux que Mars  
soit en l'ascendant, mais qu'il en soit seigneur, & fais  
si tu puis que tu mettes en l'ascendant avec luy au-  
cune fortune, & fortune Iupiter, & le metz en la  
seconde ou en la premiere, ou en la vnzieme, & in-  
fortune Venus, & la dame de la septiesme maison  
qui signifie tes ennemys, & infortune aussi Mercu-  
re, qui signifie les aydants de tes ennemys, & fais si  
tu peux qu'ilz soient retrogrades, ou combustes, ou  
cheants des angles. Si Aries est ascendant, Mars soit  
fort & fortuné, & infortune Venus dame de la se-  
ptiesme

ptiesme cōme i'ay dit. Si tu ne peux mettre aucune des maisons de Mars en l'ascendant, metz y aucune des maisons de Iupiter ou de Saturne, & fais que celui qui sera seigneur de l'ascendant soit fort & fortuné en l'ascendant ou en la dixiesme ou vnziemes maison. Et infortune la septiesme & son seigneur, & la huictiesme maison & son seigneur, & fais si tu peux que ce soit le seigneur de l'ascendant, & garde toy bien que tu ne mettes le seigneur de la septiesme infortuné par l'ascendant, & ne metz le seigneur de l'ascendant ou le seigneur de la deuxiesme maison en la septiesme, ou en la huictiesme maison, car ce signifieroit que tu serois vaincu, & garde si tu peux que le seigneur de l'ascendant ne se ioingne à planette qui soit en maison cheât, & fais si tu peux que le seigneur de la septiesme soit en l'ascendant ou en la deuxiesme maison, ou qu'il se ioingne au seigneur de l'ascendant, par telle maniere que le seigneur de la septiesme ne reçoive point le seigneur de la premiere. Et dit Haly metz Mars qu'il regarde l'ascendant de trin, & le seigneur de la septiesme soit infortuné: Et est bon que le seigneur de l'ascendant soit sur terre, & le seigneur de la septiesme souz terre, & le seigneur de l'ascendant infortune le seigneur de la septiesme, ce signifie que le Capitaine des ennemys sera prins. Fais que le seigneur de la dixiesme ne regarde le seigneur de la septiesme, ne qu'il n'y aye aucune dignité, & fais ainsi de la Lune que du seigneur de l'ascendant. Et dit Zahel ne va point en bataille, si Mars n'est seigneur de l'ascendant, ou s'il ne regarde le seigneur de l'ascendant en bon regard, & qu'il soit fort, & en bon lieu, & metz la partie de fortune & aussi son seigneur en l'ascendant

endant, ou aussi en la deuxiesme maison.

ELECTION POVR ACHE

ter aucune chose que ce soit. Chap. 18

I tu veulx eslire election pour aucune per-  
 S sonne voulant acheter aucune chose, fortune-  
 nel'ascendant & son seigneur & la Lune, &  
 la metz en la premiere maison ou en la dixiesme, &  
 fais si tu peux que le signe de la premiere maison &  
 de la dixiesme maison soient signes feminins, & par  
 especial en la dixiesme ou en la vnzieme, & soit le  
 seigneur de la maison, ou la Lune sera franche de  
 tous empeschements, & pareillement le seigneur  
 de la dixiesme & Mercure soiēt francs de tous em-  
 peschements. Et dit Haly que si Mercure & la Lune  
 sont ensembles tant mieulx vault. Et dit Thyberia-  
 die, que les signes tortuz sont bons pour ceulx qui  
 veullent acheter & pour ceulx qui veulent vendre.  
 Si la Lune est es signes de droicte ascētion par auen-  
 ture qu'il aura grand dommage en la marchandise,  
 si elle est es signes de tortue ascension il aura grand  
 gaing, comme auons desia dit au Chapitre d'ache-  
 ter armeures. Et dit Alix qu'aucuns ont dit & louē,  
 qu'il fait bon vendre & acheter en la premiere quar-  
 te du mois de la Lune, & la seconde quarte est plus  
 profitable pour celuy qui vend que pour celuy qui  
 achete, car la troisieme quarte est profitable pour  
 celuy qui vend, & la derniere quarte est tresbonne  
 pour celuy qui achete, & dit que c'est bon que la  
 Lune soit ioincte avec Saturne cōbien qu'il ne sem-  
 ble mal pour acheter terres & telles semblables cho-  
 ses: Si tu ne puis tout fortunier, cōme i'ay cy dessus  
 dit,

dit, fortune la Lune & vse des quartes du moys de la Lune comme i'ay dit. Et si tu achete bestes pour engreffer, comme sont pourceaulx, vaches, bœufz, & telz semblables, fais que le signe ascendant soit signe commun, & la Lune soit au Taureau ou au Lyon, ou en signe commun, & soit la planette à qui la Lune se ioindra directe.

### ELECTION POVR FAIRE

*quelque chose secrette, ou pour la mussier.*

Chapitre.

19

I tu veux faire quelque chose secrette, ou mussier aucune chose, tu dois regarder que la Lune soit dessouz les rayes du Soleil, & faire que Saturne soit en l'ascendant, & que les bonnes planettes soient fortes & fortunez, & les mauuaises, en mauuais lieux & infortunez, & non autre.

### ELECTION POVR FAIRE BREF

*chemin qui ne dure qu'un iour ou deux.*

Chapitre.

20



Our faire bref chemin qui soit d'un iour, ou de deux, fortune l'ascendant & son seigneur & la Lune, & le seigneur du signe ou la Lune est fortunée, & aussi la partie de fortune & son seigneur, & la tierce maison & son seigneur, & la planette à qui la Lune applique, & aussi pareillement le seigneur de l'heure, & pareillement aussi le seigneur qui signifie la chose pourquoy l'on va dehors, & te dy que si tu ne peux tout fortunez, que tu fortune ce que tu pourras, &

& par especial la Lune & le seigneur de l'heure. Si tu ne peux fortunier la Lune, car tu ne pourras tant differer à faire tō voyage, tu fortuneras le seigneur de l'heure. Et fais aussi que la Lune chée de l'ascendant, qui est à dire non point auoir de regard audit ascendant si tu peux. *C'est à dire cheoir de l'ascendant.* Et ton election te sera profitable.

ELECTION POVR MET-

*tre siege deuant une uille, ou cité, ou Chasteau.*

Chapitre.

21



Ortunes l'ascendant & son seigneur, & la deuxiesme maison & son seigneur, & metz Mars en l'ascendant en la deuxiesme maison, ou en la dixiesme, ou en la vnziesme, & fais que l'ascendant soit signe fixe, & le meilleur s'il est Scorpio, & garde que le seigneur de l'ascendant ne soit en la septiesme, ou la huitiesme maison, ne en la quatriesme, ou cinqiesme maison: Et infortune le seigneur de la septiesme maison tant que tu pourras, & qu'il soit en l'ascendant, ou en la deuxiesme maison. Item si celuy qui tient la place est le Roy, infortune avec les choses dites le Soleil, car naturellement il signifie les Roys, & le fais foyble tant que tu pourras. Si c'est vn iuge ou cheualier, ou officier, ou aucun legiste, fais foyble Iupiter & l'infortune avec les choses dessusdites, & pareillement feras de Mercure. Si ceulx qui tiennent la place sont Notaires, Auocatz, ou Marchans que tu les infortunes, & si le peuple la tient infortuneras la cōmune, la Lune, & si la place est tenue par gēts de villaiges, fais que Saturne soit foyble & infortuné.

Election

## ELECTION POVR EN-

*uoyer lettres ou messages à aucune personne.**Chapitre.*

22

I tu veux enuoyer aucunes lettres ou aucuns messages enuers aucune personne : Tu fortuneras & regarderas en ce la Lune & tous autres significateurs, & fais qu'elle ioingne de bon regard à la planette signifiant la personne à qui tu veux enuoyer de trin ou de sexte, & fais si tu peux que la planette reçoie le regard de la Lune, ou le seigneur de la premiere maison . Et si tu enuoye au Roy, fais que la Lune se ioingne au Soleil, ou au seigneur de la dixiesme maison . Et celuy à qui elle se ioin dra soit en la premiere maison, ou en la dixiesme, ou en la vnziesme, & si tu ne le peux mettre en aucuns de ses lieux, tu le mettras en la neufiesme ou en la cinqiesme, ou en la troisiemes maison cōbien qu'il soit de petit profit, & garde bien si tu va ou enuoye au Roy que la Lune ne soit en Aquaire ou en Pisces . Si tu enuoyes à aucuns nobles, ou aucuns grands seigneurs, cōme iuges, Pape, Cardinaulx, Euesques, Archeuesques, Religieux, & autres semblables que la Lune soit ioincte à Iupiter & de bon regard & en l'angle ou en bon lieu de l'ascendant. Si tu enuoyes aux gents de guerre la Lune soit iointe à Mars, & que Mars ne soit point es angles, mais il soit ensuyuāt les angles. Si tu enuoyes aux anciens ou à femmes veufues, ou aux ahaneurs la Lune soit ioincte à Saturne, & que ledit Saturne soit fort & fortune en maison ensuyuāt l'angle. Si tu enuoyes aux dames, ou à filles ou femmes qu'elle soit ioincte à Venus. Si tu enuoyes aux Clercs, Sages, escriuains,

uains, ou aux marchants ou à aucun ieune homme de deux ans, la Lune soit ioincte à Mercure, mais garderas bien que ledit Mercure ne soit empesché, ne consequamment aucune autre planette à qui la Lune se conioindra.

# ELECTION POVR VESTIR

*neufues robes & habitz, aussi pour acheter draps.*

Chapitre.

23

I tu veulx achepter ou vestir quelque habit S nouuel, fortune l'ascendant & son seigneur, & la Lune, & fais que les signes soient mobiles, & l'ascendant soit signe mobile, la Lune soit si tu peux en Aries, excepté les sept degrez iusques à six degrez, ou elle soit en Cancer, excepté es cinq premiers degrez ou elle soit en la Libre, ou es premiers dixhuiet degrez de Virgo, ou elle soit es premiers dixneuf degrez du Sagittaire, ou es deux premiers degrez des poissons. Et dient les sages que les signes fixes ne sont point à louer, fors es vestemens appartenants à batailles, mais ie n'ay point apres escheuis les douze premiers degrez du Taureau pource que c'est la maison de Venus qui signifie dilection & ioye, & la Lune estant en Taureau est en son exaltation. Tous les anciés doctes & clerics ont fort blasmé le Lyon, & dit Ptholomée en son centilogue: Nouveaux vestemens, vestir & tailler, la Lune estât en Lyon est moult perilleuse chose, & n'y va point à l'encontre. Si la Lune ne regarde le Soleil de trin ou sex regard, & en quelconques lieu que tu trouveras la Lune receue parfaitement, tu ne la blasmeras point. Si tu peux tant fortunier comme i'ay dit, c'est

c'est tresbien fait, & si tu ne peux fais au moins que la Lune soit hors du Lyon, & hors de Capricorne, & hors de voye combuste, & garde bien tousiours qu'elle ne soit empeschée. Et dit Zahel que tu fortune la maison seconde & son seigneur & par especial, à acheter les vestemens & habitz : Et fais aussi que la Lune soit creue de lumiere. Si tu ne puis tout fortuner, fortune la Lune pour vestir nouvelles robes, & metz le Soleil en la dixiesme maison, & si tu ne peux rien fortuner, garde que la Lune ne soit empeschée, & qu'elle ne soit au Lyon, & aussi que ladite Lune soit au mylieu du ciel.

ELECTION POVR ALLER DEMOUR-  
*rer de maison en autre. Chapitre. 24*

Our ce cas ou pareil fault que tu mettes en  
 P l'election Taurus ou Leo, soit en quatriesme maison, car cela signifie bonté de lieu & netteté ou tu voudras entrer, & aussi que ladite maison sera nette de bestes venimeuses. Si Scorpio estoit en la quatriesme maison, ce signifie que beaucoup de bestes venimeuses seront en la maison ou tu vas demourer, & par especial si Saturne regarde la quatriesme maison, ou Mars, & te regarde, dy mettre infortune en la quatriesme, ne que infortune la regarde aussi d'un tresmauvais regard. Item la droicte racine, en l'election de soy changer d'une maison en autre pour y demourer, est que l'ascendât & la septiesme maison soient saufz & francs d'infortunes, & la Lune ainsi semblablement, & que la Lune s'aplique deuers fortune, & qu'icelle fortune soit Septentrionale, en montant & croissant ou en  
 nom-

nombre, & la Lune croissant pareillement en lumineux & en nôbre, & que le seigneur de la huitiesme maison aussi le seigneur de la deuxiesme maison soient francz & saulz d'infortunes, & que le seigneur de la deuxiesme maison soit en l'ascendant ou en la dixiesme ou en la vnzieme maison, car ceste electiō en cestuy ou pareil cas est tres profitable.

ELECTION POVR FAI

*refondements de citez uilles, ou chasteaulx & maisons.* Chapitre. 25



A meilleure election qui se puisse faire pour tous fondements de citez ou villes, & telz semblables, c'est que la Lune soit franche d'infortune & bien loing de la cōiunction & oposition du Soleil & Arfurs du chemin ars qui est depuis le dixhuitiesme degre de Libra, iusques au troisieme de Scorpio, & qu'elle soit vuyde de mouuements, c'est à dire qu'elle ne soit point sans regard, & qu'elle ne soit pas Meridionale, par especial en descendant, & qu'elle ne soit en sa cheute & es degrez puteaulx, & qu'elle ne soit en la sixiesme ou douzieme maison, ne avec *Caput, ny cauda draconis*. Et fais qu'elle soit croissāt en lumiere & en nombre, & montant en Septentrion, i'entends qu'elle soit Septentrionale montant, & que le seigneur de la maison ou elle est la regarde, & qu'elle soit en son exaucement, ou en l'exaucement de Iupiter, & que Iupiter ou Venus soiēt droitz en leurs mouuements avec elle en aucuns des angles, par especial en l'angle de l'ascendant, ou de la dixiesme maison. Et est bon que l'ascendant & la Lune soient

es li-

es signes terrestres par especial de Taurus, ou de Virgo. Item quand *Caput Draconis*, est avec Iupiter en l'ascendant, & le luminaire du temps, c'est à sçavoir le Soleil de iour, & la Lune de nuict, en la dixiesme maison, signifie que la ville, ou cité durera long temps, & que les gents profiteront en elle & qu'ilz auront bonissime fin. Et quand l'ascendant est signe commun, il signifie par ce, que la cité sera bien peuplée, & que les gents y feront de maintes, & diuerses manieres, par especial, si plusieurs planettes regardent l'ascendant & la Lune. Item quand à la fondation d'aucunes citez, Mercure est conioinct avec *Cauda Draconis*, signifie qu'en icelle y aura beaucoup de mensongeurs, barateries, playdoyements entr'eux. Si Iupiter est avec *Cauda Draconis*, les choses dites regneront entres les plus grâs & nobles de la ville, ou cité. Et si Sol est avec *Cauda*, ce signifie que ce sera entres les seigneurs de ladite ville, ou cité. Si Venus est avec *Cauda Draconis*, ce signifie que ce sera entres les dames, & femmes dudit lieu, & si c'est Mercure, entre les anciens, & les serfz. Si Mars est avec ladite *Cauda Draconis*, ce signifie que ce sera entre les gents d'armes. Et si la Lune est avec *Cauda Draconis*, ce signifie que ce sera entre tout le commun peuple de ladite cité, ou ville. Et quand il auient qu'à la fondation d'aucune cité, ou ville aucune de ces planettes est fort & en bon lieu de la figure & en bon estat est fortuné, signifie bon estat & profit contre ceulx qui sont signifiez par la mesme planette, par la maniere que dit est: Car si Venus est celle qui est en bonne disposition au ciel, les femmes d'icelle cité, ou ville seront fortunées, & tout ainsi des autres planettes. Et

ſçaches que l'ascendant en la fondation de la cité, est significateur de la vie des gents d'icelle ville ou cité, & la seconde est significatrice de leur substance, cheuance & viures, & la troisieme maison signifie leurs loix, la quatrieme est significatrice de la funde l'ouurage, & des lieux çelez de ladite ville ou cité, comme lieux de thresors, & telz semblables, la cinquieme signifie filz & enfants de ceulx de la cité, la sixieme signifie les vieilles & les seruantes, & les maladies qui auendront aux gents de la cité, la septieme signifie leur mariages & causes, la huitieme signifie leurs tresgrandes maisons, la neuvieme leurs gents & leurs seigneurs, la dixieme signifie leurs mestiers & leurs seigneuries aussi, la vniemesme signifie leurs amys & aydants, la douzieme signifie leurs bestes, leurs cheualeries, & leurs ennemis. Pource doncques en la fondation de toute villes citez, ou chasteaulx quelconques, dois regarder qu'elle maison qui est son seigneur, & s'il est fortuné, ou infortuné, car si le seigneur d'aucune de ses maisons est infortuné, & en mauuais estat, signifie mal en la chose qui y est signifié par la maison, s'il est fortuné signifie le contraire. Item ie prends le cas que Saturne soit seul en l'un des angles de la ville ou cité, & si Mars estoit en ce lieu, il signifieroit mauuaises roberies & dommages fraudes qui cheriront & tomberont sur ladite ville ou cité. Item si Saturne & Iupiter estoient en la fondation de la cité Orientaulx, & quel l'un d'eulx regardast l'autre de bon regard, & qu'ilz soiēt tous deux en bon lieu & fort, par ce est signifié qu'icelle ville ou cité sera ferme & fructueuse long temps. Item garde bien qu'en la fondation d'aucune chose la Lune ait passé

*Cauda Draconis* iusques à nonāte degré pres, car c'est l'un des pires estatz que la Lune puisse auoir, la cause est qu'adonc qu'elle descend en latitude Meridionale, adonc ce cas empire, quand elle est depuis *Virgo* iusques en *Libra*. Si avec ce la Lune est diminuée en clarté & mouuement, ce empire moult le mal dessusdit, & signifie grandissime mal à la cité ou ville. Et semblablement garderas qu'infortune ne soit en l'ascendant n'y en la quatriesme maison, car ilz signifieroient que l'edifice se gastera par eaues & par pluyes & riuieres apres que l'edifice sera paracheué & signifié, & signifie tardiueté & traueil au commencement de l'œuvre & est vray cela. Si *Saturne* est l'infortune, & *Mars* est l'infortune dite, signifie qu'elle volera, ou sera desfrochie, & destruite des ennemys. Item quand tu veulx fonder vne maison laquelle soit d'uyfante, & bonne pour toy & pour ta lignée, fortune la Lune & l'ascendant & son seigneur, & la partie de fortune, car ses trois significateurs sont les meilleurs & plus especiaux pour auoir biens, richesses assurement & durabilité en la maison, & metz à point aussi *Mercur*, c'est à dire fortune lay le mieulx que tu pourras, & aussi oste *Mars* de tous ces significateurs dessusditz qu'ilz ne l'empeschēt point, & si tu ne peux fais tant que *Venus* soit en bon lieu de la figure, & aussi qu'elle oste en ce cas la mauuaistié dudit *Mars* d'un trin ou sexte regard, ou aussi qu'elle soit en vne des maisons angulaires, des dix lignes au deuant de *Mars*, car adoncques elle est fort esleuée au dessus de *Mars*, & luy oste sa puissance, & oste *Saturne* de *Venus* tant que tu pourras, & fais que la Lune soit croissant en clarté & mouuement, & que

## PETIT TRAITE

Jupiter & Venus soient corporellemēt avec la Lune ioinctz, ou en trin, ou en sexte regard d'icelle, & oste la Lune de Saturne, & Mars qu'ilz ne l'empeschent point, car si Saturne l'empeschoit, ce signifieroit que l'ouurage tardera moult, si c'est Mars, signifieroit que l'edifice seroit desrobé, brullé, ou gaste des larrons, & mauuaises gents.

### ELECTION POVR ACHETER heritages. Chapitre. 26



L fault que tu fortunes pour le cas la maison des heritages, qui est la quatriesme, & si l'heritaige est demourance, comme maisons ou Chasteaulx, gaignages, fais que la Lune soit en sa maison, ou en son exaulcement, ou en my ciel, en regardant le seigneur de l'ascendant, & oste Mars de ses regards, & fais que la quatriesme maison soit vn signe ferme, & que les seigneurs des maisons angulaires soient Orientaulx, croissants en leurs mouuements, & Septentrionales en montant. Et en achetant quelconques manieres d'heritages, fais que les fortunes ayent dignité es angles, par especial en l'ascendant, ou en la quatriesme maison soit vn signe ferme, & que les luminaires regardent l'ascendant, & la quatriesme maison de bon regard, & que es maisons angulaires ne soit planette retrograde, ne que leurs significateurs soient retrogrades.

### ELECTION POVR ENVOYER messagers. Chapitre. 27

Re-

R Egarde pour ceste election que la Lune applique deuers la planette qui signifie celuy que tu enuoye au Roy, que la Lune applique deuers le Soleil. Si tu enuoye deuers quelque iuge, ou marchant que la Lune applique à Iupiter. Si c'est à hommes d'armes qu'elle s'applique à Mars, & à vne dame qu'elle s'applique à Venus. Et ainsi consequamment des autres selon leurs proprieté des planettes, & fais que la Lune & la planette à qui la Lune s'applique, ne soient cheants des angles, c'est à dire qu'elles ne soient es maisons cheantes, & que ces deux soient francz d'infortunes.

## ELECTION POVR ES-

*crire lettres.**Chapitre. 28*

Ais que la Lune soit franche d'infortune, & qu'elle s'applique deuers Mercure, & que Mercure soit fort & puissant, & non infortuné & retrograde ne dommagé, & que l'ascendant & son seigneur soient francz de eurs infortunes & de leurs rayes.

## A V T R E ELECTION POVR

*mariages.**Chapitre. 29*

A Lune quand elle est en Aries est mauuaise pour mariages. Taurus depuis son commencement iusques à vingt degrez est bon seulement, & est fort mauuais le demourant en ce cas. De Gemini la premiere moytié

P iij

est

# PETIT TRAITE

est bonne, & l'autre moytié est mauuaife. Ieo est bon excepté, que l'vn descouure l'autre en sustance. Virgo est tresbon pour soy marier avec vne femme veufue, mais avec pucelle est mauuais, car il signifie que bien tost elle perdra son premier mary. Libra est bon à fiancer, & est mauuais à espouser. La premiere moytié de Scorpio est bonne pour soy marier, à vne pucelle, car ce signifie qu'elle sera obeissante, bonne & loyalle à son mary. La derniere moytié de Scorpio est mauuaife, car elle signifie qu'ilz ne demoureront pas en amour, & est en danger la dame de cōmettre fornication avec son varlet. Item Sagittaire est bon, car il signifie que la femme sera de bonnes mœurs. Et le commencement de Capricorne est mauuais, & le moyen & la fin sont bons, car ilz signifient qu'elle sera obeissante à son mary, & est meilleure pour veufues que pour pucelles, excepté qu'il signifie peu d'enfants. Aquarius est mauuais entierement. Pisces est bon, car il signifie que la femme sera iuste bonne & loyalle, excepté qu'elle aura vaines parolles, & tout ce que dit est, s'entend quand la Lune est en l'vn de ses signes, & que le signe soit en l'ascendant. Item sçaches que Venus à plus grand puissance en mariage, & ne peut estre bon mariage quand la Lune est conioincte es fortunes, ou qu'elle les regarde, ou qu'elle soit en fa cheute, ou retrograde ou arce, & est le meilleur, avec ce que dit est, que la Lune soit en vne des maisons des infortunes, & que Iupiter regarde Venus & la Lune. Semblablemēt bon temps est pour mariage quand Iupiter, Venus, & la Lune, se regardēt l'vn l'autre de trin regard. Item il conuient regarder aux natiuitez de l'homme, ou aussi de la femme, si l'on

lès peult auoir, car si tu trouues en leurs natiuitez fortune es my cielz, signifie, par ce, qu'ilz auront enfans au premier an de leurs mariages. Item bonne constellation est pour mariage, qu'en l'ascendant soit fortune, ou que fortune regarde l'ascendant, & garde qu'il n'y aye aucune infortune en l'ascendant, ou qu'il ne le regarde, car il signifie que l'homme & la femme serôt tousiours en debat. Et pareillement si tu trouues pareille constellation en leurs natiuitez, signifie que celuy qui aura son ascendant de sa natiuite, tellement comme dit est, infortune sera maistre de l'autre. Si la Lune estoit es lieux de leurs natiuitez, est à l'heure de mariage dessus terre, signifie que apres auoir eu de grands debatz, ilz se rapaiseront.

## ELECTION POUR FAIRE

re course, ou bataille contre celuy qui s'est rebellé.

Et est moindre de puissance que l'autre.

Chapitre. lib. 30.

**L** convient au Roy, ou à autre seigneur qui vn autre s'est rebellé contre luy, qu'il ne bataille point avec le rebelle, tandis que la Lune est fortunée, car aussi la Lune, & le seigneur de l'ascendant sont tousiours pour celui qui se rebelle. Item il convient aussi que le rebelle se garde bien en son cas de batailler contre son seigneur, & contre lequel, il est aussi deuenü rebelle quand la Lune est infortunée, & aussi de mander bataille, quand elle est bien fortunée;

& par especial que adonc le seigneur de l'ascendant soit pareillemēt fortuné, & qu'il soit en l'ascendāt, & semblablement se garde d'entreprinſes, ou batailler, quand l'ascendant est infortuné.

ELECTION POVR FAI-  
re paix avec ſes ennemys, ou trefues. Chap. 31

**R**egarde ſi tu trouues le ſeigneur de l'ascendant, & le ſeigneur de la ſeptieſme maiſon, en vn ſigne, & qu'entr'eulx ſoit planette fortuné, ſignifie qu'aucun homme ne ſe meſſera de leur paix. Si ce meſme planette qui eſt entr'eulx eſt en aucune dignité, ſignifie qu'iceluy homme ſera bien cogneu, en la ville ou cité, & ſelon l'eſtat de ce meſme planette, tu iugeras l'eſtat de l'homme qui ſ'en meſſera, car ſ'il eſt retrograde, l'homme eſt de petite puiſſance, ſ'il eſt autrement, dy & iuge autrement, & ſi tu veulx ſçauoir laquelle partie celuy plus aymera, regarde ſi telle planette à plus de dignité en l'ascendant, ou en la ſeptieſme maiſon, & ſelon ce qui ſera plus enclin deuers l'une partie ou deuers l'autre. Si tu veulx ſçauoir de qu'elle office eſt iceluy hōme, regarde qu'elle eſt la planette qui eſt entre les deux comme dit eſt, car ſi c'eſt Saturne, c'eſt vn-homme vieulx, & ſi c'eſt Iupiter, c'eſt vn homme de Loix, iuge, ou auocat. Si c'eſt Mars c'eſt vn homme d'armes, ſi c'eſt le Soleil, c'eſt vn homme de nature de Roy, ſi c'eſt Venus, c'eſt vn homme de prophetie, ſi c'eſt Mercure, c'eſt vn eſcriuain, ou marchant, & ſi c'eſt la Lune c'eſt vn baueur. Apres ce, regarde en qu'elle maiſon des maiſons du ciel ladite planette à plus grand regard, car ſ'il eſt en l'ascen-

l'ascendant, & qu'il ait aucunes dignitez en l'ascendant, ce signifie qu'iceluy homme est de la lignée de celui qui a commencé le debat, & s'il est en la deuxiesme maison, ce sera vn de ses aydrnts, & s'il est en la troisieme maison vn de ses amys sera, & en la quatrieme vn homme de ses parents, si c'est en la cinquieme, de ses enfans, & en la sixieme il est homme de plus petit estat que luy, ou serf, s'il est en la septieme, il est homme de ses aduersaires, & s'il est en la huitieme, il est homme des aydants de ses aduersaires, & s'il est en la neuvieme, elle signifie que c'est vn homme de loix, & qu'ilz ont faitz voyages par ensembles & avec luy, & si en la dixieme il sera de nature de Roy, si en la vnzieme, ce sera vn homme des aydants du Roy, & si en la douzieme maison, signifie que ce sera vn de ses ennemys. Item regarde si ce planete, qui est entre deux, c'est à sçauoir entre le seigneur de l'ascendant, & le seigneur de la septieme maison, est fortuné, ou infortuné: car si c'est Saturne, ce signifie qu'iceluy homme est vieulx & troublera tous deux, & sera homme deceueur, & de profondes pensées, & si c'est Mars, signifie que c'est vn homme tueur & occiseur, plain de courroux & grandissimes trahysons.

## ELECTION POVR DEFORCER

*citex uilles chasteaux d'ennemys. Chap. 32.*

Our ce fault prendre l'election tout contraire à l'election mise deuant au Chapitre d'election pour fonder maisons villes, chasteaux & autres semblables, & fais que le seigneur de l'ascendant soit de nature d'aire ou de feu, & que la Lune, & le

ne, & le seigneur de l'ascendant soient en signes pareilz. Item soit l'ascendant d'un signe qui monte droit, c'est à sçauoir, depuis le commencement de Cancer, iusques à la fin du Sagittaire, & que la premiere planette qui montera apres l'ascendant, soit diminuée en son mouuement, & est bon que la Lune soit Orientale & diminuée de clarté, & du mouuement, & aussi qu'elle soit en vne des maisons cheante, & qu'elle applique deuers vne planette qui semblablement soit en vne maison cheante, & que ceste planette approche à la cheute, ou à la cheute de la Lune: Et si la Lune est sur terre, fais qu'elle applique à vne planette estant dessous terre, & garde que le seigneur de l'ascendant ne soit retrograde, & est bon que cecy que dit est, soit fait au dernier quartier de la Lune, & que la Lune ne regarde pas le seigneur de la maison auquel elle est, ne aussi que le Soleil ne soit regardé de la Lune, & en ceste constellation tu pourras descouurir la ville, ou chasteil.

AVTRE ELECTION POVR

*poursuyure un fugitif.*

Chapitre. 33



Este election est quasi semblable à l'election que l'on fait pour courir sur ses ennemis, & fault faire en cestuy cas que la Lune ne la planette à qui la Lune applique ne soient en la quatriesme maison, & il conuient que le seigneur de l'ascendant, & de la septiesme maison ayent application par ensembles. Et aussi si la Lune s'applique deuers vne planette estant en la sixiesme maison, ou aussi en la douziesme, signifie

fic aussi, par ce, que le fugitif sera du tout destruit.

## ELECTION POUR FAIRE

re voyages tant loing que pres. Chapitre. 34

Ais que la Lune soit en la dixiesme, ou cinquieme maison, & qu'elle ne soit infortunée, ne aussi regardée des infortunes, & fortune la Lune par bonnes planettes, qu'ilz soient fortes, & aussi que la Lune soit croissante au nombre, & que Mercure passe les rayes du Soleil, & aussi soit franc des infortunes, & fault que tu regardes que la Lune ne soit en la sixiesme, ou en la douzieme maison, car cela signifie grand dommaige, & tardiueré en ce chemin: Et si la Lune est croissante en clarté, elle signifie que bien tost appliquera au lieu auquel il va, & sans empeschement. Item si la Lune ou Saturne ou tous deux sont en l'ascendant, ou en la septiesme maison, ou l'un en l'ascendant & l'autre en la septiesme maison, ce signifie que luy auieront, au lieu auquel il va, maladie grands debatz, & occisions & grandes trahisons. Item les sages dient que celui qui part pour faire voyages, doit regarder se l'ascendant est en Aries, & s'il y est, signifie qu'il r'encontrera larrons, toutesfois s'il les assaut il les vaincra: Et si se depart en ceste constellation, pour asseoir chasteaulx ou villes, il est en danger de les gaigner. Item si l'ascendant est en Taurus à l'heure du departement, cela signifie qu'il gaignera plusieurs bestes, comme Porcs, Chieures, Cerfs, & pierres precieuses. Et si Gemini est ascendant il aura armeures & serfs qui scauent mestier. Et si l'ascen-

PETIT TRAITE

l'ascendant est Cancer, il sera fortuné en tout son chemin, si c'est Leo ou aucun autre viendra mal pour luy, & si c'est Virgo, il gagnera seruiteurs, & si c'est Libra, il sera moyen entre bon & mauuais, & si c'est Scorpio il aura grand trauaulx, & n'aura pas la chose pour laquelle il est allé, & luy auientront tristesses, & apres il aura bien peu de bien. Item si c'est Sagittarius, signifie qu'il aura la chose, pour laquelle il est allé, & fera chose aucune par laquelle il en aura grand honneur, & si c'est Capricorne il sera fort trauaillé, & n'aura pas la chose qu'il demande, & si c'est Pisces l'ascendant, il sera sans maladie corporelle en son voyage. Item fais avec les bons estatz de la Lune dessusdite que le seigneur de l'ascendant, ne soit retrograde n'y arts, n'y autrement infortuné, & qu'il soit en bon lieu de la figure, & qu'aucune fortune soit en l'ascendant ou en aucunes des autres maisons angulaires, car telle election signifie santé de corps, & ioye en son voyage & chemin, (& qu'il aura ce qu'il demande). Si tu ne puis auoir si bonne constellation comme dit est, fais que la Lune & le seigneur de l'ascendant regardent l'ascendant, & que tous deux soient francz d'infortunes. Si la Lune estoit ioincte corporellement avec Iupiter, ou Venus, ou en leur troisieme, ou sixiesme regard, ce seroit fort bonne election. Item sçaches que l'ascendant signifie la ville, de laquelle on se part, & la septiesme maison signifie la terre deuers laquelle on va, & la dixiesme signifie le chemin en allant, & la quatriesme signifie le chemin en retournant, & selon cela iugeras par ceste maniere: car si la dixiesme maison est infortunée, il aura infortune en son voyage & chemin en allant, & pareillement

reillement iugeras des autres angles dessusditz, selon la chose qu'ilz ont à signifier, & garde que la Lune soit conioincte, avec leurs infortunes, ou avec leur quatriesme regard ou oposition, & garde qu'en l'alée ou departement iamaïs ne metz la Lune en la quatriesme maison, car elle est tresmerueilleusement infortunée en ce lieu & en ses cas, mais la mettras en la cinquiesme maison, car en icelle signifie grand fortune, & que bien tost l'on retournera avec ce que l'on demande, & sauvement de corps.

Item horrible chose est, quand elle est en l'ascendant, tant pour aller, comme pour reuenir, car elle signifie maladie & tresgrand trauail. Et si tu veulx aller deuers le Roy, fais que la Lune s'aplique au Soleil, ou au seigneur de la dixiesme maison du troisieme ou du sixiesme regard, & metz le Soleil en bon lieu de la figure, c'est à sçauoir, en l'ascendant ou en dixiesme, ou en vnzieme maison, car si le Soleil estoit en vne maison cheante, tu ne peux rien impetrer du Roy. Si le Soleil estoit en la cinquiesme ou septiesme maison, signifie peu de bien, & s'il est en la quatriesme maison, signifie peu de bien & à grand labeur & long. Si tu veulx aller aux nobles ou aduocatz, ou iuges, ou legistes, fais que la Lune s'aplique à Iupiter, & que Iupiter soit en bon lieu de la figure, comme dit est du Soleil. Si c'estoit pour aller aux preuostz ou gensdarmes, fais que la Lune s'aplique à Mars du troisieme ou sixiesme regard, & garde que la Lune ne soit ioincte avec luy, & ne metz pas Mars en l'angle, mais le metz en succedentes maisons. Si tu veulx aller deuers gens anciens, & de petite lignée, fais que la Lune s'aplique à Saturne du troisieme, ou sixiesme regard, & que Sa-

turne

turne ne soit point en l'angle, mais remetz en vne succedente maison. Et si tu veulx aller deuers femmes, fais que la Lune s'applique à Venus, & que Venus soit en signe masculin, & si tu peulx fais encores que la Lune soit en l'un des lieux que dit est du Soleil. Si c'est pour aller deuers escriuains, ou marchants, ou clerics, applique la Lune à Mercure, & garde que c'estuy Mercure ne soit souz les rayes du Soleil, ne regarde par infortunes. Item quand la planete à qui la Lune s'applique, ou planete qui regarde l'ascendant, ou le seigneur de l'ascendant, ou le seigneur de la septiesme maison est tardif en son mouuement, ou retrograde, ou infortuné, signifie, & denote, par ce, peines en son voyage.

ELECTION POVR CEL VY QVI

*uouldra bien tost retourner de son uoyage.*

Chapitre.

35

Ais que Iupiter soit au quatriesme regard du Soleil, & que Venus soit en sixiesme regard du mesme Soleil, ou conioincte avec luy, & avec la Lune entre les deux fortunes, & qu'elle se parte de la Lune des fortunes, & applique deuers l'autre, & qu'elle soit croissant en luminaire & en nombre, car ceste cōstellation signifie qu'il retournera bien tost avec profit & santé.

ELECTION POVR AL

*let sur eue en Nauires, ou en basteaulx.*

Chapitre.

36

Sila



Si la Lune est en Aries à l'heure que le ba-  
steau s'en va, & qu'elle ne soit regardée d'in-  
fortunes, signifie que bien, & sans grand  
labeur yra ledit bateau. Si la Lune est en  
Taurus en la maniere dite, qu'ilz auront maintes  
vndes en la Mer, & si avec cela regarde la Lune d'au-  
cune infortune, signifie perdition de bateau. Et si  
la Lune est en Gemini passée huit degrez dudit, si-  
gnifie vtilité & bons voyages, excepté qu'ilz feront  
longz chemins, & ne retourneront pas tost. Et si la  
Lune est en Cancer, signifie qu'ilz auront peu d'vn-  
des, & qu'ilz gagneront & profiteront en ce che-  
min. Et si elle est au lyon, signifie qu'ilz leur auien-  
dra dommage en la mere: & s'aucunes des infortu-  
nes, regarde la Lune, signifie encores que c'est dom-  
mages en diuerses fortes & manieres selon l'infor-  
tune qui la regarde. Et si elle est en Virgo signifie  
qu'ilz ne viendront pas si tost. La Lune en Libra a-  
pres dix degrez dudit signe, signifie mal en leur voy-  
age. Et si elle est en Scorpion, elle signifie bon che-  
min, excepté qu'ilz auront aucunement paour des  
eaues. En Sagittaire, la Lune signifie qu'ilz auront  
dommage par eaues. Et si la Lune est au Capricor-  
ne passe les neuf degrez dudit signe, signifie qu'ilz  
auront aucun bien, & vn peu de peine. La Lune en  
Aquaie, signifie tardiueté & trauail en leur voya-  
ge, toutesfois la fin sera bonne. Et si la Lune est en  
Pisces, ce signifie dommage & tristesse: Et ces signi-  
fications deuant dites de la Lune s'entendent quand  
la Lune n'est regardée ne de fortune n'y d'infortu-  
ne. Item quand la Lune est dessouz terre avec for-  
tunes, ou infortunes est mauuais signe, car quand  
Saturne est avec elle dessouz terre, elle signifie qu'i-  
ceulx

ceulx mariniers auront de grandissimes trauaulx,  
& seront fort vexez des grandes vndes fort peril-  
leuses lesquelles entrerōt en leur basteau & aura de  
leurs gents perduz, & quand en ce cas Saturne est  
stationnaire en regardant la Lune du troisieme re-  
gard, ce signifie, que la plusgrande partie de leurs  
biens sera ietté en la mer pour eulx cuyder sauuer.  
Et si Saturne au cas dessusdit n'estoit stationnaire, &  
qu'il regarde la Lune comme dit est du trin, signi-  
fie que les gens apres grand trauail & peril, se sau-  
ueront, toutesfois, si la constellation estoit comme  
dit est, & que Mercure soit avec Saturne, le mal est  
moindre, pareillement quand Saturne est regardé  
d'aucunes des fortunes, ce signifie moindrement de  
mal. Par especial si les fortunes qui regardent Satur-  
ne sont en bon & fort lieu, & quand Mars est au lieu  
de Saturne & est dessous terre, & la Lune dessus  
terre, & que Mars infortune la Lune, signifie que  
dommage viendra, & pareil par vndes & vents, &  
en outre auront debat & occision entr'eux, & leurs  
ennemys les renonceront, & est plus ferme & pire,  
si Mercure est avec Saturne, & que Mercure & Sa-  
turne tous deux regardent la Lune, & que la Lune  
soit dessus terre, car telle constellation signifie que  
la chose empirera. Item si Saturne & Mars, l'un de  
eulx regarde le Soleil, & l'autre la Lune, signifie  
trauaulx & grand perilz, & pis encores, si ces regardz  
sont d'opposition: Toutesfois le Soleil & la Lune  
sont francz d'infortunes, & que Iupiter soit au qua-  
trieme regard, de la Lune & qu'en ceste heure le  
bateau soit mis en la Mer est bonne signification. Et  
si le Soleil semblablement regarde Iupiter, ou la  
Lune ou Venus, & que Iupiter regarde la Lune  
bonne

comme dit est, c'est signification meilleure & plus profitable beaucoup. Item si la Lune est sur terre & Venus de par luy la regarde, signifie grand profit & bonne fortune qui luy auientront en ce chemin, toutesfois aura traueil & peine par occasion des vndes & des impetueux ventz, & la cause s'il est, car Venus en cas par luy sans l'ay de de Iupiter, est bien foible. Si la Lune & Iupiter tous deux sont sur terre, & Venus deffouz les rayes, signifie qu'ilz n'auront point de perilz des vndes, ny traueux, pareillement en leur voyage & chemin, & que leur basteau yra à profit & sauueté. Si Venus & Iupiter regardoient le Soleil & la Lune, & que Mercure soit avec vn d'eulx, c'est la meilleure constellation qui puisse estre pour mettre le basteau en la Mer, & n'en y a point de meilleure. Item quand l'ascendant a aucune infortune, & qu'avec la Lune y ait aucune infortune, ce signifie que perilz & labeurs leurs auientront en la Mer, & apres eschaperont. Et si la Lune n'est regardée de fortunes ne d'infortunes, & qu'elle soit en l'un des angles en bon signe par la maniere que dit est, au commencement du present chapitre, & sera bon pour mettre le basteau en l'eau. Et pareillement si en l'ascendant n'est fortune ne infortune, & que l'ascendant soit en aucuns des signes bons pour estat de la Lune, lesquels signes au commencement du chapitre sont nommez & specifiez. Item en ce chemin par terre, garde toy d'aller, si la Lune n'est au signe sec, & si les infortunes ne sont pareillement aux signes secz, car il ne t'en auientroit aucun bien ne profit. Pareillement en chemin par eau, ne te metz pas au chemin d'eau si la Lune n'est au signe d'eau, & si les infortunes ne sont es

Q signes

signes d'eaues, car ce signifie dommage & peine. Item si la Lune regarde les infortunes & qu'elle soit en signe moiste ou sec: C'est à sçauoir de nature de terre ou d'eaue, lequel signe, auquel la Lune soit regardée de fortune, il ne signifie point de dommage au chemin: car si c'est homme ne meurt de l'acomplissement de son voyage, il retournera deuers sa maison. Item sçaches que Saturne est pire en chemin d'eaue que Mars, & Mars est pire es chemins par terre.

ELECTION POVR EN-

*trer en aucunes offices & dignitez.*

*Chapitre*

37

Ais que les deux luminaires soient francs d'infortunes, & qu'elles soient receues,  
**F** c'est à dire qu'elles soient regardées des planettes qui les reçoient en leurs dignitez, c'est à sçauoir en leurs maisons, ou es exaulsements, ou termes, & metz aucunes des fortunes en l'ascendant ou es autres angles, & que les fortunes soient droites es mouuements, & la meilleure de ceulx est Iupiter, & fais que le Soleil soit en sa maison franc d'infortunes. Item si les infortunez sont plus puissants que les fortunez, & que les infortunez soient francz de retrogradation, & que les fortunez soient dommagés, tu peux besongner en ce cas par les infortunez, c'est à dire que les infortunez ne griefuent point, & ne fais recente de dignité qui appartient à armes, si ce n'est que Mars y ait part: C'est à sçauoir qu'il soit en bon lieu, & en bon estat, comme pour dire qu'il soit seigneur de l'ascendant, sans empeschement, & qu'il baille son ay de par deuers l'ascendant, c'est à sçauoir qu'il soit en l'as-

l'ascendant, ou en deux, ou en dixiesme, ou en vnzi-  
esme maison, & qu'il ne soit allieurs. Item pour re-  
cevoir, couronne, royaume, & grande domination  
fais que la Lune soit franche de infortune, & qu'elle  
ne soit es maisons des infortunes, car si elle estoit  
en ces maisons, signiferoit extortions & malfaitz,  
& pareillement qu'elle ne soit en Cancer, & ceste  
chose empire quand le seigneur de l'ascendant est  
en Cancer, ou en aucune de ses maisons d'infortune.  
Item quand l'ascendant est signe ferme, & la Lune  
en l'angle, ou en vne maison succedente, signifie  
qu'une telle maison ou royaume, ou domination  
durera long temps, par especial si c'est Leo, ou sa  
triplicité, & si l'ascendant est fortuné, signifie bonté  
d'iceluy seigneur & bien fait. Et si infortune est il-  
lec il signifie mauuaistié d'iceluy seigneur, qui re-  
çoit la dignité: & si c'est Mars que le seigneur recou-  
vrera loing courroux & faire deception. Si Saturne  
est illec en lieu de Mars, signifie vtilité du seigneur,  
& tardiveté de ses faitz, & quand le seigneur est en  
l'ascendant, signifie grande cheualerie, & beaucoup  
d'aydants, & haulte & grande renommée & sera re-  
nommé de loing. Si Iupiter est en l'ascendant, si-  
gnifie que le seigneur fera droit en ses faitz & de  
bonissime mœurs, & de droictz & bons iugements,  
& aura beaucoup d'amys, & si Mercure est illec, ce  
signifie que ce sera homme à part sans soulas & sa-  
ge de mœurs. Si c'est Venus signifie qu'il sera su-  
perbe & orgueilleux: & si la Lune est en l'ascendant  
signifie par ce hardiesse & bon nom, & si en l'ascen-  
dant est *Caput Draconis*, ce signifie grande domina-  
tion & victoire es choses esquelles il sera & se mes-  
lera de part l'office & dignité par luy receue.

Qij Ele-

PETIT TRAITE

ELECTION POVR RE

*cevoir dignité de Chanceleries, secretaires, ou de  
ceulx qui tiennent livres de contes. Chap. 38*



Xpedient est en ce cas que la Lune soit en vne des maisons de Mercure, & qu'il regarde la Lune de trois ou de six regardz, & que les deux fortunes regardent pareillement les deux maisons dessus nommées, ou regardent les degrez du my ciel, & qu'elles soient es signes fermes, & la dixiesme maison, signifie ferme. Adonc fort bonne pour tel cas & semblable.

ELECTION POVR AL

*ler avec le Roy ou avec autre seigneur sur sa terre ou seigneurie. Chapitre. 39*

Ais que Iupiter soit en l'ascendant, ou la septiesme, car ceste constellation, signifie prosperité en son chemin, & garde que Iupiter ne soit en la quatriesme maison. Item fais que la Lune soit en aucuns des angles, & qu'elle regarde Iupiter, & pareillement Venus, & garde bien que Saturne & Mars ou l'un d'eulx ne soit en l'ascendant, ne avec Venus, & que la Lune ne soit dessous les rayes du Soleil, ne avec *Cauda Draconis*, ne aussi avec les infortunes, car celuy qui en telle consideration partira, ne retournera pas, & qui en telle constellation cherroit en maladie, mourroit en ladite maladie, & semblablement qui yroit pour batailler, en icelle dicte constellation seroit tué & vaincu.

Ele-

## ELECTION POVR CE-

*luy qui est avec l'ayde du Roy, s'ilouldra destruire un autre sien auersaire. Chapitre. 40*



Ais que la Lune soit croissant en clarté, & elle & l'ascendant soient francz d'infortunes, & que l'ascendant soit en bon lieu & fort, & que luy mesme soit en bon lieu & fort en signes ou il y ait dignité aucune, & qu'il soit franc d'infortunes, soit le seigneur ascendant fortuné ou non fortuné: Et fais que le seigneur de la septiesme maison soit en mauuais lieu par comparaison de l'ascendant, comme par exemple en vne des maisons cheantes, & que nul fortune ne les regardent. Item si vn autre avec l'ayde du Roy te vouloit destruire, & tu voulois raconter ta raison deuant le Roy, fais que la Lune soit diminuée en clarté & l'ascendant & son seigneur & la Lune, infortune tant que tu pourras, & metz le seigneur de la septiesme maison en bon lieu, & bien fortuné, & tu t'en trouueras bien.

## ELECTION POVR APREN-

*dre à tenir armes & pour en faire. Chap. 41*



L conuient pour ce cas que l'ascendant & la Lune soient en la triplicité d'Aries, & que Mars soit en bon & fort lieu & bon estat, & que la Lune ne soit pas en cheute, par especial pour aprendre tours d'armes à cheual, & si la Lune est en son exaulcement tant mieulx en vault. Semblablement tresbonne chose est que le seigneur de l'ascendant soit aussi en son exaucc-

Q iij ment

## PETIT TRAITE

ment, & si tu ne peux faire cela, metz le seigneur de l'ascendant au my ciel, ou qu'il entre au my ciel. Item dient aucuns que pour apprendre à luyter, fault faire que la Lune soit en Gemini tout par luy.

## ELECTION DES CHOSES

*qu'on fait pour aquerir bonne renommée.*

Chapitre

42

N ce cas il fault que tu fortunes l'ascendant  
E & son seigneur, & que le seigneur ascendant soit l'une des maisons de Iupiter, & que Iupiter, soit en la vnzième maison ou en l'ascendant ou qu'il regarde ses maisons d'un bon regard, & il conuient que Iupiter soit franc d'infortunes & fort, & si le seigneur de la vnzième maison, tant vault mieulx, & est bonne chose que le Soleil soit franc d'infortunes, & qu'il soit en la vnzième maison, & que la Lune s'aplique à luy de trin ou du sexte regard, & si avec cela la Lune se part du seigneur de la vnzième maison, ou de Iupiter, mieulx vault encores, car adoncques signifie que la chose de renom sera publique, & accomplie: & avec cela il conuient que les significateurs regardent l'un l'autre, & par especial les luminaires, & l'ascendant, & la dixième maison, & que lesditz significateurs soient receuz, & si tu ne peux assembler toutes les bontez dites en ton election, tu prendras celles que pourras auoir.

## ELECTION POUR ACOM-

*plir promesses, demandes, & dons. Chap. 43*



**L** fault fortunier des fortunes la vnzième maison & son seigneur, & la partie de fortune & son seigneur, & tous deux, lesditz seigneurs, ou l'un d'eux regarde l'ascendant, & que le seigneur de l'ascendant & la Lune soient receuz du seigneur de la vnzième maison. Item sçaches que l'ascendant & son seigneur sont significateurs du demandant, & la septième maison & son seigneur sont significateurs d'icelle, duquel on demande aucune chose, & la Lune est significatrice de la chose demandée. Apres cela si la demande s'adresse es anciens qui sont de nature de Saturne, fais que le degré de la vnzième maison soit dignité de Saturne, c'est à sçauoir, qu'il soit en la maison, ou exauement, ou son terme. Et si on demande la chose d'un notaire ou escriuain, ou des autres significateurs, par Mercure, fais que le degré de la vnzième maison soit dignité de Mercure, comme dit est de Saturne, & pareillement feras des autres planettes en demandes, & que tu veulx auoir des femmes, fais que le degré de la vnzième maison, soit dignité de Venus, d'un homme d'arme iuge & fais par Mars ce que dit est des autres, & du Roy pour le Soleil. Et en ce propos disent les autres sages qu'il faut faire que Mercure s'applique deuers Iupiter, & Venus, & que le seigneur de la dixième maison, & le seigneur de l'ascendant ayent conuenances entr'eux, c'est à sçauoir qu'ilz ne soient de nature contraire. Item si la chose demandée est cheuance, fortune la deuxième maison ayant l'application du trin, ou du sexte regard & amyable, & sans nul empeschement d'infortunes, & fais que le seigneur de la vnzième maison, & aussi le seigneur de la partie de

## PETIT TRAITE

fortune regarde le seigneur de la deuxiesme maison de bon regard. Item si la demande est en causes de femme comme sont mariages, fais de la septiesme maison, & de son seigneur pareillement comment tu as fait de la deuxiesme maison, & de son seigneur aussi, & pareillement des autres maisons.

### ELECTION POVR DEMANDER amour & amytié. Chapitre. 44

Il conuient que la Lune soit fortunée, & semblablement la vnzième maison & son seigneur, & tous deux planettes nouvelles soient receuz de Venus d'un trin par especial, si la reception est faite de la maison & exaucement. Si la Lune n'est receue de Venus, fais qu'elle soit regardée de Venus d'un trin, & qu'elle mesme soit receue de Iupiter, ou du seigneur de la maison auquel elle est.

### AUTRE POVR ESLIRE heures que le Roy ou autre puisse prendre son ennemy moindre de luy. Chapitre. 45

Ais que la douzième maison & son seigneur soient infortunez & foybles, & si faire se pourra que l'infortune d'iceulx dessusditz fut depart le seigneur de l'ascendât mieulx en vauldroit, & si ladite chose n'est pas en telle manière comme dit est qu'au commencement, l'issue de la Lune soit infortunée de par le Soleil, & que le Soleil soit en bon lieu. Si la Lune estoit infortunée d'autre planette que du Soleil, mieulx en vaudra. Item autres fa-

tres sages diuisent en ce cas, fais que la Lune soit en la conionction ou oposition du Soleil ou en chemin ars, ou avec *Caput*, ou *Cauda Draconis*, ou qu'elle soit es regardz par especial mauuais d'infortunes, ou qu'elle soit trois iours deuant son eclipse, & fais que le Soleil soit franc d'infortunes & des empeschements, & qu'au my ciel soit fortune, & en somme plus est infortunée la Lune pis en vault pour l'ennemy en ce cas.

## LES ELECTIONS FON-

dées sur les heures inegales de chacun des planettes, ia deuant declarées & dites.

Chapitre.

46

*vos lecha. 7  
folio. cy deuant*

**S** Caches que les elections des heures inegales ne sont pas de si grande puissance, cōme les elections fondées sur les lieux des planettes es signes, & es maisons, toutes-fois ilz ont amoindry les autres elections, ou conforter.

De l'heure du Soleil.

**L'**Heure du Soleil est infortunée en toutes choses fors que d'entrer par deuers le Roy & garde d'entrer par deuers luy apres Soleil couchant. Item ne donne fiance à ceste heure en temps de marchandise ne pour faire autre chose, ne commencer edifices, n'y acheter bestes, n'y coucher avec femmes. Achetes y armeures, part dehors pour chasser, ceste heure est bonne pour receuoir dignité, & pour auoir à faire au Roy, ou avec princes ou grands seigneurs, & qui cherroit en maladie

PETIT TRAITE

Iadie en icelle heure dessusdite, il aura fieur forte,  
& sera demy mort par plusieurs foys.

*De l'heure de Venus.*



N l'heure de Venus est bon cheuaucher  
cheualx, n'entre pas en basteau pour al-  
ler par eau, conquiers en icelle domina-  
tion, & te messe en icelle domination &  
heure de ioyeuseté & esbatements, & pour iouer  
aux eschetz, & part dehors de ta terre pour voyage,  
& si tu es dehors ta terre n'entre pas en icelle heure  
en icelle terre, & fais en icelle mariages avec fem-  
mes, & prends medicines laxatiues, & menge espi-  
ces, ne te saigne pas de la veine, ne te ventouse, ne  
plante, ne seme semences, taille robes, n'y dors si tu  
t'en peux tenir, & fait bon faire toutes choses en ce-  
ste dite heure qui apartiennēt aux dames, & y peult  
on dormir & coucher avec elles.

*De l'heure de Mercure.*

N l'heure de Mercure fait bon escrire lettres  
**E** & enuoyer messages, bailler finances pour  
marchander prendre medicines, planter ar-  
bres, entrer deuers le Roy, n'y fais mariages avec  
femmes, n'achete heritages, n'entre en ta terre si tu  
es dehors, ne change aussi ta demeure, ne deliure  
prisonniers, commence à edifier, fais fossez, metz  
tes enfants à doctrine pour bien aprendre à escrire.

*De l'heure de la Lune.*

En

N l'heure de la Lune ne commence à edifie<sup>r</sup>,  
**E** ne taille drap, donne ton filz aux lettres, pour  
 fuy en ceste heure ton ennemy, & va en  
 voyage, mais si tu es dehors ta terre n'y r'entre pas  
 en icelle heure.

*De l'heure de Saturne.*

N icelle heure de Saturne n'y prends medi-  
**E** cines, n'y taille robes, & n'y vest habitz nou-  
 uelz, ne entre pas deuers le Roy, n'y aussi en  
 basseau, pour aller par eaue, conquiers y ton enne-  
 my fugitif, & y achete armes, escry lettres, n'y prèds  
 plait contre personne, n'y saigne aucunes veines n'y  
 prends ventouses. Quiconques partira en ceste heu-  
 re pour aller en voyage, aura beaucoup de peril, de  
 prison, & sera tardif & loingtain en sondit voyage,  
 & si son voyage est par Mer, il aura grands perilz  
 d'vndes & vents diuers qui le iecterōt en autre païs.  
 Item en celle heure fait bon labourer terre & faire  
 fossez, & qui y deuiendroit malade, icelle maladie  
 luy sera longue & durera long temps au patient, &  
 qui pis est, à la fin le fera mourir.

*De l'heure de Iupiter.*

N l'heure de Iupiter honores Roys, fais  
 mariages avec femmes, tailles y robes,  
**E** n'achete armeures, seme toutes semences,  
 plante tous arbres, commence tous edifi-  
 ces, n'entre en basseau ne minue sang de  
 veine, & qui en icelle heure se partira pour aller  
 en voyage, il aura gaing, & aussi du bien en finance  
 &

## PETIT TRAITE

& grand profit qu'il fera en sondit voyage d'aucune part desquelz il ne pensoit point, & fait bon aller aussi vers iuges & Roys.

### *De l'heure de Mars.*

L'Heure de Mars en toutes choses est abominable & fort mauuaise, & en tous commencements faitz, excepté en armes, faire armeres, ou bouter feu, & telz semblables.

## DE LA PARTIE DE FORTVNE.

### *Chapitre.*

47

Il est à sçauoir que la partie de fortune de laquelle mention a esté faite, l'on trouue en ceste maniere, regarde si c'est de iour ou de nuict que tu veux trouuer la partie de fortune, & si c'est de iour prendras les degrez qui sont entre les degrez du Soleil, iusques aux degrez auquelz la Lune est & ses degrez, c'est à sçauoir tant de degré commencer à conter de degré de l'ascendant selon les ordonnances des signes, & que le moindre terminera, c'est le lieu de la partie de fortune, & le seigneur de cestuy degré est le seigneur de la partie de fortune, comme par exemple. Pose que le Soleil soit en vingt degrez de Pisces, & la Lune au premier degré de Virgo, tu trouueras en ce cas le lieu de la partie de fortune, presupposé que ce soit de iour & que cinq degrez de Libra soit en l'ascendant, cōte les degrez depuis le Soleil iusques à la Lune selon l'ordonnance des signes, & tu en trouueras. 160 degrez entre le Soleil & la Lune, & puis apres conte vn

te vn tel nombre de degré depuis le degré ascendant en allant selon la succession des signes, & vous trouuerez qu'en comptant depuis le degré ascendant tant de degrez que la partie de fortune chet au quinziesme degré de Pisces, ou que Iupiter est seigneur de la maison, & pareillement feras de nuit la partie de fortune, excepté qu'il fault conter les degrez de la Lune selon l'ordonnance des signes iusques au degré auquel le Soleil est, & puis ce nombre de degré conte depuis le degré de l'ascendant selon l'ordonnance des signes auquel le nombre terminera illec est par fortune.

DE LA PARTIE DE SUSTANCE.  
*Chapitre.* 48



A partie de sustance se prend en telle maniere, soit de iour, soit de nuit, car on doit conter les degrez ausquelz est le seigneur de la deuxiesme maison selon l'ordre des signes iusques au premier degré de la seconde maison, & puis tel nombre de degré commencer à conter de l'ascendant, & ou le nombre sera trouué illec est la partie de sustance, laquelle partie de sustance en diuers cas & choses signifie, toutesfois en general profit viures, viandes, auoir richesses, & toutes choses pour sustanter le corps humain. Et si elle chet en bon signifie augmentation des choses dessusdites & declairées, & si telle partie chet en mauuais lieu desubance, signifie empeschement es choses dessusdites & au long declairées.

Les

PETIT TRAITE  
LES PARTIES DES SEPT

planettes, & comme elles se doiuent proicter.

Chapitre.

49

Premierement de la partie de la Lune.

A partie de la Lune, autrement dite la partie  
L de fortune se prend de iour du Soleil iusques  
à la Lune, & de nuit au contraire, & se cõ-  
te des l'ascendant, à sçauoir il fault commencer à  
conter à l'ascendant.

*\* Dite de lune par  
augustin furiosus p. 14*

De la partie du soleil. \*

Ceste partie du Soleil, qui est la partie futuro-  
rum, se prend du iour de la Lune iusques au So-  
leil, & de nuit du Soleil, iusques à la Lune, & se  
conte des l'ascendant.

De la partie de Saturne.

Ceste partie Saturnienne, est partie pondereu-  
se, & se prend de iour du degré de Saturne, iusques  
au degré de la partie de fortune, & de nuit au con-  
traire, & se conte des l'ascendant.

De la partie de iupiter.

La partie de Iupiter, qui est la partie de beatitu-  
de & de ayde, se prend de iour des la partie futuro-  
rum, iusques à Iupiter, & de nuit au contraire, &  
se conte des l'ascendant.

De la partie de Mars.

Icelle partie est la partie de hardiesse, & se prẽd  
de iour des Mars iusques au degré de la partie de  
for-

fortune, & de nuit tout à l'opposite & contraire, & se conte des l'ascendant.

*De la partie de Venus.*

Ceste partie de dame est la partie d'amours, & d'acord & se prend de iour, de la partie de fortune iusques à la partie futurorum, & de nuit au contraire, & se conte des l'ascendant.

*De la partie de Mercure.*

Icelle est la partie de pauureté, & de petit engin & se prend de iour des la partie futurorum iusques à la partie de fortune, & de nuit au contraire, & se conte des l'ascendant.

LES PARTIES APARTENANTES à la première maison. Chap. 50

La partie de vie se prend de iour, des Jupiter iusques à Saturne, & de nuit, des Saturne iusques à Jupiter, selon l'ordre des signes, & se conte des l'ascendant.

*De la partie de duration.*

Icelle partie de duration & de stabilité qui est la partie de fiance se prend de iour, depuis la fortune, iusques à la partie futurorum, & de nuit au contraire, & selon l'ordre des signes, & se conte des l'ascendant.

*De la partie de raison.*

Icelle

## PETIT TRAITE

Icelle partie de raison & sens se prend de iour, de Mercure iusques à Mars, & de nuit au contraire, c'est à sçauoir des Mars iusques à Mercure selon l'ordre des signes, & se conte des l'ascendant.

### LES PARTIES APARTENANTES à la seconde maison.

#### *De la partie de substance.*

Icelle partie de substance se prend de iour, & de nuit, du seigneur de la deuxiesme maison iusques au degré de la deuxiesme maison, & se conte des l'ascendant comme les autres.

#### *De la partie se as contrarieté.*

Ceste partie de cōtrarieté, c'est à sçauoir de gaing par rentes & vsures se prend de iour, & de nuit des Saturne iusques à Mercure selon l'ordre des signes, & se conte des l'ascendant comme les autres.

#### *De la partie de collection.*

Ceste partie de collection qui est d'assemblée se prend de iour des Mercure, ou du degré d'iceluy Mercure iusques à Venus, & de nuit au contraire, selon l'ordre des signes, & se conte des l'ascendant, & ainsi fault il faire des autres à sçauoir du degré qu'ilz ont au signe auquel ilz sont.

### LES PARTIES APARTENANTES à la troisieme maison, & premier de la partie des freres.

Icelle partie des freres se prend de iour & de nuit, des Saturne iusques à Iupiter, selon l'ordre des signes

gnes, & se prend, ou se doit compter des l'ascendant, & aussi tous les autres.

*De la partie du nombre des freres.*

Icelle partie se prend de iour, & de nuit, des Mercure iusques à Saturne, & se doit cõpter comme les autres, des l'ascendant.

*De la partie de l'amour des freres.*

La partie de l'amour d'iceulx freres & sœurs, se prend de iour, des le Soleil, iusques au degré du milieu du ciel, & de nuit au contraire, & se compte des l'ascendant.

## LES PARTIES APARTE-

*nantes à la quatriesme maison, & premier.*

*De la partie du pere.*

Ceste partie du pere se prend de iour du Soleil iusques à Saturne, & de nuit au contraire selon l'ordre des signes, & se doit compter des l'ascendant comme les autres.

*De la partie de mort des peres.*

Icelle partie se prend de iour, des Saturne iusques à Iupiter, & de nuit au contraire selon l'ordre des signes, & se compte des l'ascendant comme dessus.

*De la partie des grands peres.*

Ceste partie se prend de iour du seigneur du lieu du Soleil iusques à Saturne, & de nuit au contraire, & se compte des l'ascendant, cõme les autres.

*De la partie de noblesse.*

R

Ceste

## PETIT TRAITE

Ceste partie de noblesse de lignage se prend de iour, des Saturne iusques à Mars, & de nuit au contraire, & se compte du lieu de Mercure, non de l'ascendant comme les autres. *Celle ne se compte comme les autres de dessus.*

### *De la partie d'heritages.*

Icelle partie se prend de iour & de nuit des Saturne iusques à la Lune selon l'ordre des signes, & se prend & compte des l'ascendant.

### *De la partie de labouraige des terres.*

Ceste partie se prend de iour & de nuit, des Venus iusques à Saturne selon l'ordre des signes, & se doit compter des l'ascendant comme les autres.

### *De la partie des fins des choses.*

Icelle partie se prend de iour & de nuit des Saturne iusques au seigneur de la conionction plus prochainement passée: Si conionction a esté plus pres que l'oposition, ou iusques au seigneur de l'oposition, si l'oposition a esté plus pres que la conionction.

## LES PARTIES DE LA

*cinquiesme maison, & premier.*

### *De la partie des filz.*

Icelle partie des filz se prend de iour des Iupiter à Saturne, & de nuit tout au contraire & opofite, & se doit compter des l'ascendant, comme les autres de dessus.

## DE LA PARTIE A LA-

*quelley aura un filz seulement.*

Icelle

Icelle partie d'un filz se prend de iour, & de nuit des Mars iusques à Iupiter, & se prend à compter des l'ascendant comme les autres.

*De la partie des enfants masles.*

Ceste partie se prend de iour & de nuit, des la Lune iusques à Iupiter, & se cõpte des l'ascendant.

## LES PARTIES DE LA

*cinquiesme maison, & premier.*

*De la partie de maladie.*

Icelle partie de maladie se prend de iour des Saturne iusques à Mars, & de nuit au contraire, & se doit compter des l'ascendant comme les autres.

*De la partie de uarlet.*

Ceste partie se prend de iour, & de nuit des Mercure iusques à la Lune, & se compte des l'ascendant.

*De la partie des prisonniers.*

Icelle partie se prend de iour & de nuit des la maison du seigneur du Soleil iusques au Soleil, & de nuit du seigneur de la maison de la Lune, iusques à la Lune, & se compte des l'ascendant.

## LES PARTIES DE LA SE-

*ptiesme maison, & premier.*

*De la partie de mariage.*

La partie de Mariage des hommes se prend de iour, & de nuit des Saturne iusques à Venus, & se compte des l'ascendant comme les autres.

Rij

De la

## PETIT TRAITE

### *De la partie de fornication.*

Icelle partie de fornication des hommes se prend de iour, & de nuit des le Soleil, iusques à Venus, & se doit aussi compter des l'ascendant.

### *De la partie de mariage des femmes.*

Icelle partie des mariages, se prend de nuit aussi de iour, des Venus iusques à Saturne, & se compte des l'ascendant comme dessus.

### *De la partie de beaulté des femmes & dames.*

Icelle partie de la beaulté des dames, & des femmes se doit prendre de iour & de nuit, des la Lune iusques à Mars, & se doit compter des l'ascendant.

## DE LA PARTIE DE RELIGION & honesteté des femmes.

Icelle partie se prend de iour & de nuit des la Lune iusques à Venus, & se compte des l'ascendant

### *De la partie de Mariage d'hommes.*

Icelle partie de mariage d'homme & de femme, se prend de iour & de nuit, des Venus iusques au degré de la septiesme maison, & se compte des l'ascendant.

### *De la partie de l'œuvre de mariage.*

Icelle se prend de iour & de nuit, des le Soleil iusques à la Lune, & se compte des l'ascendant comme la plus part des autres.

## DE LA PARTIE DE DIFFICULTÉ d'iceluy mariage.

Ceste

Ceste partie de legereté, ou difficulté de mariage se prend de iour & de nuit comme les autres, des le Soleil iusques à la Lune, & se compte des le lieu ou est dame Venus, & non des l'ascendant.

*Cestuy ne se compte des l'ascendant comme les autres.*

*De la partie des Cousins.*

Ceste partie des cousins se prend de iour, & de nuit, des Saturne iusques à la dame Venus, & se doit compter des l'ascendant.

*De la partie de debat.*

Icelle partie de debat se prend de iour, des Mars iusques à Iupiter, & de nuit au contraire, & se compte des l'ascendant.

## LES PARTIES DE LA

*huitiesme maison.*

*De la partie d'occision.*

Ceste partie d'occision, ou de la mort, se prend de iour ou de nuit, du degré de la Lune, iusques au degré de la huitiesme maison, & se compte du degré de Saturne, & non de l'ascendant.

*De la partie de la playe qui tue.*

Icelle partie se prend de iour du degré du seigneur de l'ascendant iusques au degré de la Lune, & de nuit au contraire, & se compte des l'ascendant.

## DE LA PARTIE DE L'AN-

*née q'on doute la mort de l'enfant.*

Icelle partie se prend de iour & de nuit, des Saturne iusques au seigneur de la premiere con-

## PETIT TRAITE

ionction ou oposition qui y à esté deuant la natiuité, & se compte des l'ascendant.

*De la partie de maladie inseparable.*

Ceste partie se prend de iour des Saturne iusques à Mars & de nuit au contraire, & se compte du degré de Mercure, & non de l'ascendant.

*De la partie d'occupation.*

Ceste partie d'occupation & pesanteur se prend de iour des Saturne iusques à Mercure, & de nuit au contraire, & se compte des l'ascendant.

## LES PARTIES DE LA MAISON

*neufiesme, & premier.*

*De la partie de pelerinage.*

Ladite partie de pelerinage se prend de iour, & de nuit du seigneur de la neufiesme maison iusques au degré de la neufiesme maison, & se compte des l'ascendant.

*De la partie de uoyage par eue.*

Icelle se prend de iour de Saturne iusques au degré de Cancer, qui est le quinziésme, & de nuit des les quinze degrez de Cancer, iusques à Saturne & se compte des l'ascendant.

*De la partie de religion.*

Icelle partie se prend de iour des la Lune iusques à Mercure, & de nuit au contraire, & se doit compter des l'ascendant.

*De la partie de profondeur d'entendement.*

Ceste

Ceste partie se prend de iour des Saturne iusques à Iupiter, & de nuit tout au contraire, & se compte des Mercure.

*De la partie des rithmeurs des hystoires.*

Elle se prend de iour du Soleil, iusques à Iupiter, & de nuit du contraire, & se doit compter des l'ascendant.

*De la partie des rithmeurs.*

Celle partie des rithmeurs, si sont vrayes se prend de iour & de nuit, des Mercure iusques à la Lune & la dois compter des l'ascendant.

## LES PARTIES DE LA DIXIESME maison, & premier.

*De la partie de noblesse de l'enfant.*

Ceste partie de noblesse se prend du iour du Soleil iusques à dixneuf degrez d'Aries, & de nuit des la Lune iusques au troisieme degre de Taurus, & se doit compter des l'ascendant.

*De la partie du Royaume.*

Icelle partie de Royaume se prend de iour des Mars iusques à la Lune, & de nuit au contraire, & se compte des l'ascendant comme les autres.

*De la partie des dispositeurs dudit.*

Ceste partie des dispositeurs dudit royaume, se prend du iour de Mercure iusques à Mars, & de nuit au contraire, & si se compte des l'ascendant.

*De la partie d'ayde, & de victoire.*

Ceste partie d'ayde & de victoire se prend du

R. iij iour

PETIT TRAITE

iour du Soleil iusques à Saturne, & de nuit au contraire, & se doit compter des l'ascendant.

DE LA PARTIE DE CEUX  
*qu'ont exaucez de non pourueux.*

Icelle se prend comme la partie de Saturne, de iour de Saturne iusques au degré de la partie de fortune, & de nuit au contraire, & se compte des l'ascendant comme les dessusdites.

*De la partie des nobles.*

Ceste se prend de iour & de nuit, des Mercure iusques au Soleil & se compte des l'ascendant.

*De la partie des Cheualiers.*

Icelle se prend de iour, des Mars iusques à Saturne, & de nuit au contraire, & se doit compter des l'ascendant comme les dessusdites.

DE LA PARTIE DE ROY-  
*aulme, & quel ouurage fera l'enfant.*

Ceste partie se prend de iour & de nuit de Saturne iusques à la Lune, & se compte des l'ascendant.

*De la partie de ceulx qui besongnent de la main.*

Icelle se prend de iour de Mercure iusques à Venus, & de nuit au contraire, & se compte des l'ascendant.

*De la partie d'acheter & uendre.*

Icelle partie se prend des la partie futurorum, iusques à la partie de fortune de iour, & de nuit au contraire, & se compte des l'ascendant.

*De la partie des œuvres nécessaires.*

Icelle partie d'œuvre & choses nécessaires, se prend de iour, des le Soleil iusques à Iupiter, & de nuict au contraire, & se compte des l'ascendant.

*De la partie des merces.*

Icelle partie se prend de iour de Venus iusques à la Lune, & de nuict au contraire, & se compte des l'ascendant.

## LES PARTIES DE LA VNI-

zième maison, & premier, de la partie d'excellence, & noblesse.

Icelle partie d'excellence & noblesse se prend de iour, des la partie de Saturne, iusques à la partie futurorum, qui est la partie du Soleil, & de nuict au contraire & oposite, & se doit cōpter des l'ascendât.

*La partie d'estre aymé entre hommes.*

Icelle partie se prend de iour, des la partie de fortune iusques à la partie futurorum, & de nuict au contraire, & se compte des l'ascendant.

*La partie de l'honneur de l'enfant.*

Icelle partie se prend de iour, des la partie de fortune iusques au Soleil, & de nuict au contraire, & se doit compter des l'ascendant.

*La partie de prospérité.*

La partie de prospérité & profit se prend de iour de la partie de fortune, iusques à iupiter, & de nuict au contraire, & se compte des l'ascendant.

## PETIT TRAITE

### *De la partie de concupiscence.*

Icelle partie de concupiscence, ou amour du siecle ou monde, se prend de iour, de la partie de fortune iusques à la partie futurorum, & de nuict au contraire, & se compte des l'ascendant.

### *De la partie d'esperance.*

Ceste partie d'esperance, ou fiance, se prend de iour des Saturne iusques à Venus, & de nuict au contraire, & se doit compter des l'ascendant.

### *De la partie des amys.*

Icelle partie des amys se prend de iour & de nuict de la Lune iusques à Mercure, & se compte des l'ascendant.

### *De la partie d'acord, ou discord.*

Ceste partie se préd de iour & de nuict des la partie futurorum, iusques à Mercure, & se compte des l'ascendant.

### *De la partie de preudhomie.*

La partie de preudhomie & bonté se prend de iour des Mercure iusques au Soleil, & de nuict au contraire, & se compte des l'ascendant.

### *De la partie de fertilité.*

Ceste partie de fertilité & habondance de biens en la maison se prend de iour & de nuict, des la Lune iusques à Mercure, & se compte des l'ascendant.

### *De la partie de louange.*

Icelle partie de louange & gracieuseté, se préd de iour, des Iupiter iusques à Venus, & de nuict au contraire, & se doit compter des l'ascendant.

## LES PARTIES DE LA DOV

*ziésme maison, & premier de la partie des  
ennemys.*

La partie d'ennemys se prend de iour & de nuit  
des saturne iusques à Mars, & se compte des l'ascen-  
dant.

*De la partie de labeur.*

La partie de labeur, trauail, & affliction, se prend  
de iour, & de nuit des la partie de futurorum, ius-  
ques à la partie de fortune, & se doit compter des  
l'ascendant.

POVR SCAVOIR LESQUELX IOURS  
de l'an sont esgaulx. Chapitre. 51



Il est à sçauoir que les iours qui sont egal-  
lement distants deuant le troisiésme iour  
de Iuing, & par iceluy mesme iour sont  
apellez esgaulx, comme par exemple. Il est  
certain qu'au treiziésme iour de Iuing le Soleil est  
au plus hault du Zodiac, car il est au premier degré  
de Cancer, & pource le vingthuitiésme iour de  
Iuing, & le vingtneufiésme iour de May, sont es-  
gaulx en grandeur, car ilz sont esgallement distants  
du degré auquel estoit le Soleil le treziésme iour  
de iuing. Et par ainsi tous les autres iours qui sont  
esgallement distant du degré, auquel est le soleil à  
l'heure qu'il entre en Cancer sont esgaulx l'un de-  
uât & l'autre apres sont esgaulx. Ceste diuersité des  
Lunes est toute claire au septiésme chap. des natiui-  
tez d'Haly, fors tant seulement qu'il fault auoir la  
table

# PETIT TRAITE

table de declination pour trouuer la declination des degrez esquelz sont les planettes que l'on veult adresser par l'atazir, l'un enuers l'autre, comme par exemple. Iupiter est au quatorziesme degre de Cancer, ie veux sçauoir la declination de cestuy quatorziesme degre de Cancer, l'on doit entrer en la table de declination en la premiere ligne rouge, & prendre les degrez & minutes, & secondes qui sont à l'endroit de. 14. en l'espace auquel Cancer est escript dessus, & on y trouue vingtedeux degrez, & 35. minutes & trente huit secondes qui sont la declination au quatorziesme degre de Cancer. Item est à sçauoir que si le degre duquel l'on veult sçauoir la declination est d'Aries, ou Virgo, ou Taurus, ou Leo, ou Gemini, ou Cancer, on doit entrer par son degre en la premiere ligne rouge, & si le degre est d'aucuns des signes escriptz dessouz, c'est à sçauoir de Libra, Pisces, Scorpius, Aquarius, Sagittarius, ou Capricornus, l'on doit entrer en la table de declinaison avec son degre en la seconde ligne rouge, ou que vingtneuf est escript ou plus hault le remenant pour trouuer la diuersité des signes par l'atazir. Haly declare bien expressement au chapitre des natiuitez,

POVR SCAVOIR QVAND VNE  
planette croist de luminaire & de mouuement, &  
quand il monte uers son angis, aussi quand il est tardif  
de mouuement. Chapitre. 52



On peult sçauoir ce par les tables des centres & des arguments des planettes que ie vous enuoye pour ceste année, & la maniere d'entrer en ces tables est semblable à

la maniere de l'almanach, car on y entre par le iour du moys. Doncques est à sçauoir quand le centre d'aucune planette trouuée par les tables, dit est depuis neuf signes iusques à douze signes acōplis, & apres encores iusques à trois signes acomplys, adōc la planette est moindre en luminaire & en grandeur, & est adonc de tardif mouuement, mais quand le centre d'aucune planette est depuis trois signes, iusques a neuf signes acomplys, adonc la planette est apellée creue en nombre & en lumiere, & en mouuement. Et quand le centre d'aucune planette est iustement trois signes, ou iustement neuf signes adoncques il est apellé esgaulx en nombre, en lumiere, & en mouuement. Item quand l'argument d'aucunes planette est moindre que six signes, il est apellé creu de nombre, & quand l'argument est plus que six signes, la planette descend son eccentrique. Et quand l'argument d'aucune planette est moindre que six signes, la planette descend son epicycle. Item quand le centre d'aucune planette est plus que six signes, la planette monte en eccentrique. Et quand l'argument d'aucune planette est plus que six, la planette monte en son epicycle, & quād la planette monte, c'est à entendre vers son angis.

## DE LA DISCORDANCE,

*Et discordance des planettes. Chapitre. 53.*

**I**upiter ayme toutes planettes, & toutes planettes aussi aymēt Iupiter, fort tāt seulēmēt Mars. Item Venus ayme toutes planettes, & toutes planettes aiment Venus, reserué Saturne. Itē les amys de Saturne sont Iupiter,

ter le Soleil & la Lune, & ses ennemys sont Mars & Venus. Item l'amy de Mars est Venus, & Iupiter & le Soleil hayent Mars. Item les amys du Soleil sont Iupiter & Venus, & ses ennemys sont Mercure & la Lune. Item les amys de Mercure sont Iupiter & Venus & Saturne, & ses ennemys sont le Soleil, & la Lune, & Mars. Item les amys de la Lune, sont iupiter, Venus, & Saturne, & ses ennemys sont Mercure, & Mars. Ité les amys de *Caput draconis*, sont iupiter, & Venus, & ses ennemys sont Saturne, & Mars. Item les amys de *Cauda draconis*, sont Saturne, & Mars, & ses ennemys, sont le Soleil, la Lune, iupiter, & Venus.

POVR SCAVOIR LE MOYEN MOUVEMENT de la Lune enuers son vray mouuement.

Chapitre.

54

**E**st à sçauoir que le moyen mouuement de la Lune pour vn iour & treize degrez, & dix minuttes, & pource quand elle va plus que treize degrez & dix minuttes son vray mouuement passera son moyen mouuement, & si elle va moins que treize degrez, son moyen mouuement passera son vray mouuement, & le peult on sçauoir par l'almanach.

DE DIVISION ET DIVISEUR

Chapitre.

55

A diuision & diuiseur l'on ne peult sçauoir sans les tables d'ascensions. Item pour sçauoir la diuision & diuiseur, il fault regarder au terme de qu'elle planette le degré de l'ascendant eschet.

eschet, comme par exemple. Le douziesme degré de Libra est ascendant, & Mercurius est seigneur d'iceluy terme, & pource Mercurius est apellé le diuiseur, & apres il fault entrer es tables des ascensions des signes au ciel, droit avec le douziesme degré de Libra, & prendre le nombre des degrez & minuttes: & apres ce l'on doit entrer en icelle table avec le degré de la fin du terme de Mercure, c'est à sçauoir avec le quatorziesme degré de Libra, car c'est le dernier degré du terme auquel le degré ascendant chet, & doit on prendre le nombre des degrez & minuttes qui sont à l'endroit & apres l'on doit sustraire le moindre du plus grand & la difference qui reste, est le terme que Mercure sera diuiseur.

## POVR SCAVOIR L'ASCENDANT

*d'aucunes citez, villes, ou chasteaux. Chap. 56*



Le est à sçauoir qu'en l'Astrologie l'on trouue trois ou quatre manieres pour sçauoir l'ascendant d'aucunes citez, ou villes ou chasteaulx. La premiere si est que le degré du Zodiaque, qui est en l'orizon Oriental, quand l'on met la premiere piece de la fondation de la ville, cité, ou chastel. Et toutes les fois que l'ascendant & son seigneur sont en la reuolution de l'an, de la cité, ville, ou chastel, en bon lieu fort & fortuné sans empeschement, signifie bien amendement & prosperité, & si c'est le contraire, dys en aussi bien le contraire. En ceste maniere l'on ne peult pas tousiours sçauoir quand la premiere pierre fut mise pour la fondation d'une ville, ou cité, & pource en autre maniere on enquiert l'ascendant, & est vne maniere  
par

par les natures des planettes, car si les gents d'aucune cité villes ou chastel tirent à la condition de la nature de Saturne, iuger pourras qu'en la fondation de leur ville ou cité, ou chastel vne des maisons de Saturne monte, & par ainsi des autres planettes, car si les gents d'icelle ville, cité ou chastel sont de la nature qui appartient à Iupiter, c'est à sçauoir beaucoup de iuges & auocatx & gents d'eglise, escriuains, on peult iuger aussi qu'une des maisons demourra en la premiere fondation de la cité, ville, ou chastel, mais pour sçauoir laquelle des maisons, car chacune des planettes à deux maisons, fors que le Soleil & la Lune, est à sçauoir que celle des maisons monta avecques elles les conditions des gents habitants sont plus semblables à la nature, comme par exemple. Si les conditions des gents sont plus semblables à la nature de Capricorne, qu'il ne sont à la nature d'Aquaire, ie iugerois par ce que Capricorne monta, car ses deux maisons sont à Saturne. Item autre maniere & inuention pour trouuer l'ascendant & son seigneur d'aucune ville cité, ou chastel, est par vne des grandes conionctions, car quand vne des grâdes conionctions à signifie aucune chose à vn endroit de terre auenir, & on trouue aucune cité ville, ou chastel comprins en icelle espace de terre, semée d'un rel accident, ou que celle chose est signifiée à l'auenir, c'est signifiace, & telle chose que la planete à signifié est le seigneur de la ville, cité ou chastel, & par consequent vne des maisons de ce mesme planete estoit en l'ascendant en la fondation de celle cité, ville ou chastel, & puis apres peult on sçauoir laquelle des deux maisons de celle planete, estoit en l'ascendant, si la planete a deux maisons par la maniere

maniere deuant dite, exemple . Posons que la con-  
iunction de saturne & de Iupiter , signifie mortali-  
té auenir sur les comtes de Bourgongne en vne an-  
née, si en celle année mortalité vient en aucune des  
villes dudit Comte de Bourgongne, & qu'elle lais-  
se aucune des villes dudit Comte franche, ie puis  
dire & cōclure que saturne qui a signifié ceste mor-  
talité, corrompant Iupiter par sa corporelle con-  
iunction, soit seigneur de la ville en laquelle mor-  
talité ne regne pas, que tel regne es autres villes du-  
dit comté à tour, & par consequent vne de ses mai-  
sons estoit ascendant en la fondation de la ville, la  
cause si est, car Saturne iagoit ce qu'il soit de sa na-  
ture propre mauuais, & par especial en la conion-  
ction dite, tellement qu'il tue tout par mortalité,  
toutesfoys il ayme ses enfans & les choses desquelz  
il en est seigneur, comme le Lyon qui mort toutes  
autres bestes, mais ses petitZ, & enfans les garde, &  
sauue tant comme possible luy est . Ainsi disent les  
Astrologiens que les mauuaises planettes gardent  
les leurs, & tuent les autres . Item iagoit ce que Sa-  
turne soit seigneur d'aucune cité, & qu'il garde cel-  
le cité de mortalité, toutesfoys cecy est à entendre.  
Quand Saturne en la reuolution de l'année du mô-  
de est moult fort & en bon lieu, & estre, car adonc-  
ques il a puissance de garder les siens, mais qu'en la  
reuolution de l'année du monde, il est foible & en  
mauuais lieu, & n'a point de puissance de garder les  
siens, presuposez que Saturne soit en la cōiunction  
de Iupiter, ce signifie en celle année mortalité, &  
pource aucunesfois mortalité en vient es villes non  
obstant que Saturne soit leur seigneur pour la cau-  
se deuant dite, & pareillement peult on entendre

S

des au.

des autres accidents, comme sont guerres, famines, & autres telles choses semblables soient, bonnes ou mauuaises. Item les sages disent que l'on peult bien cognoistre le seigneur d'aucune ville, cité, ou chasteau, par le iour du marché, car si le marché se tient en icelle ville le Samedy, ce doit signifier que Saturne est le seigneur de la ville, & le vendredy c'est Venus, & le iedy c'est Iupiter, & le mercredy c'est Mercure, & le mardy c'est Mars, & le lundy la Lune, & toutesfois ceste reigle n'est pas parfaictement vraye.

POVR TROUVER LE DEGRÉ ASCENDANT D'AUUNE NATIUITÉ. Chap. 57.

**C**onsiderer fault premierement si deuant la natiuité plus prochainement est passée la conionction du Soleil & de la Lune, ou l'oposition du Soleil, & de la Lune, car si la conionction a esté plus prochainement passée deuant la natiuité, la natiuité est apellée conionctionale, & si l'oposition a esté plus prochainement deuant la natiuité, la natiuité en est apellée preuencionale, ou oppositionnale, considere le degré auquel la conionction du Soleil & de la Lune a esté faite, & regarde aussi qui est l'alimité sur celuy degré, & apres regarde en quel degré l'alimité est pour l'heure de la natiuité selon estimation. Apres prenez vn ascendant de la natiuité, & par auis de païs, tellement que toutesfois tu soyes bien certain du signe montant en la natiuité, car qui faudroit du signe montant par ceste reigle, auoir ne pour-

pourroit le degré qui monte du signe ascendant, ne aussi par conséquent auoir il ne pourroit l'heure certaine. Apres regarde si le lieu dudit alimité, est plus pres du degré du my. ciel, ou du degré ascendant, car s'il est plus prochain au degré du my ciel, tu mettras le trentiesme degré en l'angle du my ciel. Le quarantiesme aussi est degré de l'alimité de son signe, & si l'alimité est plus prochain au degré ascendant, & pres par estimation, fais pareillement le degré ascendant de la trentiesme du signe ascendant. Aussi le quarantiesme est le degré de l'alimité, de son seigneur: Exēple. Supposez qu'en vne natiuité Libra monta, mais on ne sçet lequel degré dudit Libra monta, supposez apres quand la natiuité estoit conionctionnelle: C'est à sçauoir que deuant la natiuité plus prochainement estoit la conionction du Soleil, & de la Lune, & aussi que la conionction dite estoit, ou se faisoit au sixiesme degré d'Aquarius: Et supposez que Saturnus en l'heure de la natiuité, estoit au vingtiesme degré de Virgo, en ce cas icy Saturnus est plus pres de l'ascendant, estime qu'il n'est au degré du my ciel. Et pource aussi que Saturne est au trentiesme degré d'Aquarius, on doit mettre vn trentiesme degré du signe ascendant qui est Libra, en l'ascendant, c'est à sçauoir qu'on doit mettre le vingtiesme degré de Libra en ladite natiuité. Item si la natiuité est oppositionnelle, on doit tourner le degré ascendant par le degré de l'opposition du Soleil, & de la Lune, faite deuant la natiuité, vne question l'on pourra bien faire qui est de degré de l'opposition, car en l'opositiō du Soleil, & de la Lune, l'vn des luminaires est de l'vn des costez du ciel, & l'autre

tre de l'autre costé. Disent les Astrologiens en ceste question que le degré de l'oposition est apellé celuy degré, auquel est le luminaire qui est sur terre, soit le Soleil ou la Lune. Autre question qui est le degré de l'oposition, quel l'un des luminaires est iustement en Orient, & l'autre iustement en Occident, car en ce cas icy l'un n'y l'autre n'est dessus n'y dessous terre. Dient aucuns des Astrologiens que l'on doit prendre pour le degré de l'oposition celuy degré ou est le luminaire qui est en Orient. Item il y a vne autre maniere pour trouuer l'ascendant, qui est son degré, laquelle maniere met Ptholomeus en disant que le lieu de la Lune en l'heure de la cheute de la semence, est le degré ascendant de l'heure de la natiuité, & le lieu de la Lune en la natiuité, fut le degré ascendant en l'heure de la cheute de la semence, adonc on peult sçauoir la cheute de la semence, c'est à sçauoir de la conception on sçet le degré qui montera à la natiuité de l'enfant.

POVR SCAVOIR L'HEURE,  
*re, & le iour de la conception par le lieu de la Lune  
 estant à la natiuité.* Chapitre. 58

**P**Our entendre cecy & sçauoir trois demeures d'enfant au ventre de leurs meres, à sçauoir la grande demeure, la moyenne demeure, & la moindre demeure, la plus grande demeure est de deux cent octante & huit iours, c'est à sçauoir deux cents quatre vingtz & huit iours, la moyenne demeure est de deux cents

cents septante & trois iours, & la moindre demeurée contient deux cents cinquante huit iours. Si doncques en l'heure de la natiuité on trouue la Lune en l'encommencement de la septiesme maison dessus terre, signifie que l'enfant a esté au ventre de la mere par l'espace de deux cents septante & trois iours, qui est le nombre de la moyenne demeurée, & si la Lune en l'heure de la natiuité est trouuée entre les degrez de la septiesme maison, & l'ascendant en passant par le my ciel, cest à sçauoir dessus terre. On doit regarder quand degrez la Lune est alongnée du degré de la septiesme maison, & pour chacune douzaine de degrez on doit prendre vn iour, & par ainsi chacun degré vault deux heures, & celuy nombre de iours & heures que l'on trouue par les eslongnements de la Lune du degré de la septiesme maison, on doit aiouster au nombre de la moyenne demeurée qui est deux cets septate trois iours, & puis tous ensemble soustraire de l'heure de la natiuité, & vous aurez le iour & l'heure de la conception. Item si en l'heure de la natiuité l'on trouue la Lune au degré ascendant, iustement l'enfant aura esté au ventre de sa mere par l'espace de deux cents cinquante & huit iours, qui est le nombre de la moindre demeurée, & pourtant en ce cas, quand on rabat deux cents cinquante & huit iours de l'heure de la natiuité, ou trouue l'heure de la conception. Item si la Lune en l'heure de la natiuité, est trouuée entre l'ascendant & la fin de la fixiesme maison, on doit considerer en quand degrez la Lune est eslongnée du degré ascendant, & pour chacune douzaine de degrez vn iour, & par ainsi chacun degré vault deux heures & ce nombre de iours & d'heures, on

Sij doit

doit aiouster sus deux cents cinquante & cinq iours qui est la moindre demeuree, & puis tout cela ensemble on doit sustraire des l'heure de la natiuite, & vous trouuerez l'heure & le iour de la conception. Item si en l'heure de la natiuite, la Lune est en la fin de la sixiesme maison, on doit r'abatre de l'heure de la natiuite, deux cens octante & huit iours, en reuenant au calendrier, lequel nombre est le grand de la demeuree des enfans au ventre de leurs meres, & vous trouuerez l'heure & iour de la conception. Item est à sçauoir que ce que dit est de trouuer l'heure de la conception par le lieu de la Lune en la natiuite, s'entend de ceulx qui nasquistent selon le vray cours de nature, c'est à dire qui viennent à leur droitz termes.

POVR FAIRE L'ATAZIR.

Chapitre.

59



A maniere commēt on dresse aucun significateur par l'atazir par l'instrument propre à cela, & fault premierement faire les douze maisons au ciel, & apres il fault considerer le significateur que l'on veult adresser en aucune place du cercle, car si le seigneur significateur est en la ligne de midy, c'est à sçauoir au degré de la dixiesme maison, tu mettras pareillement la Lune du midy mouuable de l'instrument, sur le corps de la planette, qui est significateur, c'est à sçauoir que d'encre on doit faire vn signe en l'instrument ou degré du Zodiack, auquel le significateur est, & considerer pareil-

ment

lement la latitude que le significateur a, & adonques quand la Lune du midy mouuable de l'instrument sera mise sur le lieu auquel le significateur est, quand à son degré, & quand à sa latitude, ou meridionnelle, ou septentrionnelle, faites vne enseigne & marque d'encre, au degré du limbe, auquel ladite Lune de midy touche, & apres nommez la mesme ligne de midy, iusques à tant qu'elle vienne sur les degrez du Zodiac, & sur la place à laquelle vous voulez mener vostre significateur, & pareillement faites vne enseigne d'encre ou d'autre chose, la ou que ladite ligne du midy touche les degrez du limbe, & puis apres comptez les degrez qui sont entre les deux enseignes ou limbe, car se sont les degrez de l'atazir, & chacun degré signifie vn an. Item si le significateur estoit en l'angle de la terre, vous ferez semblablement de la Lune de minuiet, comme vous auez fait de la Lune du midy. Item si le significateur estoit en ligne d'Orient mettez l'Orizon Oriental sur le corps du significateur, & notez les degrez du limbe d'encre, & apres mettez l'Orizon Oriental mesme sur le lieu auquel on veult adresser son significateur, & puis notez pareillement les degrez du limbe, & les degrez qui sont entre les deux signes ou marques d'encre, & sont les degrez de l'atazir. Item si le significateur estoit en la ligne d'Occident, vous ferez pareillement de l'Orizon Occidental, quand vous auez fait de l'Orizon Oriental. Item si le significateur n'estoit en la Lune de midy, n'y en la Lune de minuiet, n'y en la Lune d'Orient, n'y en la Lune d'Occident, mais ailleurs dehors ces cas, & quatres aspectz deuantditz, & regarde s'il est sur terre ou dessous terre, & s'il est dessous

terre vous chercherez la moytié de l'air du iour en ceste maniere: Mettez la ligne du midy, dessouz le significateur, & là ou vous l'aurez signez en son degré & latitude, & noterez les degrez que la Lune du midy trenche au limbe, & apres mettez la ligne d'Orient, ou d'Occident dessus ledit significateur, & notez aussi les degrez que la Lune du midy trenche au limbe, & apres mettez la Lune d'Orient ou d'Occident, dessus ledit significateur, & notez les degrez de la Lune du midy trenchent au limbe. 00. mettez le significateur dessouz la Lune du my ciel, qui est midy, & notez le degré que la Lune de midy touche au limbe, & apres mettez le significateur dessouz la ligne d'Orient & d'Occident, & notez le degré que la Lune de midy touche au limbe. 00. Et le nombre des degrez qui sont entre ces deux enseignes, sont la moytié de l'arc de iour, & les escriuez à part. Item si le significateur estoit dessouz terre, vous chercherez la moytié de l'arc de la mynuict, par ligne de nuict en la mesme & pareille maniere, comme vous auez fait en la moytié de l'arc du iour, par la Lune de midy, & apres cela cherchez la distance du significateur de la Lune de midy, s'il est sur terre ou dessouz terre, cherchez la distance en l'angle de la terre. Or posons qu'il soit sur terre, & vous trouuerez la distance du significateur de l'angle du my ciel en telle maniere, la Lune du midy sur le degré du midy, & noterez ce degré du midy d'encre ou autre, & apres mettez la Lune du midy sur le significateur, & notez le degré du limbe, auquel la Lune de midy touche, & le nombre des degrez qui sont entre la premiere marque ou enseigne, & la seconde sont la distance du significateur de l'angle du my

my ciel, & escriuez icelle mesme distance à part, & si le significateur est dessouz terre, vous sçauiez la distance de l'angle de minuiet par la ligne de minuiet en pareille maniere comme vous auez sçeu la distance de l'angle du my ciel par la Lune de midy. Notez que le cercle droit est broché, ou est en escript la Lune du my ciel, & de minuiet. Item apres querez le significateur ou cercle droit en ceste maniere, regardez le significateur, s'il est en la moytié Orientale, c'est à sçauoir entre la ligne du midy & de minuiet, en passant par Orient, & s'il est entre la ligne de midy & la ligne d'Orient mettez la ligne de la ligne de midy mouuable de l'instrument sur le lieu du significateur, & signez le degré du limbe, auquel la ligne de midy touche, & apres mettez la mesme ligne du midy sur le lieu auquel vous voulez adresser vostre significateur, & notez le degré du limbe auquel ladite ligne de midy touche le limbe & les degrez qui sont entre ces deux enseignes sont appelez les signifi-  
cateurs du cercle droit, & l'escriuez à part. Item si le significateur estoit entre l'ascendant & la ligne de minuiet dessouz terre vous chercherez pareillement le significateur du cercle droit par la ligne de minuiet. Item apres querez le significateur de la region en ceste maniere: Mettez la ligne de l'horizon Oriental, ou Occidental sur le lieu du significateur & notez le degré du limbe que la Lune de midy trenche, & apres mettez la mesme ligne de l'horizon sur le lieu auquel vous voulez adresser le significateur, & notez pareillement les degrez du limbe auquel ladite ligne du midy touche, & les degrez qui sont entre les deux enseignes sont appelez les signifi-  
cateurs de la region. Notez que la ligne de mi-  
dy si

dy, si le seigneur est sur terre faitz la demeurance des degrez du limbe, & si ledit significieur est deffous terre, la ligne de minuiet fait demeurance desditz degrez du limbe. Et apres sustraiz le moindre de ces deux significateurs du plus grand, & ce qu'il reste est apellé different, ou difference, laquelle vous multiplirez par la distance de l'angle trouuée par auant, & le nombre qui en vient le diuiferez par la moytié de l'arc de iour, ou par la moytié de l'arc de nuict, & le nombre qui en vient vous aiousteriez au nombre apellé significateur du cercle droit. Si le seigneur du cercle droit significateur est moindre que n'est le significateur de la region, & si le contraire y estoit, c'est à sçauoir que le significateur de la region soit moindre vous le sustrairez du nombre du cercle droit, & ce qui demeurera sont apellez les degrez de l'adressesment par l'atazir. Item si le significateur lequel vous voulez adresser est en la moytié du cercle qui est depuis l'angle de la terre, iusques en l'angle du my ciel en passant par Occident, vous trouuerez le significateur du cercle droit, & le significateur de la region par la ligne d'Occident & minuiet, & pareillement comme vous auez trouué, le significateur du cercle droit & le significateur de la region par la ligne d'Orient quand le significateur qu'on veut adresser par l'atazir est en l'autre moytié du cercle, c'est à sçauoir la moytié qui est depuis la ligne du midy iusques à l'anglet de minuiet en passant par l'Orient. Item si le significateur qu'on veut adresser est en l'une des quartes de la figure lesquelles cartes de la figure sont depuis le my ciel iusques à l'ascendant & des l'ascendant iusques à la quatriesme maison, & des la

des la quatriesme maison iusques à la septiesme, & des la septiesme iusques au my ciel, l'on le doit adresser en la maniere qui s'ensuyt: C'est à sçauoir des le lieu significateur, à la premiere maison angulaire, & fais d'illec iusques à la premiere maison angulaire lesdites multiplications & diuisions de la en auant en quelque lieu que l'on le veult adresser, il ne fault faire ne multiplications, ne diuisions, non-obstant que le lieu auquel on le veult adresser soit hors des maisons angulaires, & de lla ou l'on veult adresser s'il n'à point de maison angulaire entre deux, & s'il ya maison angulaire entre deux tousiours fault aller par le degré angulaire iusques la ou l'on veult adresser, & tous les nombres fais apres le premier adressement qui ce fait à la plus prochaine maison angulaire selon l'ordre des signes ausquelz fault faire les multiplications & les diuisions dessus dites & spécifiées. Et principalement si le significateur que l'on veult adresser, est aussi hors des degrez de la maison angulaire, & s'il est es degrez de la maison angulaire, il n'y fault n'y multiplier, ny diuiser, & apres cela fait on doit adiouster tous les nombres que l'on trouue apres iusques ou l'on veult adresser son significateur, avec ce qu'il reste du premier nombre fait par les multiplications & diuisions, parquoy cela est en somme le nombre de l'atazir. Item il est à sçauoir que non-obstant qu'un significateur est dedans vne maison angulaire, s'il n'est au propre degré de ladite maison angulaire, parquoy il le fault adresser par certaines multiplications & diuisions comme feroit vn significateur qui seroit hors la maison angulaire iusques

iufques au degré de la premiere maifon angulaire, felon l'ordre des fignes, fi le lieu auquel l'on le veult adrefser eft oultre la maifon angulaire. Item quand la derniere diuifion eft faite, la fomme de l'arc du iour, ce qui reſte du iour ne ſe peult diuiſer, & la portion de l'année, au regard du nombre de l'arc du iour ou de la nuit, comme par exemple lequel nombre de l'arc eſt le nombre qui repreſente vn an, comme par exemple. Si le nombre de l'arc du iour eſt foixante, & le nombre qui reſte ne ſe peult diuiſer ſ'il n'y a vingt, ſignifie la tierce partie de l'année, pource que vingt eſt la tierce partie de foixante, & ainſi fais ſuccéſſiuellement des autres nombres qu'ilz peuuent auenir à l'équipolent. Item eſt à ſçauoir que tous les degrez qui ſont derriere le degré aſcendant, iufques au degré de la ſeptieſme maifon ſont deſſous terre, & ſe doiuent trouuer au cercle droit par la ligne de minuit, & les autres ſont deſſus terre leſquelz ſe doiuent trouuer au cercle droit par la ligne de midy.

POVR TROUVER L'HEURE DE MIDY. Chapitre. 60

Pour trouuer en quelque lieu que ce ſoit la vraye heure de midy, il fault faire & beſongner en la maniere qui ſ'enſuyt: Faites en vn lieu ferme où le Soleil luyra, vn cercle rond avec le compas, puis au mylieu dudit cercle vous fiſcherez & mettrez vne broche droite, laquelle ſoit faite par telle maniere que l'ombre de ladite broſche puiſſe entrer dedans ledit

ledit cercle deuant midy, & s'il entroit à huiet ou à neuf heures tant mieulx vauldroit, & à l'heure que l'ombre de ladite brosche entrera dedans cedit cercle faites vne enseigne à l'endroit de la ou elle entrera, & à l'heure que ledit ymbre de ladite brosche fauldra hors dudit cercle, faites & la marquez par vne autre enseigne, puis percerez la portion dudit cercle entre les deux enseignes en deux parties esgales, & au mylieu desdits deux parties cherchez vne ligne au trauers dudit cercle en passant par le point du mylieu dudit cercle, & toutesfois & quantes fois que l'ombre de ladite verge cherra sur la ligne, c'est l'heure dudit droit midy audit lieu.

## QUAND VNE CHOSE EST

*signifiée à l'auenir pour scauoir en quel país ou ville c'est.*

*Chapitre.*

*61*

Our ce scauoir, il fault prendre la figure des douzes maisons, en laquelle est signi-

**P** fiée aucune chose auenir, soit bonne ou mauuaise. Apres on doit considerer en quel lieu & degré est celuy planette ou significateur qui a signifié celle chose, & puis il fault compter contre la succession des signes, c'est à scauoir en allant des l'ascendant deuers my ciel, & en ce nombre les degrez qui sont entre les degrez ascendants & les degrez du significateur, & en ce nombre des degrez on doit partir en deux parties esgales, l'une des parties on doit oster, & l'autre moytié l'on doit retenir, car toutes villes en tous país qui est eslongnée du vray Orient, selon le nombre des degrez

degrez de la moytié d'icelle fera participant en la chose signifiée, c'est à ſçauoir que l'ascendant ſoit en bon ou mauuais auendra en ſes villes ou citez qui ſont eſlongnées du vray Occident ſelon la moytié dudit nombre, & par la table qui ſ'enſuyt l'on peult facilement ſçauoir l'eſlongnement des villes, & citez par le vray degre du vray orient, Exemple. Supoſons que l'ascendant d'aucune figure ſoit Aries le quatriefme degre, en laquelle figure aucune chose eſt ſignifiée par Saturne qui eſt au dixieſme degre d'Aries qui eſt l'ascendant, iuſques au dixieſme degre de Capricorne, auquel Saturne le ſignificateur dudit accident, eſt ſont de quarante quatre degrez deſquelz on doit prendre ſeulement la moytié qui ſont vingt deux degrez, & toutes villes ou regions qui ſeront eſlongnées par vingt deux degrez du vray Orient ſeront participants en celle chose ſignifiée.

POVR SCAVOIR LA RE-  
uolution des natiuitez. Chapitre. 62.



Remierement en la reuolution des natiuitez on doit noter l'heure certaine & vraye de la natiuité de laquelle on veult ſçauoir la reuolution, ou l'heure d'aucune reuolution d'icelle natiuité: Si la natiuité n'eſt cogneue, apres fault conſiderer quand au paſſé ſont parfaits depuis la natiuité, ou la reuolution iuſques à l'année & iour & heure en laquelle on veult ſçauoir la reuolution, & vn tel nombre d'ans doit on querir en la table en la ligne rouge qui eſt à ſeſtre & à l'endroit d'vn tel nombre on doit noter les heures

heures & les minutes qui y sont. Après l'on doit mettre en l'astralabe les degrez auquel le Soleil estoit en la natiuité ou en la reuolution cogneue à l'endroit de l'heure de la natiuité, ou de la reuolution & apres on doit mettre la reiglette de l'astralabe sur tant d'heures & minutes de la natiuité ou reuolution comme l'on a trouué en la table, & apres on doit tenir la reiglette de l'astralabe ferme & tourner dessus l'araigne iusques à tât que les degrez ausquelz le Soleil estoit en la natiuité ou en la reuolution soit deffouz la reiglette de l'astralabe, & adoncle degré qui est au premier Almicantarat en Orient est le degré ascendant pour la reuolution demandée sur lesquelz degrez on fait les douzes maisons: Et notez que les maisons soient faites par vne table & degré de la region ou l'on voudra faire reuolution ou natiuitez, & qui voudroit faire plusieurs reuolutions de l'année du monde, il les faudroit faire par les tables qui seruēt aux pais que l'on voudra sçauoir la reuolution. Item est à sçauoir que si l'on ne trouue en la table le nombre des ans qui sont passez depuis la natiuité, ou depuis vne des reuolutions passée iusques à l'année en laquelle on veult sçauoir la reuolution, comme par exemple. Je suppose qu'une natiuité à esté, l'an mil trois cent nonante six, le dernier iour de Iuillet à dix heures deuant midy, ie veulx sçauoir la reuolution pour l'année mil quatre cents trente vn. Il est tout certain que depuis la natiuité, iusques à l'année présente 1931 font 34 ans accomplis. L'entre en la table, mais pource qu'en la table n'y a que 34 ie prends vn nombre moindre, le plus prochain que ie pourray trouuer en la table & ce sont 20. Apres

ie

ie prens les heures & les minuttes ceux qui sont à l'endroit de vingt ans, & les escry à part pour acomplir le nombre de trente quatre ans, il fault encores quatorze ans, l'entre à l'endroit de quatorze ans en la mesme table, & prens les heures & minuttes secondes & tierces qui y sont, & les escry de costé les heures & minuttes ce que i'ay trouué à l'endroit de vingt ans, & apres adioust les deux sommes ensemble qui montent à vingtneuf heures cinquante quatre minuttes, cinquantequatre secondes, quarantecinq tierces, desquelles vingtneuf heures i'oste vingtquatre, & en reste cinq seulement & cinquantequatre secondes & quarantecinq tierces, par lequel nombre ie trouueray l'ascendant de la reuolution de la natiuite de ceste année, en telle maniere ie metz les degrez, ausquelz le Soleil estoit en la dite natiuite ou reuolution qui estoit le quinzieme degré de Leo à l'endroit de l'heure de la natiuite, en l'Astralabe dessouz la reiglette, c'est à sçauoir à l'endroit de dix heures deuant midy, apres ie compte depuis dix heures en l'Astralabe tant d'heures & minuttes comme i'ay trouué par la table, & il apert que le nombre terminé à quatre heures six minuttes moins apres midy. Apres ie metz la reiglette sur quatre heures six minuttes moins & le tiens ferme & tourne lareine iusques à tant que le degré auquel le Soleil estoit en la natiuite, c'est à sçauoir le quinzieme de Leo chet dessouz la reiglette instement, & cela fait ie trouue que les vingt degrez de Sagittaire est l'ascendant de ceste dite année presente, & pareillement de l'année du monde, ou autres années suyuanes, suposé qu'une reuolution passée soit cogneue, neantmoins telle se fait & se doit faire

le Soleil entrant au premier point au degré qui est tout vn d'Aries. Item les. 5. illec sont le degré ascendant, le degré du Soleil, & le degré de la Lune, & le degré auquel la partie de fortune cher, & le degré de la conionction du Soleil & de la Lune laquelle est plus prochainement passée au degré de l'oposition du Soleil & de la Lune plus prochainement passée. *Notez que luminaire s'entend seulement du Soleil & de la Lune, non d'autre.* Item est à sçauoir que le degré de l'oposition que l'on doit prendre est celuy ou le luminaire est qui est dessus terre, soit le Soleil ou la Lune, & si l'oposition se fait tellement que l'un des luminaires soit en Orient & l'autre en Occident: Adoncques le degré de l'oposition que l'on doit prendre, est celuy degré auquel le luminaire d'Orient est, soit du Soleil ou de la Lune.

### SENSVYVENT AUCVNES

*parties desquelles l'on use en plusieurs lieux des natiuites.*

*De la partie des illecz.*

Este partie des illecz se prend de iour & de nuit, du degré de la cōionction qui est plus prochaine deuant la natiuité iusques à la Lune, ou du degré de l'oposition, si elle y a esté plus prochaine deuant la natiuité, iusques à la Lune & au degré de la plus prochaine, ou de l'une, ou de l'autre l'on doit projeter la susdite partie, dont vient que les natiuitez sont dites conionctionnelles ou opositionnelles, & se doit compter la susdite partie des l'ascendant.

T

*De la*

## PETIT TRAITE

### *De la partie des Corps maigres.*

Icelle partie se prend de iour, de la partie de Fortune iusques à Mars, & de nuit tout au contraire, & se prend à compter des l'ascendant, comme la susdite.

### *De la partie de Cheualerie.*

Ceste partie de Cheualerie & hardiesse se prend de iour, des Saturne iusques à la Lune, & de nuit au contraire, & se doit compter des l'ascendant.

### *De la partie de Guerre.*

Ceste partie se prend de iour du seigneur de l'ascendant iusques à la Lune, & de nuit au contraire, & se compte des l'ascendant.

### *De la partie d'Engin.*

Ceste partie d'engin & subtilité d'esprit se prend de iour de Mercure, ou de Mercure, iusques à la partie futurorum, & de nuit au contraire, & se compte des l'ascendant.

### *De la partie de perfection.*

La partie de Perfection d'aucune chose ou d'imperfection se prend de iour, & de nuit, de Saturne iusques à Mars, & se doit compter des Mercure, nō de l'ascendant.

### *De la partie des pensées*

Ceste partie se prend de iour, & de nuit de la partie de dilection iusques à Mercure, & se doit compter

pter des l'ascendant, & selon les Egiptiens de iour, & de nuict des Mars iusques à la partie des freres, & se doit compter des l'ascendant, & la doit on prendre & proiecter par ces deux manieres.

*De la partie de Retribution.*

Icelle partie de retribution se prend de iour des Mars iusques au Soleil, & de nuict au contraire, & se doit compter des l'ascendant, comme la plus part des autres.

*De la partie de Bonne œuvre.*

Ceste partie de Bonne œuvre & de Verité se prend de iour, des Mercure iusques à Mars, & de nuict au contraire, & se doit compter des l'ascendant.

*Des parties de Prosperité.*

Icelle partie de Prosperité & de bonne victoire se prend en ceste maniere, on compte les degrez qui sont des les degrez du Soleil, iusques au degre ou Mars est, soit de iour ou de nuict selon l'ordonnance des signes, & vn tel nombre on doit commencer à compter du degre ascendant, ou le nombre termine, illec est la partie de Prosperité & de victoire.

**S'EN SVYVENT AUCUNS**

*bons notables & bien necessaires à scauoir.*

Caches qu'aucuns signes sont apellez de longue montée en longitudinaulx qui mōtent ou font plus de trente degrez de l'Equinoctial, & sont iceulx, Capricorne, Cácer, & les autres

Tij signes

signes, sont apellez de court montée qui montent, & sont moins de trente degrez du susdit Equinoctial, & sont, Aries, Virgo, Scorpius, Pisces. Item les autres sont esgaulx en ascensions, & sont ceulx qui môtent avec trente degrez dudit Equinoctial, & sont, Aquarius, Sagittarius, Leo, & Gemini: & ce facilement se peult veoir par les tables lesquelles sont de court ou longues montées en telle maniere, car l'on doit mettre le commencement du signe sur la ligne du midy, & le marquer d'un point d'encre au limbe de l'astralabe, & puis l'on doit tourner l'areine de l'astralabe iusques à tant que la fin du mesme signe chée sur la ligne de midy, & adonques doit on faire vne enseigne & marque d'encre au limbe à l'endroit du commencement du signe, & apres compter les degrez du limbe, qui sont entre les deux enseignes, car c'est le nombre des degrez de l'Equinoctial qui monte dessouz l'Equinoctial avec un tel signe, & si ce nombre passe trente, le signe est de longue montée, & s'il est iustement trente, il est d'esgale montée, & s'il est moins que trente il est de courte montée.

Item est à sçauoir qu'un degré du limbe de l'astralabe pour cognoistre en heures vault quatre minutes.

Item est à sçauoir que quand le Soleil entre au premier point d'Aries sur lequel point la reuolution de l'année du monde se fonde. Si l'ascendant de l'heure de l'entrée en Aries est d'un signe mouuable, il fault faire quatre figures pour sçauoir la disposition de l'année. La première figure se fait sur l'entrée du Soleil au premier point d'Aries, & le iugement de ceste figure dure iusques à ce que le Soleil entre au pre-

premier point de Cancer, & sur ceste heure on fait la seconde figure, & son iugement dure iusques à ce que le Soleil entre au premier point de Libra, & sur l'entrée du Soleil, au premier point de Libra on fait la tierce figure, laquellea son propre iugement qui dure iusques à ce que le Soleil entre au premier point de Capricorne, & adoncqes sur l'entrée du Soleil de Capricorne, on fait la quatriesme figure & iugement qui dure iusques à tant que le Soleil s'entre arriere au premier point d'Aries.

Item quand Soleil entre au premier point d'Aries, & le signe ascendant est signe ferme, le iugement d'icelle figure, dure par toute l'année sans changer figure.

Item si le signe ascendant à l'heure de l'entrée du Soleil en Aries est signe commun il faut faire deux figures, l'une à l'entrée du premier point d'Aries, & l'autre à l'entrée du Soleil au premier point de Libra.

## POVR BIEN ORDONNER

*les douzes maisons du ciel, & en icelles dresser les*

*figures artificiellement.*

Chapitre. 63

Rends la hauteur du Soleil par la riele au dos de l'astralabe, puis metz le degré du Soleil autant d'Almicantarath que le Soleil a de hault, puis regarde quel degré du Soleil ou du Zodiac, & que le signe est endroit Orient, car c'est le signe & degré ascendant, & le commencement de la premiere maison, & le degré qui est endroit la ligne de minuict est le commencement de la maison quatriesme, & le de-

T iij gré

gré qui est endroict l'Orizon & Occident est le commencement de la septiesme maison, & le degré qui est endroict la ligne de midy est le commencement de la dixiesme maison.

Et pour sçauoir les aultres maisons, metz le degré ascédant sur la ligne de la huictiesme heure des heures inegales, & le degré qui adōques est endroict de la ligne de minuiet est le commencement de la deuxiesme maison. & le degré qui est endroict la ligne de midy est le commencement de la huictiesme maison.

Puis metz le degré ascédant sur la ligne de la dixiesme heure des heures inegales, & le degré qui est endroict la ligne de midy est le commencement de la neufiesme maison. En apres metz le degré de la septiesme sur la ligne de la deuxiesme heure inegale, & le degré qui est endroict la ligne de minuiet est le commencement de la cinquiesme maison, & le degré qui est à l'endroit de la ligne de midy est le commencement de l'vnziesme maison. Puy metez le degré de la septiesme maison sur la ligne de la quatriesme heure inegale, & le degré qui est à l'endroit de la ligne de minuiet est le commencement de la sixiesme maison, & le degré qui est endroict la ligne de midy est le commencement de la douziesme maison.

# SI TV VEVLX SCAVOIR

*l'ascendant & les douze maisons du Ciel  
par nuit.*

Prendz la haultesse d'aucune estoille mussée, ou figurée en la Reth de l'astralabe, puis metz celle estoille

stoille sur autant d'almicantarath qu'elle a de hault, puis regarde quel degré du Zodiach est de la part d'Orient, & c'est le signe & degré ascendant qui est la premiere maison, & le degré de la quatriesme maison ledit degré estant endroict & dessus la ligne de minuit, & le degré qui est endroit de la part d'Occident est le degré de la septiesme maison, & les aultres maisons trouueras comme dit est.

### POVR AVOIR LESDICTES

*maisons par autre maniere.*

Quant vous aurez voz quatre angles, à sçauoir la premiere, quatriesme, septiesme, & dixiesme maison, diuisez le demy arc du iour qui est depuis l'ascendant iusques à midy en troys parties esgales, & mettez la reiglette sur la fin de la premiere partie, & vous aurez en Zodiach le commencement de la douziesme maison, & le nardier ou partie oposite du degré de ceste vous demonstrera la sixiesme maison, & si vous mettez la reiglette sur la fin de la deuxiesme partie vous en aurez le commencement de l'vnziesme maison, & le nardier de ceste vous monstrera la cinqiesme maison. Semblablement diuisez le demy arc de la nuit en troys parties, & vous aurez la fin de la premiere partie la seconde maison & son nardier pour partie opposite, à sçauoir le degré au degré de ceste seconde, t'enenseignera la huitiesme maison, & en mettant le reiglet sur la fin de la seconde partie aurez le commencement de la troysiesme maison, & son nardier t'enenseignera

la neuuiesme maison, & par ainsi apert que par chacune de ses maisons sont contenues deux heures inegales de l'ascendant.

### AVTRE MANIERE POUR

trouuer & eriger les douze maisons artificielles du ciel.

Es anciens Astrologiens ont diuise le ciel en douze parties suyuant les douze signes lesquelles sont apellées maisons, dont en ya perpetuellement six dessus l'horizon, & autre six dessouz les proprietiez d'iceles les seront declarées au vingthuitiesme & dernier chapitre, icelles maisons se peuuent faire en diuerses sortes, mais nous ensuyurons celle du docte Ioannes de monte regio, comme la plus commune. Si tu veulx doncques sçauoir domifier par ton astralabe à toutes heures qui est pour sçauoir trouuer, en quelles de ces douze parties, sont les douzes signes celestes, sçaches premieremēt l'heure esgalle & minutte tant de iour que de nuict, & metz la droite ligne de la reigle ou reiglet, & ton astralabe sur semblable heure & minutte, & sans remuer icelle, l'araigne iusques à ce que tu ayes mis souz la droite ligne de ta reigle le degré souz lequel est le Soleil iceluy iour: ce fait, regarde quelz signes sont par les douze maisons, & par espeeial le signe & degré qui sera sur la ligne de midy, car par iceluy tu pourras aisément domifier. Quand en quelque Astralabe n'y aura maison marquée, auiseras à ton heure que voudras domifier le signe & degré qui sera sur la ligne de midy ayant disposé ton Aranca ou Reth, comme

comme est dit, & apres auoir fait vne figure en papier pour dresser tes douze maisons, escriras dedans l'an & le moys, le iour, l'heure & la minutte, cela fait avec pareilz signes & degrez tu auras trouué sur la ligne de midy de ton Astralabe, t'en viendras aux Ephemerides es tables de ton eleuation, lesquelles tables sont nommées & intitulées *Tabule domorum. 45. gradus latitudinis*, & la courõne sur laquelle feras le caractere du signe ia trouué sur la ligne de midy entreras en ladite table, & souz la colonne troisieme qui est marquée pour la dixiesme maison trouueras pareil degré qu'as trouué sur la ligne de midy de ton Astralabe semblable signe & degré mettras en ta figure sur la ligne de midy laquelle est notée comme pourras veoir pour te seruir. Exemple.

L'an mil cinq cents quarante cinq, le iedy vingt sixiesme iour du moys de Mars à trois heures & demye apres midy heure du Soleil dixiesme mesgale, ie veux dresser la figure celeste pour scauoir par Astronomie la natiuité d'un enfant qui est né dedans Langres: l'ay auisé en mon Astralabe, & ay trouué qu'à trois heures & trente minuttes le huitiesme degré du signe de  $\Pi$  estoit sur la ligne de midy qui est l'angle de la dixiesme maison, & à la table de l'eleuation de quarante cinq degrez ay regardé souz la troisieme colonne, laquelle est marquée pour la dixiesme maison le huitiesme degré du signe de  $\Pi$  lequel m'a monstré que le seiziesme degré du signe de Cancer estoit en l'angle de l'vnzieme maison qui est la ligne de ma figure apres la ligne de midy allant vers la main senestre, car depuis icelle ligne iusques à la ligne de midy, est la dixiesme maison,

son, & tousiours suyuant la droite ligne dedans ma table des Ephemereides, allant vers la main droite comme tu puis veoir.

J'ay trouué mes signes & degrez, j'ay mis en l'angle de la douziésme maison de ma figure le dix-huictiesme degré du signe de Leo, & à sa ligne suy-uante, qui est l'angle de la premiere maison ay mis le douziésme degré du signe de Virgo & iceluy est l'oroscope au degré ascendant & à sa ligne suy-uant qui est l'angle de la deuxiesme maison ay mis le cinquiesme degré du signe de Libra ♎, & le troisiesme degré du signe de Scorpio ♏, à sa ligne suy-uant, est la ligne de minuiet, & le signe & degré de laquelle est oposite à celuy de midy en icelle est mis le degré opolite de ♐ qui est le huitiesme degré du signe de Sagittaire, icelle ligne est l'angle de la quatriésme maison, & tout ce qui est entre ses deux angles, à sçauoir depuis l'angle de la troisiésme maison, auquel est le troisiésme degré de ♏, iusques à l'angle de la quatriésme maison, auquel est le huitiesme degré de Sagittaire ♐ est delà, à la troisiésme maison à quatre degrez pres comme veulent noz Astronomiens, car depuis le degré premier du signe de Scorpius ♏. iusques au troisiésme, & s'il tient la troisiésme maison, & depuis le premier degré de Sagittarius ♐ iusques au quatriésme d'iceluy est de ladite troisiésme maison, mais depuis le quatriésme de ♐, iusques au douziésme degré de Capricorne, ♑ est de la quatriésme maison. Or adoncayant logé le six signes qui sont en la partie Orientale, aux six maisons Orientales, leurs oposites sont en la partie Occidentale, comme le sei-  
ziésme

ziesme degré du signe de Capricorne, ♑ & qui est en l'angle de la cinquième maison, laquelle est opposite de la deuxième. Le dixhuitiesme degré du signe d'Aquarius ♒, lequel est en l'angle de la cinquième maison opposite, & de la douzième, de douze degrés du signe de Pisces ♓. à l'angle de la septième maison opposite, de la première, le cinquième degré du signe d'Aries ♈, à l'angle de la huitième maison opposite de la seconde, & le troisième degré du signe de Taurus ♉, à l'angle de la neuvième maison, laquelle est opposite de la troisième.

Scaches que pour dresser les douze maisons susdites selon l'Astralabe qu'il conuient & est nécessaire d'entrée, conduyre & mettre la petite reigle qui est nommée Aluniri, ou Ostenfor estant dessus la Reth, ou Areine droitement sur l'heure esgale, ou fraction d'icelle du iour que tu veulx eriger tes maisons ou figures sont auant midy, ou apres icelles heures sont insculpées au limbe dudit Astralabe du costé ou gist l'Areine, ce fait meine & conduit le degré du signe, ou est pour ce iour le Soleil estant en ton Reth ou Areine, droitement sur ton reiglet, dit autrement Ostenfor, en sorte qu'il responde esgallement, & soit droit à l'heure ou fraction d'icelle, sur laquelle est posée ladite reigle, & puis dois tenir ferme ton dit Ostenfor, & Reth, & regarde le degré & signe d'iceluy qui touche, & est à l'endroit de ton Orizon oblique, du costé d'Orient, & la est ton ascendant & première maison, & le degré  
& si

# PETIT TRAITE

& signe opposite à iceluy qui gist du bout du costé d'Occident, se fait la septiesme maison, puis regarde le degré & signe qui touchent & sont endroit la ligne de midy, car la est la dixiesme maison, & son degré opposite qui est en bas, à sçauoir le degré & signe estant directement à l'endroit de la ligne de minuiet dit l'anglet de la terre, tu demonstres ta quatriesme maison, & par ainsi as au vray tes quatre angles, ou maisons principales, les autres sont par trop faciles a eriger, comme est demonstré aux Canons par cy deuant escriptz.

Notez que le Soleil est Septentrionnal depuis le premier point & degré d'Aries, iusques au premier point & degré de Libra en passant par Cancer, & depuis le premier point & degré de Libra, iusques au premier point & degré d'Aries, en passant par Capricorne est dit Meridionnal. Item declination dudit Soleil est à dire combien le Soleil est esloigné de l'Equinoctial soit par dedans ledit Equinoctial au par dehors.

**FIN DES TRAITTEZ, DE**  
 clarans les plus nobles & desirées parties de  
 la science Astronomique en général, tres-  
 plaisants & recreatifz, disposez & mis en tel  
 ordre, par Maistre Richard Roussat, Cha-  
 noyne & medecin de Langres.


De l'Imprimerie de Nicolas Chrestien, de-  
 mourant à Paris en la rue Neufue nostre  
 Dame, à l'enseigne de l'escu de France,  
 & a esté acheué d'Imprimer le  
 seiziesme iour d'April.

5552











88







2

RES



